

27. Complément 7 Karten & Kupfer


47



B X 3
a

180243 II

II



He

11
Jan



Ioannes Tebenning sculp.

Chwałkowski

180243
II



Dr. F. Biesiadleckiego
Lwów



1927 b. 59.

AUGUSTISSIMO & INVICTISSIMO
PRINCIPI ac DOMINO

DOMINO
LEOPOLDO I.

ROMANORUM IMPERATORI
SEMPER AUGUSTO, AC GER-
MANIÆ, HUNGARIÆ, BOHEMIÆ, DALMA-
TIÆ, CROATIÆ, SCLAVONIÆ &c. REGI, AR-
CHIDUCI AUSTRIÆ, DUCI BURGUNDIÆ,
BRABANTIÆ, STIRIÆ, CARINTHIÆ, CAR-
NIOLÆ &c. MARCHIONI MORAVIÆ, DUCI
LUCEMBURGIÆ, AC SUPERIORIS & INFE-
RIORIS SILESIÆ, WIRTEMBERGÆ &
TECTÆ, PRINCIPI SVEVIÆ, COMITI
HABSPURGI, TYROLIS, FERRETIS, KY-
BURGI, & GORITIÆ, LANDGRAVIO AL-
SATIÆ, MARCHIONI SACRI ROMANI IM-
PERII, BURGOVIÆ, AC SUPERIORIS & IN-
FERIORIS LUSATIÆ, DOMINO MARCHIÆ SCLA-
VONICÆ, PORTUS NAONIS
& SALINARUM.

Augustissime atq; Invictissime

IMPERATOR,

Domine, Domine Clementissime.



Nondum Orbis Sacri Romani Imperii adoraverat Sacratissimam Cæsaream Regiamque Majestatem Vestram, & jam consilia admittebat Poloniam bello tum implicatam adjuvandi. Maluit Sacratissima Majestas Vestra in consortium periculorum venire, quàm solam Poloniam videre periclitantem. Ita in aleâ belli incertâ certus Sacratissimæ Majestatis Vestræ erga vicinam Gentem amor eluxit. Ita *candorem Austriacum candida Aquila* experta est. Ita *atram* belli

belli nubem *atra* hostibus *Aquila* diffi-
pare juvit. Sed *Fascia* Sacratissimæ
Majestatis Vestræ novo iterum ge-
nere cum Poloniâ se connexit. Pla-
cuit enim & successit à seculis expeti-
ta armorum contra Turcas societas.
Cum ergò Sacratissima Majestas Ve-
stra tot documenta maximi erga Po-
loniam affectus ediderit, animum ce-
pi amatae & amantis Poloniæ *Jus Pu-
blicum* Sacro Nomini Augustissimæ
Majestatis Vestræ humillimè dedica-
re. Non injucundum, credo, erit vi-
dere tot ex Domo suâ Augustissimâ
Reginas, memoriâ recolere tot affini-
tatum vincula, benevolentiae mutuæ
certamina, antiqua novis nexibus
roborata Fœdera. Sed

in publica commoda pecco,
Si longo sermone moror tua tempora
CÆSAR.

Finio

Finio igitur cum voto devotissimo,
ut sub Augustissimo Imperatore,
LEOPOLDO PRIMO prima Im-
perii Occidentis & Orientis redeat
facies!

*Sacratissimæ Cæsareæ Regiæq;
Majestatis Vestræ*

humillimus Servus

Nicolaus de Chwałkowo
Chwałkowski.



JURIS PUBLICI POLONICI LIBER PRIMUS

CAPUT I.

DE ORIGINE JURIS POLONICI, STATUTIS ET CONSTITU- TIONIBUS.

I.

CEntem Polonam à principio nullæ tabulis inscriptæ leges sibi devinctam habuere. Primo Reipublicæ Conditori ac Principi Lecho, jus omne in arbitrio, sed sustentatio à subditis, adeoq; sic major parentium securitas erat. Hoc defuncto duodecim Palatini sumebantur, quorum tamen, uti Decemviralis Romanorum potestas non diu valuit; sed in-

A

Cra-

Cracum cessit, qui cuncta bellis externis civilibusq; fessa, nomine Principis sub Imperium accepit. Quod Regimen (nisi quod ante Præmislum iterum Palatinis non longa contigerit dominatio) ad Miecislaum Primum duravit. Postea à Boleslao I. penes Reges (quæ dignitas post Boleslaum Audacem ducentis & ultra annis omisa in Præmislo II. recepta est) etiam sine legibus scriptis, vel certè sub paucis erat Imperium, donec iisdem Casimirus Magnus ornavit Rempublicam, ut, quemadmodum unus omnibus Rex, ita unum jus esset, *Vislicie Anno 1368.* Induxit iste in Poloniam, vel potius approbavit correxitq; usum juris Teutonici, sublatâ ad Magdeburgense Tribunal appellatione, atq; instituto in Arce Cracoviensi supremo præfati juris dicasterio, deditq; hoc modo Successoribus suis exemplum Regni commodius gubernandi. Meretur ergò numerari inter perpetuos Principes, qui legibus suis etiam post mortem Imperia administrant: non possunt quippe Regna esse diuturna, nisi præsidio legum firmata.

II. Potestas autem condendi & dispensandi jura penes omnes Ordines est, ita ut in Comitibus Nuntii terrestres eadem proponant, Rex cum senatu,

Senatu, si visum fuerit, approbet: de quo accuratius *infra sub tit: de Comitibus.*

III. Olim frequentius **STATUTA**, nunc **CONSTITUTIONES** vocantur. Illa Johannes Lascius Archi-Episcopus Gnesnensis primus jussu Regis Alexandri conscripsit, teste *Starovolscio in Elogiis p.6.* quem Przylusius, Herburtus, Janussovius, Szerbicius, & alii secuti sunt. Antea scribebantur idiomate Latino, ab A. autem 1550. Polonicè leguntur, & non prius vim habent, quàm publicatæ fuerint. Detestanda enim Tyrannis Domiciani, qui data opera in loco editiori quam à populo legi possent, leges proposuit, ne deessent transgressores, in quos posset animadvertere. Antequam verò publici juris fiant, per Mareschallum Ordinis Equestris, & per Deputatos duos vel tres ex Senatorib9 & sex è Nuntiis Terrestribus (qui juxta novissimam legem, Ao. 1678. jurare tenentur) revidentur, post revisionem subscriptæ in præsentia Regiæ Majestatis leguntur, cum interrogatione per Dominos Cancellarios, an Rex, Senatores, & Nuntii Terrestris easdem Sigillo muniri jubeant; quo impresso ad Acta Varsaviensia, & si Lithvanica Comitibus, ad Grodnensia; vel in defectu ejusdem Officii ad Metricam Regni aut Magni Ducatus

Lithvaniæ sub Actu in crastinum post Comitiam porriguntur, *Sigism: III. Anno 1588, & 1613. Johannes Casimirus 1661*, quamvis interdum per duas septimanas & ultra detineantur. Ordinatio autem novissima imponit Mareschalco, ut quarto post valedictionem Regis die constitutiones ad acta castrensia exhibeat. Deinde sumptibus Thesauri, curante aliquo Secretario Regio (quem, si alternata Regni sit, Cancellarius Regni, si vero Lithvanica, Cancellarius Lithvanicus constituit,) Typis mandantur, impressæ cum subscriptione Cancellarii sub Sigillis Regni, vel Magni Ducatus Lithvaniæ, ad Comitiola Relationum, uti etiam ad Officia Castrensia Palatinatum & Terrarum transmittuntur: *Idem Joann: Casim: 1661*. Si quæ secretiora sunt, per Scriptum ad archivum cum subscriptione Archi-Episcopi & Mareschalli Equestris porriguntur.

IV. Omne illud jus, vel est privatum, aut publicum. Illud privatorum utilitatem: hoc Statum Reipublicæ tuetur, cujus Divinâ favente gratiâ ex Statutis & Constitutionibus atq; experientiâ Epitomen conscribere institui.

PRINCIPUM ac REGUM POLONIAE EFFIGIES.



I. LECHUS I. POLO-NAE PRINCEPS. II. CRACUS. III. LECHUS II. IV. VENDA. V. PREMISLA I. LESEUS I. VI. LESCUS II. VII. LESCUS III. VIII. LESCUS IV. IX. POPELLI JUNIOR. X. POPELLI JUNIOR.



XI. PIASTUS. XII. SIEMOVITIUS. XIII. LESCUS. XIV. ZIEMOVITIUS. XV. MIECZISLA I. XVI. BOESLAVS I. PRINCEPS. XVII. MIECZISLA II. XVIII. CASIMIR I. XIX. BOESLAVS II. COGNOMINE AUDAX. XX. VLADISLAUS I. COGNOMINE HERMANNUS.



XXI. BOESLAVS III. CRIVOSTVS. XXII. VLADISLAUS II. XXIII. BOESLAVS IV. COGNOMINE CRISPUS. XXIV. MIECZISLA II. COGNOMINE SENEX. XXV. CASIMIR II. COGNOMINE IUSTUS. XXVI. LESCUS VI. COGNOMINE ALBUS. XXVII. BOESLAVS V. COGNOMINE PUDICUS. XXVIII. LESCUS NIGER. XXIX. HENRICUS PRINCEPS. XXX. PREMISLAUS.



XXXI. VLADISLAUS LOCTICUS. XXXII. WENCESLAUS BOHEMUS. XXXIII. CASIMIRUS MAGNUS. XXXIV. LUDOVICUS UNGARUS. XXXV. HEDWIGIS. XXXVI. VLADISLAUS IAGELLO. XXXVII. VLADISLAUS IAGELLONIDES. XXXVIII. CASIMIRUS IAGELLONIDES. XXXIX. IOHANNES ALBERTUS. XL. ALEXANDER.



XLI. SIGISMUND I. XLII. SIGISMUND II. AUGUSTUS. XLIII. HENRICUS VALESIVS. XLIV. STEPHANVS BATHOREUS. XLV. SIGISMUND DUS III. XLVI. VLADISLAUS IV. XLVII. IOANNES CASIMIRUS. XLVIII. MICHAEL. XLIX. IOANNES III.

THE HISTORY OF THE

REIGN OF
HAROLD GODWINSON
BY
JOHN GILLIAT
OF
THE
MIDDLESEX

CAP. II.

DE TRIBUS STATIBUS ET ORDINIBUS REIPUBLICÆ.

REmpublicam nostram tribus constare Ordinibus, notissimum. Penes Regem Dignitas: penes Senatum Autoritas, penes Nobilitatem, Libertas est.

CAP. III.

DE REGIA MAJESTATE,
UBI DE INTERREGNO, ELECTIONE,
CORONATIONE.

I.

Primus Status Dominus & Caput totius Reipublicæ Rex est; qui ad fastigium Majestatis non defuncti conjunctione, sed liberæ Gentis Electione provehitur. Quamvis verò Regia Domus nihil participet de Imperio, nihilominus participat insigniter de observantiâ, etiam post fata Regnantis. Nulla enim vidit ætas posthabitu Regum sanguinem, quoad in utroq; superesset sexu, quin vel ultra alpes & Maria ad sceptrum quæreretur.

II. Electionis verò occasio emergit morte, Resignatione, seu abdicatione, Depositione, seu Exauguratione, vel quando viventi Succesor destinatur.

III. De MORTE nil nisi hoc subjungo, quod Interregni ejusmodi tempore ex Senatoribus Spiritualibus & secularibus, ut etiam ex Officialibus nonnulli assignentur, qui penes corpus mortui Regis resideant, omnemq; ordinem ac decentiam procurent; hinc Respublica gratam contestando erga manes defuncti Serenissimi Regis Michaelis venerationem memoriamque decrevit, ut ex bonis Oeconomicis sumptus ad Corpus Regium necessarii usq; ad diem sepulturæ ex Thesauro erogarentur, *Confœderatio 1674.*

IV. RESIGNATIO est Libera & ritè peracta potestatis Ducalis, vel Regiæ cessio. Ignotum Principum Aulæ prodigium, ut cùm possint, imperare desistant. *Strada de Bello Belg. Dec. Lib. I.* Si antiquitatis revolvimus Acta, occurrit Vladislaus Lasconogus, qui Lescio VI. Cognomento Albo, ad quem longè ante delatus erat Principatus, summo omnium consensu ultrò cessit. Idem Lescio Albus ante Miecislao Seni, vanis promissis Helenæ, illius Albi Matris animum expugnanti, bis Principatu cesserat. *Ex Neugeb. Hist.*

Hist. Princ. p. 61. & 62. Idem testatur, quod Vladislaus Jagello ab obitu Hedvigis Uxoris suæ ultrò se Regno abdicare ac in Lithvaniam redire voluerit; Sed Proceres ipsum consolati, svaferunt cum Anna Wilhelmi Ciliæ Comitis de Hungaria Filia matrimonium, quod iniit. At Casus illius miri (cujus tristis Spectator fui) memoria, ubi Rex JOANNES CASIMIRUS Anno 1668. Diadema Regni in publico Comitiorum, theatro deposuit, nostræ dedit dolendi & scribendi, venturæ ætati dabit obstupefscendi materiam. Exponebat primò prædictus Serenissimus Rex Dominis Senatoribus, eam ob causam Varsaviam (die 12. Junii) convocatis mentem, suam, de reddendâ Republicâ, quod scilicet compertum esset pluribus in isto confessu, Regiam Majestatem suam ab aliquot jam annis superstitè adhuc Serenissima quondam Regina Ludovica, tum & post ejusdem fata decrevisse se hoc regno abdicare, nullamq; aliam abdicationis moram fuisse, nisi solos duntaxat confœderati militis ausus, bellum Moscovitium, & motus internos, qui præconceptam Majestatis suæ intentionem coercuissent, ne Reipublicæ inter tot turbas & pericula majorem Interregni tempore molem periculorum adderet, Ad præsens
verò

verò cum interna pax & Moscoviticæ coaluerint induciæ, pristinam intentionem suam quam primum ad effectum deducere firmiter constituerit. Senatores magnitudine & novitate rei ac reverentiâ Legum deterriti, nil nisi preces de mutandâ sententiâ interponebant; sed cum perseverantiam propositi in Principe animadvertent, qui volebat, ut Senatus iniret Consilium, non an deberet abdicare, sed quomodo & quibus solemnitatibus, rem integram ad universam Rempublicam referebant. Divulgata itaque notitia est per Provincias à Prazmovio Archi-Episcopo Gnesnensi, Primate Regni, de hoc cunctis & insperato orbandæ Patriæ proposito. Interim non deerant vota Principum Orbis Christiani. In Comitiorum ergò (quibus dies 27. Augusti dictus fuit) exordio, post consveta manus Regiæ oscula, Nuntii Terrestres per Mareschallum suum Stephanum Sarnowski Succamerarium Generalem Palatinatus Lanciciensis Regiæ Majestati turbatos ob dictam innotescentiam, explicabant animos, humillimèq; rogabant, ut Sacra Regia Majestas declarationem suam impertiri dignaretur; Respondebat de Throno Andreas Olszowski Vice-Cancellarius Regni, Episcopus Culmensis & Pomesaniæ, tandem Archi-

chi-Episcopus Gnesnensis (die 29. Aug:) in hunc fortè sensum: Edocta est Sacra Regia Majestas longâ rerum experienciâ, quod res, quæ totius Reipublicæ concernunt interesse, non nisi apud eandem pertractandæ sint. Ideoq; Sacra Regia Majestas, licet suam Dn. Dn. Senatoribus aperuerit mentem, rem tamen integram ad moderna reservavit Comitia, atq; de eâdem, cum maximi sit momenti, Regia Majestas deliberatura est. Circumsteterat interim Palatium publica expectatio magni Secreti impatiens. Altero pòst die idem Vice-Cancellarius gravissimo, uti solebat, habito sermone, indolendo fati personæ suæ, quod ex officio jam teneatur esse duræ Minister fortis, & interpres, formulam de abdicando Regno conceptam & à sæpè memoratâ Majestate sibi concreditam prælegebat. Fundebat ergo (die 3. Septembris) ad Regem, preces Ordo Equestris: jungebat gravem suam Illustrissimus Senatus Auctoritatem. Pia isthæc vota optimum Principem ad contestationem, perennaturi erga Patriam amoris impellebant, quo occupatus victusq; in crastinum differebat declarationem. Hâc per altè memoratum Vice-Cancellarium Regni (die 4. ejusdem) diser-

B

tissimè

tissimè impertitâ, quod scilicet Serenissimus in Consilii semel suscepti constantiâ non ex fastidio regnandi, sed cura æternitatis & fessæ Valetudinis ratione firmatum exponi curret animum, Ordines Regni huic intentioni sese submittentem, accusare fata, non mutare poterant. Nec enim Augustum præ oculis habebant, qui aliquoties de Regno reddendo cogitabat, tandem reputans non sine periculo fore, antequam timere pluralitatem, in retinendo perseveravit. Cùm igitur per aliquot dies ratione provisionis, ne Regem suum tot meritis gravem, à se dimitterent egenum, consultatum & conventum esset, confectis asscurandæ Provisionis & Diplomatum ab utrinq; Reversalium instrumentis, tandem 16. Septembr.

Venit summa dies & ineluctabile tempus.

Cùm enim Serenissimus ex Palatio suburbano frequenti Procerum Comitatu ad Arcem deductus esset, & Sacrum in Basilicâ Sancto Joanni dicatâ audivisset, recipiebat sese ad atrium Senatorium, quod multitudo hominum, visendi cupidine aut officio in Principē compleverat. Ipse postquam sub Throno assederat, Pro-Cancellario Regni ad se vocato, paucis intentionem
suam

suam exponebat, qui nomine ejusdem Majestatis denunciabat, advenisse jam horam, in quâ publicè & solenniter Abdicatio perageretur, atq; ex mente Serenissimi Diploma Abdicationis legeretur. Officio itaq; lectionis fungebatur Reverendissimus Dn. Malachowski, Referendarius Regni, nunc Episcopus Culmensis & Vice-Cancellarius Regni, quem excipiebat supra dictus Mareschallus Equestris prælectione Assécurationis quoad provisionem, scilicet centum & quinquaginta millium florenorum annuatim, & Diplomatis Reversalis Statuum ac Ordinum. Post hæc Diploma Abdicationis à Regiâ Majestate, reversale à Republicâ, Provisionis ab omnib⁹ & singulis personis, tanquam privatis subscribebatur. Quippe Nunzii terrestres, cùm à Rege super prædicta materia in conventibus ante Comitibus nihil propositum fuerit, nullo de provisione articulo instructi erant, rati habitionem itaq; ad Palatinatus suos referebant, quæ deinde Pactis conventis Succedanei Regis D. Michaelis inserta est. His actis Serenissimus Diplomata Electionis & Coronationis rubro involuta Serico, Reipublicæ, à quâ ante viginti ferè annos acceperat, redhibebat, atque sic valedicturus mor-

stum ordiebatur sermonem, adeò, ut crebris cum lachrymis brevius dixerit. Magna enim, mœroris eloquentia est, facundum esse solis gemitibus.

— — — Stupuerè omnes tentamina tanta
Conatusq; novos! — — —

Sermo autem ille gemente totâ Republicâ prolatus, hujus erat tenoris:

Quando jam iam elabitur hora, ut amoris paterni debitum à ducentis octuaginta annis Pupillæ Domus meæ huic inclytæ Reipublicæ exsolvam, Comitibus & Castris defessus, Calamitatibus per annos viginti fractus Rex & Pater, quod mundo pretiosissimum est, coronam in manus Dominationum Vestrarum deponam, pro Throno Torum eligo, dum huic seculo funeris mei superstes emorior, pro Regali Globo glebam terræ, eamque in sinu charissimæ Matris communis vestræ meæq; Patriæ intra cineres Majorum meorum mihi reservo, ut quemadmodum me primum in Castris ac ultimum ex præliis & clade vidistis, ita in Annalibus primum ob amorem Patriæ augendæq; ejusdem fortune, humana postponentem, Majestatemq; Regiam dispositioni vestræ reddentem memineritis. Amor vester liberis vocibus huic me Solio imposuit, amor vicissim meus erga vos supremum me utriusq; lineæ heredem liberè dimittit. Monarchæ cæteri Filiis

liis, Fratribus, aut Consanguineis abdicando Coronam tradiderunt. Ego eandem Patriæ carissimæ Reipublicæ ut Pater & Filius reddo, ejusq; amore ex Duce Gregorius, ex Imperante Parens, ex Rege Conciuis fio, ut juniori & Reipublicæ magis proficuo locum concedam, cuius in Electione ut Deus Dominationes Vestras prosperet in solitudine mea negotiorum vacuus Majestatem ejus Sanctam implorabo. Gratias jam igitur vobis pro omnibus Charitatibus, Officiis, susceptis periculis, pro Consiliis, præsidio, & retribuis ago. Si cui ex rationibus Status, vel fatorum quid ingratum accidit, condonet quæso, ipse vicissim omnibus do veniam. Sic tandem ultimum vale singulis dico, & cordi meo vos apprimo, in quo dulcem Vestri memoriam, quoad vixero, circumferam. Benedictionem insuper Paternam omnibus & singulis imperio, & quanquam distantia loci disjunctus fuero, animo certè à communi Matre nunquam divellar, in quâ corpus hoc in cineres olim resolutum deponi desidero. Et cum labilis memoria ac luctus in lachrymas effusus plura effari non permittat, uberiora amoris & candoris mei argumenta ex charta hac, quam ad prælegendam trado, intelligetis;

Jam dudum est hoc meum interruptum boni publici & tam valetudinis quam conscientie meæ rationibus innixum propositum, Coronam hanc à Dominationibus ve-

stris capiti meo impositam, & à tot annis per Antecessores meos possessam, in manus, & ad liberam dispositionem Dominationum Vestrarum solenni reddere Abdicatione. A primâ meâ, quam mihi amor dictavit in Comitibus Anni 1661. declaratione, semper in me reposita, mansit opinio, quod debuerim Reipublicæ consulere, ut me vivente anteverterentur pericula illa, quibus inopinatum Inter Regnum ex fundamento eandem movere & turbare posset. Prestolatus sum tantum ejusmodi, uti nunc sunt tempora, quando Resp: à Confœderatione militari, turbis internis bello Moscovitico pacata commodè & sine distractione sibi consulere, & liberæ vacare Electioni potest. Adducit me ad hanc Abdicationem cura salutis æternæ, quam, uti quilibet contemptu terrenorum sibi conciliare tenetur, ita difficilius mihi foret in Throno eandem parare, si abrogatione dignitatis memet humilians, & ex altissima fortuna & Regiis incommodatibus exuens, mihi ipsi atq; animæ meæ reliquos dies non impenderem; Sed non minus ad istud me impellit, amor erga hanc Patriam & Dominationes Vestras, quem tam difficili & insolido modo testari volo. Sentio me ætate & valetudine infirmum, pressumq; laboribus continuis & consultationibus atq; Castris fractum, ut vires meæ curis regnandi non valeant sufficere, malo itaq; me ipsum exinanire, quò ad publica commoda Dominationum

num Vestrarum juniori, & capaciōri Successōri fores
aperiam, quando Dominationes Vestrae Adjutorem mi-
hi adsciscere & adoptare noluerunt; Quippe video, quod
sinceræ intentiones meae sinistrè explicatæ, & suspicio-
nibus quasi minus liberæ Electiōis oneratae, aliter non
possint justificari, & Respublica hac opinione turbata
aliter pacificata esse nequeat, nisi per hoc documentum
amoris mei, quando quilibet animadvertit, quod libera
manebit Reipublicæ electiō, quod ego deponens Diadema
solvo metu timentes gratis, ac si illud peregrino capiti
imponere cogitaverim. Magis ergo in hoc operatur
apud me ratio publicæ quietis & amoris erga Domina-
tiones Vestras, quam commoditatis quietis propriæ &
privati boni consideratio, pro quibus, quàm moderatè
me habeam, satis ostendit Actus hodiernus, dum iisdem
quicquid mundo est charissimum charitati Reipublicæ
posthabeo. Protestor coram Deo, quòd per hanc Abdi-
cationem, nullum præjudiciū libertatis Dominationum
Vestrarum, nec facio, nec video, sed potius ita existi-
mo, me per apertum Interregnum viam ad augmentum
eidem parare. Quod ergò faustum felixq; sit huic Rei-
publicæ, & mihi apud Deum meritorium, atq; apud uni-
versum Orbem gloriosum, jam maturâ præmissâ delibe-
ratione sanus mente & corpore, liberè, non coactus, Dia-
dema, Sceptrum, Regimen, & Regnum, uti mihi est in
Electiōe

*Electiōe delatum, & in Coronatione confirmatum, cum omnibus quæcunq; Majestati & juribus Regum Polonorum & Magnorum Ducum Lithvanie ab antiquo competunt, nihil sibi, nec alicuicuidam reservans, in manus Senatus, Nobilitatis, & omnium Ordinum utriusq; Gentis ab dico, restituo, reddo, & omni meliori modo formâq; resigno, omnes Ordines & quemlibet in specie fidelitatis juramento, aut quovis alio præstito solvo, & ab omni subjectione & obligatione subditos sive Vassallos mitto & absolvo. Duces etiam Brandenburgicum, & Curlandie ab homagio & reliquis obligationibus pro meo interesse tutos & liberos pronuntio. Quod non tantum hæc meâ vivâ voce, sed & Diplomate solenni, in manus Reipublicæ tradito, confirmo & ratifico, atq; Diploma Electionis meæ 1648. authenticum & Originale, restituo, reddoq; casso, & annihilo. Impertior auctu liberrimam facultatem Domino Archi-Episcopo declarandi Inter Regni toti Reipublicæ, procedendi ad liberrimam Electionem Regis novi, eundemq; eligendi & Coronandi, simul declaro & promitto, quod non tantum nullo modo impediam futuram Electionem Regnaturi, sed deniq; ad Confutationem qui venditabant, ac si cum aliquo de Regno transsegissem, nullum Candidatum Dominationibus Vestris proponam, vel recommendabo, atq; ab hinc in persona ab actibus Convocationis & Electionis me-
reci-*

recipiam, absensq; ero. Teneor insuper ex conscientia præcavere atq; rogare Dominationes Vestras, ne ququam hujus Consilii velint invidia onerare. Omnes Potestates externæ me rogarunt, & ad hoc usque momentum me flagrantissimè rogant, ut hoc Consilium mutem, Civibus autem me oportet cum gratâ recordatione amoris erga me præbere testimonium, quod nemo illorum inventus fuerit, qui laudaret, multò minùs svaderet Abdicationem, quæ quod sit opus manus Domini & Vocationis meæ necessitas, inde apparet, dum totius mundi improbatio mihi eandem ex corde avellere non valuit. Et sicut in hoc toto negotio nemo de charitate meâ erga hanc Rempublîcâ dubitare potest, ita & ego vicissim fidenter de Dominationum Vestrarum amore mihi polliceor fore, ut pro substantia mea, Statui meo, atq; Honori Reipublicæ condigna, reservados per me à supra dicta Abdicatione ejusq; pronunciatione exceptos redditus, hoc est, Oeconomiam integram Marieburgensem centum millia reddituum, ex salis fodinis Vielicensibus, & denuò centum millia ex Vectigalibus Regni & Rusiæ, ad mensam Regiam spectantia, in Lithvaniâ, Grodno, Sokol, & vectigalia, uti possidebantur, ut mihi à futuro Principe præstentur, per Pacta conventa caveatis. Per quod nihil de pane benè meritorum decedet. Reditus ex Oeconomiiis omnibus, Sceptro vacante, ut ad me quoq; ordinario modo perveniant.

niant per totum InterRegnum, mihi plenariè reservo. Erit hoc gratitudinis Dominationum Vestrarum erga me, (ut rogo) documentum, quando futuro Regnanti in Capitulatione exsolutionem meorum meaq; Domus debitorum commendabunt. Utrumq; hoc à Dominationibus Vestris impetrabit Domus Jagellonica tam beneficium à ducentis annis regimen, sub cuius propensione erga hanc Rempublicam libertates illius notabiliter creverunt. Valedico itaq; paterna corde Dominationib; Vestris ex Throno decedens, orans ut Dominationes Vestrae hanc paternam & omnes charitates superantem intentionem meam gratè excipere, & sincerè interpretari velint. Grati-
as ago Dominationibus Vestris pro conservatione fidelitatis, & subjectionis, quam difficillimis temporibus constanter expertus sum. Puto quòd nemo de Regimine meo conqueri possit. Si quid tamen alicui in administratione nostra minùs placuerit, rogo ut hoc fragilitati, à quâ Diadema non liberat homines, & rationibus Status, quæ cum privatis utilitatibus non semper conveniunt condonet. Tandem uti amorem erga hanc Rempublicam cum Regali paludamento non exuo, ita Dominum Deum oro, & ardentius solutis curis orabo, ut Dominationibus Vestris ejusmodi suppeditet consilia, quibus per brevem terminum Interregni, & erectionem digni in Thronum Regnantis, exteræ & malevolas prævertero factiones, fines
defen-

defensos tutosq. habere, internam tranquillitatem, & solidam unanimitatem inducere possint.

Recitanti verò eandem mente divina & affectu Paterno conceptam orationē Reverendissimo Dn. Vice-Cancellario multæ lachrymæ multas injiciebant moras. Postea memoratus Archi-Episcopus Gnesnensis nomine universi Senatus, præ dolore sedes suas deferentis, & toto habitæ Orationis tempore stantis, gratiarum actione fungebatur, dexteramq; Regis ad ejusdem genua advolutus flens osculabatur. Cujus sequendo exemplum Ordo Senatorius:

It lachrymans, magnoq; humectat flumine
vultum.

Porrò etiam Mareschallus nomine Ordinis Equestris devotionem magnâ condolentiâ profitebatur, rogando, ne Sacra Regia Majestas dedignaretur innatum erga communem Patriam mutare affectum, juxtaq; promittendo gratam populi erga Principem observantiam, atq; sic cum regnare desinenti finis sermonum erat gratiarum actio. Tandem huic Abdicationi coronidem imposuit sæpè dictus Pro-Cancellarius, vices Regiæ Majestatis gravi Oratione suscipiens, atq; in tesseram perpetui & immutabilis affectus

gratiosam manum Regiam offerens, quam Nuntii terrestres supremis venerabantur osculis. His ita peractis, Serenissimus Thronum, tantæ fastigium fortunæ, relinquebat. Eheu! exclamare licet:

Ponitur hic imos ante, corona, pedes. Abeuntem Regem Dn. Dn. Senatores atq; Officiales de more comitari volebant, sed Serenissimus veluti jam ex fortuna Regia discedens in mores vitamq; privati, renuebat hunc sibi honorem exhiberi, quem nihilominus omni cum observantiâ præstabant. Rex itaq; magnâ prosequentium multitudine ad Palatium suburbicum deducebatur. Circa materiam Abdicacionis non abs re erit annotare, quod deliberatum fuerit, quâ autoritate superius allegata Diplomata omnesq; alii actus deberent confirmari. Archi-Episcopo videbatur, quod sub titulo Actuum Interregni cum præliminaria Comitiorum deficerent, & in hac re nulla instructio ad Conventus particulares transmissa fuerit. Sendomirienses verò Nuntii sentiebant, quod omnes Actus, non aliâ nisi Comitiali Autoritate possent approbari. Cum Acta inter Regni à Successore robur suum acciperent, Abdicatio verò ex nunc
per

per Consensum Reipublicæ rati haberetur. Quicquid verò Solennitatibus Comitiorum deesset, illud Respublica ex plenâ potestate in hoc casu extraordinario, unanimi assensu supplere posset. Conclufum itaq; est, ut per Constitutionem sub titulo Abdicationis, præfati actus volumini legum inserantur. Magnanimus iste Rex postquam in Comitatu suo Zivecensi intellexerat, quem sibi Successorem vox Dei liberiq; populi designasset, Regni fines, ut antea fasces, reliquit, atq; in Galliam discessit. Ubi intra quadriennium Niverniæ scilicet XVI. Decembr. Ao. M DC LXXII. Charitati Patriæ (cui ob illatam Cameneciæ cladē illacrymavit) immortalis est. Cum ergo Serenissimus Rex Michael certior redderetur, Patrem & Fratrem suum (ita literas ad eundem inscribere solebat) pro terrestri Corona, quam deposuerat, cœlestem accepisse, iussit honori ac memoriæ antecessoris sui die, XVIII. Februarii Anno M DC LXXIII. exequias celebrare, quibus magnus ille erga defunctum amore Olszovius, pium impendit sermonem, atq; ita ut olim regnare, tunc vivere desinentis, vox factus est.

Quoniam autem huic officio Parentali frequentia comitialis adfuit, venit mi-

hi in mentem memoranda dictio Metelli Macedonici, quâ denunciata morte Scipionis Æmilianî, Filios suos cohortatus est: Ite Filii, celebrate exequias, nunquam majoris concivis (ita se noster in Oratione Abdicatoriâ vocabat) funus videbitis. Caducam quidem mortalitatem in Gallia explevit, resurrectionem autem ad immortalitatem inter cineres majorum suorum in Poloniâ expectare maluit, uti ex laudatâ Oratione bis elucescit. Ergo tantummodò fatum morientis invidere Patriæ ossa voluit, non autem effatum viventis; cujus glorioso desiderio laudatus Olszowski, atq; Episcopus Cracoviensis Trzebicki, velificantes, ut gratam erga Dominum suum olim clementissimum monstrarent Orbi memoriam devotionemqve, Autoritate S. R. Majestatis, nunc feliciter sceptrâ tenentis, per Illustrem Dominum Opacki, Succamerarium Varsaviensem, altè memorati Regis urnam publicis exequiis monumentisq; ornandam adduci è Gallia curarunt. Præfatus etiam Episcopus Cracoviensis laudationem funebrem Serenissimo Joanni Casimiro, nec non Regi Michaëli Anno 1676. die 31. Januarii dixit, typoq; vulgavit. Hic breviter addo observationem, quòd duo
Casi-

Casimiri, prius Religiosam quàm Regiam vitam probaverint: Casimirus I. & Casimirus noster Abdicans; ille in Monasterio Gallico Cluniacensi jam Diaconus erat; hic per biennium Jesuita, & antequam perseverantiam in eo statu professus esset, ab Innocentio X. Papa in numerum Cardinalium cooptatus: ille ex Gallia rediit, cum in Poloniâ vellet, hic in Galliam abiit, cum nollet regnare, ubi Abbatias S. Germani & Fecanensem aliasque obtinuit.

Ut tandem materiam de Abdicatione, quam ob raritatem prolixius exhibui, concludam, adjungo Jus Publicum ex eâdem ortum. Nam cum Novitas in Republicâ non possit esse sine periculo & magnâ revolutione, insertus est Pactis conventis Serenissimi Regis Michaelis de non abdicando Articulus, qui tamen in novissima capitulatione omissus.

V. DEPOSITIO sive EXAUGURATIO est Ducalis vel Regiæ Dignitatis coacta Abdicatio. Lechus II. Craci Filius detecto parricidio (Fratrem enim natu majorem Cracum, quem sibi ad Principatum obtinendum obstaculo esse non ignorabat, specie venandi incautum obtruncavit) Imperio exutus pulsusq; in exilium est.

est. Miecislaus III. cognomento Senex bis est Principatu deturbatus, & tertio eum adeptus. Sic etiam Vladislao Loctico, quia boni Principis munia neglexit, Regnum abrogatur, sed tamen post mortem Venceslai redditur. Singulare adhuc restat exemplum Henrici Valesii, cui, postquam ille in Poloniâ ad quintum usq; mensem regnasset, atq; de Regis Galliæ Caroli IX. Fratris sui morte certior erat factus; pugna in mente eximia orta est adoptivi Regni & nativi, amor Patriæ nutantem impulit, & quærenda Gallia jam inventam Poloniam vicit: Sic à pumilione seu parvo homine (dicto Krasocki) ad Regnum propositus, parvo tempore eidem præfuit. Rem gestam ex Antonio Gratiano à Burgo de vitâ Commendoni Cardinalis, & Pontificii tunc in Poloniâ Legati ob raritatem & styli elegantiam hîc adscribo: *Henricus ad Regnum, quod ei summis omnium ordinum studiis est delatum, penè, per jocum à paucis est accersitus; affirmari certè potest nemini ante cognitum, visumve eorum, à quibus expetitus, creatusq; Rex fuit; Venerat fortè in Poloniam è Gallia pumilio quidam polonus natione, ac natus etiam honestè, (Krasoscio nomen fuit) qui adolescentulus rarâ parvitate in Galliam abductus, dono datus Regine, diu*
inter

inter oblectamenta Regum fuerat: scitus ipse, & ingenio solertior, callidiorq; quam pro modo Corporis, ita rem suam naviter egit, ut pecuniosus, & locuples paucis annis evaserit. Senex factus revivere Patriam, suosq; agnoscere, agnosciquē cupiens, in Poloniam, vivo adhuc Augusto, redierat, multaq; ut fit, de Regia Gallie, de Regni opibus, de Rege, deq; Henrico tum fortē Regis fratris exercitus Gallie, secundā bellicæ laudis famā ductante, magnificē omnibus Conviviis, quibus sæpē à proceribus adhibebatur, prædicabat, & mortuo demum Augusto, cum omnibus propē sermonibus de futuro Rege quæreretur, palam ut Henricum sibi Regem asciscerent, omnes sollicitabat; donec Andreæ Sborovii instinctu ab aliquot Nobilitatis Principibus, qui consilia cum Sboroviiis sociaverant, in Galliam est missus, & datis ad Regem, Henricumq; literis, quibus operam pollicebantur, ire properē, eosq; ad mittendos Legatos, qui peterent Henrico Regnum, adhortari est jussus. Nec homunculus defuit rei, nec Reges, aut Nuncium, aut Nuncii auctores spervere. Illo igitur eadem celeritate, quā venerat ad Polonos redire, & adsuturos in tempore Legatos renunciare jussu, haud segniter Galli negotio insisterunt. Ut verò suam erga Electum & Coronatum probarent constantiam, repetebant observantiū absentem sibi Regem Poloni, ideoq; die XII. Maji

D

Anno

Anno 1574. (pro quo die Comitia magna decreta erant) per literas fidei plenissimas statuebant eundem expectaturi, sin minus obedientiam & fidem datam renunciaturi. Sed cum mora ex mora (cujus damna periclitans Sarmatia ferre non poterat) neceretur, tandem præfixâ Comitiorum die VII. Novemb: Poloni salutem Patriæ pro suprema habentes Lege, novæ se Electioni, quod corpus immensum sine Rectore stare ac librari non posset, accinxerunt. Quæ ante & circa Electionem Henrici in Reginine & post discessum ejus acta sint, *Maximilianus Fredro* Castellanus Leopoliensis, tandem *Palarinus* Podoliæ, & stylo & rebus gravis Autor, descripsit.

VI. Superest adhuc una InterRegni occasio, quando scilicet VIVENTI REGI SUCCESSOR destinatur, id quod in Regno Electio magis exemplo quam jure contingit, ideoq; consensus Ordinum requiritur. Ita Ludovicum Hungariæ Regem, Casimirus Magnus sibi Successorem constituit. Vladislaus etiam Jagello, licet non sine magnis difficultatibus perfecit, ut filius ejusdem, Vladislaus Jagellonides Successor designatus fuerit. Ita Sigismundum Augustum,

stum, Patre vivente Regē nominatū, & decimo
duntaxat ætatis anno Cracoviæ Sacro Diademate
solenniter coronatum esse legimus, iis tamen
conditionibus, ut à curis Regni abstineret, &
quando sive vivo Patre, sive post mortem ejus-
dem, ad ætatem legitimam, hoc est ad annos
quindecim completos pervenerit, jura omnia
confirmaret, & ne per hoc exemplum liberæ
deinceps Electioni aliquid derogaretur. Quo
de Serenissimus Parens per diplomata Cracoviæ
Anno M D XXX. & Petricoviæ M D XXXVIII.
data cavit decrevitque. Post discessum dicti
Regis Sigismundi Augusti Ordines Regni in Co-
mitiis Varsaviensibus, antiquioribus sub truti-
nam missis legibus, expressè prohibuerunt, ne
Reges vitæ suæ tempore nominarent Successo-
rem, aut Electionem indicerent, vel quempiam
aliud modum designandi Regis tentarent, ut
nimirum liberæ Genti illæsa semper foret eli-
gendi Regis facultas, quam ferventissimo zelo,
ut pupillam oculi semper tueri solita. Stephe-
nus Anno M D LXXVI. it. M D XCIII. & Joann:
Casimirus M DCLXVII. Quapropter Titulis
etiam hæredum Reges sese abdicarunt, neque
iis utuntur; Constitutione 1564. it. 1576. Sigism.

III. Anno 1593. Idem in Capirulatione Michaëlis, & Joannis III. continetur, ubi Reges jurârunt, se intactum & illibatum jus illud Cardinale Genti Polonæ ac Lithvanæ servaturos.

VII. Postquam ergò emergentis InterRegni occasiones induxi, superest de ipso InterRegni Statu agere. Ubi sciendum, quod illud Archi-Episcopus Gnesnensis moderetur, qui etiam tunc, quando Reges extra fines profecti fuerint, ut cùm Henricus altè memoratus in Galliam, Sigismundus III. in Sveciam discessissent, officii sui partes exercet. Quomodo se, si Rex à vero juris tramite abit, gerere debeat, exhibet *Fredro in Historia Henr. & Piasec*: Anno 1590. allegat exemplum. Prudentissimè autem (ut rectè censet Carncovius) à majoribus nostris Regni Primatus institutus est, nempe quod non plures, sed unus sit non solum actionum publicarum Dux & Autor, verùm etiam sententiarum determinator ac definitor omnium. Is autem ideo Sacerdotalis est Ordinis, quod in Sacerdotem Regni affectati suspicio cadere non potest: dictus *Carncovius Epistol. Viror. Illustr.* Hic itaque Ordines Reipublicæ per diploma ex Cancellaria sua de morte Principis certiores reddit, Conventus

ventus particulares & Consilium Generale seu Convocationem indicit. Hic notandum, quod Nuntii Terrestres facti, & Senatui Depuratos ex tribus Gentibus denunciata Electione Mareschalli, ad requisitionem Inter Regis conclavi conjungant, & in Senatorio ejusdem propositionem audiant, ubi deinde Confoederationis vinculum, sub fide, honore & conscientiis reintegratur, atque interna & externa securitas prospicitur, & si necessitas svaserit, de rebus etiam aliis verbi gratia de stipendiis militum, tractatur. Præcipua etiam cura circa Cracoviam geritur, non tantum ideo, quia pretiosa Regni ibi asservantur, sed etiam propter majorem securitatem, si circa electionem oborta fuerit scissio, ne ista urbs capta, totius captura & præda sit.

VIII. Si fuerit Regina Vidua, tunc Archiepiscopus cum Senatoribus & Mareschallus Equestris cum Nuntiis Terrestribus moerorem suum de morte Regis exponunt. Quæ venerario etiam Serenissimæ Reginae Eleonoræ solenniter exhibebatur.

IX. Post mortem Ludovici Regis Anno 1387. exemplum Confoederationis primum, quæ Po-

D 3

lono-

lonorum idiomate Kaptur dicitur, translato nomine à tegumento quodam capitis vulgo Kaptur appellatur, quod videlicet ejusmodi Confederatione veluti tegumento quodam, periculoso InterRegni tempore, perinde ac galeâ quâdam Reipublicæ Caput protegatur. Extat in Statuto *Prilus: lib. I. cap. I. artic. 2. fol. 6* vid. *Dresnerus lib. I. Institutionum Jur. Reg. Pol. tit. 9. p. 22.*

X. Hinc Judicia, quæ sub tempus InterRegni ab Innotescentiâ publicatâ celebrantur, Capturalia vocantur, silentibus Ordinariis omnibus post denunciatorias Archi-Episcopi, excepto, quod propter majorem Ordinem & Securitatem circa corpus mortui Regis Dominis Marefchallis solitam Jurisdictionem usq; ad Electionem reassumere & exequi committatur, *per Confederationem Anni 1674. p. 21.* Judices autem ad Judicia Capturalia in Conventibus particularibus eliguntur, atq; ad præstandum Juramentum super justè judicando, rotâ Juramenti Tribunalitii obligantur, *dict. Confederatio. p. 6. 7.* Huc autem non pertinent actiones, quæ ante InterRegnum, vel ad Tribunal, vel post Curiam Regiam, vel ad quodcunq; aliud Judicium intentatæ fuerunt, sed tantum modo, quæ à die
mortis

mortis Regiæ usq; ad Coronationem futuri Regnantis interveniunt, & quidem actiones criminis, facti violenti, & personalis injuriæ, videatur. *Confœderatio Loc. cit.* Tribus verò septimanis ante, & post Comitiam Electionis, à Judiciis præfatis supersedere tenentur. Stantibus autem Comitibus Warfaviæ per Deputatos utriusq; Gentis Generale componitur Judicium, de quo infra.

XI. Dicto Archi-Episcopo tanquam Primati in tali termino Reipublicæ ad subitos casus ex utroq; Ordine Gentis utriusq; certæ personæ adjunguntur, ut maturo Consilio & auxilio, vel ore tenus, vel per literas assistentiam præbeant, ne quid Respublica detrimenti capiat. Graviora verò & Statum Reipublicæ, animamque Interigni concernentia, ad Electionem pro decisione Ordinum reservanda sunt. *Confœderat. Anno 1668. & novissim: Anno 1674. p. 14. & 15.*

XII. Nec minus ad Exercituum Duces ex Senatorio & Equestri Ordine nonnulli deputantur, ut Consilia bellica maturè & dextrè possint peragi. *Confœderat. 1674. p. 16.*

XIII. Notandum etiam, quod tempore InterRegni ad octo illos Senatores, sub quorum Sigillis & Clavibus Thesaurus asservatur, multi
alii

alii ad revidendum Thesaurum, tam ubi insignia, quam ubi Archiva Regni deposita sunt, deputantur, ut juxta Inventarium conscribant Regestrum in Comitibus Coronationis producendum. *Confœderat: 1674. p. 12.*

XIV. Nominantur etiam ad Revisionem, Oeconomiarum & Bonorum Mensæ Regiæ Commissarii, qui de Statu reddituum tenentur sub tempore Electionis informare Rempublicam. *Confœderat. 1674. p. 16.*

XV. Cum mortuo Rege penes Ordinem, Senatorium & Equestrem jus Majestaticum remaneat, ab Externis Principibus titulum Serenissimæ Reipublicæ requirunt. Ne autem eorundem Ministri Varsoviæ tunc resideant, caveri *Confœderat: Anno 1668. & Anno 1674. p. 15.*

XVI. His ita provisus dies futuræ Electioni præfigitur, atque Ordinibus, & illis, quæ jure Electorali gaudent, Civitatibus indicitur, ac terminus, quamdiu debeant durare Comitatus, assignatur, & si opus sit, prolongatur.

XVII. Quando ergo lux optata advenit, à Summo Principe in Templo Sancto Joanni dicata, sumunt principium, ac postea Ordo Equestris in campo patenti, propè Warsaviam & Vil-

lam

Iam Wola, ac locum circumvallatum, tribusq; portis, Orientali, pro majori, Meridionali, pro minori Polonia, Occidentali, pro Lithvania pervium congregatur, ubi eligunt Mareschallum, per pluralitatem votorum, ad quæ tunc omnis Nobilis concurrere potest, ideoq; ad facilitanda eadem, Anno 1669. adhibebatur methodus, ut singuli ex quolibet Palatinatu ad aliquot passus rotam intrarent. Quanta enim illo tempore suffragantium multitudo fuerit, inde patet, quòd, licet Illustris Dominus Joannes Comes de Odrowąz Pieniądzek, Capitaneus Osvecimensis, sexcentos & decem pro se habuerit calculos, Illustr: Dominus Felix Potocius Subdapifer Regni, nunc Palatinus Siradiensis, eundem majori numero vicerit, quippe vota octingenta octuaginta & unum pro ipso militabant. Postquam itaq; Ordo Equestris Directorem sibi elegit, & per juramentum, (uti in duabus proximè peractis Electionibus observatum est) obligavit, ad Illustrissimum Senatum (qui sub tentorio lignis extructo, Polonicè Szopa commoratur) admittitur. Ubi præmissà, orẽ Mareschalli, Salutatione, ab Archi-Episcopo Gnesnensi

E

Inter-

Inter Rege fit propositio, ac Dominorum Senatorum consulta excipiuntur.

XVIII. Deinde ad Securitatem Actus illius Judicium Generale Capturale constituitur, quod cum Mareschallis utriusq; Gentis tres Deputati ex Senatu, scilicet ex qualibet Gente unus, & duodecim ex Ordine Equestri, præstito prius in facie Reipublicæ flexis genibus juramento, exercent, cessantibus interim ubiq; particularibus judiciis capturalibus. Circa Deputatos ex Ordine Equestri denominandos in Inter Regno Ao. 1669. interpellabatur Mareschallus à nonnullis, qui volebant, ut Deputati æquè, ac Mareschallus, per calculos eligerentur, provocando ad legem scriptam, quæ jubet, ut Deputati, nemine contradicente, eligantur. Quæ tamen verba Director ita interpretabatur, quòd post denominationem cuilibet liberum esset, contra hunc, vel illum Deputatum, legitimam inferre exceptionem. Quâ ratione pervicit, ut solus, more antiquo, præfatos Judices constituerit, hâc tamen cautelâ, ne ex uno Palatinatu plures, neve absentes eligeret. Decreta autem præfati Judicii Generalis, Notarius Terrestris Varsaviensis, præmissis super Secreta non revelanda jurejurans,

jurando, sine facultate tamen ferendæ Sententiæ, connotat. *Videantur Acta Elect.*

XIX. Ante Electionem etiam jubet Lex, ut prius exorbitantiæ discutiantur, & vulnera Reipublicæ sanentur. *Confæderat. Anni 1674. p. 9.* Transfertur autem hoc negotium ex Campo ad Capitolium, & tractatur per Deputatos ex utroq; Ordine singularum gentium, qui matutinis horis in Arce Varsaviensi congregantur, ut etiam à meridie Conventui Generali extra Civitatem interesse possint. Sed cùm hoc sit opus arduum & odiosum, operas inanes facit. Nam Anno 1632. certa exorbitantiarum puncta jam erant trutinata, non tamen typo, sed tantùm Castro Varsaviensi tradebantur. Sub InterRegno etiam post Abdicationem Joannis Casimiri jam erant literis excussæ, quæ tamen mox suppressæbantur. Interea variorum Principum, præcipuè Candidatorum Regni, Legati apud Serenissimam Rempublicam audiuntur, de quibus notandum, quod non debeant in personâ Varsaviam appropinquare, sed adventum Reverendissimo Domino Primati denunciare, ut cuilibet subsistentiam assignet, & Residentes ex Ordine Nobilitatis, ne factionibus indulgeant,

adjungat. *Confœderat. Anno 1668. & 1674. p. 15.* Quando ad Audientiam admittendi sunt, mittitur ipsis obviam rheda Archi-Episcopalis, quam aliorum etiam Procerum currus stipant, ubi propè locum Electionis advenerint, à Mareschalco & Deputatis ex Ordine utroq; per gentes, in rotam Equestrem, quorsum Senatus sese tunc confert, introducuntur. Pontificis Romani Legatum non modò seculares, sed etiam aliquot Episcopi introducunt, rotam ingresso Archi-Episcopus è curuli surgens ad duos passus it obviam, locumq; inter se & proximum sibi Episcopum tribuit, aliis verò Legatis inter Mareschallos locus assignatur. Ablegatis Celsissimi Ducis Curlandiæ per Mareschallum Equestrem introductis, à dextero latere, inter Palatinatus Prusiæ locus conceditur. Literas fidei seu Credentiales ad Senatum Secretarius Regni Major vel Referendarius, ad Equites verò Mareschallus eorundem prælegit. Legatis respondet Archi-Episcopus nomine Senatus, Mareschallus nomine Nobilitatis.

XX. Quicunq; autem Sponsam hanc pro-cantur, & de aureo Regni Pomo decertant, à loco & confessu Electionis abesse tenentur, jux-
ta

ta Constitut: 1633. p. 13. Hanc tamen provisionem mirabilis Deus tam in Electione Serenissimi Regis Michaëlis gloriosæ memoriæ, quàm in novissima Serenissimi Joannis III. feliciter Regnantis dispensavit, eligendos in occulto tenens medios inter Electores. Quippe famâ, spe, veneratione potius alii destinabantur Imperio. Occasionem verò isti Legi condendæ dedit Vladislaus IV. qui post fata Sigismundi III. paulò post Conventum inchoatum Varsaviam, ægrè id ferentibus Ordinibus (licet Primarii quippe appropinquanti obviam processerint) advenit. *Piascius sub Anno 1632.* Antiquiustamen illud obtinuisse apparet inde, quòd, cum tempore Inter Regni ante electum Henricum Regem aliquot nominarentur Piasci, Zamoysciustunc Capitaneus Belzensis efflagitaverit, ut se omnes isti Piasci suscepturine essent Regnum, si ita Deo visum fuerit, publicè declararent, si id facerent, Castris ab urbe excederent, cum illis, qui Regnum ambiunt, Electioni sibi interesse per Leges non licere scirent. *Carnovius in Epistolis Viror. Illustr: lib. 3. ad Hosium Cardinalem.* Paulò aliter rem narrat floridissimus ille de Henrico Valesio Scriptor *Andreas Fredro*: petiisse dictum Zamoy-

E 3

scium,

scium, quoniam externorum Principum & Petitorum Oratoribus absentibus ad dicendas de Rege sententias decurreretur, sic æquum esse, ut abessent Cives, qui Regnum peterent: Si itaq; non de ipsis Petitoribus purpuræ, sed de eorundem Oratoribus locutus est Zamoyscius, salvari potest Sententia Piasecii, quòd, scilicet demùm Vladislaus per præsentiam suam sub tempus Electionis occasionem Legi constituendæ præbuerit. Notandum hîc, quòd divus Joannes Casimirus statim circa propositionem die 12. Junii Anno 1668. factam spontè declaraverit, & postea in Reversalibus circa Abdicationem datis inter cœtera etiam promiserit, se remotius ab Actu & loco Electionis, durante eadem, mansurum.

XXI. Tandem Electores ad opus illud, quo nullum in Polonia majus extat, se accingunt, præstito priùs, uti in Convocatione & Electione ante Serenissimum Regem Michaëlem factum est, jure jurando. Quæ tamen Solennitas in proximo InterRegno omissa est. Antequam verò ad suffragia acceditur, DOMINUM ILLUM, per quem Reges regnant, in Consilium & Auxilium, genua flexi, vocant, intonando Hymnum:

Hymnum: VENI SANCTE SPIRITUS, &c. Tunc Palatinatus quisq; secessu facto, vota sua expedit, ac cum aliis communicat. Quando jam in aliquem Candidatum calculi omnium & singulorum conspirant, Archi-Episcopus Gnesnensis tribus vicibus sonorâ voce quærit, an omnium consensus, an omnibus exorbitantiis satisfactum sit. *Confœderat: Anni 1674. p. 2.* Post datum applausum Regem electum nominat, ac deindè Mareschalli Gentis utriusque eundem promulgant, ac sic deniq; TE DEUM LAUDAMUS cantatur.

XXII. Electus verò, ut omnia Jura, Privilegia & Immunitates, quæ per Pacta Conventa exhibentur, ante nominationem & denunciationem jure jurando approbet, habet *Confœderat: Anni 1668. & dict: 1674. p. 2.* Rex tamen Michaël, uti & modernus Serenissimus Joannes III. aliquot post Nominationem diebus elapsis, in Templo Sancti Joannis ad Altare majus Juramentum præstiterunt, & ab Amplissimis Regni & Magni Ducatus Lithvaniæ Ordinibus Decretum & Diploma Electionis traditum & consignatum receperunt. Si verò Rex electus absens sit, tunc alibi coram Legatis Reipublicæ Juramen-

ramento se obstringit. Ita Sigismundus III. in templo Monasterii Olivenfis propè Gedanum ex Formula ab Ordinibus præscripta, jus iurandum præstitit, atq; Diploma Electionis accepit. *Piasec: in Chron: sub Anno 1587.*

XXIII. Hic notandum, quòd novo Regi Mareschalli caduceos non sublevatos sed submissos præferant, *videatur Piasec. ad Annum 1632.* Literæ etiam ab eodem sub titulo ELECTI REGIS extradi solent, & Sigillo Cameræ muniuntur, olim Sigillo annulari; Nisi quod moderno Regi Sereniss: Joanni III. concessum sit Sigillum Magni Ducatus Lithvaniæ, idque ad ipsam tantum expeditionem Moscoviticam, concessum, quoq; eidem, pro hac vice Generalem expeditionem indicere, & Archi-Episcopum denominare. *Vid. Act: Elect:* Mandata autem sive Citationes ante Coronationem sub Sigillo aliquot terrestri extraduntur. *Vid. Constitut: Anni 1632.* Jura enim Majestatis demùm post Coronationem exercentur, nam eo usq; durat InterRegnum.

XXIV. Destinata Majestati Capita ornare Coronis, mos est antiquus, & Polonis etiam usitatus, delectà ad istum Actum Cracoviâ, cujus Templum Cathedrale à Vladislao Loctico
Anno

Anno 1320. Jure coronandorum Poloniæ Regum, primum dotatum & privilegiatum est; antea enim in loco minimè tuto Gnesnæ coronabantur, ubi etiam Insignia Regni asservabantur. Vladislaus tamen Jagellonides etiam post dictum Privilegium scilicet Anno 1434. Posnaniæ coronatus legitur.

XXV. Ante Coronationis Solennia defuncti Regis funus peragitur. Sic ante Coronationem Serenissimi Joannis III. duorum Antecessorum scilicet, Joannis Casimiri & Michaëlis exequiæ Cracoviæ simul celebrabantur. Quos ad unum eundemq; Thronum Sors Regia evexit, illos mors humana uno eodemq; curru ad sepulturæ locum advexit. Notatu hîc non indignum, quòd ultimi Descendentes Domus Piasceæ & Jagellonica uno tempore fuerint terræ mandati. Dux enim Lignicensis Brigenfis, ex linea Piasceæ Anno 1675. die 30. Januarii, & Joannes Casimirus die 31. ejusd: sepultus est, imò si introitus Serenissimi Regis Joannis III. præfixo die, scilicet 29. ejusdem Cracoviæ effectum suum fuisset sortitus, utriusq; sepulturam præfatus dies 30. Januarii junxisset. Humatur autem prius Rex mortuus, ut Imperaturus, qui Imperantis cernit

F

Sepultu-

Sepulturam, Privilegia mortalitatis & vitæ brevitate noscat. Certè, inter omnes, qui Regimen super populum Dei tenuerunt, nullus est, quàm Rex David, qui septuagesimum exceſſerit annum. Ex Regibus tamen nostris Sigismundus I. ultra octuagesimum vixisse dicitur. Ad exequias redeundo, hîc annoto, quòd Casimirus Magnus 1371. demùm post Coronationem novi Regis scilicet Ludovici sumptuosis admodùm expensis terræ mandatus fuerit. Extant quoq; exempla, ubi Sepultura præcessit Electionem, sic Joannes Albertus electus est in Regem sepulto jam Casimiro III. Jagellonide, & illius exequiæ itidem ante Electionem Alexandri Regis celebratæ sunt. Huic funebri Pompæ Regni, Magniq; Ducatus Lithvaniæ & Palatinatum ac Terrarum Vexilliferi Vexilla præferunt. Ad sunt infulati Episcopi, portatur Corona, Sceptrum, Pomum Aureum, & Gladius. Ad Sepulchrum Officiales sua frangunt Insignia, Mareschalli baculos, Cancellarii Sigilla, & Armigeri hastas.

XXVI. Coronandus, more Regibus Polonorum consuetudo, pedes, rupeculam Casimirianam, vulgari nomine Skalka dictam, Solenni Proces-

Processione visitat, & S. Stanislaum Sczepanovium à Rege Boleslao Audace, dum Sacra perageret, Anno 1079. occisum, deprecatur. Postea ad Arcem revertitur, & in Sacella dicti Stanislai, quæ in Cathedrali Templo est, reliquias ejusdem, argentea tumbâ reconditas, veneratur, eum in finem, ut Deus Sangvinis innocenter effusi poenam, à Rege Regnoq; avertere dignetur, exemplo Davidis ob cædem Abneri, 2. *Samuelis* 3. *versu* 28. Deindè, ut Reges in principio statim ab effusione sangvinis abominationem, capiant, nec potestate suâ ad oppressionem unius vel alterius innocentis abutantur.

XXVII. Post hæc ad Solennia Coronationis (quæ pro die Dominico vel Festo determinari solet) proceditur. Quod Jus Archi-Episcopo Gnesnensi juxta Privilegium à Casimiro III. Anno 1451. concessum, & à Sigism: I. Anno 1507. tum Sigism: Augusto Anno 1550. confirmatum competit. Rempublicam nostram (scribit ad *Malovios Carnovius Episcopus Cujaviersis*), sic à Majoribus institutam accepimus, quod ea inter nos fratres insignia partita sit. D.D. enim Polonis minoribus, Fratribus nostris datus est Thesaurus, Corona Regia, Magistratus quoq;

nunc ad illos importari sunt, eò ad Coronandū Reges convenimus, ibi Principes nostros sepe-
limus, magnus hic illorum honor, magnum Di-
gnitatis decus. Nobis quoq; majoribus Polo-
nis, id monumentum pulcherrimum, appello
Excellentiam Dignitatis, relictum est, quòd pe-
nes Nos sit Primatus Regni, non personæ Archi-
Episcopi, quatenus est Archi-Episcopus, sed ma-
joris Poloniæ terris attributus, ut nullus Prin-
ceps, præter hanc prærogativam coronari que-
at. *Dict: Carncov: libr. 3. Epist: Illustr: Viror:* Ha-
bet minor Polonia Coronam, major Corona-
torem.

XXVIII. Hinc si Archi-Episcopus functio-
nem istam peragere nolit, vel legaliter impedi-
tus sit, Episcopo Cujaviensi prærogativa hæc
Decreto Ordinum die 25. April: Anno 1576. quod
habet *allegatus Carncovius libr: 3.* permissa est; quia
Cujaviensis in majori Polonia, juxta Archi-Epi-
scopum, proximum locum obtinet.

DECRE-

DECRETUM SENATUS

& Ordinum de coronando Serenissimo Rege Stephano à Reverendis: Dno. Episcopo Cujaviensi: Et Declaratio Privilegii Reverendis: Dn. Archi-Episcopi Gnesnensis.

Nos Consiliarii Regni Spirituales, & Seculares, ac Nuncii omnium Regni terrarum, ab Equestri Ordine ad Coronationis Conventum cum plena facultate missi; Universis quorum interest significamus. Quòd cum Cracoviam, ad diem Coronationi in Conventu Andrejoviensi constitutam, & semel atq; iterum prorogatam convenissemus: communi omnium nostrum consilio & consensu id egimus, & procuravimus, quò Reverendis: in Christo Patrem & Dn. Jacobum Uchanski, Archi-Episcopum Gnesnensem, eò adduceremus: ut pro officio suo, ex Privilegio à Casimiro Rege sibi concessò ad perficiendam Coronationem Cracoviam veniret, solenniq; muneri suo satisfaceret. Et quamvis jam antea ex Conventu Andrejoviensi de eo admonitus

nitus fuisset, tamen Concordiæ & amoris fraterni desiderio iterum etiam ex præsentì conventu Legatos nostros, & per literas suas se brevi affuturum promisisset, cùm suâ causâ, tùm etiam Sereniss: Regis expectatìone, qui etiam tùm in itinere erat, tempus Coronatìoni præscriptum prorogavimus. Posteaquam verò satis diu eundem expectavissemus, Regiaque Majestas jam jam Cracoviam adventaret: tertio etiam Varsoviæ ad eundem misimus: orantes & hortantes, ut ad Nos quamprimùm acceleraret; simulq; denunciante, propter impendentia Reipubl: pericula, nos ipsius adventum diutius expectare non posse. Cùm verò & ex Legatis Nostri, & ex ipsius literis, nobis satis jam constet, eum, contra quàm promiserat, ad Nos venire, muneriq; suo satisfacere nolle, aut non posse: cùmq; satis perspiciamus, quot & quanta pericula, si diutius etiam Coronatio prorogaretur, Reipubl: immineant: unâ mente in eo omnes consensimus: ut sine ulla procrastinatione Sereniss: Stephanus Rex electus, unâ cum Sereniss: Anna Regina, ex præscripto literarum, ad universos Regni incolas jam antea transmissarum à Reverendis. in Christo Patre & Domino

no

no Stanislao Carnovio, Dei Gratiâ Episcopo Cujaviensi, qui in Majore Polonia secundum Dominum Archi-Episcopum proximum locum obtinet, coronentur. Ne verò quispiam repariatur, qui verbis Privilegii Regis Casimiri inhærendo, quacunq; ratione hoc ipsum negotium atq; actionem in dubium revocare velit. Idcirco Nos habito respectu Legum & Statutorum de Coronatione factorum, diligenterq; consideratis ipsius Privilegii verbis, animadvertentes, quæ absurda inde sequerentur, si quis illud ita intelligendum esse existimaverit, ut ad solum Dominum Archi Episcopum omnem coronandi facultatem ita astrictam esse vellet, ut nullo casu alium quenquam id facere posse affirmaret: hoc ipsum Privilegium Autoritate Constitutionis Conventus præsentis ita interpretamur, declaramus, ac decernimus, eamq; ipsius esse mentem omninò judicamus: quòd scilicet Reverendis: Domino Archi-Episcopo volente & valente, nemo alius præter eum Regem coronare aut debet aut potest. Quod si verò ad id vocatus, hoc ipsum facere aut noluerit, aut non potuerit, vel etiam è vivis sublatus fuerit: is cui hoc ipsum proximè competit ex Majori Polonia, eadem.

eâdem potestate atq; Autoritate id perficere potest & debet. Quod si quis præter hanc interpretationem & Declarationem nostram, istud Privilegium aliter intelligere aut interpretari voluerit, præsentiq; Constitutioni atq; Decreto nostro adversari ausus fuerit: is pro hoste & turbatore Reipublicæ habeatur, juxta Constitutionem Conventus Andrejoviensis. Datum Cracoviæ, die 25. Aprilis. Anno Domini 1576.

Sic ergo Stephano Regi Sacrum Diadema imposuit, memoratus Stanislaus Karnkøvski, Episcopus Cujaviensis, eò, quòd Jacobus Uchanski Archi-Episcopus, Maximiliani partes sequeretur. *Piasc: in Chron. p. 2.* Constantiæ quoque Reginæ Coronandæ ritum Sacrum Petrus Tylicki Episcopus Cujaviensis expedivit: Cardinalis enim Maciejovius nondum adierat possessionem Archi-Episcopatus, sed adhuc pallium Româ expectabat. Observandum tamen hîc, quòd licet durante proximo InterRegno Casimirus Florianus Dux in Klevvan Czartoriiski Archi-Episcopustantum Nominatus, & nondum à Pontifice Romano Confirmatus fuerit, InterRegis tamen munia exercuerit & denique, cum fatis cederet, meritissimus ille in Patriam Senator

Senator Andreas Trzebicki Episcopus Cracoviensis, (præmissâ per Reverendissimum Dominum Gembicki Episcopum Cujaviensem præcustoditione) Serenissimum Regem Joannem III. nominaverit, uti in Actis Electionis reperitur. Sed ante mortem etiam supradicti Archiepiscopi per totum Actum, ore istius Viri Gravissimi Respublica locuta est. Post Cujaviensem competit jus illud Episcopo Posnaniensi, tanquam secundo Majoris Poloniae, qui in novissimo InterRegno, cum Ordo ipsum tangeret, recusavit hanc functionem, quoniam Cracoviensis & Cujaviensis Episcopi absentes tantum à loco ipsius Electionis, præsentibus tamen Varaviae erant, & dehinc etiam, uti ex antecedentibus patet, comparuerunt. Sed olim Vladislai Jagellonis Consortem Elisabetham Pileciam ab Archiepiscopo Leopoliensi Joanne Ressovio coronatam esse legimus, Archiepiscopus enim Gnesnensis Nicolaus Tręba in Consilio Constantiensi tunc erat, apud quod, ne sibi posterisque suis ea prærogativa Reges & Reginas coronandi surriperetur, obtinuit, ut Archiepiscopus Gnesnensis deinceps Primas Pol. haberetur.

Herburt: in Historia pag. 228.

XXIX. Antequam verò Ceremonias Coronandi Regis exponam, de Insignibus Regni aliquid dicere expedit, quod nimirum eadem sub Sigillis & Clavibus non tantum Thesaurarii, sed aliorum etiam septem Senatorum, Castellani & Palatini Cracoviensis, Posnan: Vilnen: Sendomirien: Calissien: Trocen: Palatinorum asservantur, & non nisi de consensu omnium Ordinum extraduntur. *Constit: Ann. 1576. Confederat: 1668. Pacta Conventa Regis Michael. & Joann. III.* Absens ex iusta causa, clavem mittere tenetur; Defuncti verò Sigillum & Claustrum per reliquos aperitur.

XXX. Ritus Coronationis defuncti Sere-
nissimi Regis Michaelis I. hic erat. Postquam Anno 1669, inter Castrensem & Civicam lætiti-
am, tormentorum & bombardarum explosio-
nes, Urbem Cracoviam (in cujus foro duo Ar-
cus Triumphales variis Statuis & Inscriptioni-
bus ac mixta suavissima Musicalium Instrumen-
torum harmoniâ venientem excipiebant) so-
lennissimè acceptis à Magistratu in prima por-
ta Clavibus ingressus, & ad Arcem, ubi à Capi-
taneo loci claves ipsi tradebantur, deductus
erat, atq; altero die rupeculam Casimirianam,
visitaverat, Festo Michaëli Archangelo dicato,
splendidè

splendidè indutus, à Legatis Pontificis Romani & Imperatoris Senatuq; & Equestri Ordine ad Basilicam Cracoviensem, solenni Processione deducebatur. Insignia, hoc est, Corona, Sceptum, Pomum aureum, & gladius evaginatus (quæ aliàs Senatores atq; Ensiferum Regni, quibus hoc officii est, prætulisse legimus) per Præfectum Stabuli Regni Smøling ac Capitaneum Felinensem Wolff ante ingressum Regis ad Altare apportata Reverendissimo Archi-Episcopo Prażmowski tradebantur, qui eadem in Altare deponebat. Coronandus ab Episcopo Cracoviensi & Cujaviensi, in templo exceptus, & ad Archi-Episcopum, cui Reverentiam faciebat, deductus, locum inter dictos Episcopos medium capiebat. Postquam summus Præsul cum Collegis suis ex Pontificali Romano Regem ad pietatem & ad benè tractanda Reipublicæ gubernacula monuisset, idem genua flexus manum Archi-Episcopi osculabatur, votumq; ex formula prælecta faciebat. Porro de servandis & manutenendis Pactis Conventis (quæ prius legebantur) juramentum, tacto digitis Evangelio, præstabat, & á principio usq; ad finem Litanæ (impertiente interim Archi-Episcopo cum

Collegis benedictionem) prostratus humi, ad rubrum holosericum jacebat. Tandem Sere-
nissimus Rex pallio & veste exutus, ab Archi-E-
piscopo Oleo Sacro in manu dexterâ ad cubi-
tum & in Scapulis inunctus iterumq; indutus, &
posthac in Sacello, ubi Zadzik Episcopus Cra-
coviensis & Cancellarius Regni olim resurrecti-
onem expectat, per Mareschallos Regni & Ma-
gni Ducatus Lithvaniæ Sandaliis, tunicâ, Chiro-
tecis, quæ auro, argento, gemmis, lapidibusq;
pretiosissimis fulgebant, vestitus à Senatoribus
& Officialibus (inter quos Illustris Dominus Sie-
niawski Vexillifer Regni, uti antehac circa in-
gressum, vexillum Regni Aquilâ ex auro argen-
toq; texta atque insignibus Regiis splendidissi-
mum præferebat) ad Thronum medio templo
ordinatum ducebatur, ubi supplex faciem ad-
vertens Altari Missam audiebat. Postea iterum
ad Altare adducto Archi - Episcopus Gladium
ad dextram inferebat, eumq; ab Illustri Domi-
no Bielenski Ensifero Regni ad vaginam recon-
ditum, lateri Regio accingebat, cinctus assur-
gendo denudatum gladium bis in Crucem vi-
brabat, atq; illum cum ad sinistrum deterfisset
brachium, vaginæ intrudebat. Deindè Archi-
Episcopus

Episcopus genua flexo Diadema imponebat, quod reliqui Episcopi unâ presum manu eorūq; tenebant, donec Coronator preces absol- veret, qui porrò dexteram Regis Sceptro, fini- stram aureo pomo implebat, assurgenti gladius solvebatur, atq; Domino Ensifero Regni ad præ- ferendum tradebatur. Tandem Serenissimus in medio Archi-Episcopi & Præsulis Cracovien- sis ad Theatrum illud supra dictum ducebatur, atq; ita (sit venia verbo) inthronisabatur. His peractis, Archi-Episcopus se iterum ad Altare recipiebat, atq; TE DEUM LAUDAMUS ex- ordiebatur. A quo post hymnum finitum, re- cedens, ad Altare confidebat; Quò etiam Se- renissimus Rex veniebat, ibidemq; sæpius me- morato Archi-Episcopo supplex factus, aurum offerendo, manum deosculabatur. Confesio- ne dein Archi-Episcopo factâ Sacro-Sanctum, Christi Corpus accepit. Solennitatibus istis absolutis, Archi-Episcopus omnibus benedicti- onem impertiebat, & Branicki Mareschallus Curia Regni clarâ voce exclamabat: VIVAT REX MICHAEL! quam populus magno cum fœnore reddebat. Postremò ab Illustrissimo Domino de Raciborsko Morsztyn Supremo Re-

gniPoloniæThesaurario deThrono RegioNum-
mi Misfiles in populum erogabantur, atq; ita
Coronationis Actui Coronis imposita est.

XX XI. Dum ad Palatium Coronatus dedu-
cebatur, tormentorum sonabant tonitrua, ac
ibidem designandæ causa lætitiæ, convivium,
sumptu Dapiumq; numero prorsus Regale ha-
bebatur, ubi Serenissimus ad Mensam eminen-
tiorum se contulit, & in Capite ejusdem conse-
dit, cujus dexteram Nuntius Summi Pontificis
& Legatus Augustissimi Imperatoris, Illustri-
simus Dominus Comes de Schafgotsch; Sini-
stram Regia Mater & Conjux modò dicti Comi-
tis occupavêre, porrò ad mensam à dextera par-
te Aulæi D. D. Senatores, aliq; Regni Proceres
ordine accumbebant: è Regione autem Uxo-
res, aliæq; Illustres fœminæ, fruebantur epulis.
Interim promiscuo vulgo in Regio isthoc Pala-
tio, tres integri ferarum & altilium vario gene-
re farcti & assati boves, cum aliquot cerevisiæ
doliis in prædam cessêre. Trahebatur illud
Convivium usq; ad feram vesperam, ubi tandem
artificiosi ignes spectabantur. Atque sic istius
diei solennitati litatum est.

XX XII. Die 30, Septembr. Rex maximæ
cum

cum Solennitate & Pompa Equo ad forum vehabatur, & postquam in Curia Civitatis Regio indutus erat ornatu, pedes, ad editum solium hunc in finem pulcherrimè juxta Prætorium factum veniebat, ubi Magistratus subjectionem Urbis testabatur, & in argentea patina claves portarum omnium deauratas tradebat. Ad hæc de Throno Olzowski, Regni Vice-Cancellarius, respondebat; Gratiam Magistratui declarando Regiam pronunciandoq, rotam Juramenti, quod universi Consules genua nixi erectis ad Coelum digitis præstabant, & deindè offerebant, claves memoratas recipiebant. Porro Serenissimus Rex Sceptro & Pomo aureo Dn Dn. Senatoribus tradito, nudatum vaginâ ensē ab Illustri Domino Bielenski Ensisfero Regni acceptum versus quatuor mundi partes vibrabat, rursusque confidens octodecim viros levi inter scapulas ictu ad Equitum auratorum ordinem, evehebat, ut prospero Antecessorum exemplo significaret, tam patulam effusamque clementiam fore, quàm nudus apertusque ensis, ac ut in mitescente à Regali dextra gladio discerent subditi, nihil sævum formidare, sed benigna omnia sperare. Prædictus Illustrissimus Dominus

nus Thesaurarius Regni, uti in solenni ab Arce Processione, ita nec minus à Theatro, nummos aureos argenteosque in populum spargebat, tandem Serenissimus Rex ad ædes quasdam è Diametro fitas se conferebat, ubi à supra dicto Branicio Curia Regni Mareschallo lautè excipiebatur, & flammas fusiles atque ignes festivos, qui inter duos Pyramides ardentes ad aëra mittebantur, spectabat. Reverso ad Arcem, Rege, tormenta deronuere. Et sic quidem etiam huic festivitati finis imponebatur.

XXXIII. Post Coronationis solennia Primas Vicariatum deponit, Senatores fidelitatem juramento promittunt, quod deindè etiam Nuntii Terrestris post novum electum Mareschallum nomine totius Nobilitatis Regi, Civitatum quoque Deputati jurejurando subjectionem & fidelitatem promittunt, ad Civitates autem Prussiae, Serenissimus pro recipiendo juramento Commissarium mittit. Tunc etiam Rex Coronationem suam per literas universales denunciat, & judicia omnia celebranda esse declarat, dat prætereà literas Juramenti à se præstiti, & aliud Diploma, quo omnia Jura & Privilegia confirmat. Quæ singula uti & approbatio

rio Actorum Inter Regni ipsis Constitutionibus inserta typo mandantur.

XXXIV. Non ingratum, credo, erit Lectori, si pro Conclusionem annotem, quomodo altè memoratus Rex, non inusitato Antecessoribus suis exemplo, aureum vellus acceperit. Die 6. Octobr. supra dicti anni Nomine Augustissimi Imperatoris Leopoldi I. tanquam Dispensatoris, Hispaniarum Regis, Comes de Harrach in Camera Regia Serenissimo (qui ad mensam coram figurâ Crucifixi Salvatoris genua flexus, verbo Regio promittebat, se Ordinis illius Conditiones, præmissâ de nonnullis in favorem Coronatorum Caputum dispensatione, servaturum) aureum vellus conferebat; actis à Rege ipso gratis, & celebratâ ab Episcopo Cracoviensi missâ, Illustrissimi D.D. Comites de Schaffgotsch & de Harrach lautissimâ cœnâ excipiebantur, quâ durante Archangelus Michael ante Palatium Regium igne artificioso exhibebatur. Addo hîc, quòd post tata Insigne Ordinis illius Regi Hispaniarum remittitur. Quam functionem post mortem Serenissimi Regis Michaelis Per-Illustris Dominus Zaluski, Cancellarius Gneznenfis peregit.

H

CAP.

CAP. IV.

DE REGINALI MAJESTATE.

I.

GRAVISSIMOS Principis labores egere administrandis, ut domesticâ curâ vacuus in commune consular, rectè judicat nunquam tacendus Tacitus. Quod porro honestius censoriæ mentis levamen, quàm assumere conjugem prosperis dubiisque Sociam? *Annal: lib: 12. cap: 5.* Regis autem conjugium ad Reipublicæ Statum amplificandum, vel diminuendum, plurimum habet momenti. Reges quippè, ut dicere solebat Rex Alphonsus, sunt Sponsi Regnorum, & sic non tam Regum quàm Regnorum Interesse in eo versatur, qualem Rex Uxorem ducat. Quamvis verò gens Polonorum libera, non ex cunis expectet Dominum, qui fasces Imperii cum fascis accipiat, neque unius formæ hæreditas sit, non tamen adeò diversa est Domus Principis & Reipublicæ, quò minus eidem in matrimonio Regis magnum sit positum momentum; Ideò Rex Poloniæ neque Conjugium absque Senatu, neque divortium absque justis causis quærit, *juxta Cautiorem Sigismundi Augusti Anno 1540. & Pacta Conventa Ste-*

ta Stephani Anno 1576. Successorumq. Hanc ipsam causam prætexuit Rex Vladislaus, excusans se Regi Magnæ Britannia, quod sororis suæ & Electoris Palatini Friderici Filiam, dissentiente Senatu, Uxorem ducere non potuisset. Longè ante Vladislaus Jagello ea lege admissus est ad Regnum, ut Hedwigem Prædecessoris Regis Ludovici Filiam in Matrimonium duceret.

II. Reginalis Majestatis inauguratio fit præfente, deducente, & postulante pro ea Rege, loco, ut suprà nimirum Cracoviæ, juxta morem & leges antiquas. Coronatio tamen Serenissimæ Cæcilie Renatæ Anno 1637. Varsaviæ peracta est. Proximo dein Anno 1638. constitutum est, ut Reginae etiam Cracoviæ coronentur. Quæ verò lex Anno 1670. ex consensu omnium Ordinum dispensata, & Serenissima Eleonora Maria, ex Augusta Austriae Domo septima, Polonorum Regina, itidem Varsaviæ in templo Sancti Joannis, solennibus cum Ceremoniis à Prazmovio Archi-Episcopo Gnezneni uncta & coronata est, qui ejusdem Majestatis Caput Regni Diademate cinxit, dextram Sceptro, ac sinistram Pomo aureo implevit.

III. Habet Regina suos Officiales, ut Mare-

schallum (qui eandem prodeuntem cum scipione antecedit) & Cancellarium, aliosque.

IV. Impensæ omnes in Aulam ejusdem à Rege suppeditantur. Quo defuncto posthac de suo, ac de redditibus eorum bonorum, quæ Rex ipsi consensu Reipublicæ dotis & donationis propter nuptia snomine attribuit, sese cum universo Comitatu sustentat, donec Regina Poloniæ vocabitur, & in Polonia, vel Magno Ducatu Lithvaniæ residebit. Si verò inscriptorum sibi bonorum non sit facta compos, tunc Viduæ in bonis Regalibus Provisio annua affecuratur, exemplo Serenissimæ Ludovicæ Mariæ *per Confæderat: Anno 1648.* & altè memoratæ Serenissimæ Reginæ Eleonoræ, cui post fata Serenissimi Mariti ducenta & viginti florenorum millia, *per Confæderat: Anni 1674.* promissa, & denuò per *Paſſa Conventa* affecurata sunt, non computando in eandem Summam donum nuptiale annuum, ex salisfodinis Cracoviensibus, scilicet duo millia ungaricalium, quæ eidem *juxta Constitut: Anni 1670.* (ubi Jus reformatorium habetur) competunt. Quoad Residentiam ejusdem Serenissimæ Viduæ, ordinatum est, ut eandem pro lubitu in buovis loco, exceptâ Cracoviâ, constituere possit.

V. Mo-

V. Modernæ Serenissimæ Reginae Mariæ, Reformatio habetur in *Constitutione* 1678. Vigore cujus, ipsi centum millia flor. Pol. dotis, & centū millia donationis propter nuptias nomine bonis certis in Regno, Magnoq; Ducatu Lithvaniæ inscripta sunt cum juribus Patronatus, salvis modernorum Possessorum juribus & communicativis, uti etiam salvis summis ante unionem existentibus. Quæ bona Nobilibus benè possessio- natis debent in administrationem concedi sine impedimento Jurisdictionis forensis. Quarta ve- rò, reformatione non obstante, debet Ravæ ex- solvi, & in Lithvania Donativum ad Thesaurum inferri.

VI. Coronari in Polonia Reginam, licet alia prioris Regis Consors coronata existat, exempla habemus pristinae, & nostræ ætatis. Nam post fata Vladislai Jagellonis Uxor Sophia Regina co- ronata vixit usq; ad Annum 1461., interim tamen, scilicet Anno 1454. Casimiri III. Jagellonidis Conjux Elisabetha Austriaca coronata legitur. Ita etiam existente Vidua Eleonora, Anno 1676. moderna Serenissima Regina Diademate orna- batur.

VII. Deniq; hîc adjicio, quòd Reges in Ca-

pitulationibus suis promittant, se curaturos, ne
Reginæ negotiis Status se immisceant.

CAP. V.

DE DOMO REGIA.


I.

PRæter illa, quæ hinc indè de Regiâ Sobole
referuntur, annoto, Pactis Conventis cautum
esse, quòd Domus Regia nullam successionem
& prætextum proximitatis ad Regnum sibi præ-
sumet, sed æqualitati per omnia cum Statu No-
bilitari subjacebit, quòd Consanguinei omnes
collaterales eodem jure cum Nobilitate Polonica
censebuntur, & intra æqualitatem consistent.

II. Filii Regiâ Republicâ provisionem ha-
bentes, fidelitatem Regi & Republicæ perso-
naliter jurant, cujus exemplum in *Constitutione*
Anno 1633. extat, satisfaciendo Pactis Conventis
Vladislavianis, ubi declaratur, quòd eousq; ju-
ramento isto obstricti esse debeant, quousque
Provisione utentur, & in Regno domicilium
fixum habebunt. Si vero causa quædam con-
tra Regios Principes personas eorum afficiens
incideret, constitutum est, quòd ejusdem cau-
sæ



REGINARUM POLONIE REGE JAGELLONE EFFIGIES.





sæ cognitio Regi cum Ordine Senatorio in Comitibus competere debeat.

III. Observatione hîc dignum, quòd cùm circa ultima tempora Sigismundi III. Gustavus Adolphus Rex Sveciæ per literas Regnum ambiret, Terrestres Nuntii à Rege petierint, (quod nunquam antehàc factum) ut Soboli Regiæ locum in Comitibus faceret, á tergo lateribusque suis, ut Reipublicæ paulatim advesceret, Parentisque Regis judicia imitaretur, *testante VVassenbergio in Gestis Regis Vladislai.*

Series

Series I. Clasfis.	Nomina	Matrimonium cum	Mors
1.	Lechus Ao. 630.		
	Duodecim Palatini.		
2.	Cracus 700.		
3.	Lechus II.		
4.	Venda. 750.		Spontanea præcipitatio in Vistulam.
	Duodecim Palatini.		
5.	Præmislus five Lescus I.		

Sepultura	Regimen	Ætas annorum.	
In monte Las- fotino ultra Vistulam è conspectu Ci- vitatis Craco- viensis sito. In monte Mogila dicto, quod sonat, se- pulchrum.			
		I	Series

Series	Nomina	Matrimonium cum	Mors
6.	Lescus II. Ao. 804.		
7.	Lescus III. 810.		repentina.
8.	Popielus I. 815.		à muribus con- sumptus.
9.	Popielus II. 830.		
II. Clāsis à Seculo IX. us- que ad finem Seculi XIV.			
10.	Piaſtus. 842.	Repicha.	naturalis.
11.	Ziemovitus 861		naturalis.
12.	Lescus IV. 892.		naturalis.
13.	Ziemomislus.		naturalis.
14.	Miecislaus, Pri- mus Princeps Christianus Anno 964.	Dabrovvka , Boleslai Ducis Bohemiæ filia.	naturalis.
			Sepul-

Sepultura	Regimen	Ætas anno- rum.
	per annos 19.	120.
	32.	
	21.	
In castro Gnez- nensi.	54	
In medio Ec- clesiæ Cathe- dralis Posna- niensis.	35.	
	I 2	

Series

Series	Nomina	Coronatio.	Matrimonium cum.
15.	Boleslaus Chobri, Primus Rex Poloniae, Anno 999.	Ao. 1005.	Juditha Gey- ſæ Ungarorum Principis filia.
16.	Miecislatus II. Rex 1025.	Ao. 1025.	Rixa Hezo- nis Erefridi Comitis Pala- tini Rheni filia.
17.	Casimirus I. Rex. 1041.	Ao. 1041.	Dobrognie- vva, antea Ma- ria Wołody- miri Ruſſorum Ducis filia.
18.	Boleslaus II. dictus Andax, quartus & ulti- mus Rex 1059.	Ao. 1058.	Anonyma, Nonnulli vo- cant Wiſſesla- vvam, Ruſſo- rum Principis filia.

Mors

Mors	Sepultura	Regimen	Ætas annorum.
naturalis.	Pofnania.	25.	50.
Amentia.	Ibidem.	10.	50. alii tantum 44. computant.
naturalis.	Ibidem.	18.	38.
Amentia, alii dicunt, autochiria.		20.	
		I	Series

Series	Nomina	Coronatio	Matrimonium cum
19.	Vladislaus Hermannus il- lius frater, 1082.		Juditha Vra- tislai Boemo- rum Ducis ac Adleidis ex Re- giâ Ungaro- rum stirpe filiâ. Sophia, Hen- rici IV. Roma- ni Imperatoris sorore.
20.	Boleslaus III. Crivoustus, Vladislai filius, 1103.		1. Zbislavva Sventopelci Kijoviensium Ducis filia. 2. Adleide, Henrici Impe- ratoris sorore.
21.	Wladislaus dictus Sputa- tor, ejusdem filius, Ao: 1140.		Christina, filia Henrici V. Imperatoris.

Mor;

Mors	Sepultura	Regimen	Ætas annorum.
	In choro Ecclesiæ Ploensis.	21.	59.
ex morore.		36.	84.
	Altenburgi in Alsatia.	6.	

Series

Series	Nomina	Coronatio	Matrimonium cum
22.	Boleslaus IV. Crispus Anno 1146.		1. Anastasia, Wsewłodyme- ri Principis Ha- liciae filia. 2. Helena, Roscislai. Præ- mislien. Ducis filia.
23.	Miecislaus III. Senex Ao. 1174.		1. Eudoxia, Wsewłody- meri filia. 2. Gertru- de, Bellæ Unga- rorum Regis filia. 3. Adleide, Friderici Ro- manor. Impp. ex sorore nepte.
24.	Casimirus Justus Anno 1178.		Helena, Wsewłoda Belzensium Russorum filia. Mors

Mors	Sepultura	Regimen	Ætas annorum.
	In Ecclesia Cracoviensi.	36.	
		4.	
incertum, an morbo vel veneno extincto.	In Ecclesia Cracoviensi.	16.	
		K	Series

Series	Nomina	Coronatio	Matrimonium cum
25.	Lescus Al- bus Anno 1195.		Grzymisławva Jaroslai Ducis Rusiae filia.
	Miecislaus Senex iterum Anno 1199.		
	Lescus Al- bus iterum.		
	Miecislaus Senex tertium, Anno 1202.		
26.	Vladislatus Las- conogus Anno 1203.		
	Lescus Albus tertium, 1206.		
27.	Boleslaus IV. Pudicus Anno 1226.		Cunegunda Bellæ IV. Un- gor. Regis filia. Mors

Mors	Sepultura	Regimen per annos	Ætas anno- rum.
		4	63.
A Sventopol- do Duce Po- meranorum interfectus.	Cracoviæ in Monasterio Franciscanorū.	20. 36. K 2	52. Serie

Series	Nomina	Coronatio	Matrimonium cum
28.	Lescus Niger Anno 1279.		Griphina Roscislai Bul- garorum Ducis filia.
29.	Henricus Pro- bus 1289.		
30.	Præmislaus, qui titulum Re- gium iterum assumpsit. An- no 1295.	Anno 1295.	1. Lucarda Nicolai Serbo- rum Ducis filia. 2. Rixa, Bir- geri Regis Sve- onum filia.
31.	Vladislatus Lo- cticus, ejus no- minis I. Rex. Ao. 1296.		Hedvviga Boleslai Calis- sienfis Ducis filia.
32.	Venceslaus Bohemus An- no 1300.		Elifabetha Premislai ex Rixa filia.
			Mors

Mors	Sepultura	Regimen per annos	Etas anno- rum.
	Cracoviæ in Monasterio S. Trinitatis Ord. Prædicatorum.	10. per Menses 7.	
Phtisi.	Pragæ in Mo- nasterio Cister- ciensis Ordinis.	5. K 3	Series

Series	Nomina	Coronatio	Matrimonium cum
	Vladislaus Locticus ite- rum Ao. 1305.		
33.	Casimirus, ejusdem nomi- nis Rex II. di- ctus Magnus ultimus Piaſti darum. Anno- 1333.	Ao. 1333.	1. Anna, Ge- dimini Lithva- niæ Ducis fi- lia. 2. Hedvvige Henrici Land- graviæ Haſſiæ filia. 3. Hedvvige, Henrici Glo- govienſium Ducis filia.
34.	Ludovicus Ungariæ Rex Anno 1370.	Ao. 1370.	Elifabetha, Stephani Bos- nenſium Regis filia.
			Mors

Mors	Sepultura	Regimen per annos	Ætas anno- rum.
	Cracoviæ.	28.	
ex lapſu equi.		37.	60.
naturalis.	In Alba Regali.	12.	56.

Series

Series	Nomina	Coronatio	Matrimonium cum
III. Classis ex Magnis Ducibus Lith- vaniae & Jagel- lonidarum.			
35.	Wladislaus Ja- gello, Rex ejus- dem nominis II. Ao. 1386.	Anno 1386. 4. Februarii.	1. Hedviga Ludovici Polo- niae ac Hunga- riae Regis filia. 2. Anna, nepte Casimiri. 3. Elisabe- tha, vidua Pile- cii, Ottonis Granovii Pala- tini Sendomi- riensis filia. 4. Sophia, Andree Joan- nis Kijoviensi- um Ducis filia.
36.	Wladislaus III. Jagellonides Anno 1434.	Ao. 1434.	Mors

Mors	Sepultura	Regimen per annos	Ætas anno- rum.
naturalis.	Cracoviæ.	48.	
Ad Varnam cæsus, Anno 1440.		10.	
		L	Series

Series	Nomina	Coronatio	Matrimonium cum
37.	Casimirus III. Jagellonides Anno 1447.	Anno 1447.	Elisabetha, Alberti Austri- aci Romano- rum Imperato- ris filiâ.
38.	Joannes Al- bertus Anno 1492.	Anno 1492. die 13. Septembr.	nullâ.
39.	Alexander Anno 1501.	12. Dec. 1501.	Helena, Joan- nis Magni Mo- tchorum Ducis filia.
40.	Sigismundus I. Anno 1507.	24. Jan: 1507.	1. Barbara, Stephani Zapo- lii Comitis Sce- pusiensis ac Pa- latini Transyl- vaniae filia, ob pudicitiam E- sthera vulgò dicta. 2. Bona Sfor- cia Joannis Mors

Mors	Sepultura	Regimen per annos	Ætas anno- rum.
Grodna ex profluvio ven- tris & tumore.	Cracoviæ.	45.	64.
Apoplexiâ, d. 17. Jun. 1501.	Cracoviæ.	8. & toti- dem menses.	41.
naturalis.	Vilna.	7.	45.
naturalis. 1. April. 1548.	Cracoviæ.	41.	81. & trium mensium.
		L 2	Series

Series	Nomina	Coronatio	Matrimonium cum Galeacii Ducis Mediolanensis & Isabellæ Re- ginæ Neapoli- tanæ filia.
41.	Sigismundus Augustus Ao. 1537. in Regem electus, & Pa- tri Anno 1548. successit.	Mense Februa- rio Ao. 1537.	<p>1. Elisabetha Ferdinandi Ro- manorum Re- gis filia, Caroli V. Imperatoris neptis.</p> <p>2. Barbara Radzivilia, Ge- orgii Radzivili Castellani Vil- nensis filia, Gaszoldi Pala- tini Trocensis vidua.</p> <p>3. Cathari- na, dictæ Elisabethæ so- ror, Francisci Gonzagæ Ducis Mantua vidua.</p>
			Mors

Mors	Sepultura	Regimen annorum	Ætas anno- rum.
naturalis, d. i. Jul. 1572.	Cracoviæ.	25.	52.
		L 3	Series

Series	Nomina	Coronatio	Matrimonium cum.
IV. Classis ex diversis familiis.			
42.	Henricus Valerius Dux Andegavensis Mensis April. Anno 1574.	d. 15. Febr. Ao. 1574.	
43.	Stephanus Bathoretus Princeps Transylvaniæ Ao. 1576.	Ao. 1576.	Anna Jagellonia Sigism. I. filia.
44.	Sigismundus III. Princeps Sveciæ d. 9. Augusti Ao. 1587.	Ao. 1587. die 27. Decembr.	1. Anna Caroli Archiducis Austriæ, & Mariæ Ducis Baviariæ filia, Ferdinandi II. sorore. 2. Constantia sorore alterius.
			Mors

Mors	Sepultura	Regimen annorum	Ætas anno- rum.
In Gallia à Monacho in- terfectus Anno 1588.		in Polonia ad quintum mensem.	
Morbo Regio feu Epilepsia periit Grodnæ d. 13. Mens. Dec. 1586.	Cracoviæ.	10.	54.
Catharro ex- tinctus.	Cracoviæ.	44. Sic qua- dragesimus quartus Rex quadraginta quatuor an- nos Regno im- pendit; uti o- lim Hiskia in- ter Reges Judæ decimo quin- to, 15. annos vivendi & re- gnandi adje- cto legimus.	66.

Series

Series	Nomina	Coronatio	Matrimonium cum
45.	Vladislaus IV. 13. Nov. Anno 1632. filius Si- gismundi.	d. 6. Februar: Ao. 1633.	1. Coecilia, Renata Ferdi- nandi II. Imp. Filia & Ferdi- nandi III. So- rore. 2. Maria Lu- dovica, Caroli Niverniae, Mantuae ac Montisferrati Ducis filia.
46.	Joannes Cafi- mirus frater Antecessoris Ao. 1648.	die 17. Januar: Anno 1649.	Eadem Lu- dovica.
47.	Michael Ko- rybuth, Dux in Wisniowviec, Duce Korybu- tho, fratre Vla- dislai Jagellonis genus ducens. die 19. Mens. Maji Ao. 1669.	Die 8. Michae- lis Ao. 1669.	Serenissima Eleonora Ma- ria Ferdinandi III. filia & Leo- poldi Impera- toris sorore. Mors

Mors	Sepultura	Regimen per annos	Ætas anno- rum.
naturalis, Merecii oppi- do Lithvanico 15. Maji. 1648.	Cracoviæ.	16.	53.
naturalis, Ni- vernix d. 16. Dec. Ao. 1671.	Cracoviæ.	20.	63.
naturalis Leo- pol. d. 10. Nov. 1673.	Cracoviæ.	4. & 4. mer f	33.
		M	Series

Series	Nomina	Coronatio	Matrimonium cum.
48.	<p>Joannes III. ex illustri fami- lia Sobiescio- rum, antehac Supremus Re- gni Marechal- lus, & Dux Ex- ercituum, de Patriâ & Chri- stianitate me- ritissimus. Electus d. 21. Maji 1674. qui nunc gloriosis- simâ prudentiâ regnat.</p>	<p>Die 2. Februar. Ao. 1676.</p>	<p>Serenissima Maria Casimi- ra, Henrici de la Grange Mar- chionis d^o Ar- quien filiâ, à Christianissi- mo Rege Lu- dovico XIV. in filiam Galliæ cum nomine Ludovicæ ado- ptata, & per E- jusdem Lega- tum de Forbien Episcopum Marsiliensem Cracoviæ post Coronatio- nem declaratâ.</p>
			Mors

Mors	Sepultura	Regimen per annos	Ætas anno- rum.
		M 2	Series

CAP. VI.

DE ORDINE SENATORIO.

I.

Imperator Tiberius post fata Augusti, variè differebat de magnitudine Imperii, se experiundo didicisse, quàm arduum, quàm subiectum fortunæ regendi onus. Senatus igitur necessitatem, & utilitatem, Imperator in L. human. C. de L. L. innuit. Benè, inquit, cognoscimus, quod cum vestro consilio fuit ordinatum, id ad beatitudinem nostri Imperii, & ad nostram, Gloriam redundare. Quin & Deus ipse Consilio non vacat, sed inter nomina magna Filii sui benedicti ponit, ut Consiliarius vocetur. Sæpè Deus, nunquam tamen nisi quando res hominem concernit, more deliberantis, & in plurali numero loquitur, ut hominem admoneat consilio esse, ubi necessitas postulat, agendum. Optimè regit ille Princeps, qui & regit, & regitur, regit Imperio, regitur consilio.

II. Proinde in Polonia etiam, ut Consilia ad
Salutem

Salutem Reipublicæ, & Judicia ad Justitiæ & æquitatis trutinam dirigerentur, antiquitus constitutum est, ut Rex prudentes sibi Consiliarios, eosq; Nobiles & non nisi juratos *Constit: 1550. 1611.* ad amplissimum Ordinem admittat: Non nascuntur Consilarii, sed leguntur, non aliunde asciscuntur, sed Patriæ Cives non titulis exoticis fulgentes: Magna eorum est Authoritas, & non malè quidam, vehiculum dignitatis Regiæ Senatum nominavit. Semel autem placiti pro æternis servantur, perpetuum enim hoc munus est, quoad quisque vivit, certis annexum honoribus & Magistratibus, partim Ecclesiasticis, partim Secularibus, quorum Ordinem & Nomina hîc exhibeo.

ARCHI-EPISCOPI.

Gnesnensis.

Joannes Stephanus Wyzga.

Leopoliensis.

Constantinus Lipski.

M 3

EPI-

EPISCOPI.

Cracoviensis, in Minori Polonia.
Post fata Andreæ Trzebicki sedes adhuc
vacat.

Cujaviensis seu Vladislaviensis &
Pomeraniæ, in Majori Pol.
Stanislaus Sarnowski.

Vilnensis, in Lithvania,
Nicolaus Stephanus Pac.

Posnaniensis in Maj. Pol.
Stephanus Wierzbowski.

Alter-
nant.

Plocen-

Plocensis, in Mazovia.
Bonaventura Madalinski.

Varmiensis & Sambienſis
in Pruſſia.
Michaël Radziejowski.

Alter-
nant.

Luceorienſis, in Volhyniâ.
Stanislaus Dąbski,

Præmyſlienſis, in Ruſſia rubra.
Joannes Zbąski.

Samogitiæ ſive Mednicenſis.
Caſimirus Pac.

Culmen-

Culmenfis & Pomeſaniæ,
in Pruſſia.

Joannes Małachowski.

Chelmenſis, in Ruſſia rubra,
Stanislaus Święcicki.

Kiovienſis & Czerniechoviенſis,
ad Boryſthenem,
Joannes Stanislaus in Witwica Witwicki.

Camenecenſis, in Podolia,
Stanislaus de Brzezie Woienſki.

Smolenſcenſis, in Ruſſia Alba.
Alexander Kotowicz.

Episco-

Episcopos excipiunt Senatores SECU-
LARES, quorum III. Classes.

Palatinorum, quibus accensentur tres
Castellani, Cracoviensis, Vilnensis,
Trocensis, & unus Capitaneus, scili-
cet Samogitiæ.

Castellanorum, Majorum & Mino-
rum,

Officialium Ordinis Senatorii.

Castellanus Cracoviensis.

Stanislaus à Warzyce Warzycki, Sena-
tor à tempore Sigism. III.

N

PALA-

PALATINI.

Cracoviensis.

Demetrius Korybuth Dux Wis-
niowiecki.

Posnaniensis.

Christophorus in Grzymultowi-
ce Grzymultowski.Alter-
nant.

Vilnensis.

Michaël Casimirus Pac.

Sendomiriensis.

Joannes à Tenczyn Tarlo.

Castel-

Castellanus Vilnensis.
Andreas Kotowicz.

Palatinus Califfiensis.
Sigismundus Działyński.

Trocensis.
Marcianus de Kozielsk Oginski.

Siradiensis.
Felicianus Potocki.

Castellanus Trocensis.
Joannes Kopec.

N 2

Pala-

Palatinus Lenciciensis.
Wladislaus de Leczno Leszczyński.

Capitaneus Generalis Samogitiæ.
Post mortem Victorini Młeczko adhuc
vacat iste Capitaneatus.

Palatinus Brzestensis.
Joannes Comes de Buin Opaliński.

Palatinus Kioviensis.
Andreas in Stanisławow Potocki.

Palatinus Inowładislaviensis.
Paulus Szczawinski.

Pala-

Palatinus Ruffiæ.

Stanislaus Joannes Jabłonowski.

Palatinus Volhyniæ.

Michaël Dux in Klewan Czartoriyski.

Podoliæ.

Stanislaus Koniec polski.

Smolenscensis.

Christophorus Jesman.

Lublinensis.

Wladislaus de Naglowice Rey.

N 3

Polo-

Polocensis.

Joannes Casimirus Comes in Bychow
Sapieha.

Belzensis.

Constantinus Dux Wisniowiecki.

Novogrodensis.

Polubinski.

Plocensis.

Samuel in Prazmow Prazmowski.

Witebscensis.

Joannes Antonius Chrapowiecki.

Mazo-

Mazoviæ.

Albertus de Krasno Krasinski,

Podlachia.

Venceslaus Comes de Leshno Lesh-
czynski,

Ravenfis.

Zaluski.

Brzescianensis.

Stephanus Kurcz.

Culmenfis.

Joannes Gninski.

Mscis-

Mscislaviensis.

Joannes Oginski.

Mariæburgensis.

Post mortem Bakowii nondum alius
constitutus est.

Braclaviensis.

Martinus Zamoyski.

Pomeraniæ.

Vladislaus Comes à Dönhoff.

Minscensis.

Białozor.

Czer-

Czerniechoviensis.

Stanislaus Jaskoński.

CASTELLANI MAJORES.

Posnaniensis.

Stanislaus Krzycki,

Sendomiriensis.

Alexander Comes de Tarnowo.

Calisfiensis.

Radomicki.

Voynicensis.

Stanislaus Skarszewski.

O

Gnez-

Gneznensis.

Alexander Sielski,

Siradiensis.

Joannes Męcinski.

Lenciciensis.

Paulus de Gembice Gembicki.

Samogitiæ.

Stanislaus Vincentius Orda.

Brestensis.

Melchior Grudzinski,

Kijo-

Kijoviensis.

Stephanus Comes de Czernichow Niemirycz.

Inowładislaviensis.

Paulus Ludovicus Szczawinski.

Leopoliensis.

Martinus Kacki.

Volhyniæ.

Stephanus Lidichowski.

Camenecensis.

Gabriel Silnicki.

O 2

Smo-

Smolenscensis.

Wilczek.

Lublinensis,

Felix Parys.

Polocensis.

Joannes Korszak.

Belsensis.

Myskowski Marchio Pincoviensis.

Novogrodensis.

Nicolaus Przezdziecki.

Plocen-

Plocensis.

Stephanus Gembicki.

Vitebcensis.

Kofzakowski.

Cernensis.

Stanislaus Rudzinski.

Podlachiaë.

Stanislaus Carolus Luzecki.

Ravenfis.

Albertus Mokronoski.

Q 3

Brzescia-

Brzescianensis.

Stephanus Piaseczynski.

Culmenfis.

Michaël Działyński.

Mscislaviensis.

Ryfkowski.

Elbingensis.

Joannes Działyński.

Braclaviensis.

Stephanus Lidschowski.

Geda-

Gedanensis.

Michaël de Działyń Działyński.

Minscensis.

Czerniechoviensis.

Stephanus Zamoyński.

CASTELLANI MINORES.

Castellanus Sandecensis.

Nicolaus Przerębski.

Castellanus Medirecensis.

Franciscus Ciswicki,

Castel-

Castellanus Vislicienſis.
Petrus Opocki,

Biecenſis.
Andreas Kuropatnicki,

Rogozinenſis.
Gizicki.

Radomiensſis.
Petrus Corvinus Kochanowski.

Zavichostenſis.
Lucas Czermiński,

Castel-

Castellanus Lendenfis,

Lafzcz.

Sremensis.

Petrus à Przyna Przyiemski.

Zarnovienfis.

Tęgoborski.

Malogoftenfis.

Alexander de Rozniatycze Derszniak.

Vielunenfis.

Thomicki,

P

Castel-

Castellanus Præmysliensis.
Felicianus de Grochowiec Grochowski.

Haliciensis.
Stephanus Zamoyski.

Sanocensis.
Kuropatnicki.

Chelmenfis.
Joannes Piafeczynski.

Dobrinensis.
Jacobus Zboinski.

Castel-

Castellanus Polaniecensis.
Stanislaus Dunin Borkowski.

Premetensis.
Adamus Rozrazewski.

Crivinensis.
Maximilianus Miaskowski.

Czechoviensis.
Joannes in Olexow Gniewosz.

Naclensis.
Chrzastowski.

P 2

Castell.

Castell. Rolpirienfis.
Stanislaus Suchciecki.

Biechoviensis.
Nicolaus de Szoldr Szoldrzki.

Bydgostiensis.
Stanislaus Sokołowski.

Bresinensis.
Joannes de Mniewa Mniewski.

Crusvicensis.
Constantinus Szczawinski,

Castell.

Castell. Osviecimensis.
Paulus Stokowski.

Camenecensis.
Silnicki.

Spicimiriensis.
Stephanus Walewski.

Inowlodensis.

Kovaliensis.
Jacobus Trzebuchowski.

P 3

Castell.

Castell. Santocensis.
Chrysosthomus Jaskoński.

Sochacoviensis.
Petrus Sładkowski.

Warsaviensis.
Joannes Narzyski.

Gostinensis.
Martinus Sadowski.

Visnensis.
Adrianus Lochowski.

Castell.

Castell. Racionensis.
Stanislaus de Dubnin Kriski.

Sieprcensis.
Szydłowski.

Wyśogrodienſis.
Adamus Laſocki.

Ripinenſis.
Joannes Kuczborski.

Zakrocimenſis.
Joannes na Chodowie Olendzki.
Castell.

Castell. Ciechanoviensis.
Albertus Krasinski,

Livensis,
Ludovicus Constantinus Oborski.

Słoncensis.
Nicolaus Tolibowski.

Lubaczoviensis.
Victorinus Stadnicki de Znigrod,

Conariensis Terræ Siradiensis.
Dąbski.

Cona-

Conariensis Terræ Lenciciensis,
Paulus à Warszycę Warszyccki.

Conariensis Terræ Cujaviensis,
--- --- --- Gorszewski,

Per Ordinationem Ducatus Livoniæ
Ao. 1677. auctus est numerus iste, quip-
pe tres Senatores ibidem constituti le-
guntur, quos hîc separatim appono, quia
Ordo sessionis expressus non est:

EPISCOPUS.

PALATINUS.

Joannes Theodorus Comes de Schlieben.

Q

CA-

CASTELLANUS.

Otto Fridericus à Foëlkersam,

OFFICIALES ORDINIS
SENATORII.

Mareschallus Regni Supremus.
Stanislaus Lubomirski, S. R. I. Princeps,
Comes in Wisnicz & Jarosław.

Mareschallus Supremus Magni Ducatus Lithvaniæ.
Stanislaus Dux in Kleczko Radziwil,
S. R. I. Princeps.

Can-

Cancellarius Regni Supremus.

Joannes Comes à Pieskowa Skala Wielopolski.

Cancellarius Supremus M. D. Læ.
Christophorus Pac.

Vice-Cancellarius Regni.
Joannes Małachowski.

Vice-Cancellarius M. D. Læ.
Michaël Casimirus, Dux in Olyka &
Nieswicz Radzivill, S.R.I. Princeps.

Q₂

The-

Theſaurarius Regni Supremus.
Andreas in Radzimin Morſztyn.

Theſaurarius Supremus M. D. Læ.
Benedictus Paulus in Czereia Sapieha.

Mareſchallus Curia Regni.
Nicolaus de Granow, Comes in Szklów
& Myſza Sieniawski.

Mareſchallus Curia M. D. Læ.
Theodorus Lacki.

III. Quod

III. Quod suprà de alternatis dictum, non intelligendum est de die in diem, vel ad dies vitæ, sed per Comitìa ad Comitìa.

IV. Observantia erga Sacrorum Præsides, eis prima in Senatu subsellia detulit, & præcipuas Reipublicæ partes curare iussit, quoniam per Spirituales lumen Religionis Christianæ accensum & introductum est. In Comitiiis quidem Lublinsibus sub Rege Alexandro certatum est inter Procures Ecclesiastici atq; Politici Ordinis de loco in Senatu, contendebant enim hi, ut Episcopi alterum latus Regis sibi concederent, alterum verò vel dextrum sanè ipsi tenerent. Post longam tamen contentionem, Rex controversiam ita diremit, ut Episcopis suæ manerent prærogativæ, & utriq; Regio lateri assidendi jus haberent. *Crom. lib. 30. fol. 830.*

V. Sigismundus Augustus in Comitiiis dicto loco, scil. Lublini Anno 1569. habitis, ubi unio seu conjunctio Lithvaniæ cum Polonia finem sortita est,

--- --- dum paribus se legibus ambæ

Invictæ gentes æterna in fœdera mittunt,
juxxit Ordinem Senatus Lithvanici cum Polonico.

VI. In Comitiiis Regni Generalibus solent

Q3

depu-

deputari XXXII. Senatores, pro quovis quadrante anni unus ex Episcopis, vel etiam Archiepiscopis, unus ex Palatinis, duo ex Castellanis, eo ordine, uti in Senatu sedent, *Constit. Ao. 1576.* qui ad latus Regium, ne quis scrupulum habeat de usurpando dominio contra leges Regni, *Constitut: 1607.* & quidem pro qualibet anni parte quatuor residere debent, juxta *Constit. 1641. p. 37.* nam antehac sedecim Senatores, i. e. quatuor Episcopi, quatuor Palatini, & octo Castellani conjunctim denominabantur, & non tantum Spirituales, sed etiam Seculares ad Semestre residere tenebantur, jam verò illi tantum ad semestre, hi ad quadrantem anni obligantur. Anno tamen 1649. propter insolentiam & excessus Cosacorum etiam ex Nobilitate & quidem ex singulis Palatinatibus unus ad Residentiam penes latus Regium obeundam designatus est. Hi ipsi Residentes quicquid statuerunt, vim legis habuit, vid. *dicta Constitutio.* Antiquius exemplum in *Constit. Ao. 1590.* recentius in *Constit. Grodnenfi Ao. 1678.* reperitur. Designati ad Residentiam Senatores tenentur suo officio satisfacere, sub pœnâ mille marcarum, Sigism. III. *Constit. 1607. p. 31.* quæ tamen in sequentibus Comitibus

tiis aucta est & duplicata, *Constit. Anno 1609. p. 889.* Spirituales verò sub mulctâ sex mille marcarum, de quo pluribus in dicta *Constit. Ao. 1607. & Anno 1678.* Pœnam hanc succumbunt, si Senator Spiritualis per Semestre, Secularis per quadrimestre, non continuò resident, *dict. Constit. 1641.* Hinc si Senator tempore residentiae suae causam in quocunq; habeat subsellio, beneficio exemptionis gaudet.

VII. Senatoribus autem residentibus Secularibus, ut & Episcopis ex oris Russicis constitutum est singulis salarium quingentorum florenorum ex Thesauro utriusq; gentis solvendum. Episcopis tamen ex Majori Minoriq; Polonia, quoniam ipsorum reditus sunt opimiores, nullum datur salarium. *Constit. Ao. 1573 & 1576.*

VIII. Licet autem extra illos Deputatos cuilibet Senatori in Aula Regia residere & consiliis interesse, *Ao. 1576. p. 276.* Senatores in consilio præsentes & consentientes ad consulta subscribenda obligantur per *Constit. 1641.* Ratio deinceps eorundem Consultorum post vota Senatorum in facie totius Reipublicae reddenda est, *Constit. 1576. 1607. 1641.*

IX. Hic notandum non licere Senatori ,
post

post præstitum juramentum, sine consensu publico migrare è finibus, quo de in *Constit.* 1613. *Confæd.* 1668. & *Constit.* 1677. exempla inveniuntur, ubi ut valetudinis curandæ causa fines Regni egredi possent, consensum publicum impetrarunt. Sicut olim apud Romanos non nisi exquisitâ Principis sententiâ extra Italiam abire licebat. *Tacitus Ann. XII. cap. 23.*

X. Archi-Episcopos & Episcopos olim Capitulares eligebant, nunc verò à tempore Casimiri III. eosdem Rex constituit, & Summus Pontifex confirmat. Oportet ut sint nobili de genere. Hinc ægrè tulerunt Ordines, quod Sigism. I. Petrum Gamratum ad Episcopales honores evexerit. Hosi etiam de plebejo sanguine orti doctrina & fama virtutis vicit, ut à Pontifice, à quo Prælatus & post Cardinalis creatus fuerat, tandem moriente (mense Pontificio) Episcopo Varmienti eundem Episcopatum obtinuerit. *Fred. in Henr. Valesio p. 133. & 134.* Legi tamen alibi, quòd jam prius Culmensem gesserit infulam.

XI. Observandum hîc venit, quòd Episcopi Abbatiarum & Præpositurarum Regularium incapaces simul sint, excepto Archi-Episcopo Leopoldo-

Leopoliensi, Episcopis Præmysliensi, Samogitiæ, Culmensi, Kijoviensi, Camenecensi. Quod verò Anno 1658. Episcopo Luceoriensi Abbatia Sieciechoviensis concessa, in consequentiam trahi non debet. Factâ superius mentione Abbatiarum annoto, quod Casimirus I. in memoriam & recompensam vitæ monasticæ Monasterium Tynecense fundaverit, illudq; centum villis dotaverit. Primi Abbatis Aaronis natione Galli ordinatione & privilegio quilibet Abbas Tynecensis est Canonicus natus in Ecclesia Cracoviensi. *Matt. de Mechovia p. 41.* De Canonicatibus hîc obiter adjungo, quod nonnulli à Rege conferantur, alii ab Episcopis concedantur, scilicet si per sex menses Februarium, Aprillem, Junium, August. Octobr. & Decembr. vacare cœperint, reliquis sex mensibus Sedi Romanæ & pro tempore existenti Romano Pontifici reservatis.

XII. Nullus Spiritualium Cardinalatum ac Legationes Pontificis Romani, sine Regis ac Senatus consensu ambire potest. Hinc ad removendos competentiarum scopulos, Rôsa Archiepiscopus Gneznenfis cum Sbigneo Olesnicio Episcopo Cracoviensi & Cardinali alternis die-

R

bus

bus ad consilium vocabantur. *Alexand. in Conv. Petricoviensi Anno 1451.* Cùm Joanni Alberto Regis Vladislai IV. fratri infula Cracoviensis concederetur, in Comitibus Anno 1633. per Constitutionem cavebatur, ne sibi, etiamsi Cardinalititia dignitate emeretur, aliquam præ Archi-Episcopo Gneznensi prærogativam vendicaret. Georgius Radzivill, Episcopus Vilnensis, quia Gregorio Pontifice Maximo, petente Stephano Rege, in Cardinalium numerum relatus, primus Lithvanorum, eam dignitatem in familiam patriamque suam intulit.

XIII. A morte Episcopi Collegium distributis inter se curationibus bona vacantia administrat. Excepta Gneznensi Diæcesi, quæ peculiarem habet Oeconomum, etiam vivente Archi-Episcopo.

XIV. Ultra commune autem Senatorium munus curamque Reipublicæ totius, habent Senatores peculiariora officia pro diversitate Magistratuum. Spiritualium quidem Senatorum Archi-Episcoporum & Episcoporum vulgò notæ sunt.

XV. Archi-Episcopus Gneznensis, Primas, Primusq; Princeps Regni nuncupatur. Defunctus

Etus Archi-Episcopus Prazmowski solebat titulo huic adscribere prærogativam à Magno Ducatu Lithvaniæ, nam cum existens adhuc Cancellarius Regni in contextu literarum suarum, compellasset Episcopum Vilnensem, ut tanquam Primas istius Provinciæ certo invigilaret negotio, arripuit hic & usurpavit titulum Primatis Magni Ducatus Lithvaniæ, à quo tamen, facta expostulatione, abstinuit. Nam uti unus Regno Magnoque Ducatui Lithvaniæ Rex præest, ita unus InterRex Primasque sufficit. Sublimitatem illam Primatiam primus Regno intulit Nicolaus Tromba, Archi-Episcopus Gneznenfis, à Concilio Constantiensi redux Anno 1419. Titulum LEGATINATI, juxta *Cromerum lib. 7.* ab Innocentio III. primus obtinuit Henricus Kietlicius Theodorici Ducis Bernensis ex Æydoria Polona filius, pro se suisque Succesoribus. *Cellararius in Descript. Pol. p. 215.* Id tamen de illo solo debere intelligi allegat *Damalevicius Varta in serie Archi-Ep. Gneznenf. p. 279.* Nam usum & titulum perpetuum Joannes de Lasko sive Laski tempore Julii II. Papæ in Concilio Lateranensi quinto (ad quod Regis Sigismundi Orator fuit) sibi ac Succesoribus Anno 1515. per privilegium

quod habet *Damalevicius in serie Archi-Ep. Gnesnens. p. 9.* acquisivit, vid. *Paprocus in Opere Stem. p. 464. Starovolscius in Elog. p. 6.* Eminent insuper aliis Archi-Episcopus prærogativis,

1. Mareschallus ejus (qui semper ex Senatoribus Regni de Castellatorum Ordine est, ac currum Archi-Episcopi eques præcedit) in Aula Regia insigne suum seu baculum versus terram, nisi Rege præsentem, non dimittit, adeò ut Eidem absentibus aliis Mareschallis fas sit levato scipione Regem in Comitibus publicè prodeuntem, antecire, vid. *Damalevicius Varta p. 17.* Præter Mareschallum habet etiam Cancellarium, vid. *Constit. 1569.*

2. Eidem signum Crucis à persona Spirituali præfertur, quod in Senatu Cruciger adstans sellæ tenet.

3. Ex itinere ad Palatium tendenti Rex salutandus obviam mittit Succamerarium Regni, vel aliquem ex præcipuis Aulæ Officialibus usque ad inferiora graduum, Mareschallus Curia ad caput eorundem ipsum præstolatur, tandem jam vicino sibi Rex aliquot passus it obviam. In literis dat eidem titulum Reverendissimo in Christo Patri. Archi-Episcopus est simul Canonici

nonicus natus Ecclesiæ Plocensis, quem titulum & Civitatem Lovicensem à Conrado Duce Masovix in vim satisfactionis ob eadem in Cancellarium patratam Anno 1240. obtinuit. *Lubien-
scius de vita Episc. Plocens. fol. 360.*

4. Antequam ferculis instruatur mensa Archi-Episcopalis, tympana sonora pulsan-
tuntur.

5. Ab Episcopis vel eorum Officialibus provocatio est ad Archi-Episcopum & ab ipso Leopoliensi ad Gnezniensem, quia hic, ut supra dictum, Legatus Natus.

6. Quod etiam privilegium cudendæ monetæ Archi-Episcopi habeant, recenset sæpè citatus *Varta.*

7. Archi-Episcopus nunquam pro introducendo Legato rhedam suam mittit obviam, nisi tempore InterRegni, tanquam Inter-Rex.

8. Cùm Andreas Olszowski Archi-Episcopus Anno 1677. d. 29. Aug. Gedani fati-
cessisset, Magistratus, sumptâ prius à Sacra Regia Majestate declaratione, omnia Civitatis tintinnabula quotidie per mediam horam pulsari curabat, qui aliàs honor Regum exhibetur filiis. Si vero

R 3

Rex

Rex vel Regina decesserit, tinnitus iste ad horam unam extenditur.

XVI. De Episcopo Cracoviensi notandum est, quòd. Et Dominus octodecim urbium, & Dux Severiæ, atq; ordinatione Urbani V. Academia Cracoviensis Cancellarius. Historici (referente *Paprocio* p. 698.) asserunt, quòd statim ab initio fuerint Archi-Episcopi Cracovienses. Sed *Basko* Custos Posnaniensis scribit, quòd Episcopatus penes Cracovienses, Archi-Episcopatus penes Gneznienses fuerit, & demùm tempore Casimiri Monachi Ao. 1046. Aaron petens confirmationem & Sacrum à Benedicto IX. Papa hunc honorem Ecclesiæ Cracoviensi acquisiverit, uti patet ex Epistola, quam allegat *Paprocus* ibidem. Post illum fuit Lampertus Zula Polonus, qui non misit pro pallio, sed Episcopali dignitate contentus fuit; Nec Successor ejus Stanislaus intermisso jam titulo Archi-Episcopali splendescere voluit. Episcopi Cracovienses Sacris operantes pallio margaritis distincto utuntur. Notandum hîc, quòd cum Episcopatu Cracoviensi etiam Archi-Episcopatum Gnesnensem Fridericus, Princeps Regius Alexandro VI. & Petrus Gamratus Paulo III. ac Bernhardus Maciejowski,

ki, Paulo V. indulgente tenuerunt. Fridericus ille ab eodem Papa honoris causa in Cardinalium Collegium est cooptatus. Episcopo huic Cancellaria Regia Titulum admodum Reverendo Przewielebnemu, reliquis verò Episcopis Reverendis inscribit.

XVII. Quòd Episcopus Cujaviensis, nolente, absente, vel prorsus non existente Archi-Episcopo Gneznensi, Inter Regis Officio fungatur, jam suprà ostendi. Licet inter Pruthenicos non censeatur, habet tamen Jurisdictionem in Provinciam Pomerellicam, & Neringiam, ut vocant, Gedanensem.

XVIII. De Episcopo Posnaniensi hoc notandum, quòd etiam in Mazovia Jus Episcopale exerceat.

XIX. Plocensis Antistes est Pultoviensis Territorii Supremus Princeps, nec ab illo datur provocatio ad Regem.

XX. De Episcopatu Varmiensi notandum, quòd Paulus de Legendorff se & Varmiam Regi Poloniæ tradiderit Anno 1466. Est ille Præses Terrarum Prussiæ, habens sub se Nobilitatem ab omni Regionum Magistratuum Jurisdictione exemptam, sicut Cracoviensis in Ducatu

tu Severiæ. Henricus Sorbohm à Carolo IV. Imperatore pro se & quolibet Episcopo Varmieniensi accepit titulum Principis Romani Imperii, exstat tamen Bulla, ubi idem Imperator ejusdem Antecessori Joanni Streyfrokeundem titulum tribuit. Olim Papa prætendebat sibi soli Episcopatum Varmiensem subesse, de quare Joannes I. Roma Rescriptum accepit, deinde ingerebant sese Magistri Ordinis, qui tamen Ao. 1466. cum inter Regem pax constitisset, juri suo renunciarunt. Nihilominus usq; ad tempora Fabiani de Lusianinis ratione Electionis inter Reges & Capitulum Controversiæ fuerunt, donec ille Anno 1512. in Comitibus Petricoviensibus Sigism. I. Jure Patronatus cesserit. Olim iste Episcopus Brunsbergæ habuit sedem, nunc Heilsbergæ.

XXI. Culmensis Episcopus olim Varmien-
si fuit superior, cum ipsius Episcopatus fuerit an-
tiquior, Residentiam suam habet Lübaviæ.

XXII. Episcopatu Kijoviensi subjecta est,
Constitut: Anno 1638. Diæcesis Czernichoviensis &
Novogrodnensis Severiæ ultra Borysthenem.

XXIII. Episcopatus Vendenfis per Pacta
Oli-

Olivensia sublatus, sed per Ordinationem Livonicam Anno 1677. institutus est Episcopus Livoniæ.

XXIV. PALATINI munera sunt, esse Ducem Copiarum suæ Satrapiæ in expeditionibus bellicis, indeque nomen habet linguâ vernacula, ut Wojewoda vocetur, quasi Dux belli sive Copiarum. In Conventibus Nobilitatis præfidet, pretia rebus venalibus imponit, ponderum & mensurarum curam gerit. Judæorum, etiam Patrocinium & Judicia ad eundem pertinent. Habent suos Vice-Palatinos juratos, qui possessionati sint, oportet. Rem hic notatu dignissimam appono, quòd quilibet ex Palatinis sit Princeps creatus, juxta *Statutum Lithvanicum*.

XXV. Proximum à Palatinis honorem obtinent CASTELLANI, nisi quòd Cracoviensis Castellanus à tempore Boleslai Krzywousti primas obtineat, & concessu suffragioque omnes Palatinos antecedit. Palatini Cracoviensis & Posnaniensis alternis inter se vicibus priora & posteriora loca occupant. Porro Castellani Vilnensis & Trocensis, ac Samogitiæ Capitaneus inter Palatinos eminent: Notandum hîc, quòd Cancellaria Regia Castellano Cracoviensi tanquam

quam primo inter Seculares Regni Senatores, & Palatino Vilnensi, tanquam primo in Lithvania Senatori, titulum Illustris Jasnje Wielmozny inscribit. Quod etiam Rex Mareschallos & Cancellarios supremos eodem titulo per literas compellet, habet *Piassecius in Chronico* non autem Cancellaria in usu, à qua illis, ut Palatinis & Castellanis Majoribus tribuitur titulus Magnifici, Wielmozni, Minoribus Castellanis Generosi, Vrodzeni. Castellani quasi Legati sunt Palatinorum, & Ductores Nobilitatis sub suo quisq; territorio. Inter Castellanos verò Majores & Minores hæc est differentia, quòd illi (exceptis nonnullis) à Palatinatibus: hi à terris denominentur, discrimen quondam inter ipsos majus fuit ita, ut minores interdum etiam subierint munus nunciorum terrestrium. Sed usus hodiè illos cum cæteris exæquavit. In Lithvania tamen non est mos minores Castellanos creare; prout in Polonia: Nam quælibet Satrapia duos tantum Senatores, Palatinum & Castellatum habet. Quilibet ex hisce Dignitariis in Palatinatu vel terra sua habere debet possessionem veram. Palatinatus & Castellaniæ nec inter se sunt compatibles, nec ibidem cum Capitaneatu vel alio quocun-

quocunque officio, excepto Palatinatu & Castellania cum Capiraneatu Cracoviensi, *Casimir. III. in Conventu Nieszow: Ao. 1454. Sigism. I. Anno 1538. & Sigism. August. Anno 1562. vide Statuta Lascii & Herburti, item Palatinatu Kijoviensi & Czerniechoviensi, juxta Constit. 1635.* Nullus etiam Castellanus potest esse Burggravius Cracoviensis, cum cujuslibet Castellani præsentia in expeditione generali opus sit, Burggravius verò in Castro Cracoviensi adesse teneatur. *Constit. Ao. 1562. p. 23.* Pacis autem tempore Castellani præter munus Senatorium nullam habent jurisdictionem.

XXVI. Juramentum, quod Senatores, qui non sunt Officiales, præstant, hujus tenoris est: *Ego N. juro, quia Serenissimo Principi ac Dno. Dno. N. Regi Poloniae fidelis ero, pro ejusq. Majestate & Reipublicæ Regni sui fideliter consulam, & in judicio justè sententiam dicam, secreta, quæ mihi per Suam Majestatem & Consiliarios ejus dicentur, contingentia vel Majestatem Regiam vel Rempublicam aut utrumq. nemini injuriam Regiam & Reipublicæ pandam, & pro posse meo utilitates Suae Majestatis Regiæ Regni & Reipublicæ augmentabo; quicquid verò scivero, intellexero, aut sensero Suae Majestati Regiæ, Regno & Reipublicæ nocibile*

& damnosum præcustodiam, & ne fiat, me opponam & illud avertam. Sic me DEUS adjuvet, & hoc sacrum Evangelium, aut hæc sancta Crux, vid Constit. 1588.

XXVII. Cum Regis Regniq; amplitudo requirat, ut sint aliqui singulares Magistratus, ideoque de iis speciatim agere, non abs re erit, & primò quidem de Supremis Regni & Magni Ducatus Lithvaniæ MARESCHALLIS. Uti Cancellariis Sigillum, ita Mareschallis scipio datur. Potest autem officium hoc viris de quacunque terrâ, dum modò singulari prudentiâ subnixis, conferri, juxta *Casim. III. Ao. 1454.* Præferunt illi immediatè ante Regiam Majestatem scipiones, adeò ut Principes Regis Patrem non præcedant, sed sequantur. Incumbit Mareschallis, ut in loco Conventus Generalis, tam sub Rege & in Aula Regia, quàm sub InterRegno omnia in tuto ac tranquillo sint. Coërcendi ergò & puniendi facinorosos, etiam ultimo supplicio, Potestatem habent, estq; eorundem forum ultimæ ferè instantiæ, & cum aliqua est causa majoris momenti, non per viam Appellationis, sed Informationis sententia Regia exposcitur. Habent prætereà facultatem præstandi silentium, faciendiq; Copiam dicendæ Sententiæ, Legatos
extra-

extraneos introducendi, moderandi pompis publicis, diverforia distribuendi, imponendi rebus venalibus pretia, undè etiam tributum Forale ipsis provenit. Dum autem Rex in Expeditione bellicâ & loco campestri constitutus est, Supremus Exercituum Dux communi consilio pretium rebus imponit. Quæ & alia munia iisdem injuncta sunt ab Alexandro in Conventu Petricoviensi Anno 1504. Quamobrem ob tot curas officium hoc cum aliis incompatibile est, ordinatione *Sigism. August. Anno 1565. p. 84. vid. Pacta Conventa Michaëlis & Joannis III.* Cùm intersit Residentiæ Regiæ, ne unquam Officium Mareschallale ad aulam vacet, debent Mareschalli Regni Magniq; Ducatus Lithvaniæ ita inter se dividere tempus, ut quilibet eorum per quadrimestre ad latus Regium commoretur, & munia quævis officio incumbencia sine ullo respectu adimpleat, hoc Ordine primus erit Supremus Regni, secundus Magni Ducatus Lithvaniæ. Posthac Mareschallus Curia & denique Lithvaniæ succedet, uti ordinatum legitur in Punctis Anno 32. ad Castra Varsoviensia porrectis. Ipsis absentibus Cancellarii vel Thesaurarii functionem hanc exercent. Juramentum, quod præstant, sequens

est: Ego N. juro, quod Serenissimo Principi & Domino, Domino N. Regi Poloniae & ejus Successoribus & Regno Poloniae in hoc Officio Mareschalcatu mibi commissio fidelis ero, illudque tam in Conventibus publicis, quam etiam in aliis locis in Aula Majestatis Regiae summâ fide & diligentia administrabo, non privati mei aliquis quaestus, sed dignitatis & utilitatis tantum Majestatis Regiae & Regni Poloniae gratia. In Consilium Regiae Majestatis adhibitus illud ego fidele Majestati ejus & Regno Poloniae prestabo. Nulla secreta, quae mihi aliquando à Majestate Regia vel Senatoribus Regni communicata fuerint, praeter voluntatem vel in praedictum Majestatis ejus & Regni Poloniae revelabo. Pericula omnia, quae imminere Regno & Regi Poloniae scivero aut opinabor, Majestati ejus & ceteris Senatoribus indicabo, & pro posse meo avertam. Personae cujusque dignitatis rationem pro loco & tempore habebō. Seditiones, contentiones, rixas, scandala, excessus, maleficia, ne fiant in Aula Regia & in Conventibus publicis, omni meâ operâ & diligentia providebo. Quod si forte aliqua eiusmodi acciderint ea, quantum in me erit, sedabo aut animadversione justâ vindicabo, idque consensu jussu & autoritate Majestatis Regiae: ceteraque officii mei munera & onera juxta praescriptum Statutorum Regni fideliter observabo, idque non sine mutuo consilio & Consensu

su cæterorum Regni Consiliariorum & Officialium, qui præsentés in Aula fuerint. Sic me Deus adjuvet & sancta ejus Crux!

XXVIII. CANCELLARIORUM munere, antiquitus soli ferè Sacerdotes functi sunt, utpotè qui barbaris istis seculis soli ferè literarum, cognitionem habuerunt, adeoque illis officiis præfecti sunt, quæ sine literarum adminiculo obiri nequiverunt. Casimirus hujus Nominis primus, inter Reges primus refertur, qui linguâ calluit Latinam. Jam pridem verò Poloniè Græciâ simul & Latio pulsas aut spretas Musas apud se comiter habent. Planè Romanæ par Respublica Polona, quæ viros alit non minùs robore ac prudentiâ, quàm eloquio florentissimos. Felicior lingua, quàm Respublica Romanorum. Hæc periit, illam in hunc usq; diem orbis perit, ita fructus ingenii magis perennant quàm vires. Postea Lege cautum est, ut unus ex iis sacri, alter profani Ordinis haberetur, propter actiones, quæ interdum tales eveniunt, quòd Spirituali Personæ executionem committi non conveniat. *Sigism. Cracoviæ Anno 1507.* Secretariis, Scribis, Sacerdotibus, Concionatoribus, Aulicis, Ceremoniisque Ecclesiasticis, præsertim is qui

qui est de Ecclesiastico Ordine moderatur. Si Spiritualis ante infulam adeptam Sigillo potiat, tunc sedem inter Cancellarios seculares obtinet, atque aureâ catenâ instar fasciæ pendentis utitur. In Lithvania uterque est Secularis: Majores verò Episcopatus, Gnesnensis, Cracoviensis, Vladislaviensis, Posnaniensis, Varmiensis, Plocensis, cum Officiis Sigillorum Regni, sunt incompatibiles. *Alexander Petricovia Anno 1504.* Hinc tempore Sigism. Augusti in Comitibus, Maciejovius contra Leges sub proximis Regibus latas, Cancellarius simul & Antistes Cracoviensis esse arguebatur. Laurentius etiam Gembiſki existens Episcopus Culmenſis, Cancellarium Anno 1608. aſſequebatur, & poſtea Anno 1610. Episcopus Vladislaviensis denominabatur, & nihilominus utramque dignitatem per tres annos retinebat, tandem cum in Comitibus Anno 1613, Status & Ordines Regni, præprimis verò Sigismundus Miskowski Mareſchallus hoc ægrè ferrent, Cancellariatu cedere coactus fuit. In felicibus glorioſè regnantis Joannis III. Comitibus Coronationis Sigilli Regni Cura Reverendiſſimo Domino Stanislao Wyzga Episcopo Varmiensi permiſſa eſt, nam ejusdem raræ ingenii dotes & miræ

& miræ vires eloquentiæ, quibus singulariter de Republica meruit, prævaluerunt ut lex pro hac vice dispensata sit, *Constitut. 1676.* Allegabat tamen Trzebicius Episcopus Cracoviensis, cum pro illo meritissimo Patriæ Cive verba faceret, exemplum quod Tylicius ab Episcopatu Culmensi cum Sigillo ad Varmiensem ascenderit. Nec minus Seculares Palatinatum aut Castellaniam accipientes tenentur Sigillo renunciare. *Idem Alexander Petricovia Anno 1540.* Quamquam è contra nonnulli supremos Palatinatus & Castellanus dimiserint, ut Cancellariatu gaudere possent, nisi quod meritissimus ille Nestor Joannes Leszczynius Cancellariatu renunciaverit, & posthac Palatinatum Cracoviensem gesserit. Antehac Mareschalli, Cancellarii, & Thesaurarii non habebant locum in Senatu, sed in Comitibus Lublinsibus, cum assignaretur ejusmodi Magistratibus Lithvanicis in Senatu locus, quem in Lithuania habuerant, Polonicis quoque ea prærogativa merito concessa est, *Piascius sub Anno 1607.* Sed jam antiquius eos fuisse Ordinis Senatorii inde patet, quod in Comitibus Petricoviensibus Nuntii rogaverint, ut Rex istas dignitates distingueret, ne scilicet Pa-

T

latinis

latinis & Castellanis simul conferret. In Petri-
coviensi Statuto Alexandri (qui utique ante Si-
gismundum Augustum sceptrum tenuit) hæc le-
guntur: *Statuimus, quòd Thesaurarius Regni quem-*
admodum Coronatorum & Thesaurorum Regni, que
omnium rerum summa sunt, conservator & custos ex-
istit, sic non immeritò fungi debeat Senatoriâ dignitate.
Cancellarii & Pro-Cancellarii munus alternatis
vicibus penes Episcopos, & par utriusq; est au-
toritas ac potestas, excepto, quòd Supremus
sit majoris, Vice-Cancellarius minoris Sigilli
Custos, & hic non nisi illo absente, Assessorialia
exerceat Judicia, in quibus causæ Civiles & Fi-
sci, omnesque aliæ, quæ ad Regiam Jurisdictionem
pertinent, cognoscuntur. Cùm Reges
ipsorum ore in occurrentibus negotiis loquan-
tur, manuque in consignandis utantur, rectè à
Przylusio fol. 200. oculi, mens, lingua, & manus
Principis dicuntur. Quid aliud est Cancellari-
us, quàm defensor jurium Maiestatis, Argo Rei-
publicæ, libertatis Custos, Patriæ Philarum, &
Officio huic major pars curarum Principis in-
cumbit, per quod maximam potestatem suam,
hoc est, beneficam vim Deo propriam exercet.
Cùm ergò Reipublicæ plurimùm interfit huic
digni-

dignitati viros omnium doctrinarum virtutum-
que genere instructissimos præfici, singulari le-
ge cavit, Cancellariatum, non nisi ex consilio
Senatorum, in publicâ Comitiorum facie con-
ferendum esse atq; deponendum. *Alexander in
Convent. Petricov: Anno 1504.* Non desunt tamen
exempla, quòd etiam extra Comitia hoc munus
collatum fuerit. De Illustrissimo Principe Micha-
ële Radzivilio, Magni Ducatus Lithvaniæ Pro-
Cancellario, Olszowski tunc Vice-Cancellarius
Regni, ad Dominum Wolowicz Campi-Ducto-
rem Magni Ducatus Lithvaniæ ita scripsisse
memini; Radzivilium Principem quod attinet,
quamvis non in Comitiiis Generalibus suscep-
erit Vice-Cancellarii munus, nec in Comitiiis Ju-
ramentum præstiterit, excusari tamen potest ge-
mino Magni Ducatus Lithvaniæ exemplo, quo-
rum Autoritati ac muneri hoc nihil derogavit,
neque Respublica novo emergenti contradixit,
aut ne in posterum simile quicquam fieret, præ-
cavit. Ita etiam Gedani die 28. Octobr. Anno
1677. extra Comitia Reverendissimus Dominus
Wyzga ex Vice-Cancellario Supremus creaba-
tur, & officium ejus præclaris Illustrissimi Domi-
ni Wielopolscii, tunc Dapiferi Regni, virtutibus

conferebatur; Ille, reddito Sigillo minori, à Rege majus, hic verò minus accipiebat. Pro quo honore uterque, ut moris est, stando agebat gratias. Aquila, quæ insigne Regni est, plerumque Cancellarios Spirituales alis suis ad dignitatem Primatiales evehit. Cancellariorum Jurandum hæc formulâ conceptum extat: *Ego N. Regni Poloniæ Cancellarius (vel Vice-Cancellarius) juro, quòd Serenissimo Principi ac Domino, Domino N. Poloniæ Regi & Maiestatis ejus Successoribus ac Regno Poloniæ, in hoc Officio Cancellariatus (vel Vice-Cancellariatus) mihi commisso fidelis ero. Nullas literas Pargamenas sine scitu & expressâ voluntate Regiæ Maiestatis tradam. Papyreas verò nullas tam in Regno, quàm extra Regnum, quæ vel Regiæ dignitati vel honestati derogent, vel ex quibus damnum aliquod ad Maiestatem ejus vel Regnum pervenire possit, & quæ Furi communi & libertatibus adversentur, aut literis ex Cancellaria datis contrarias esse scivero. Membranas item nullas unquam tradam præterquam papyreas, idq; scienter tantum aut jubente Regia Maiestate. Consilium fidele Maiestati Suae & Reipublicæ præstabo, neq; ulla unquam Secreta, quæ mihi communicata fuerint præter Suae Maiestatis voluntatem & mandatum revelabo: & pericula omnia, quæ imminere vel ejus Maiestati vel Regno un-*
decunq;

cunq̃ scivero & cognovero, Maieſtati eius deferam, & pro poſſe meo avertam. Sic me Deus adiuvet & hæc Sancta Evangelia.

XIX. THESAURARIUS eſt promus & condus Theſauri, & Magiſter Officinæ monetariæ, unus in Regno, alter in Magno Ducatu Lithvaniæ. Traditur autem Theſaurus per quatuor Dignitarios, duos ex Majori, & duos ex Minori Poloniâ, ex Majoribus Conſiliariis, qui regiſtrum ejus conſcribunt, atque unum Regi, alterum Theſaurario dant, tertium ipſi aſſervant. Sigismund. Aug. Anno 1563. Sub dicto Rege Theſaurariatus aliarum Dignitatum capax erat, ſed idem Rex incompatibilem declaravit. Conſtit. Ao. 1567. Ad excipiendas Theſauri rationes ſolent in Comitibus nonnulli ex Ordine Senatorio, atque Equeſtri deputari, vigore Conſtit. 1562. 1564. Jura-mentum, quo ſe Theſaurarii obſtringunt, ejus eſt tenoris: Ego N. iuro, quòd Sereniſſimo Principi ac Domino, Domino N. Regi Poloniæ & Maieſtatis ejus Succeſſoribus, ac Regno Poloniæ, in hoc Officio Theſauriatus mihi commiſſo fidelis ero, illudq̃ ſummâ fide & diligentia adminiſtrabo, non privati mei quæſtus, ſed dignitatis tantum & utilitatis Maieſtatis Regiæ & Regni Poloniæ gratiâ, coronam & alia inſignia Regni, Privi-

legia & thesauros omnes Regni diligenter conservabo. Reditus omnes & singulos Regni, & omnia quæ ad fiscum Regni pertinent, summâ curâ & fidelitate exigam & dispensabo. Curam monetæ cudendæ, quando usus postula-
verit, rationes ærarii, expeditiones militum, Aulico-
rum, Legatorum, & omnium eorum negotiorum, quæ
ad usus privatos & publicos Maiestatis Regiæ & Regni
Poloniæ pertinent, cæteraque omnia mei officii munia
& onera fideliter, & secundum præscriptum Statutorum
Regni procurabo, idq. non sine mandato Maiestatis Regiæ
& Consilio Consiliariorum & Officialium Regni. In consi-
lio Maiestatis Regiæ & Regni Poloniæ fidele consilium dabo.
Nulla secreta, quæ mihi à Maiestate Regiâ vel à Senatori-
bus Regni communicata fuerint, præter voluntatē, & in
præiudicium Maiestatis Regiæ & Regni Poloniæ. reve-
labo. Pericula omnia, quæ imminere Regno & Regi
Poloniæ putavero, Maiestati Sux & Senatoribus Regni
indicabo, & pro posse meo avertam. Sic me DEUS
adiuvet, & Sancta DEI Crux!

XXX. Proximè Thesaurarios in confessu
Mareschalli Curix sequuntur, qui absentibus su-
premis, ea omnia, de quibus suprâ actum est,
negotia administrant. Si vacat officium Mare-
schalli Supremi, non est de necessitate, ut pro
Successore Mareschallus Curix denominetur.

CAP.

CAP. VII.

DE ORDINE EQUESTRI
sive NOBILITATE.

I.

Tertium in Republicâ nostrâ Ordinem constituit Nobilitas, ad regimen & defensionem cœteræ multitudinis segregata.

II. Nobilitas nova Regiæ potentia ex Consensu Comitiorum, Opus est, antiqua verò temporis solius. Olim Nobilitates à Regibus per Diplomata concedebantur, postea à jus hoc ad Comititia translatum, uti in *Constit.* 1578. cautum, ne plebeji creentur Nobiles, nisi in Comitibus, cum scitu Dominorum Consiliariorum vel in Exercitu ob strenua facinora. Porro Sigism. III. Anno 1601. constituit, quòd nemini debeant jura Nobilitatis concedi, nisi à Senatu & Nunciis Terrestribus, & in Exercitu à Duce commendatus fuerit, & ita quidem, ut per Constitutionem recipiatur, cum nullæ literæ Nobilitatis validæ esse debeant. Cautum etiam simul est, ne subditus contra voluntatem & consensum Domini ad Nobili-

Nobilitatem evehatur. Deniq; Rex Michaël gloriosæ memoriæ in Pactis Conventis cavit, quod nullos extraneos, vel quemcūq; ad Indigenat⁹, vel Nobilitatis ornamenta promoturus sit, nisi quos Exercituum Duces utriusq; nationis, & Ordines Regni Magnique Ducatus Lithvaniæ commendant, eosque qui honores istos sanguine, promeruerint, & quorum virtutes in Rempublicam ac merita probata erunt. Creatis verò Nobilibus vel Indigenis officia & beneficia ad tertium gradum conferenda, neque iidem Legationibus obeundis denominandi, exceptis illis, qui de bello optimè meruerunt, & qui tam vitâ, quàm substantiâ Patriam juvarunt, vel juvabunt. In nonnullis adscripta reperitur hæc vox, quòd *ex nunc* habiles esse debeant. Idem etiam promisit modernus Rex Serenissimus. Sed Ao. 1676. constitutum, ut illi, qui jura Nobilitatis ambiunt, à Rege, vel Ducibus Exercituum gentis utriusque prius in Comitiolis commendentur, ibidemque recepti, tandem in Comitibus generalibus admittantur.

III. Ne autem hæc Virtutis & honoris nomina vilipendio exponantur, non debet Nobilis ad insignia sua recipere ignobilem, sub amissione

fione propriæ Nobilitatis, de quo forum habebit in Tribunali inter causas officii ad instantiam cujuscunque Nobilis 1633. Vult etiam illa Constitutio, ut circa deductionem Nobilitatis ultra testes, qui in legibus antiquis requiruntur, testimonia authentica literaria, i. e. reformationes, divisiones, & bonorum terrestrium possessiones producantur. Cui verò ignobilitas objicitur, ille non potest objicientem reconventionally ignobilitatis arguere, donec prius seipsum justificaverit. Suprà allegata Constitutio refert quoque modos, quibus Nobilitas amittitur, scilicet si quis mercaturam, cauponariam, vel aliam sordidam artem exercent. Imò annumeratur etiam gestio Magistratus civilis, contra quod punctum tamen protestationes emanasse asseritur. Hic devenio ad illos, qui declarationem Nobilitatis impetrant, ubi notandum, quòd cum nihil novi obtineant, & a vitis gaudeant insignibus, Diplomate Regio opus non habeant, nec ipsos lex de novis hominibus afficiat, nam quoniam pro antiquis reputantur, ad quævis munia & officia capaces sunt.

IV. Ut ut magna Nobilitatis Polonicæ prærogativa sit, tamen juxta *Statutum Alexandri Anno*

1505. etiam ille pro vero Nobili æstimatur, cujus mater est ignobilis, dummodo Pater sit Nobilis. Si cui judicialiter illegitimitas objecta fuerit, & ipse non sufficienter se extricaverit, tunc juxta *Constit. 1578.* nullis immunitatibus & prærogativis Equestris Ordinis gaudeat, tamdiu donec illam maculam legitimè absterferit, nec ipsum Decreta ex conductamine obtenta juvare possunt. Nobilitatis & insigniorum cognitio & abjudicatio ad Comititalia Judicia refertur, quamvis ad Tribunal hæc etiam causa spectat. Si quis fraude & dolo se pro Nobili gerat, cum non sit, bonorum privatione punitur, quorum dimidia pars Fisco, dimidia Delatori cedit. Impossessionatus verò subit pœnam carceris, per dimidium annum. Ad hæc si talis Pseudo Nobilis interficiatur ab aliquo, & contra homicidam agant, quibus competit, tanquam pro capite veri Nobilis, qui declaratus Pseudo Nobilis, nulla pœna contra homicidam decernitur. *Sigism. Aug. in Conv. Varsav. Ao. 1577. & 1589.*

V. Fastigium Equestre populi Poloni pulcherrimum est, uti Romæ titulus civis Romani supra quævis alia agnomina exterarum Nationum præstantissimus & clavis ad honores fuit.

Quam-

Quamvis enim apud nos nonnulli Dignitate præcellant, Jure tamen nihilominus cum aliis æquali continentur. Æqualitate libertas constat, *Ordo ille Seminarium Senatus est, inde ad Primatiale Crucem, Scipionem Marefchalli, Cancellarii Sigillum, Clavam belli, ad tiaras curulesq; erectos submisso capite & de genu populus veneratur. Magnanimi eorum animi magnis honoribus fiunt. Judices Generales Supremum ad Regni Tribunal è media Nobilitate deligimus, qui Majestate ferè Regia decernunt, venerationi sunt, & quos Prætores fecimus, miramur, ut verbis utar felicis illius Censoris, utpote cujus censuram de eligendo Piaſto Respublica campi Electoralis Domina jam bis optimam censuit. Hinc etiam in Comitibus Coronationis, cum post adeptum Archi-Episcopatum Sigillum Regni redderet, inter cætera profitebatur, quòd sustulerit ex Israël opprobrium, non posse Regem, nisi ex Principibus externis fieri.*

VI. Nullum in Polonia Comitum Ducumve discrimen est; illos enim ab externis Principibus oblatos titulos Nobilitati Suæ non præferunt, sed talibus ornamentis insignitos paritati Juris & pœnæ subesse volunt. *Constit. 1638. 1641. Hinc Magnus ille non Polonia tantum, sed & se-*

culi decus Joannes Zamoyscius supremus Cancellariæ Militiæque Regni Præfectus titulum Ducis, & honorem aurei velleris, quod ipsi à Legato Regis Hispaniæ offerebatur, recusavit, dicens, sibi suisque posteris abundè honorum Regem suum & Patriam suppeditare, si eos mereantur, externos verò honores superfluos, & alienos à dignitate Regis sui & Patriæ legibus videri. Eodem tempore oblatus fuit Firleio Palatino Cracoviensi titulus Comitis, quem etiam pari constantia & laude posthabuit. Sic etiam cum Sigism. I. Viennam Austriæ ad visitandum Maximilianum Imperatorem venisset, & hic Primoribus, (qui cum Rege tunc erant) Ducales, cæteris Comitum obtulisset titulos, responsum est, se gratias habere Cæsareæ Majestati pro isto benevolentiae documento, sed Nobilitate contentos velle vivere, nec quicquam alieni legibus Patriæ & æqualitati communi inducere, testante *Fred. in Henrico Valesio p. 74.* Imò ad Nobilitatem æqualitatem, quæ magnis semper titulis par est, conservandam, *per Constitut. Anno 1673.* tituli extranei, ut Principatus, Comitatus, omnesque alii perpetuis temporibus abrogati & sublati sunt, quo nemo ejusmodi titulis, insignibus, supra

supra æqualitatē Nobilitarem in Regno uti au-
 fit, sub pœna perpetuæ infamiæ, de quo forum
 ad cujusvis instantiam in Tribunali. Tituli au-
 tem omnes, qui cum unione Magni Ducatus
 Lithvaniæ, uti & Palatinatus Kijoviensis, Volhy-
 nensis & Braclaviensis per incorporationem ac-
 cesserunt, intacti relinqvuntur, juxta *Constit.* 1638.
 1641. Quoniam superius facta est de Comitibus
 mentio, adjiciendū hîc esse putavi, quod sub Vla-
 dislao Jagellone Rege circa An. 1416. cum ille pri-
 vigno suo Joanni Granovio ex Elisabetha Pile-
 cia nato Diploma de Comitatu subscripsisset, Al-
 bertus Episcopus Cracoviensis & simul Regni
 Cancellarius signare noluerit, quòd eodem ti-
 tulo contra leges ornatus esset. *Herb. in Chronico*
p. 228. Antiquius autem Comitum & Baronum
 titulus tribuebatur omnibus, qui cum dignitate
 vel Magistratu aliquo aulæ Regis aderant. Un-
 dè in Legibus sæpè invenies, Proceres, Comites,
 Barones, Regni Poloniæ, qui tamen non hære-
 ditarii, sed honorarii erant.

VII. Prærogativæ autem Nobilitatis hæ po-
 tissimùm sunt:

1. Libera Regis Electio, quæ non multorum
 sed singulorum fit suffragiis, nemine contradi-

cente. Sicut in Comitibus Arragonum uno consultis contraveniente, omnes dissentire videbantur. Hinc etiam non cuiusvis conceditur hanc adire Corynthus; Duces enim Masoviae licet Principes essent Indigenae Regni vetustissimi generis, & locum in consiliis, Terrarum Conventibus & Comitibus haberent, voce tamen eligendi Regis destituebantur. *Przylusius fol. 784.* Sic & Princeps Carolus Ferdinandus in numerum Consiliariorum Regni admissus est, impetrato consensu ad Episcopatum Plocensem, Jus nominandi, inaugurandi, coronandi Regis, eidem concessum non est, juxta *Constit. 1641.* Imò Princeps ille nunquam locum in Senatu sibi competentem occupavit, eminentiam Domus Regiae conservando. Sub InterRegno Sigism. III. Anno 1642. Cosacis Zaporovianis, qui per Nuncios suos ad danda suffragia in Electione Regis admitti petierunt, severius, ut decebat, responsum fuit, nempe Cosacis ex plebe collectis nullas partes in Consiliis publicis, nec in Electione Regis competere, quae soli Senatui ac Ordini Nobilium convenirent, referente *Piasccio in Chron. sub dicto Anno.* Idem ipsis sub InterRegno post Abdicationem Regis Joannis Casimiri Ao. 1669. responsi

responsi loco dabatur, cum per Deputatos ab Archi-Episcopo sciscitarentur, num gavisuri essent in futura Electione aliquo suffragio. Magnum certè libertatis, quæ inter præcipua animi humani bona censentur, momentum est, illi parere, quem spontè elegeris. Quàm ingens bonum & donum sit libera animi Electio ipse DEUS monstrat, dum nemini nisi solis Regibus, scilicet Davidi, Salomoni, Achæ, & Ezechix, gratiam eligendarum rerum fecisse ex Scriptura pateat.

2. Quod Nobilis possessionatus non adjudicandus carceri à Rege, nisi Jure victus, *Constitut. Anno 1550.* præterquam in publico maleficio, *Herbertus fol. 103.* vel in Regestris maleficorum ter descriptus sit; dedit autem hoc Privilegium Nobilitati Vladislaus Jagello Anno 1430. Fundamentalis hæc libertatis Nobilium, & in Capitulatione Regia juramento comprobata lex est. Nobilis Nobilem captivans incurrit pœnam, centum viginti marcarum ac in fundo sessionis turricæ, per unum annum pro pœna publica, quod æqualem sibi captivaverit, & deniq; triplicato temporis spatio, quo alium detinuit, detineri debet sub pœna infamiæ. Damna etiam
retun-

refundere tenetur, Sigism. III. 1588. Idem intelligendum de Capitaneo, qui sub prætectu Officii Nobilem captivavit, excepto jure victo & recenti crimine, *ibidem*.

3. Quod Milites in bonis Nobilium nullas Stationes habeant, sed ex foro vivant. *Sigism. Anno 1588. & Joann. Casimir. Anno 1650.* sub pœna infamiæ prævia Citatione vindicanda, & in *Constit. Ao. 1659.* sub pœna bis mille marcarum & triplici refusione damnorum, & novissimè sub pœna capitis irremissibili; Forum injuriatis assignatur in Tribunali ex registro militarium. *Constit. 1678. p. 26.*

4. Quod Nobiles in subditos, uti olim Romani in servos, jus vitæ & necis antiquitus habeant.

5. Quod si in fundis Nobilium metalli, vel salis fodinæ, aut simile quid reperiatur, reditus ad Dominum fundi spectent. *Pacta Convent. Sereniss. Joann. III.* Olim tantùm specialibus privilegiis Regum Poloniæ hujusmodi Regalia, quærendi metalla concedebantur, postea per *Constitut. Anni 1576.* cautum, quòd Nobilitas omnes utilitates ex fundis suis liberè recipiat, vid. *Lipsk. in Observat. Pract.*

6. Quòd

6. Quòd Domus Nobilis instar asyli sit, ubi facinorosi arrestari, vi autem illicò extrahi nequeunt.

7. Quòd Nobiles non adstricti sint vias publicas juri stapulæ assignatas observare, de quo *Constit. 1565.* prolixius agit; exponendo Civitatum desuper privilegia.

8. Si extraneus aliquis in bonis Nobilium steriliter moriatur, bona ejus non fisco Regio aut Reipublicæ, sed Domino fundi cedunt, quod jus caduci alibi inter Regalia recensetur. *Constit. Anno 1588.*

9. Quod Nobilis ægrotans coram Delegato Regio recognovit, adeo firmum & validum æstimatur, ac si judicio actisque publicis insinuatum esset, prout ex *Statut. Sigism. August. Anno 1550.* à Lipsio in *Observationibus* pag. 181. allegato videre licet. Aliàs verò non est licitum, ut officium ad quempiam proficiscatur pro recipiendo actu aliquo *dict. Sigism. August. 1550.*

10. Quòd Nobili sine liberis defuncto, si cognati usq; ad octavum gradum inclusive supersint, Rex extraneo bona ejus jure caduco non conferat. *Sigism. III. in Constit. Anni 1588.*

11. Inter privilegia Ordinis Equestris etiam

X

hoc

hoc est, quòd non plebejæ sed Nobiles tantum personæ ad Ecclesias Cathedrales recipiantur, *Constit.* 1550. Theologiæ & Jurisprudentiæ Doctoribus aliquot exceptis.

12. Nobilibus certa quantitas salis, (suchodniowa) dicitur viliori venditur pretio ex salinis Bochneri Anno 1252. Vielicen: Anno 139. inventis, ut & ex Oeconomia Samboriensi, vid. *Constit.* 1654. Hoc verò beneficium omni Nobili scilicet possessionato inservit, nam ad usum prædiorum seu villarum datur. Proximiores Palatinatus pro eo mittere tenentur remotioribus. Rex salem ad certa loca devehit curat, vid. *Pacta Conventa*.

13. Quòd Nobilitas legi sumptuariæ non subjaceat, vid. *Constit.* 1613. 1629. Lex sumptuaria.

14. Quòd Judex Civilis in Civitatibus, vel Oppidis Regni in subditos vel res Nobilium arresta concedere non possit ratione quorumvis debitorum, vid. *Czaracki processu Civili parte 1. titulo 8.*

De immunitatibus à teloniis *infra sub tit. de Jure tributorum dicetur, lib. II. c. 5.*

De privilegio bona terrestria possidendi, vid. *infra c. 9. de Civitatibus.*

Hæ & aliæ prærogativæ Nobilibus Polonis concessæ sunt, quia membra Principis sunt, & pro

pro salute Regis & Reipublicæ excubant, atque cervicibus suis Regnum à casibus bellicis defendunt, de quo infra *sub tit. de jure Armor.* Maxime autem per electiones Regum liberas, libertas Nobilitatis Polonæ crevit.

VIII. Postquam supra c. 6. Ordinis Senatorii Officiales exhibui, jam de aliis Officialibus extra eundem Ordinem positis, hîc agendum venit. Sunt autem trifariam divisi, alii totius Regni, & Magni Ducatus Lithvaniæ, alii Curia, alii Palatinatum, Terrarum vel Castrenses Officiales.

IX. Ad primam & secundam divisionem pertinent:

SECRETARIUS MAJOR, unus Regni, alter Magni Ducatus Lithvaniæ, uterque Spiritualis. Admittuntur hi ad secretiora Consilia, expeditionesque publicas, eorumque conscii sunt, quæ Cancellariis & Vice-Cancellariis panduntur, atque adeò officium illorum est gradus quidam ad dignitatem Cancellariatus & Pro-Cancellariatus assequendam. *Alex. in Conv. Petricov. Anno 1504.*

REFERENDARIUS Regni & Magni Ducatus Lithvaniæ, quorum utrobique unus Spiritualis,

X 2

alter

alter Secularis est. Nomen à referendo acceperunt, quia referunt Principi desideria supplicum, & mandata Principis, sive sacras iussiones insinuant. Antiquum hoc & Romanis usitatum fuisse munus, constat ex Novella X. ubi plenius Referendarii sacri Palatii nuncupantur. Habent illi eam prærogativam, quòd licet non sint Ordinis Senatorii, in Judiciis tamen Relationum cum Senatoribus assideant, votumq; suum expediant, ac sententiam Regiam partibus litigantibus annuntiant, illiusque contenta Notario Decretorum extradunt, *Constit.* 1550. Habent illi judicia de colonis & glebæ in bonis Regalibus adscriptis.

EXERCITUUM Duces Generales ac Campi-Ductores bini in Regno & M. D. Læ. Cum in Senatu locum non habeant, Christophorus Radzivil existens Dux Campestris Lithvaniæ Ao. 1632. in Conventu Regni Generali functus est officio Mareschalli Ordinis Equestris. Nec est, quòd miretur quispiam tam amplas Dignitates in Senatu non censerì, Senatoribus namque conferuntur, vel etiam Dignitas Senatoria confertur simul. Majores nostri, (ait *Starovolscius Instit. Rei Milit. lib. 8.*) nusquam bellorum Duces perpetuos

tuos habuerunt, Poloniæque jam coronati Reges ad tempus Duces Exercitibus præficiebant. Primus Joannes Tarnovius à Sigism. I. perpetuus Exercituum Dux creatus fuit. In Lithvania verò à Jagellone Rege statim Radzivilius Nicolaus I. perpetua militiæ Præfectura donatus erat, Campi Ductori æqualis potestas cum Supremo Duce concessa fuit Anno 1653. Sed anno sequenti retractatum, & uterque penes jura antiqua conservatus est, ut videlicet non nisi in absentia Supremi Ducis æqualem Campi. Ductor haberet potestatem, juxta *Constit.* 1601. Quicquid decernebant in Ordine ad disciplinam militarem, id robur Comitiorum habebat, *Constit.* 1590. p. 569. 570. Quæ potestas licet anno subsequenti restricta fuerit, anno tamen 1620. p. 13. redintegrata legitur, cum disciplina militaris firmamentum sit Imperii.

Dignum hic observatione est, quòd Sigism. III. cum Exercituum Dux Zoskiewski, Atavus moderni feliciter Regnantis Joannis III. Ceczoræ occubuisset, post duodecim demùm annos, cum jam in agone vitæ esset, Koniecpolscio hanc functionem concesserit. Quod exemplum allegabat Trzebicius Episcopus Cracoviensis, cum

in Comitibus Coronationis proponeret, ex publico commodo fore, ut Sacra Regia Majestas heroicum illud munus penes se retineret, quod tamen Illustrissimo Duci Wisniovecio tunc Belzensi, nunc Cracoviensi Palatino, & hujus officium scil. Ducis Campestris Illustrissimo Domino Jablonovio Palatino Russiæ cum pristinis juribus, (sine circumscriptione temporis ex suggestu legis Anni 1673. p. 2.) conferebat. Non indignum quoq; hinc notatu, quod Ao. 1579. Supremus Dux Exercitus Lithvanici fuerit Nicolaus Radzivill, Palatinatus Vilnensis & Dux Campestris filius ejus Christophorus.

SUCCAMERARIUS Regni & Magni Ducatus Lithvaniæ. Horum officium in Aula Regia magnam præ se fert auctoritatem. Ab illis enim audientiæ apud Regem procurantur, qui etiam in secretis adesse consiliis facultatem habent. Incumbit ipsis pro ratione officii & familiaritate cubiculi Regii suspiciosa omnia Ordinibus denuntiare. Ideò discessus Regis Henrici non leviter affecerat Archi-Camerarium (erat tùm in officio Joannes Tenczinskius) ne pro officio suo in conscientiam facti traheretur.

The-

Thesaurarius Curiae Regni & Magni Ducatus Lithvaniae.

Vexillifer Regni & M. D. Lx.

Ensisfer Regni & M. D. Lx.

Præfectus Stabuli Regni & M. D. Lx.

Pocillator Regni & M. D. Lx.

Incisor Regni & M. D. Lx.

Dapifer Regni & M. D. Lx.

Subdapifer Regni & M. D. Lx.

Pincerna Regni & M. D. Lx.

Præfectus Culinæ Regni & M. D. Lx.

Notarius Campestris Regni & M. D. Lx.

de quo videatur *Constit.* 1621. § 1628.

Quòd hoc munus non sit cum Dignitate Senatoriâ compatibile, cavet *Constitutio Anno 1633. p. 19.*

Magister Artilleriæ Regni & M. D. Lx.
quæ functio cum dignitate Senatoria
compatibilis est.

Præ-

Præfectus Castrorum Regni & M. D. Læ.

Præfectus Vigilum Regni & M. D. Læ.

Notarii Quatuor M. D. Læ.

Regentes Cancellariæ Majoris & Minoris in Regno & M. D. Læ.

Instigator Regni & M. D. Læ.

Notarius Decretorum Curia Regni & M. D. Læ. qui suos habent Regentes.

Venator Regni & M. D. Læ.

Notarius Thesauri Regni Supremus.

Vexillifer Curia Regni & M. D. Læ.

Vice-Præfectus Stabuli Regni & M. D. Lithvaniæ.

Vice-Instigator Regni & M. D. Læ.

Hæc est consignatio Officialium Regni & M. D. Læ. quos, cum nonnulli inter se de Ordine non conveniant, sine nominibus & cognominibus apposui, nemini faciendo præjudicium.

X. Ad tertiam Classen spectant:

Succamerarius, sive finium regundorum
Prætor.

Capi-

Capitaneus cum Jurisdictione.

Vexillifer.

Judex Terrestis.

Dapifer.

Pocillator.

Sub-Judex Terrestris.

Subdapiſer.

Pincerna.

Venator.

Tribunus.

Notarius Terrestris.

Engfer.

Tribuni alii minores.

Qvæstores five custodes Thesauri.

Et in Mazoviâ Judex Castrensis ante Notarium
juxta excepta. Ordo hic habetur in *Constit. Anni*
1611. 1635. 1638. quæ reassumpta *Ao. 1647. p. 18.*

Circa Succamerarios sciendum, quòd cum
Reges quotannis Provincias Regni obierint, ve-

Y

rifi-

risimile sit, eosdem cubiculi Regii fuisse custodes. De Judiciis ipsorum *vide infra*.

De Capitaneis notandum, quòd licet Ordo Officialium in *Constit.* 1611. descriptus per *Constit.* Anni 1613. mutatus sit, & Terrestres Officiales Castrensibus præferantur, Capitaneus tamen excipitur. Sunt autem Capitanei Arcium & Bonorum Regalium Præfecti. Redituum ex iisdem quartam partem, (quæ ita intelligitur, ut primò pro alendo Tenuario juxta revisionē, pars seponatur, ex reliquo demùm Quarta currat, *Constit.* Ao. 1562.) ex Ordinatione Sigism. Aug. securitati Patriæ providendæ contra excursions Tartarorū pro alendo milite quartiano, pendunt. Quæ Quarta per Institutionem Oeconomix bellicæ Ao. 1638. factam, duplicata est. Ultraq; verò (tempore pacis circa Festū Pentecostes in fisco Arcis Ravensis in præsentia non tantum Thesaurarii sed etiam duorum ex Senatorio, atq; duorum ex Ordine Equestri Majoris & Minoris Poloniæ, deponenda,) ut successu temporis augeatur, singulis quinquenniis constituuntur certi bonorum Regalium Lustratores. *Constit.* 1562. Novi Donatarii & Cessionarii de bonis Regalibus primo an-

no quadruplam Quartam Thesauro Regni tempore & loco designato inferre tenentur, vigore *Constit. Anni 1658.* Ad cujus custodiam præter supradictos etiam Capitaneus loci *Constit. 1508.* pertinet. Præcustoditiones juris de Quarta vid. in *Constit. 1667.* Si quis verò injustè delatus fuerit, Notarius Thesauri poenà mille marcarum debet condemnari, *Constit. 1673.* Nemo autem duos Capitaneatus Juridicos obtinere potest, *Constit. 1652.* Nec ejusmodi Præfecturæ, quæ brachium Regale repræsentant, minorennibus, sed tantum viris de Republicâ benè meritis conferendæ sunt, *Constit. 1589.* Quia etiam Pater & filius una & eadem persona esse censentur, statuit *Sigism. I. Petricoviæ,* quòd si Pater in aliqua terra fuerit ad Palatinatum evectus, filius in eadem Terra vel Palatinatu Capitaneatus officium habere non possit. Si Capitaneus vel Notarius causa legali impeditus Judiciis adesse nequeat, solent ex consensu Comitiorum Surrogatores admitti, cujus exempla in *Constit. Anni 1621. & 1673.* aliisque extant. De Judiciis Capitanealibus & Vice-Capitanealibus *infra lib. 3.* Vice-Capitaneum autem non Rex, neque Nobili-

ras, sed Capitaneus constituit. Capitanei sine jurisdictione sunt Bonorum Regionum, Tenuarii, nullam jurisdictionem annexam habentes, ideò ejusmodi Capitaneatus Nobilibus etsi in illa Terra non possessionatis, conferre licitum est, *Sigism. Aug. 1562.* Post mortem Præfecti, Thesaurarius ab hæredibus defuncti ea bona recipit, secundum inventarium possessori datum, tenetque donec Rex eadem cui contulerit, tunc novo donatario tradit conscripto inventario, *Constit. Anni 1652.* In Capitaneatibus finitimis Ukrainæ Palatinatus Russiæ & Podoliæ uxor Jus communicativum habere non potest per *Constit. 1662.* quia Capitanei ipsi residere tenentur, *ibid.* sub poenâ privationis Capitaneatus, *Confæderat. Anni 1668.* Ad amplianda etiam benè meritorum præmia constitutum est; ne uxor post fata mariti duos Capitaneatus vel advitalitates teneret; *Constit. Anni 1662. p. 9.* Jam autem hæreditario nonnisi ex consensu Ordinum dantur. Ita in Comitibus Anno 1588. Joanni Zamoyski Regni Cancellario, & Exercituum Duci, bona Regalia, Zamech & Kressow, ob maxima ejusdem erga Rempublicam merita in vim donationis

rionis hæreditariæ tradita sunt. Simile exemplum Anno 1631. ubi Alexandro Gąsiewski Palatino Smolenscensi, certa in eodem Palatinatu bona jure perpetuo data sunt; Sic Anno 1661. Domino Palatino Russiæ Stephano Czarnecki, Achilli Sarmatico, ad perpetuam meritorum, ingentium memoriam, Capitaneatus Tykociensis, jure hæreditario datus & concessus est, vid. *Constit. Anni 1661*. De quatuor Candidatis ad Officia Judicis, Subjudicis & Notarii, per Electionem Nobilitatis, Regi præsentandis, cavet *Constitutio 1550*. juxta quam Rex unum eligit confirmatque. In Lithvania non sunt Districtuum Castellani; extant MARESCHALLI, perpetui Comitiorum Directores, scilicet, Osmianensis, Lidenensis, Braclaviensis, Grodnensis, Caunensis, Vpitenensis, Slonimensis, Woskovienensis, Orszanensis, Pincensis, Mozyrenensis, Rzeczycensis; Deinde etiam ibidem reperiuntur TIWUNI Ciwnowie, ut sunt Vilnensis, Trocensis, & Eyrogalensis, qui juxta *Constit. 1598*. Officiales Terrestres præcedunt. Item TIWUNUS in Magna Dyrvian in Minore Dyrvian, Retovienensis, Vzuventensis, Tuverensis, Berzanensis, Korzenensis, Schaudovienensis, & alii. Olim habebant jus vitæ

& necis. Cùm hi Officiales non sint jurati, incompatibilitati haud subjacent. Est porro in Palatinatu Lithvaniæ Officialis, Horodniczii id est Burggravius dictus, locum habens post Notarium Terreſtrem, *Conſtit. 1667. & 1676.*

XI. Magistratus Caſtrenſes ſunt ſequentes:

Capitaneus cum Jurisdictione.

Capitaneus ſine Jurisdictione.

Burggravius.

Vice-Capitaneus.

Judex Caſtrenſis.

Notarius Caſtrenſis, qui ſuum Vice-Notarium, ſed Nobilem poſſeſſionatum, habere poteſt. Vid. plura *infra de Judiciis Terreſtr. & Caſtrenſibus.*

CAP. VIII.

DE COMITIIS.

I.

TRes illi Reipublicæ Status & Ordines, tam propter conſultationem de Republica, quàm propter

propter Judicia habenda conveniunt ad Comit-
tia Regni Generalia, ante quæ, indulgente Si-
gismundo I. Anno 1522. Conventus particulares ha-
bentur, & hi sex septimanis Comit-ia antece-
dunt, Anno 1613. & antequam celebrentur, dua-
bus vel tribus septimanis publicantur, Anno 1567.
& 1589.

II. MINORIS POLONIÆ CONVEN- TUS PARTICULARES OMNES UNA DIE INDICUNTUR.

Palatinatus Cracoviensis Proszoviæ Ge-
neralem Conventum peragit, quem Comitola
Osviecimensia & Zatoriensia, in Oppido Zator
tribus diebus præcedere debent, *Constit. Anni*
1581. & 1616. in *Constit. Anni 1635. p. 26.* octo dies
præfiniti sunt. Dictus Palatinatus mittit sex Nun-
tios, Ducatus verò Osvecinensis & Zatoriensis
unum nominat, ubi notandum, quòd Rex ad
Conventum Zatoriensem non mittat Nuncium,
sed Capitaneum Osvecinensem literis instruat,
quibus de rebus Nobilitati deliberandum ve-
niat. *Constit. Anno 1581.*

Palatinatus Sendomiriensis in Oppido
Opa-

Opatow, eligit sex Nuntios. Lublinensis Lublini, mittit tres Nuncios.

Palatinatus Russiæ celebrat Conventus particulares; videlicet Leopoliens. Præmisliens. & Sanocens. Districtus Wisniensis Wisniæ, Haliciensis Haliciæ, Chelmenensis Chelmæ. Generalis autem Wisnæ, per *Constit. Anni 1635. p. 36.* peragitur. Nuncios creat quatuordecim.

Palatinatus Belzensis convenit in Oppido Belza, quatuor mittit Nuntios.

Palatinatus Podoliæ Cameneci solebat habere Conventus suos ante & post Comitiales, qui postea Haliciam translati, sed cum hoc Oppidum ruinas passum sit, ideo Leopoli eousque celebrandi sunt, donec Halicia restauretur, juxta *Constit. 1677. p. 18.*

Palatinatus Kijoviæ Zytomiriæ, sex denominat.

Palatinatus Volhyniæ in Civitate Luceoriensi, sex.

Palatinatus Braclaviensis in Opp. Winnica, duos.

Pala-

Palatinatus Czernichoviensis Wlodzi-
miriæ, quatuor Nuncios eligit, vid. *Constit.* 1659.
et Anno 1667. p. 53.

III. MAJORIS POLONIÆ CON- VENTUS PARTICULARES, ITIDEM OMNES UNA DIE INDI- CUNTUR.

Palatinatui Posnaniensi & Califfiensi
in Oppido Szreda, ubi nominantur duodecim
Nuncii.

Siradiensi in Opp. Sadek, qui quatuor eligit.

Terræ Vielunensi in Oppido Vielun, mit-
tit duos.

Palatinatui Lenciciensi in Opp. Lencic,
quatuor.

Palatinatui Brzestensi & Inovladislavi-
ensi in Cujavien, in Opp. Radziejovo, nomi-
nat quatuor Nuntios.

Terræ Dobrynensi in Opp. Lipno, duos
creat Nuncios.

Z

Pala-

Palatinatui Plocensi in Oppido Radziadz, tres mittit.

Palatinatus Ravenfis in tribus locis habere confuevit Conuentus fuos, diftrictus Ravenfis Ravæ, Sochaczoviensis in Oppido Sochaczewo, diftrictus Goflinenfis Gombini, in univerfum ſex mittit. Podlachia Palatinatus habet tres terras, inter quas Terra Drohicenfis Conuentum habet Drohicini, Mielnicenfis in Oppido Mielnik, Terra Bielfcenfis in Oppido Bransk, quælibet terra duos eligit, & ita ſex mittuntur Nuncii. Mazovia cum Podlachia uno die fuos habet Conuentus. Terra Cyrnenfis Cynæ, Varſavienfis Varſaviæ, Wyſnienfis Wyſnæ, Wyſzogrodienfis Wyſzogrodia, Zakrocimenfis Zakrocimii, Ciechanovienfis Ciechanoviæ, Lomzenfis Lomzæ, Rozanenfis Rozanii, Livenfis Livæ, Nurenfis in Oppido Nur, quælibet Terra duos creat Nuncios, atque ſic in univerſum viginti ad Comitia expedit. Generalis Conuentus Varſaviæ eo die, quo in majori Polonia Generalis in Opp. Koſo, & in minori Polonia in Oppido Corczyn, vigore *Conſtit. Anno 1576.* & *Anno 1613.* habendus eſt.

De

De Prussia hîc quædam in specie notanda sunt: Olim Pruthenici Senatores nec Senatum, nec Comitia frequentabant. Succedente tamen tempore (sub Sigism. Augusto fortè) sensim plerique comparuerunt, & Nuncii quoque eligi cœperunt. Succamerarii etiam Atrium Nobilitatis in Comitiiis intrant; Civitatum autem Delegati nec in hoc, nec Senatorio (ad quod in Prussia pertinent) comparent. Quando in Regno Comitia celebrari debent, expediuntur ad Culmensensem, Mariæburgensem, & Pomeraniæ Palatinos singulæ universales literæ, latino idiomate, ut, pro more solito, Conventus particulares præfigant. Aliæ etiam binæ literæ, sed Polonico scriptæ sermone, ad Varmiensem & Culmensensem Episcopos mittuntur. Actis Conventibus particularibus Varmiensis tanquam Præses Terrarum Prussiæ Statibus & Ordinibus, (inter quos etiam Civitates Majores sunt, Thorunium, Elbinga, & Gedanum) Conventum Generalem, alternatim Mariæburgi & Grudenti, celebrandum indicit. Ubi postquam convenerunt ad locum, audito sacro Nobilitas Mareschallum eligit, & deindè Nuncius Regius, ad quem à Rege Literæ Polonico, credentiales

autem Latino idiomate scriptæ mittuntur, in plenum confessum Statuum solenniter introdu-
citur. Factâ propositione, & exhibitâ instructi-
one Latinâ, Nuntius Regius eâdem pompâ re-
ducitur, nec postea in Confessum Ordinum nisi
sub ipsum Conventûs finem, revertitur. Post
discessum Nuntii Regii dividuntur conclavia. In
superiori ad caput mensæ duo illi Episcopi, ex
alterâ parte tres Palatini, tres Castellani, & tres
Succamerarii, ex opposito bini Delegati mayo-
rum Civitatum assident. In conclavi inferiori
hodiè sola Nobilitas (exclusis jam minoribus Ci-
vitatibus,) votum habet. Excussis denique re-
bus, quæ ad consultationem pertinent, jungun-
tur iterum duo ista conclavia, ita ut Director ad
mensam Senatoriam alique juxta ipsum Nun-
cii, reliqui in appositis subselliis confideant, do-
nec prævio consensu Ordinum Laudum com-
mune per Secretarium Thorunensem conscri-
batur, idque Latino idiomate, quo etiam in vo-
tis suis Urbium Delegati utuntur. Numerus
Nuntiorum in Prussîâ non est circumscriptus. Ex
Instructione ad Comitia Grodnensia numeravi
in universum viginti novem, nimirum ex Palati-
natu Culmensi undecim, ex Mariæburgensi duos,
ex

ex Palatinatus Pomeraniæ Districtu Dirschavien-
si octo, ex Districtu Svecensi tres, ex Districtu
Tucholiensi tres, ex Districtu Czluchoviensi
unum, ex Districtu Mirachoviensi unum.

IV. PALATINATUUM ET DISTRI- CTUUM MAGNI DUCATUS LITHVA- NIÆ CONVENTUS.

Palatinatus Vilnensis congregatur
Vilnæ, duos Nuntios eligit.

Districtus Osmianensis Osmianiæ,
duos.

Districtus Lidenensis Lidæ, duos.

Districtus Wielkomirienensis Wielko-
miriæ, duos.

Districtus Braclaviensis Braclaviæ,
duos.

Palatinatus Trocensis in Civitate Tro-
censi, duos.

Territorium Grodnense Grodnæ,
duos.

Territorium Caunense, in Civitate
Caunensi, duos.

Territorium Vpicense in Opp. Vpi-
censi, duos.

Ducatus Samogitiæ Comitola sua,
peragit Rozienis, in quibus duos eligit
Nuncios.

Palatinatus Smolenscensis & Distri-
ctus Staroduboviensis Vilnæ, durante armi-
stio cum Magno Duce Moscoviæ, per *Constit.*
Anni 1667. pag. 78. duos ex Palatinatu, & totidem
ex Districtu Staroduboviensi mittit.

Palatinatus Novogrodensis in Oppido
Novogrod, duos eligit Nuntios.

Districtus Slonimensis in Oppido Slo-
nimensi, duos.

Districtus Volkoviscensis in Oppido
Vilkoviscensi, duos.

Palatinatus Polocensis Polocii, duos.

Palatinatus Witebscensis Witebscii,
duos. Distri-

Districtus Orszanensis in Oppido Orszanensi, duos.

Palatinatus Brestensis Brescii, duos.

Districtus Pinscensis Pinscii, duos.

Palatinatus Mscislaviensis Mscislavii, duos.

Palatinatus Minscensis Minscii, duos.

Districtus Mozyrensis Mozyri, duos.

Districtus Rzecensis Rohaczewiæ, duos.

Livonia Düneburgi in loco Territorii solito, per *Constit. Anni 1673. p. 24.* sex creat Nuntios, vid. *plura infra de Livonia.*

V. Antequam Conventus in locis enumeratis celebrentur, præmittuntur Literæ Universales Regiæ ad Officia Castrensia duabus vel tribus septimanis, ut jam suprâ dictum. Literæ istæ posthac ad Senatores & Officiales per Ministerialem expediuntur, atque etiam in foro Urbium ac Oppidorum per eundem Ministerialem publicantur, & templorum valvis affiguntur,

tur, ut tempus & causa Comitiorum innotescat. Conveniunt ergò præfixo die locisq; solitis non modò Nobiles, sed etiam Senatores ejusdem Palatinatus vel Districtus, quibus Capitaneus assignat hospitia ex Officio. Priusquam autem ad Consultationes descendunt, à Sacris faciunt initium, ac deindè Mareschallum sive Directorem eligunt. In Districtibus tamen Lithvanicis supra recensitis perpetui sunt Mareschalli, qui hoc munus, quousque vivunt, exercent. Ad Comitiola ista mittit Rex Delegatum suum, qui à primo Senatore vel Officiali excipitur, & honore supremi loci afficitur. Hic habita priùs Oratione instructionem prælegit, de cujus articulis aliisque etiam rebus postea per vota deliberatur. Postquam de certis Punctis conventum est, consignantur illa à Mareschallo, & tandem iterum ad trutinam recitantur. Palatinatus tamen Posenaniensis & Calisiensis, utut *Constitutionem Anni 1616.* receperit, extra Templum convenit & consultat.

VI. His ita peractis Nuncii Terrestres ex Ordine Equestri non autem Senatorio eliguntur, Mos iste temporibus Casimiri Jagellonidis Secul. XV. introductus. Cùm enim illo tempore
finito

finito tredecim annorum bello contra Cruciferos gesto, tributum ad exsolvenda stipendia militum à Minori Polonia exigeretur, noluit illud sine Majori sciscere, quare placuit è Palatinatibus Nuntios ad Comitata Petricoviensia expediri. Posterioribus temporibus hoc ita inolevit, ut citra ejusmodi Nuncios nulla Comitata legitima habeantur, neque tributum decerni, ac ne lex quidem ulla ferri possit. Eliguntur autem Viri possessionati nulla infamia & bannitione notati, idque pluribus calculis, *Constit. Anno 1631.* Non tamen actionem & causam judicariam in iisdem Comitibus habentes, *Constit. Anno 1540.* Præprimis si circa Electionem Contradictio intercesserit *Anno 1601.* neq; Exactores Contributionum, nisi factâ plenariâ satisfactione Thesauro, & si electi fuerint, locum tamen inter Nuncios habere nequeunt, nam propter ejusmodi privata, solent negotia publica pati difficultates. De Deputatis Tribunalitiis, Nunciis Terrestribus, & militaribus, extat in novella lege 1679. p. 9. explicatio, quod nemo qui est Deputatus (licet ipso actu ad Tribunal non assideat) debeat in Nuncium eligi, nisi post expirationem functionis suæ; Idem etiam statuitur

de Nuncio, quòd non debeat fieri Deputatus, nisi post Comitola Relationis tam in Regno, quàm magno Ducatu Lithvaniæ, quicumq; verò in præjudicium hujus Constitutionis sese eligi permittat, non debet capax esse sessionis Comitialis & Tribunalitiæ, sed ad primam objectionem, dummodò legitimè deductam, ex utraq; statione removeri. Hoc etiam extenditur ad Nuncium Terrestrem, cujuscunque nationis functionem ab exercitu habentem. Nec debent esse plures ultra consuetum numerum, *Constit. Ao. 1540.* In universum autem centum sexaginta tres numeraveris, exceptis Pruthenicis, quorum numerus, ut supra dixi, non est definitus. Hi Nuncii ad rem benè gerendam sub fide, honore, & conscientia obligantur.

VII. Quod superius de Nunciis allegatum est, illud etiam ad Senatores defertur, nam æquè nullus, qui bannitione vel crimine notatur, ad sessionem & jus suffragii admittendus est. Quod tunc observatur, si adversa pars urgeat, probationesque sufficientes producat.

VIII. Comitia sunt vel TOGATA vel PALUDATA. Illa frequentia, hæc verò quando interdum Status militari manu stipati conveniunt,

unt, uti Anno 1587. electuri Regem & Anno 1592. inquisitionem facturi. Similiter Anno 1607. Rex Sigism. III. & Rokosiani ad Comitiam armati comparuerunt. *Rokosz autem vulgatum nomen est, & tessera Gentis Polonicæ, quâ audita, omnis, qui censetur Juris & Status Nobilis, licet sit obligatus obsequio aliqujus Principis & Nobilis, relicto eo, ad communem concurrentis Nobilitatis cætum venire pænis gravioribus obligatur.* Piasecius in Chron. sub Anno 1587.

IX. Locus Comitiorum erat olim in arbitrio Regnantis. Post hæc 1413. constitutum, ut Lublini aut Parczoviæ haberentur. Anno 1540. Petricovia pro iisdem celebrandis electa est. Tandem verò cum Lithvani longius distarent, in gratiam illorum VARSAVIA in medietate Regni sita, Comitibus celebrandis lege definita est Anno 1569. Notatu hîc dignissimum, quòd Varavia Centrum sit multarum Residentiarum, scilicet Romanæ, Parisiensis, Londinensis, Moschoviticæ, & Constantinopolitanæ, Æquali distantia, minori tamen exant etiam ab illa, Urbes Stokholmia & Haga Comitum. Non habentur autem Comitiam Varaviæ, si Causa legitima aliud svaserit, ut ægritudo Regia, *Sigism. Anno 1540.* Obsidio vel pestilentia, sic tempore Sigism.

Augusti populante peste effectum est, ut nec Comititia Varſaviæ indicta haberi potuerint, & Rex ipse ab infecta Urbe ire Kniszinum coactus fuerit. Ob eandem etiam causam Ao. 1653. Brzescii in Magno Ducatu Lithvaniæ Comititia celebrata sunt. Cum verò nihil magis uniat animos Civiũ & consonam reddat Rempubicam, quàm æqualitas, autoritate Conventus Regni Anno 1673. in vim Legis perpetuæ constitutum est, ut tertiũ imposterum Comititia in M. D. Lithvaniæ in Civitate Grodnensi (quæ ad capienda incrementa libertatione trium Annorum donata est) peragerentur, excepto Actu Convocationis sub tempus InterRegni, tũ & ipso Actu Electionis & Coronationis, qui in Regno expediri debent, vid. *Constit. dicti Anni 1673.* Hic observandum, quòd Sereniss. modernus Rex Joannes III. in *Pact. Convent.* promiserit, se velle etiam tertio quovis Anno in M. D. Lithvaniæ residere. Placet hic apponere:

IN-

INSCRIPTIONES GRODNENSES AD FO- RES CURIAE SENATORII.

*Augustum Summis
Poloni ac Lithvani Senatus
Purpuratorum Patrum capitibus
Grodnam reducibus
Assurgo Capitolium.
Quod*

*Obscuro Bellona togæ insidiatrix
Rudera inter condiderat busto
Ac deforme dederat,
Hoc*

*Ad monumentum Pacis
Et Populorum æqualitatis
Ad Sacra*

*Serenissimorum Regum
Michaëlis & Joannis III.*

A a 3

Comi-

Comitialia Sancita

*Christophorus Pac Cancellarius Magni
Ducatus Litvaniae*

*Denis bis vicibus ad Comitium Nuncius,
Brestae Mareschalcus*

*Officioso in Patriam cultu suscitabit,
Ita*

*DEO, Regi, Patriae, Legi,
Augusto sub scuto, Regali securum
Lilio Paciano decorum*

*Ærario M. D. Litt. perennabo restauratū.
Agite Polonae decora Purpuræ
Sanis Consiliis*

*Regum & Legum Majestatem
fulcite,*

*Anno Domini M DC LXXVIII. Mense
Xbri circa inchoationem Comitiorum
Die XIV.*

*Ad Conclave Nuntiorum Terrestrium
Martis*

*Martis ac Jani delubrum
Polonæ Libertatis domicilium,
Hospes ingredi
à Serenissimorum Regum
Michaëlis & Joannis III. beneplacito
Vel inter Decembres pruinas
Serenissimum.
Vos ô Cives
Rerum hic præclarè gerendarum
Claritudine Loco Lucem addite,
Omnia acturi benè
Cum in commune bonum semper
dicetis unum,
Si idem omnes quod rectum sentitis
Singuli.
Hanc liberorum Populorum
Reginæ libertati
Publico sumptu erexit Regiam
Christophorus Pac*

Can-

Cancellarius M. D. Litt:

*Regiam Martem semper secutus
In Sago, Paternis Scipio Vestigiis
In Toga.*

*Anno Domini M DC LXXVIII. Mense
Xbri circa inchoationem Comitiorum.
Die XIV.*

X. Terminus non potest pro die Dominico, vel festo majore præfigi, juxta *Constit. Anni 1591.* Certa etiam iisdem præstituta tempora, nempe ut post decursum ad minimum biennii fierent. *Stephan. Anno 1576. Sigism. III. Anno 1591.* Et quidem per Deliberatorios Senatorum rogatus. Comitiam quippe libertatis servandæ efficacissima media creduntur. Hinc Conventum Regni Generalem, Magnus olim Senator, Illustrissimus Andreas Comes de Leszno, unicum malorum Reipublicæ remedium & antidotum ad conservationem ipsius nominavit. Deinde etiam ideò intra certum tempus Comitiam intimari debent, ut justitia litigantibus administrari possit, de quo *infra de Judiciis Comitialibus.*

XI. Or-

XI. Ordinariis Comitiiis præfigitur terminus sex septimanarum: Extraordinaria autem seu duarum vel trium Hebdomadarum Comitia celebrantur, dum necessitas postulaverit, accedente Consilio Senatorum *Stephan. Anno 1576. & Sigism. III. Anno 1627.* Sed hæc Extraordinaria sub *Vladislao IV. Anno 1637. p. 1.* sublata sunt, nisi in Comitiiis ex consensu omnium Ordinum decernantur, vid. *Constit. Anno 1642. Anno 1646. Anno 1647. Anno 1654. & Anno 1662. p. 1. Anno 1652.* indicta quidem fuerunt Comitia sex septimanarum, sed propter summam Reipublicæ necessitatem ex suffragio Ordinum ad duas tantum septimanas restricta. Sic etiam Comitia Ordinaria Anno 1668. ad tres septimanas redacta sunt. In ejusmodi Comitiiis, nec judicia, nec aliæ res, nisi propter quas præfixa sunt, tractari debent. Refert Dlugossus, ut rem novam & inauditam, quod Comitia Petricoviensia Anno 1453. ad novum usque diem duraverint, nostro tempore rarum intra totidem septimanas finiri Comitium, cui excessui *Constitutione Anni 1678.* medela præscripta est.

XII. Quando jam dies Comitiiis præfixus adest, Nuntii Terrestris, post auditum sacrum,

B b

conve-

conveniunt ad atrium suum, libertatis officinam legum, ubi rarâ aliâs felicitate sentire quæ velis, & quæ sentias, dicere licet. Hinc cum Anno 1673. post Confœderationem Galgbiensem ex multis rationibus Rempublicam perimentibus contra Jus antiquum Nuncii Terreſtres mox cum Rege & Senatu consilia inchoarent, cautum Lege, ne hoc exemplum libertatibus nocivum & præjudiciosum in sequelam trahatur. Ante omnia Mareschallus præteritorum Comitiorum, vel eodem absente aut dignitate jam Senatoria ornato, alius interim ex eadem alternata ad novum eligendum, Calculos connotat, quorum pluralitas constituit Directorem, cujus Electio, dum unaquæq; pars pro suo contendit, aliquando contra præscriptum legum extrahitur, adeò, ut testante *Piasccio Anno 1592.* demùm post trium hebdomadarum concertationis, atque adeò elapso dimidio tempore Comitiorum electus fuerit Mareschallus. Ab industria & dexterritate ejusdem exitus Comitiorum potissimùm dependet. Hic in futurum cum Deputatis ad Constitutionem ex Ordine Equestri juramentum præstare tenebitur, cujus rotha in novella lege Anno 1678. extat. Cum autem libertatis inter-

interfit, ut æqualitatis habeatur ratio, idcirco alternatim per nationes: primo ex Minori, secundo ex Majori Polonia, tertio ex Magno Ducatu Lithvaniæ Mareschalci petuntur.

XIII. Postquam Rex desuper in conclavi suo certior est redditus, Nuntii præstituto tempore eundem ore novi Mareschalli publicè salutant, & in tesseram Regalis benevolentiae ad osculum manus admittuntur, præeunte Mareschallo, qui deindè Ordinem ex schedulâ prælegit, observatà inter Nuncios Palatinatus Cracoviensis & Posnaniensis alternatà singulis Comitibus. Respondet in Regno Regni, in Lithvaniâ Cancellarius eiusdem Ducatus, & dehinc ad propositionem Regis nomine à Cancellario Regni in rebus, quæ ad Regnum & Lithvaniæ, quæ ad Magnum Ducatum pertinent (vigore *Constit. Anno 1673.*) prolata, postridiè Senatores sua vota expediunt. Porro negotium Vacantiarum, agitur, quæ in Conclavi Nunciorum ex Palatinatu consignatur, de quo infra. Aliquando etiam Mareschallus circa vacantias exponit querelam de hospitibus, pro Nuntiis Terrestribus. Ratio etiam Senatus Consultorum inter Comitibus ultima & præsentia latorum, in facie totius

Reipublicæ redditur, vid *Constit. Anno 1576. & Anno 1641.* Cum juxta Machiavelli præceptum, Leges aliaque de rebus publicis privatisq; studia, crebro ad sua initia revocanda sint, placuit, ut juramentum Regis & Pacta Conventa singulis Comitibus, primo statim die, loco articulorum, Mareschalcalium, in præsentia omnium Ordinum legerentur, vid. *Pact. Convent. Serenis. Joannis III.* Cum inter Conditiones Regum Israëlitarum esset, ut legem describi curarent, eandemque per dies vitæ legerent, quid aliud significabatur, quam ut juxta legem se populumque gubernare discerent?

XIV. De Senatus Consiliis hîc adjicio, quòd sint duplicia, nonnulla ore tenus, alia per literas expediuntur, ut itaq; in Republicâ non tantum rectè dictorum consultorumque, sed rerum gestarum quoq; memoria servetur, & tam Regibus quàm Senatoribus contra diffidentias, & suspiciones Civiles remedium quærat, omnia isthæc Senatus consulta inscribuntur libris, & quidem Cancellariæ Regni per Secretarium Majorem, vel eo absente per Referendarium. Lithvanica per Referendarium vel quemcunq; Notarium connotantur, primo debet occasio, &

& res de quâ consilium suscipitur, describi, & postea brevissimè addi, quale quis dederit Consilium per literas ad illam propositionem, & ex quibus rationibus, denique quomodo quis ex præsentibus votum suum expedierit, & quibus rationibus sententiam suam stabiliverit, & quale deniq; steterit conclusum. Quilibet ex D. D. Senatoribus tenetur sententiam suam in libro isto subscribere, absentium verò literæ in vim testimonii adservari debent, juxta *Puncta Anno 1632. ad Castrum Varsaviense porrecta.*

XV. His peractis, Nuntii Terrestres ad suum Confessum se recipiunt, & vel de propositione Regiâ vel de aliis rebus consultant. Deputatis etiam ab Exercitu sedentibus audientiæ conceduntur. Postquam prius apud S. R. Majestatem in curiâ Senatorum stantes admissi fuerunt. Instructio eorum, à Supremo Duce subscripta, utrobiq; prælegitur. Quoniam verò sæpissimè necessaria in Comitibus pertractari non possunt, ideò in posterum à Recensibus fieri debere initium, decrevit Sigism. III. *Constitut. Anni 1611.* Interdum ex Ordine suo mittunt Delegatos ad Regem, qui eosdem, licet Consilio vel Judici distractus sit, admittit dando vel statim de-

clarationem vel annectendo se cum Senatoribus re prius examinatâ mentem suam Ordini Equestri aperturum. Novissima lex 1679. pag. 8. vult, ut Mareschalcus Equestris statim post vota Senatorum Deputatos ad Remissas denominet, nulla obstante contradictione. Rex enim interim in Conclavi Senatorum vacat Judiciis, de quibus infra. In hoc lucubrationes admittuntur, & aliquando vigilatæ transeunt noctes. In illo verò scilicet Nuntiorum Terrestrium rarissimè ad lucernam consultatur, nunc verò per legem novellam 1678. Sessiones ad lucernam prohibentur; Si aliquis Nuncius protestando recedit, tunc cœteri omnes quousque non revertitur, passivè se habent & activitate carent.

XVI. Nuntii Terrestris quinque ante expirationem sex Hebdomadatum diebus tenentur rebus paratis adire Senatum, *Constit. Anno 1633.* Antequam autem Nuntii Terrestris conclave suum relinquunt, Mareschallus solenniter valedicit, cui per unum ex iisdem pro suscepto labore gratiæ aguntur. Aliquando tamen saluum regressum sibi præcavent, qui *Constit. 1678.* interdictus est. Quando sic Comitia ad Patres transferuntur, Ordinis Equestris Director, medius

dius inter Senatorios Mareschallos, subsellio humiliori velut Tribunitio, confidere solet, cessante ipsius facultate in danda Copia sententiæ dicendæ, quam tunc Mareschalli præfati exercēt. Director autem Equestris Ordinis Constitutiones in conclavi Nunciorum vel superius delineatas prælegit, ut à Rege & Senatu fiat approbatio. Quæ si subsecuta fuerit legem facit. Tum Comititia vel præfixo sex septimanarum termino feliciter finiuntur, vel per declarationes Palatinatum, aliquando etiam per verbum placet, prorogantur aut irriti effectu (etiam uno contradicente per Tribunitium illud INTERCEDO) dilabuntur. Crevit sub Sigism. Augusto Autoritas Nuntiorum in tantum, ut unus fuerit, qui, exemplo Clodii, Ordine Senatorio spontè cesserit, quo popularis haberetur, plusque in Republica, ut Nuntius, polleret. Jus vetandi est pupilla libertatis, quam, si fundamentum in lege vel in articulo instructionis Juribus conformi habeat, tollere non convenit. De Jure nemo potest ex Nuntiis obnuntiare Comititiis, nisi circa Conclusionem in Curia Senatorum. Sed hoc procedit in materia Consiliorum publicorum, quæ ante conclusionem Comitiorum
nemini

nemini præjudicant, aliter verò in Judicialibus, quæ ante Conclusionem vires acquirunt, licet posthac Comitia rumpantur. Debet itaq; protestatio in Conclavi Nunciorum præcedere. Secùs se res habet in extrajudicialibus, ubi omnia jam conclusa negotia, interveniente contra unum punctum protestatione, corruunt.

XVII. Uti verò circa salutationem Nuncii Terrestres Regiam osculantur manum, ita non minùs ad eundem honorem circa conclusionem sive prosperam sive improperam admittuntur, petentes hoc in Oratione valedictoriâ per Mareschallum suum, cui à Throno Regio per Cancellarium vel Vice-Cancellarium Regni responderetur, in Lithvania autem, si Comitia celebrantur, ad Cancellarios ejusdem Nationis illa functio pertinet. Si absque fructu dissolvuntur Comitia, tunc Rex Consilium post Comitiale cum Senatoribus habet, & inter alia, tempus futurorum, Comitiorum, quando necessitas sva-der præfigit.

XVIII. Cùm verò Officium suum nemini debeat esse damnosum, salutariter constitutum est, ut omnes actus Juridici, in quibuscunque subseclius contra prædictos Nuncios à prima die
Conven-

Conventuum Ante - Comitialium usque duas septimanas post Comitiola Relationum formati, & Decreta lata nullitati subjaceant, quibus tamen elapsis fatalibus tenentur parte instante respondere, vid. *Constit. Anno 1658. Anno 1659. Anno 1661. p. 29. & Anno 1678.*

XIX. Ad reddendas deindè rationes Fratribus, & eligendos Contributionum Exactores, determinantur Conventus Relationum locis consvetis, *Constit. Anno 1591.* qui in M. D. Lithvaniæ, juxta Statutum, quatuor septimanis post Comitiam incidunt, *Confæderat. Anno 1668.* Præfixum tempus dictorum Conventuum ex declarationibus Palatinatum & Districtuum Constitutionibus annexis patet. Addunt interdum, hanc præcustoditionem, si Constitutiones typis excussæ transmissæ fuerint. In Regno Nuncii reditum suum Capitaneis cum Jurisdictione, in Lithvania verò Palatinis vel ubi Districtus sunt, Capitaneis, & hi deindè per Ministeriales Nobilitati significant.

CAP. IX.
DE CIVITATIBUS.

I.

Postquam hæcenus de Ordinibus, qui de Regni Juribus participant, & Comitibus intersunt, actum est, præstat, ut etiam nonnulla adjiciam de CIVIBUS strictiori interpretatione sumptis, id est, qui singularis alicujus Civitatis incolæ. Præstantiori enim significatione, Civitas etiam Respublica dicitur, & Cives sunt, qui optimo Jure Reipublicæ gaudent, ad quod in Polonia soli Nobiles admittuntur.

II. In Prussîa tamen Majores Civitates Thorunium, Elbinga, & Gedanum singulari prærogativâ eminent, adeò, ut ex singulis Civitatibus bini Delegati compareant, & in Conventibus post Succamerarios locum simulque facultatem dicendæ inter Senatores seu Consiliarios Provinciales sententiæ habeant: In Comitibus verò Regni Generalibus malunt Nuntiis Terrarum sua committere desideria, quam ipsi publicis assidere Consultationibus, ad quas in Prussia & non
alibi

alibi habendas asserunt, juxta reservationem tempore subjectionis Casimiro Regi factæ. Jus etiam Suffragii in Electione Regia antiquitus habent, & non demùm Anno 1632. in Electione Vladislavianâ obtinuerunt. Error autem ita sentientium Autorum, indè, credo, ortus est, quòd tum primùm EPISCOPUS CULMENSIS & POMESANIÆ suo & aliorum Consiliariorum Terrarum Prussiæ nomine suffragia subscripserit. Sed sciendum est, quòd antea actis retrò temporibus, calculi eligentium non fuerint volumini Legum inserti.

III. Jam dudum etiam Civitates, Cracovia, Vilna, Leopoldis, & Posnania, ad Comitata Regni, etiam quando semotis arbitris tractatur, admittuntur, & nec minùs earundem subscriptiones inter suffragia Palatinatum suorum reperiuntur, carent autem activitate dicendi.

IV. Bonorum quoque Terrestrium Civitates hæ (quemadmodum & supra memoratæ in Prussia) juxta *Constit. Anni 1612. p. 14. Anno 1631. & Anno 1658. p. 37. & Anno 1667. p. 30.* habiles sunt: Cùm aliàs Sigism. I. Petricoviæ decreverit, ne plebei bona Terrestria deinceps emerent, sed

quæ hæcenus possederant, intra tempus quatuor annorum venderent.

V. Regalium verò & Spiritualis Ditionis Oppidorum incolæ, pro plebeis liberis, Nobilium pro adscriptitiis putantur. Nisi ipsis Domini Jura & immunitates aliquas concesserint, ut iis, quos ad Oppida & Civitates noviter erectas alliciunt, indulgent.

VI. Notandum hîc, quòd Magistratum Civicum lex sumptuaria non stringat, sed à pœnis, quæ per *Constit.* 1613. & 1629. contra homines plebejæ conditionis sancitæ sunt, liberos pronunciet.

CAP. X.

DE KMETONIBUS seu RURICOLIS.

I.

QUI in Villis fundisve Regiis aut Nobilium, habitant, agris addicti sunt, unde etiam vocantur Servi Glebæ. Non solum verò ipsi in potestate Dominorum sunt, sed etiam ex iisdem proge-

progeniti in eandem recidunt, quoad vitam & fortunas, nec habent contra Dominos actionem, Capite enim Jurisdictione carere dicuntur.

II. Sunt quidem nonnulla à Divæ memoriæ Regibus, præprimis Casimiro Magno (qui à benignitate in vilioris sortis homines Patris plebejorum & rusticorum nomen accepit) edita Statuta, quæ tam arctæ servituti aliquatenus succurrunt, quæ vide *apud Herbur:* usu tamen vix observantur, nisi quod Status Spiritualis vel in facultate aliquâ gradûs asscuratio libertate donet subditos; Ex similitudine illius Statuti, quod Doctores plebejos ad beneficia Cathedralium Ecclesiarum suscipi permittit.

III. Sunt aliàs duo manumissionis modi, I. quando Dominus actis intervenientibus recognoscit, se subditum suum de omni heroicâ potestate Jureque, Dominio & proprietate sibi ad eundem servienti & competenti absolvere, & liberum mittere. Ilud modus est, quando Dominus Libetrationem privatis literis testatur.

IV. Eadem verò potestas non tantum in Rusticos, sed etiam in Oppidanos sese extendit, nisi ipsis Domini (ut suprà commemoravi) immunitates aliquas indulserint.

C c 3

V. Ad

V. Ad tollenda gravamina, quæ Status Equestris vigore bonorum Terreſtrium, & recuperationis ſubditorum hæcenus ſubiit, conſtitutum eſt *Anno 1679.* ut Status Spiritualis, tam in Judiciis Terreſtribus, quàm Caſtrenſibus provocatus reſpondeat, ratione injuriarum illatarum, & poſthæc ut appellatio judicetur in ſeculari Judiciſ.

CAP. XI.
DE JUDÆIS ET CIGARIS.

I.

Olim Judæi Cracoviæ inter Chriſtianos habitarent, poſteà in locum ſeparatum ſeceſſerunt, ut plebis contumelias evaderent, & majores conſequerentur immunitates, quas potiſſimum debent Caſimiro Magno, circa annum 1341. & ante eum in Majori Polonia Boleslao Duci Calisſienſium. *Anno 1264.*

II. Decrevit quidem *Sigism. Auguſt. Petricov. Anno 1562.* ne Telonia & alia id genus tenerent:
fed

sed moderna tempora aliud docent. Videatur tamen novissima lex, *Anno 1679. p. 34.* Propter pretia rerum in immensum aucta, concessa ipsis est per *Constit. Anni 1633. p. 39.* Libertas Commerciorum Vilnæ.

III. Quoniam sæpiùs extra forum evocari solent, reassumpta sunt eorum jura, & declaratum est, ut vigore antiquiorum & recentium jurium suorum ad Judicia Palatinorum pertineant, & Volhynenses coram Capitaneis respondeant, in omnibus causis, salvâ Appellatione, *vid. Constit. novissima p. 10. & 11. & in Lithvanicus pag. 23.*

IV. Ne in usurarum voragine essent insatiabiles, decrevit *Constit. 1670.* ne plus quàm viginti à centum annuatim prætenderent.

V. Eadem etiam *Constit.* securitatis ergò cavet, ne Judæi & Cigari (quibus per *Constitutionem 1557. & 1565.* in Regno interdicta est commoratio) intra tria milliaria à præsidio Camenecensi habitent. Sed quid juvat hæc recensere, postquam dolendo fato hostis Christiani Nominis Ante-Murale illud nobis eripuit!

VI. In

VI. In Statuto Lithvanico occurrit res singularis ex Zelo promovendæ Religionis Christianæ orta, quòd nimirum, si Judæus vel Judæa Religionem Christianam susceperit, Nobilitatis prærogativam unà cum sobole acquirat.

LIBRI II.

CAPUT I.

DE RELIGIONE.

I.

Postquam & imperandi & parendi subiecta introduxi, tractanda veniunt ea, in quibus Imperii potestas versatur. Sunt autem res illæ vel sacræ vel profanæ. Ab illis meritò fit initium.

II. Primus Poloniam Christo adduxit Miecislavus I. abnepos Piaſti electa in Uxorem Dambrowkà Boleslai Bohemiæ Ducis (qui Venceslai Sancti frater erat) filia. Hæc enim, ut Clotildis Clodovæum Galliæ, Gisella Bavara Stephanum Ungariæ Reges, Maritum suum Christo lucrata

lucrata est. Romanis libertatem pudicitia, Polonis Religionem pietas muliebris attulit.

III. Floret quidem in hoc Regno Fides Romano-Catholica; ne tamen propter diversitatem alicui negotium faceffatur, à morte Sigism. Augusti Reges Juramento se obstringunt ad pacem inter Dissidentes Religionis Christianæ tuendam, manutenendam, & quòd nullo modo vel Jurisdictione suâ, vel Officiorum suorum & Statuum quorumvis Autoritate quenquam afficient ac oppriment. Interest enim Regni ut Pax religiosa conservetur. DEUS non crudelitate, sed credulitate quærendus, rectè inquit Augustinus. Quod tempore dicti Regis Sigism. Augusti Senatus majori parte ex Dissidentibus constiterit, testatur Episcopus Præmislensis *Piascius* p. 48. 49. Et Rex Stephanus non ducebat esse Religionis, Religionem vi promovere, dictitans *DEUM sibi tria reservasse, ex nihilo aliquid facere, futura præscire, & Conscientiis dominari*. Imò quòd sub hoc Rege in Magno Ducatu Lithvaniæ Cancellarius Reformatæ Religionis fuerit, nomine Eustachius Wolowicz, deducit ex actis Rigensibus Chytræus. Fuit ejusdem nominis Episcopus Vilnensis sub initium hujus

D d

seculi;

seculi; an verò ille idem, quòd postea Religio-
nem mutaverit, mihi haud constar. Libertas
tamen Religionis per *Consederationem Anni 1668.*
circumscrip̃ta est, ubi habetur, quòd à Fide
Catholica Romana & Unitorum transeuntes, &
convicti in foro fori exilio puniri debeant.

IV. Fides illa Catholica Cardinalis in Polo-
nia Regnantium lex est, adeò ut etiam Regina
sive Nazione, sive Vocatione Catholica esse
debeat. Hinc Helenæ Alexandri Regis Con-
forti Diadema impositum non est, quòd Græcæ
Religioni tanquam Joannis Magni Moschorum
Ducis Filia esset addicta, & Romanæ Ecclesiæ
instituta nollet amplecti; Regina vocata, dia-
demate caruit, sepulta etiam Vilnæ in Sacello
Ritus Græco Rutheni. Sarmatia enim Roma-
norum armis impervia, Romanæ Religioni
mancipata est. Aliter fecit Maria, Casimiri pri-
mi Uxor, quæ Græcam Religionem deseruit, at-
que in baptismo Cracoviæ suscepto, Dobro-
gniewæ nomen sibi elegit, & denique Gneznæ
coronata est. Lex vero illa REX CATHOLI-
CUS ESTO, non adeò pridem Capitulationi
Regiæ scil. Michaelis & Joannis III. inferi con-
suevit. Nam quòd Rex Poloniæ debeat esse
Catho-

Catholicus, indè colligebatur antea, quòd in Statuto quodam extent ista verba: REFERENCE-
DARIUS ADEAT REGEM POST SACRUM MISSÆ.

V. Quoad Religionem Græcam, magna Russorum pars sub exitum seculi superioris, in Concilio Brestensi Lithvanico Ecclesiæ Romanæ sese conjunxit, retentis tamen suis ritibus. Hinc jam distingvuntur inter *Unitos & Non-unitos*. Ne autem hi in Religione suâ turbarentur, cautum est, in diversis legibus & Pactis, præsertim Hadiaci Anno 1658. initis, ita ut etiam eorum Archiepiscopus cum aliis quinque Episcopis in Senatum admissus sit, sed cùm hæc Pacificatio inserta sit Constitutionibus dicti Anni, Lectorem ad eandem remitto. Hoc tantum adjicio, quòd Græci hæcenus Jus suum non sint profecuti.

VI. Rex Joannes Casimirus Armenicum, populum ritumque unioni Romano-Catholicæ Ecclesiæ in Poloniâ consociavit, & Arrianos per *Constit. Anni 1658. & 1659.* è finibus Regni proscripsit. Undè etiam ab Alexandro VII. Titulo ORTHODOXI Regis donatus est. Reassumptæ sunt istæ Constitutiones Anno 1670. ita ut contra Fautores Arrianismi executio Capita-

neis, sine appellatione, competere debeat. Quoniam autem contigit, ut nonnulli per speciem Arrianismi ad Tribunal evocati fuerint, *Constitutio* Anni 1678. pœnam quingentarum marcarum cum sessione turrica per duodecim septimanas in Procuratores definiit.

VII. Quoniam ad Conservationem Sacrorum facit, Scholas instituere, pauca hic de Academia Cracoviensi adjungo, quod scilicet eandem à Casimiro M. ex concessione Papæ Urbani V. Anno 1364. inchoatam Rex Jagello ex ultimo voto Hedvigis Uxoris suæ absolverit. Papa dictus Theologiam doceri prohibuerat, quam tamen postea Bonifacius permisit. Quoniam dictus Rex Academicos ab omnibus teloniis ac oneribus liberos fecit, ac eâdem planè libertate, quâ Spirituales, gaudere voluit, ideo Episcopus Cracoviensis ejusdem Cancellarius & promovendorum Examinator est; Sede autem, vacante Officialis ejus seu Vicarius Generalis. Et Anno 1590. Sigism. III. se ipsum præsentatione Præposituræ S. Floriani in Clepardiâ abdicavit, & Academiæ dictæ Jus suum concessit integerrimum. Conservatur etiam Academia hæc circa Jura sua per *Constit.* Anni 1613. & 1635. & novissimè

visimè per Pacta Conventa Serenissimi Joannis III. Sic in *Constit. Anno 1676.* confirmata sunt Jura Academiæ Vilnensis. Foundationes etiam Templorum & Monasteriorum approbari solent in Comitibus.

CAP. II.

DE ADMINISTRATIONE
sive REGIMINE
POLITICO.

I.

POSTquam de rebus sacris pro Instituto meo brevius egi, sequuntur res Civiles seu profanæ. Administrantur autem hæ, vel à Sacrà Regiâ Majestate solâ, vel ex consensu Comitiorum. Ad illas spectat jus indicendi Comititia, de quibus *suprà Lib. I. cap. VIII.* honores ac officia pro arbitrio conferendi, de quibus *infra*; Jus renovandi pacta & feuda; Jus Securitatis seu salvi conductus; si vero quis Decreto Comitiali infamis pronuncietur, tali, nisi ex consensu omnium Ordinum in aliis Comitibus beneficium salvi

D d 3

con-

conductus dari non potest; Jus tribuendi moratorias inducias &c. De Privilegiis autem & immunitatibus generaliter sciendum est, quòd sub titulo & subscriptione Regiæ Majestatis ac Sigillo Regni, vel Magni Ducatûs Lithvaniæ impetranda sint. Sed progredior ad Jura specialia.

CAP. III.

DE JUSTITIA DISTRIBUTIVA sive DE JURE HONORES ET BONA CONFERENDI.

I.

PRinceps in summo fastigio collocatus, fons est omnium Dignitatum, ex quo honores, tituli, & quævis præeminentiæ derivantur. Aula quid est, nisi perennis concursus & statio orientis fortunæ, sic in Polonia decet Regiam fortunam alios fortunare. Rex quippè honorum & dignitatum summus Arbiter, *ut meminerit, solam benefaciendi Civibus gloriam ad illum spectare, translata in Magistratus cujusvis severitatis rigorisque invidiâ,*

invidiâ, & intelligat, sub Regiæ dignitatis prærogativa paternæ charitatis includi vincula, quæ Regibus tranquillitatem vitæ, immortalitatem gloriæ, perenne subditorum desiderium conciliant. Præmiandi autem sunt terrigenæ Nobiles æquitate Juris & pœnæ gaudentes, benè meriti alterutrâ Pallade Cives, ætate & discretione vigentes, aliàs enim homines quidem non essent sine titulo, sed tituli sine homine. Idque fieri debet intra decursum medii Anni à tempore Vacationis, vel ab initio Comitiorum, si immediatè ante Comitia vel sub tempus eorundem vacent, *Stephan. Anno 1576. Sigism. III. Anno 1543. Anno 1607. & Constitut. Anno 1631. p. 4.* Sed deindè sub Vladislao IV *Constit. Anno 1632.* cavet, ut extra tempus Comitiorum, Vacantiæ intra sex septimanas ad maximum, à die notitiæ, sub tempus autem Comitiorum à Principio eorundem, instante Mareschallo Ordinis Equestris, secundùm Jura & Statuta per Cancellarios utriusque gentis publicè & specificè distribuantur, vid. *Pacta Conventa Serenissimi Joann. III.* Quintâ verò die ante Conclusionem Comitiorum, Nuntii Terrestres in præsentia Regis & Senatûs, ante omnia, pro distributione vacantiarum instant, juxta *Constit. Anni 1576. & Anni*

Anni 1588. ut Rex imitetur naturam, quæ suas opes ita dispensat, ne detur vacuum. Distributio autem expectativarum in *Constitutione Anno 1550.* prohibetur. Factâ hîc mentione de Mareschallo Equestris Ordinis annoto, quòd licet eidem ex vacantiis Senatoria conferatur dignitas, non deserat tamen stationem suam, exemplo Illustrissimi Domini Nicolai de Granow Sieniawii, qui in Comitibus felicissimæ Coronationis moderni Regis, Mareschallus Curia Regni creabatur. Aliud obtinet in Nuntiis Terrestribus, nam hi ex Collegio, præviâ gratiarum actione & responsione Mareschalli, recedere solent, ut locum in Senatu sibi competentem occupent. Si in Civitatibus, quæ Speciali privilegio caduci carent, bona caduca existunt, Rex non Civibus, sed hominibus benè meritis, sive Nobilibus, sive Ignobilibus, præviâ recommendatione Ducis Exercituum, distribuit, cum tali onere servitii, quod antehac ipsis adhæsit. Bona autem post Nobilis mortem caduca, solis Nobilibus conferenda sunt, nisi ob defectum condignorum ex bonis Mensæ reddituum Regi vel Regina ad tempus concedantur, vid. *Constit. 1649.*

II. Digni-

II. Dignitarius & Officialis debet esse possessionatus in Palatinatu. In Palatinatu autem, Russiæ, Mazoviæ, & Ravenfi, ac Terra Vielunensi, quia in sua circumferentia multas in se continent terras, Officialis quilibet, non in Palatinatu, sed in illa terra, ubi Officium est, possessionem habere debet.

III. Exteri ab Officiis publicis excluduntur. Hinc dictus Rex Vladislaus Anno 1633. ejusque Successores inter cœtera promiserunt: Nolumus etiam ullos extraneos secundum tenorem *Constit.* 1607. ad nostra Consilia, functiones & officia admittere. Cardinali hoc tanquam scuto peregrina ambitio retunditur. Quod etiam Confessionarius & Concionator Aulicus debeat esse sanguine & genere terrigena, placuerat Reipublicæ Anno 1632. in *Punctis ad Castrum Varsaviense porrectis.*

IV. In Prusliâ Vacantiæ indigenis secundum Privilegium Incorporationis distribuendæ sunt.

V. De incompatilibus *vid. Pacta Conventa* D. Michaelis & Serenisfimi Joann. III. ubi caveatur, quod scipiones Mareschalcales, Sigilla, & Thesauriatus cum clavâ Ducum Exercitûs sint incompatibilia.

E e

VI. Cùm

VI. *Cum* (juxta Ciceronem) *pro sua Patria pauci post genus hominum nati & reperti sint, qui nullis præmiis proposti vitam suam hostis telis objicerent.* Proindè laudabili & ad virtutis uberrimum alimentum utili instituto Rex Poloniæ per quatuor menses militares, hoc est, per Septembrem, Octobrem, Novembr. & Decembr. vacantes Capitaneatus, & Officia Terrestria benè meritis militibus confert, *vid. Constit. Anni 1662.* Uti enim milites pœna & timor in sedib⁹ corrigunt, ita in expeditionibus spes & præmia faciunt meliores, *Vegetius lib. III. cap. ultimo.* Si omnes, qui Republicæ consulunt, chari esse nobis debent, certè imprimis Imperatores & milites, quorum Consiliis, virtute, periculis, retinemus & nostram salutem, & Imperii dignitatem. Ad securitatem enim ejusdem requiritur præsidium perpetui militis, cum Regna *Paternostris* conservari nequeant, uti dixit Henricus IV. Rex Galliæ. Singulare benemeritorum militarium præmium refert *Sarmicus* de Joanne à Tarnow, quem Sigismundus Rex tanti fecerit, ut post illam memorabilem Victoriâ de Valacho ad Obertinum, binorum grossorum in jugera contributionem publicam ei decreverit. Super Ad-
voca-

vocatias etiam Privilegia dantur benè meritis militibus, Personis Nobilibus, non verò plebeis, & licitum est easdem aliis vendere Nobilibus, juxta *Constit. 1662.* Excepit tamen Rex Joannes Casimirus decem Advocatias, præsertim Samboriensem, Servitoribus suis, etiam plebeis, jure advitali conferendas per *Constit. Anni 1662. p. 15. vid. etiam Constit. Anni 1647.* Factâ hîc mentione Advocatiarum, adjicio, quòd Lublinensis, Lanciciensis, Wischovensis & Sredensis iisdem Civitatibus incorporatæ, ac proventus illarum in usus publicos Civitatum convertendi sint, salvo Servitio bellico, juxta *Constit. Anni 1589.*

VII. Hoc etiam de Officiis notandum, quòd Rex aliquando consentiat, ut alter alteri suam cedat functionem.

VIII. Placet hîc examinare quæstionem, an Respublica tempore InterRegni vacantes dignitates possit distribuere. Ventilata eadem est tempore InterRegni Anno 1632. ex occasione, quòd Rex Sigism. III. defunctus Filio suo ex Constantia Austriaca Joanni Alberto Cardinali Diacono & Episcopo Varmienti Episcopatum Cracoviensem contulisset, & inopinata morte præventus, non subscripsisset literas ad Cathe-

drale Collegium Cracoviense & ad Summum Pontificem in similibus negotiis necessarias. Post multas ratiocinationes concors tandem stetit declaratio, quod Senatus possit ejusmodi litteras dare, quas etiam deinde Primas Regni edidit. Ratio decidendi erat, quod constabat jam collatam fuisse Principi illam dignitatem, à succedaneo Rege pro ratâ habendam, manu tenendamque. Quod enim alioquin InterRegni tempore Vacantiæ distribui non possint, solidioribus argumentis tunc demonstratum fuisse, testatur *Piassec. in Chron. sub Anno 1632.* Itaque Czarnkowski Referendarius Regni, de Coadjutoriâ Archi-Episcopatus Gneznensis per Decretum Comitiale abjudicatus est, quod Consensum à Rege Henrico jam in Galliam tendenti extra Regnum, quasi sub InterRegno obtinuisset, quamvis non fuerit res insolita ejusmodi dari Consensus, necdum Respublica obedientiam dicto Henrico renunciaverit, *Dargodzki de Titulatâ Nobilitate.* Aliam tamen rationem initæ factæ adoptionis sive Coadjutoriæ allegat *Piassecius.*

CAP. IV.

DE JURE CUDENDÆ
MONETÆ.

I.

Polonos olim, ad instar aliarum gentium permutatione rerum usos fuisse dubium non est. Frustulis quibusdam argenti pellibusq; apreo-
lorum sibi res comparasse, docet *Guagvinus*. Unde etiam in vim multæ pelles dabantur, *vide sis Janus. lib. 5. Constit. part. 3. tit. 1. fol. 425.* Sic nec in Lithvania sub finem seculi XI. pecunia extitit, uti patet ex relatione *Neugeb: Lib. III. Histor. Polon. sub Vlad. Lasconogo.* Nummisina Peregrinum grossos scilicet Bohemicos & denarios argenteos primus in Poloniam invexit Rex *Venceslaus, circa Annum 1300.* Ex Polonis autem *Casimirus Magnus* post coriaceas pecunias quadratas primus monetam cudit grossos scilicet argenteos cum Titulo: MONETA REGIS CASIMIRI. Aureus verò nummus tempore *Alexandri* cœpit cudi. Olim jus cudendæ monetæ penes Regem fuit, quæ potestas deindè tem-

pore Vladislai Jagellonis in Comitibus Jedlinensibus Anno 1430. restricta est, ne Rex monetam, absque Senatus Consilio cudat. Ita etiam Reges nonnisi cum Senatu peregrinam & adulterinam monetam proscribere solebant. Modernis verò temporibus Rex Poloniæ jus cudendæ monetæ ex consensu Comitiorum exercet, *juxta Pact. Convent. Vladislai, Joann. Casimiri, Michaelis, & Serenissimi Joannis III.* Hinc proventus etiam non Regi nunc cedunt, sed Reipublicæ accrescunt, vigore *Act. Elect. Vladislaviane Anno 1632.* ac Thesaurarius desuper in Comitibus rationem reddit *Anno 1654.* Causam verò hujus legis *Stanislaus Kobierzycius de rebus gestis Vladislai Principis* sequentem allegat, quod cum Respublica Sigism. III. Regis soboli liberaliter prospexisset, ideò gratitudinis ergò Rex cessarit Reipublicæ jus cudendæ monetæ. Hoc etiam gaudent tres Majores Prussiæ Civitates, Thorunium, Elbinga, & Gedanum, ideoq; ad Consilia de re monetaria invitantur. Sed Cuprea nunc nobis sunt secula, utinam aurea Saturni mox redeant!

CAP. V.

DE JURE TRIBUTORUM
ET VECTIGALIIUM.

I.

IN Tributis esse Reipublicæ nervos nemini dubium est, impossibile est, ut sacris tributis non illatis alioqui Respublica conservetur, benè dicit Imperator *Justin. Nov. 149. Neque enim quies gentium (ait ille) sine armis, neq; arma sine stipendiis, neque stipendia sine tributis haberi queunt.* Proximum autem id Libertati, eadem non indici. Hinc libera Polonorum gens non imposita, sed spontè in Comitibus laudata agnoscit. Antiquissimum jus Comitiorum, libertatis prima basis, contributionum necessitati originem suam debet. Prutheni autem non in Comitibus suas Contributiones declarant, sed singulari immunitate ad referendum Palatinatibus suis gaudent. De his contributionibus, ultra Consiliarios & Nobiles, minores quoque Civitates primò delibabant, sed jam hæ activitate excluduntur.

II. Antiquis temporibus, ut patet ex *Crome-
ro lib.*

ro lib. II. pag. 128. pensitabatur quot annis tributum *poradtne*, etiam *Krolestwo*, id est Regale dictum, quod constabat duodecim grossis de manso, donec Ludovicus Rex Anno 1374. Nobiles & eorum ascriptitios ab illo liberavit, duos tantum reservando grossos, quos deniq; *Sigism. I. Anno 1507.* planè remisit.

III. Ordinarii proventus Reipublicæ sunt, *Quarta*, de quâ jam supra lib. I. cap. V II. dictum est, *Depositoria vini, Aquaticum Fordanense, Capitatio Judaica, Evecta & inducta, Quartus grossus majoris Poloniae & Russiae*, de quibus agit *Constit. Anni 1647.* cavetque, ut in solutionem militum impendantur.

IV. Extraordinariæ Contributiones sunt, *Capitatio*, Polonicè *poglowne*, quæ ab omnibus Christianæ fidei addictis Nobilibus & Ignobilibus exigitur. Quæ enim à Tartaris, Lithvanicis vecturam, commercia & opificia exercentibus, & à Judæis penditur, ordinariis annumeratur, videantur *Constitutiones 1667. 1673. & 1677.* variat pro ratione temporis, & ita est intelligenda, quòd præter illam ad alias etiam Contributiones, quæ incolis Regni & M. D. Litthv. imponuntur, teneantur. *Agraria*, *lanowe dicta*, quando

quando pro laneis & mansis certa pecuniæ summa exsolvitur. *Czopowve*, olim erat nummus à singulis grossis, nunc ferè nona pars dolii Cerevisarii, vel aliorum potuum, vocatur Contributio ducillorum seu ducillaris, nec sunt ab hac Contributionis specie immunes Nobilium subditi, qui in diversoriis liquores divendunt, videatur *Constit. 1667. 1676.* concessa eadem fuit Civitati Posnaniensi à Sigismundo Augusto anno 1588, item Civitati Cracoviensi in reparationem anno 1589. Decernitur etiam aliquando in Regno nostro *accisa*, quæ ab omnibus mercimoniis tam victualibus quàm utensilibus in omnibus oppidis Regni, Ecclesiasticorum & Nobilium solvitur, & quidem de quolibet floreno duo grossi penduntur. *Vid. Constit. Anno 1588. & 1658.* Notum quoque tributum genus est *donativum*, quod Mercatoribus imponitur; Pro ratione periculorum variat, & aliquando ad vectigalia computatur, uti novissimè anno 1678. Est & alius modus collectandi, nimirum fumalis collecta *podymne*, à singulis domibus tam Civitatum quam pagorum, Curiis Nobilium & Ecclesiasticorum exceptis, quæ tributum species primùm *sub Sigismund. III. anno 1629.* ad proportionem Geometricam introducta est.

Ff

Solet

Solet etiam esse non postponenda auctio sub-
dii ex Monopolio Tabaci, quod plus offerenti
arendatur, cujus Exemplum in *Constit.* 1673.

V. *Vectigalia* instituere, augere, vel muta-
re, Comitiorum quoque arbitrio subest. Immu-
nes ab iisdem sunt Nobiles & Spirituales perso-
næ, eorumq; subditi quo ad res domestico labo-
re quæsitæ, & ad propriū usum advectas, *Albert.*
1496. *Sigism.* I. 1523. *Sigism.* August. 1550 & 1569. prævio
juramento sive per Dominos sive factores in of-
ficio Terreſtri, vel in defectu ejusdem coram
Notario Vectigalium, non esse ista bona emptæ,
sed proprio vel sibi subditorum labore quæſita.
Qui autē semel juravit, illius literis significatoriis
ubique standum & fides adhibenda est, *Sigism.*
Cracoviae 1540. 1543. Est ergo inter egregias No-
bilitatis Polonæ prærogativas, vectigaliū immu-
nitas, quæ pulcherrimum donum generis mor-
taliū vocatur Historicorum Principi: Nisi ne-
cessitate sic exigente *generale* (uti nominatur) *ve-*
ctigal terreſtre & Aquaticum decernatur, cujus e-
xemplum in *Constit.* 1673. reperitur. Teloniato-
res autem de jure debent esse Nobiles iique be-
nè possessionati. Quare ii ipsi, qui Telonium
solvere tenentur, scilicet plebeji, Teloniatores es-
se.

se non possunt, *Constit.* 1569. 1616. De Judæis etiam, quod non possint telonia tenere, expressissima sunt Regni statuta, sub poenâ centum marcarum toties, quoties contra permittentes. Sed hæc non observantur.

CAP. VI. DE JURE ARMORUM.

I.

Regum sit instrumentum tempore pacis sceptrum, tempore belli gladius. Sed cum hoc plurima in se habeat mala, omnia prius experia-
tur Princeps, quàm decertet. Quo forsan colli-
mabat articulus Regibus Israëliticis præscriptus,
qui volebat, ne multos alerent equos, scilicet ne
animo gestirent Ægyptos bello lacescere. Imò
Codex Sacer arma DEI, quibus contra hostes
suorum usus est, potius defensiva quam offensi-
va exhibet. Nominat ipsum sæpius Petram, &
turrin fortissimam, frequenter etiam Clypeum.
Hic est ille titulus primus, quem DEus post pri-
mum in mundo bellum ascivit. *Genes.* 15. Hinc
Rex Poloniæ inter alia Pacta jurat, se absque

consensu Reipublicæ, neque bella offensiva sumpturum, neque peregrinum militem in Regnum aut Lithuaniam introducturum, neque Exercitum aucturum; Bella igitur in Comitibus contra hostes publicantur. Declaravit autem Respublica tempore Inter-Regni 1632. quod pro suscitatione belli offensivi haberi non deberet, si Exercituum Dux defensivum bellum gerendo hostem ultra fines fugientem, ubi hoc rationes belli requirerent, licet in alieno territorio, internecioni vel fugæ dare posset. *Ex punctis dict. anno ad Castr. Varsav. porrectis.*

II. Olim Nobiles tantum in bellum profectos fuisse vel inde constat, quod Nomine militum, Nobiles insigniebantur, nunc vox Equitum frequentior est, & indignum Nobile viro habetur, non vacasse vel literis vel militiæ. *Majores nostri, ait Lubienscius, selectam quandam militiam habuerunt, nec eam rusticæ Genti unquam communicare voluerunt, equite non pedite in bellis utebantur: ipsa Nobilitas arma insigne militare tenebat, rei Agrarie curâ Advocatis, Scultetis, & Rusticis relicta. Idque non sine causa Majores nostri faciebant, nam si Nobilitati rustici mixti fuissent, Nobilis desertæ stationis accusatus parem sibi genere non habuisset, quem testem adhiberet, se*

in bello eum locum qui ei obtigerat tenuisse: quæ quidem causa etsi Nobis valde levis videtur, cæterum illis temporibus, quibus alius bellandi modus erat, valuit, imò fundatur in eâdem Constitutio 1578. de illegitima prole. Primùm sub Casimiro Magno ultima domus Piaflanae progenie, ea auctorandi militis ratio mutata est: Dispersas etenim reliquias Regni cum persequeretur, & intra angustos terminos hostibus resisteret, Russicaque Imperia, quondam suum labore Boleslaorum, Uladislaorum, Casimiriorum conquistum patrimonium recuperaret, & Coronæ Polonicæ jungeret, ex hominibus conditionis plebejæ colendis agris tam Regiis quam spiritualium & secularium adscriptis exercitum collegit. Atque inde illud Statutum de subditis tam spiritualium quàm secularium crevit, quod æquè Nobilitatem ac Statum Ecclesiasticum affecit. Quando antiquitus Sculteti & Kinetones in militare Ordinem recipiebantur, Scartabelli vocabantur Σκαρτὰβελις Græcè, Latinis agilitatem, vel cursum significat, quòd in bello ad omnem usum currendi vel recurrenti celeres atque expediti essent.

III. Quando verò Nobilitas ad Expeditionem generalem polonicè Pospolite Ruszenie evocatur, nullius Imperio, quam Regis subest, cujus præsentia tunc est necessaria, adeo ut qui-

dam Ruthenus in literis suis ad Regem Sigism. August. datis, usus sit hisce verbis: Virum libertas nostra requirit, ut sit salva, non titulum Regis. Hinc, quia anno 1576. Rex deerat, dicti sunt Inter-Regno illo, ex communi omnium assensu, tam generali Expeditioni, quam noviter lectis cohortibus Duces Stanislaus Gorka, & Stanislaus Ckovius Succamerarius Cracoviensis. Veteranus autem miles Duci ordinario parere iussus. Vid. *Fred. Henr. Val.* 246.

IV. Expeditionem Generalem Rex, & tempore Inter-Regni Primas ex publico Comitiorum consensu indicit sine divisione belli, *Constit.* anno 1576. In Constitutione 1557. cavetur, quod si hostis in diversa ingrueret loca, tunc Rex ad eum locum, ubi maximum fuerit periculum se recipiet, & alii Palatinatus cum Exercituum Duce periculis obviam ibunt, sed pro illa tantum vice. Modum expeditionis istius Generalis legas prolixè in *Constit.* anno 1621. præscriptum. Universales, quibus Nobilitas intra quatuor septimanas successivè, ter convocatur, dicuntur *literæ restium*, quia in perticâ resti alligatæ, à Ministerialibus ad Dignitarios & Officiales, sublimes & conspicuæ circumferuntur sub Sigillo Regni vel M. D. Lithua-

thuaniz. Moderno tamen Serenisf. Regi Joanni III. concessa est facultas sub Sigillo Camerae, (quod Augustus Rex, testante Varsevicio, primum introduxit) convocandi Nobilitatem. Quod verò tantum pro hac vice currere debet. *Vid. Act. Elect.* Plerumquè literæ singulæ pro binis mittuntur, imò ut unæ literæ pro tribus valerent, concessit Nobilitas anno 1576. sed tantum pro illâ vice.

V. In Plocensi & Mazoviz Palatinatibus Fratres disjuncti sex, unum mittunt militem, *Confed.* 1674. possessionati tamen subditos habentes in personis comparere tenentur. In Palatinatu Podlachiz & Terra Lukoviensi, secundum jus & consuetudinem, ex decem mansis unus mittitur Eques, *Constit.* 1676.

VI. Qui bona jure Emphyteutico, vel etiam per arendam tenent, ipsi debent militatum ire, aut cum iis, quorum bona sunt, justum expedire Comitatum, *vid. Constit.* 1621. Nobiles in diversis Terris domicilia habentes, bellico servitio ex eis bonis, ubi eos restes prævenerint, propriâ personâ; de aliis autem bonis expeditione congruenti satisfacere debent. *Sigism. Cracov.* 1510.

VII. Nemo excipitur, nisi quem jus antiquum

quum exceperit, præter triginta personas Aulae Reginalis Majestatis *juxta Constit. 1628.* In Aulae Archi-Episcopi Gneznensis duodecim, Episcopi Cracoviensis sex personæ eximuntur. Penes Thesaurarium Regni Officiales manebunt liberi, *vid. Constit. 1678.* Quod Cancellarii liberi sint, habet *Constit. Anni 1655.* Sic vacationem militiæ habent, Tribuni Terrestres, Præfecti Arcium, in finibus Regni sitarum, Vicarii cœterorum, præfectorum Jurisdictione gaudentium, & qui Republicæ causa absunt, ita ut ne postas quidem ex bonis suis expediant *juxta Constit. 1655.* Pupilli autem, ægroti, senio confecti, & Viduæ per necessarios aut famulos militatum abeunt, Habet quoque vacationem Ordo Ecclesiasticus, præter eos Sacerdotes, qui bona Terrestria possident, vigore *Constit. 1607. 1621. 1635.* Major tamen, quàm illa Expeditio Generalis in Republicâ nostrâ extat antiquitus reperta ac præcepta, à quâ ne Sacerdotes quidem cum suis proventibus excipiebantur, teste Przylusio in Stat. p. 930. Sed in Lithuaniam non tantum ex bonis Hæreditariis, sed etiam Ecclesiasticis mittere tenentur, quæ diversitas in Stat. *Litt. in additamentis ad C. 2. Artic. 9.* annotatur.

VIII. Ab

VIII. Ab Oppidanis pedites & currus expediuntur, *vid. Constit. 1612.* Ex bonis etiam Regiis id est Capitaneatibus & Tenutis mittendi sunt milites lecti Wybranci nuncupati. Anno 1649. constitutum erat, ut loco militis ejusmodi Coloni sexaginta florenos penderent, quos Capitaneus Ravam transferret. Sed postea lex vetus de milite lecto *per Constit. 1652. 1653. 1662.* re-inducta est, ut ex viginti mansis unus pedes acinace, sclopeto, & securi armatus expediatur.

IX. Designato per Castellenum loco & die Conventus particularis, instituitur lustrum (polonicè *podpis*) & postea Nobilitas ad Palatinum, deducta iterum lustratur, absentesque notantur, ac Jurisdictio quæ hæcenus ad Castellenum pertinebat, Palatino traditur, qui tandem, nullas faciendo in Bonis Nobilium Stationes, ad locum à Rege universo Nobilitatis Exercitui designatum, procedit.

X. Nobilitas autem extra fines Regni abire non tenetur, *vigore Constit. Casimir. M. 1368.* sed postea Uladislaus Jagello, juxta privilegium *Jedlin. 1433.* postulante casu necessitatis extra fines eundi, singulis equitibus quinque marcas (fecit tunc quinque Gallicos Coronatos) pro

Gg

singul.

singulis mensibus, & pro damnis etiam & captivitate satisfactionem promisit. Quo de etiam, Henricus Rex cavit, cum additamento, se tunc Exercitum non esse divisurum. Palatinatus Podoliæ ad Cameneciam sub directore suo consistere solebat, *Constit.* 1667. Lithuani & Prutheni limites suos non egrediuntur. Sed hi tantum ad Vistulam, Ossam & Drevantiam progrediuntur, insistentes privilegio Culmensi *anni 1251. per Constit.* 1659. 1676. roborato. Ideoque solet aliquando expeditio pro ratione facultatum constitui, nam sic Lithuani & Prutheni ultra Leges suas de expeditione Generali, subsidia præstant. Ita *anno 1676.* ex omnibus bonis tam Regiis Oeconomicis, quàm Ecclesiasticis & Terrestribus, nemine excepto, ex fimalibus sive domibus viginti octo, juxta *Tariffam* abjuratorum *anni 1661.* unus pedes expediri jussus est, polonicè vocatur *Wyprowa.*

XI. Absentes ab istâ Expeditione in Judicio generali militari judicari, & bona ipsorum in communem fiscum pro exsolvendis stipendiis converti debent, juxta *Constit.* 1676. p. 12.

XII. Nullus tamulus conditionis Nobilitaris, qui sub tertiis universalibus servitium suscipit,

pit, à Domino recedere potest sub pœnâ capitis & infamiæ. Notandum hîc, quòd etiam illi, qui vigore Decretorum pro pœnâ publicâ sessionis turris satisfaciunt, ad ejusmodi expeditionem venire, & postea reliquam sessionem absolvere teneantur, *Constit. 1621.*

XIII. Post finitam Expeditionem Generalem nemo debet discedere, nisi id prius Palatino vel Castellano vel Ductori Districtus sui vel Officialibus Judiciorum significaverit & literas de super receperit, quæ ipsi denegari non debent, *dict. Const. 1621.*

XIV. Cum verò inter Arma fileant Leges, tempore ejusmodi motus publici omnia cessant Judicia, & jus omne tunc penes Principem est, ita, ut ante extraditionem tertiarum literarum, Rex Tribunalia compellet, ad limitanda Judicia, Castrensia verò & quèrelarum aliaque durant, usque ad publicationem tertiarum literarum. *Constit. 1634. p. 4.* Post reditum Curialia, Tribunalitia & Castrensia in sex septimanis reassumuntur. Terrestria verò prout eorum inciderit terminus.

XV. Nunc dicendum de stipendiario Milite, qui est vel Equestris vel Pedestris. Equites

Gg 2

gravi-

gravioris armaturæ Cataphracti Usarze lanceis
sive hastis polonicè Kopije dictis instructi sunt.
Simile est adhuc præprimis in Lithuaniam genus
Militem Petyhorscy appellati, qui brevioribus
lanceis sive sarissis Drzewca utuntur. Levioris
armaturæ vocantur Pancerni sive Kosacy, qui
loricis & hastis Turcicis Dzidy dictis instructi.
Facit huc *Constit. An. 1658.* quæ ita se habet: Quo-
niam robur & antiquum Genus Militiæ atque
nationi nostræ nativus miles hastatus (Kopiy-
nik) hætenus intermissus fuit, ideò constituimus,
& ab Exercituum Ducibus requirimus, ut cohor-
tes Cataphractas & Petyhorscas colligant. Va-
lachicæ autem cohortes debent penitus esse cas-
satæ, exceptis duabus Ducum Exercitus; Tar-
taros autem Lithuanicos, quoniam ad serviti-
um Reipubl. tenentur, in suo robore conservamus,
ita tamen, ut Magistros Equitum (Rotmistrzow)
Nobiles benè possessionatos juxta Leges habeant.
De Quartiano Milite jam supra, ubi de quartâ
agitur, dixi, & nunc addo, quòd illa pro militi-
bus in terris Podoliæ excubantibus instituta fue-
rit, ita quidem, ut ante omnia cuilibet Capita-
neo & Tenuario bonorum Regionum salarium
ex iisdem penderetur, residuum verò in qua-
tuor

tuor partes divideretur, quarum tres Mensæ Regiæ, quarta stipendiis exolvendis cederent, quæ tamen respectu portionis pro Capitaneo & Tenuario computatæ, etiam quinta in antiquioribus libris Thesauri, vocatur. Anno 1567. quarta, eum in modum, qui sequitur, expensa fuit; In unum Equum gravis armaturæ florenos 12. & in unum Equum levis armaturæ florenos 10. Ad alia verò quartualia videlicet secundum & tertium solutio stipendiorum illis data est ex contributionibus publicis dicto anno, in Equum unum gravis armaturæ florenos 10. & equum unum levis armaturæ florenos 8. pro quartuali autem quarto prout pro primo. Anno 1569. exactà ratione Quartæ Ordinatio facta est. Anno 1675 Quarta eum in modum erogata legitur: in Equos gravis armaturæ Numero 120. florenos 12. Levis armaturæ num. 1380. per florenos 9. in Equos Strzelcow Czernisow num. 200. florenos $4\frac{1}{2}$. In bombardas mediocres Hakownice numero 30. florenos 9. In Pedites ad tormenta bellica num. 200. florenos 5. Iisdem in Equos gravis armaturæ num. 4. florenos 12. Cosacis Nisoviensibus num. 300. per florenos $2\frac{1}{2}$. Notandum hic, quod olim non fuerint, ut nunc sunt, integræ gravis

armaturæ cohortes, sed quælibet cohors centum virorum 92. levibus, & 8. cataphractis constitit: inter centum autem & quinquaginta Equites duodecim cataphracti computabantur, & sic proportionaliter. *Anno 1589.* ordinatum est, ut si quis Nobilem se venditet & non sit, bona sua amittat, eorumque medietas ad quartam convertatur, altera pars delatori cedat. *Anno 1590.* terminus, qui est pro Festo Pentecostes, unâ septimanâ anticipatus est, sed pro illâ tantum vice; *Anno 1613.* cavetur, ne quarta alium in usum, sed tantum ad præsidia ordinaria, hoc est in Militem Quartianum impendatur; Eâdem Constitutione pro Equite Cataphracto 15. pro Cosacico 12. floreni constituti sunt, & Magistro eorum 100. floreni tam intra quam extra Regnum. Ut ex auctione proventus augerentur etiam præsidia Regni, *Constitutio 1616.* ad quartam depositoria vini, & tertium grossum de lapide plumbi Mercatilis ordinavit. *Anno 1619.* duplex Ordinata fuit quarta pro milite quartiano, computando ratione summæ istius quartæ tot Cataphractos, quot hæc quarta exportaret, tot Cosacos etiam ad quot hæc pecuniæ in vim stipendiorum sufficerent; Exceptâ autem leguntur à duplici quar-

quartâ Oeconomix in jure specificatâ, salisfordinâ, Telonia, Bona Magnæ procurationis, & omnes alii proventus mensæ Regiæ, ex quibus simpla tantum solvenda est: Id quod etiam de bonis Reformationi Regiæ subjectis intelligendum. *Anno 1620* Constitutum fuit, ut Capitanei & Tenutarii primam quartam die Lunæ post Festum Purificationis, & alteram pro Festo Pentecostali inferant: Pro illâ vice etiam quilibet Capitaneus & Tenutarius ex Capitaneatibus antiquis summis oneratis ad quinque florenos de manso obligabatur. *A. 1627.* iterum cavetur, ne quarta aliorum quam in militem, qui Ukrainam ab incursionibus hostilibus tueretur, expendatur. *In Const. 1637* Vladislaus Rex decernit, ut quoniam à felici ejusdem Electione, post decessum vel cessum priorum possessorum duplex quarta ad apparatus bellicum destinata Ravæ pendatur, sub pœnis de quarta antiquâ & deindè à Thesauro Regni ad manus Præfecti Artilleriæ, (qui Nobilis benè possessionatus & Juratus esse debet) transmittatur, & quidem illuc, quorsum à Duce Exercitus assignatio erit. *Anno 1658* Constitutum est, ut in posterum post cessum vel decessum Capitaneorum & Tenutariorum novi Donatarii & Cessio-

Cessionarii primò Anno possessionis suæ quadruplam quartam inferant. Anno 1661 Leges de antiquà quarta reassumptæ leguntur, & revificatio novæ quartæ in Oeconomiam bellicam *juxta Constit. 1637. 1638. 1640. 1641.* ordinatæ extat. Anno 1667. *exolutio* quartæ sub pœnâ amissionis bonorum Regiorum in Comitibus benè meritis & in Artilleriam Regni conferendorum injungitur, ita quidem, ut Notarius quartæ (quò officiò Casimirus Kowalkowski de Kowalki Terræ Dobriensis Sub-Dapifer à multis jam Annis fungitur) hanc delationem cum subscriptione Deputatorum connotet, & ad Castrum Ravenſe porrigat, & postea, mediante inventario, bona recipiat, tandemque illum, cui eadem Rex contulerit, intromittat, Constitutâ contra impugnantes possessionem pœnâ perpetuæ bannitionis in Tribunali Regni inter causas fisci publicandæ. Ab anno 1667. usque ad annum 1673. diem ultimum Aprilis ex Quartâ pro quinque cohortibus hastatorum, quæ septingentis Viris constabant, exsolvebantur stipendia, scilicet pro hastato sive Husaro 51. pro Cosaco 41. florenos, ita tamen, ut iste unus florenus Magistro cohortis pro culinâ vulgò Kuchenne cederet, cui præterea etiam duodecim portio-

portiones non existentium polonicè Slepych. Locum tenenti 6. & vexillifero 2. admittuntur. Anno 1673. usque ad annum 1677. quarta in Generalem stipendiorum solutionem computabatur. Denique per *Constit.* 1677. ordinatum est, ut ex quarta antiquâ centum & quatuordecim millia ad hyberna inferantur, & distribuantur. Cum autem modernô tempore Capitaneis & Tenuis omnes redditus, exceptâ quartâ, cedant, nec, uti olim, tres partes ad mensam Regiam spectent, curiosius indagavi, sub quo Rege & quare mutatio ista introducta. Tandem incidi in *Constit. Sigismundi III. de anno 1590.* ubi ob certiores redditus pro mensâ Regiâ, & ne quid propter defectum contra dignitatem Regiam eveniret, Respubl. certas Oeconomias & proventus ordinavit. Ab illô itaque tempore, credo, quod supra dictæ tres partes remissæ fuerint. Nam *Constit. anni 1638.* sub titulô à Oeconomiach quæ obstare videtur, dum vult, ut tres partes ad mensam Regiam convertantur, loquitur, non de omnibus Capitaneatibus, sed de illis tantum, quæ ad bonam mensæ Regiæ olim (*scil. à dictô Annô 1590*) ordinati sunt. In Magno Ducatu Litthuanix ultra simplicem quartam, quæ in *Constitutione 1590* funda-

Hh

men-

mentum suum habet. *anno 1613.* duplex concessa est, sed ob summam necessitatem pro illâ tantum vice. *Anno 1620.* iterum in unum tantummodo donativum consenserunt Lithvani. Quod & *anno 1626.* factum est, tandem in Capitulatione Vladislai IV. conventum est, ut in posterum, semper donativum simplex ex bonis Lithvanicis pro apparatu Bellico in Thesaurum inferatur, & quidem Vilnæ pro Festo Sancti Johannis per 4. Septimanas. Postea tamen *anno 1641.* ordinatum, ut illud singulis annis sex hebdomadis post Festum Johannis ad manus Præfecti Artilleriæ reddatur, & ipse in quibusvis Comitibus Thesaurario Magni Ducatus Lithvaniæ rationes referat.

XVI. Ordo militiæ pedestris circa *annum 1581* institutus. Nam veteres Poloni, quia campetria incolebant, equis potissimum gaudebant, adeò, ut munia pedestrium apud eos extraneus Miles, non sine magnis sumptibus obierit. Sic sub Augusto Crivousto mercenarios ex Ungariâ milites fuisse accitos contra Pomeranos refert *Cromerus lib. 5. fol. 472.* Undè forsan in hunc usque diem usitatissima Polonis Militia, quæ Wegierska Piechota Hungaricus Peditatus nuncupatur, aliàs Hayduccii. Ut verò illud incommodum, vita-

vitari posset, missi fuerunt ad Regias possessiones, qui ex robustissimis vigesimum quemque in militiam legissent, ab oneribus rusticis & posteriorum immunes redderentur *Sarnicius*. Nobiles enim Poloni non tantum nomine, sed & ipsam Equites esse amabant, atque pedestri militia fungi, minus decorum aestimabant, sed deliberavit Respubl. sub tempus Inter-Regni *An. 1632.* de pedestri militia honoratiori instituenda, uti patet ex Punctis ad Acta Varsaviensia porrectis. Bene etiam hæc successit intentio, adeo, ut ab illò tempore Nobiles inter pedites jussa dare vel exequi non ambigant.

XVII. Militem sine literis Regiis nemo colligere potest, sub poenâ infamiae & perduellionis, juxta Pacta conventa Serenissimi Joannis III. *vid. etiam Constit. 1670. p. 6.* Magister Artilleriae sit Patricius & bene possessionatus *vid. allegata Pacta*. Gubernatio quoque Arcium & fortalitorum Extraneis ac plebejis personis non conceditur, nisi Nobilibus bene possessionatis *Constit. 1550.* & bene meritis ab Exercituum Ducibus commendatis, nec minus ex annexis Provinciis, tenore Pactorum Conventorum altè memorati Serenissimi Regis Joann. III. Articuli Militares in *Constit. anni 1609.* reperiuntur.

XVIII.

XVIII. Anterioribus temporibus in confiniis Regni Exercitus Hyberna & Stativa expediebat, quæ deindè ad assignationem Ducû in viscera Regni transposita. Per Constitutionem autem *An. 1670.* hyberna in meliorem redacta Ordinē, ac ne quis ab istâ æqualitate importunis instantiis se, uti antea contigit, liberet, ad Duces Exercituû duos Deputatos ex Senatu, & duos ex Gentibus nullam cum Exercitu connexionē habentes assignatos legimus, ut cum quatuor ab Exercitu Deputati distributionem faciant; Tandem Serenissimus Rex nunc gloriosè regnans *Anno 1677.* per tot onerosa per multos annos hyberna, & gravamina per varios militum transitus afflictis succurrendo subditis hyberna ex bonis Regiis ad summam septingentorum & sexaginta millium, Leopoli pro Festo S. Michaëlis convehendam reduxit, Status verò spiritualis in vim subsidii charitativi trecenta florenorum millia promisit. Episcopi & Archimandritæ uti & omnia bona spiritualium Græco-Ruthenorum Unitorum & Disunitorum in vim hybernorum ad summam quatuor millium obligabantur. Dicti anni Constitutio in Comitibus Grodnensibus 1678 reasumpta, & ad hyberna distribuenda præter alios, non

non tantum Officium Thesauri uti Anno 1677, sed etiam Notarius Campestris Regni adjunctus est. Ex Senatu; Posnanienſis, Kyovienſis, Lublinenſis, Palatini & Nicolaus Comes in Szklow & Myſz Marſchallus Curia Regni. Ex Equeſtri Ordine ex Majori Polonia, Albertus Adrianus Laſocki Capitaneus Viſogrodnenſis, Joannes Korzeniенſki Capitaneus Coſtenenſis, Regens Cancellaria Regni, & Procopus Granowski. Ex Minori Polonia, Stephanus Bidziński Præfectus vigilarum Regni, Capitaneus Chęcimenſis, Caſimirus Cieciſzewski Capitaneus Mielnicenſis, Martinus Trzebachowski Dapifer Premiſlienſis.

XIX. Cum Coſaci genus militum ſint, de iis quædam hîc annotare expedit. An ſpontè nomen aſſuſerint, an ab aliis acceperint, haud conſtat. Nonnulli dictos putant, à pervagâ caprarum (quæ Sarmatice kozy vocantur) agilitate, quâ illi pollent; Alii à navigiis polonicè kozy ſed apud ipſos czaybi vocantur, quibus Volgam, Tanaim, Boryſtenem fluvios imò Pontum Euxinum & mare Caſpium percurrunt. Derivationem tamen veriſimiliorem exiſtimo à Stavanicâ voce chodzic currere, undè primum Chodziacii poſtea Coſacii facilè appellari potuerunt, nam

Hh 3

palma-

palmarium ipsorum opus est, per fluvios & maria decursus. Est autem rustica Gens collectitia (ita eosdem definit Fredro in Henrico Vales.) robusta & fortis plus arma quam aratrum colens. Summum apud illos regimen tenet Præfectus Exercitus. Deinde sunt; Notarius, Præfectus Castrorum, Judices Generales Assavuli, i.e. Consilarii, Tribuni, Notarii Legionum, Centuriones. Enumerantur hoc Ordine in Constitutione *an. 1661.* Deliberantium maxima semper vis est in favore & assensu totius multitudinis, quã illi Czern nuncupant. Cum olim Tartari Tauricam Chersonesum occupaverant, magna Ukrainæ pars in solitudinem abiit, in quam tandem Poloni, defuncti Bellis, quæ cum Cruciferis in Prussiâ gesserant, colonias inducere cœperunt, quibus defendendis Sigism. Augustus Excubitorem exercitum sub Duce Eustachio Daskovicio imposuit. Hanc militiam sex virorum millibus constantem Stephanus Rex melioribus sociatam Legibus multis privilegiis donavit. Deinde crevit, ut numerus & animus Cosacorum, ut prædationes per Russiam & Lithvaniam exercuerint, Trapezontum urbem Asiæ expugnaverint, imò in ipsa suburbia Constantinopolis effusi, prædâ repletis scaphis

scaphis abierint ; Dixisse fertur Aumurathes Turcarum Imperator, se inter Arma Principum in se conspirantium Constantinopoli degentem, in utramque dormire aurem, solos Cosacos esse, qui tanti Principis turbarent somnum. Hinc Turca sollicitatæ per ipsos Pacis accusabat Polonos, armaquè contra minabatur, nisi istos Rex aut exscinderet, aut coërceret, uti etiam Osmanes Imperator inter pacis condiciones potissimum sibi caveri voluit, Cosacos à navigatione Borystenis & Ponti Euxini prohibitum iri. Ex eo tempore illorum vires accidi cæperunt, & post aliquot clades notabiles, firmatamquè ad Borysthenem arcem Codanam, obsequium cum securitate, quàm contumaciam cum pernicie, maluerunt. Licet autem post transactionem Anni M. DC. XXXVII. Imperia Ducum Poloniæ audiverint, & in Officio manserint, intra animum tamen subindè ad libertatem pristinam suspirabant, conquerentes se non eo loco, quem viri militares merentur, haberi. Tandem Bogdanus Chmielnicius (qui dictæ Transactioni interfuit) parte agri à Czaplinscio Czeherinensis territorii Sub-Præfecto exutus, nec precibus, minis, & literis etiam ab Exercituum Duce Potocio, imò à Rege

Rege ipsô Vladislao IV. oppositis, quicquam efficiens, inquietus animi, casus pro insidiis interpretabatur, & obliquos in se Proceres animadvertens, carcerem sibi imminere ratus, quem etiam postea subiit, quod sinistra Consilia in Aquiliferum Regni Coniecposcium, è Tartarorum tum finibus magnâ prædâ redeuntem cum aliis Zaporovianis inierat. Præcluso enim reditu intercipere ipsum meditatus fuisse arguebatur. Sed postquam deinde ex Carceribus dimissus fuit, non intermisit contumelias suas vel summo Reipublicæ damno ulcisci, sic è parvâ scintillâ magnum ortum est incendium, sic ex privari hominis unius offensis mille in publicum redundarunt calamitates. Licet postea per Commissionem Hadziacensem anno 1658. certæ Pacis conditiones inter Cosacos steterint, & Chmielnicius in vivis esse desierit, non tamen desierunt motus Cosacici, sed Duce & Authore Doroszenkio perfidia adeò invaluit, ut infideles contra Poloniam in auxilium vocaverint, & perniciem, quàm pœnitentiam maluerint, adeò, ut Podolia & Ukraina Turcico proh dolor! jugo subjecta sit. Notandum hîc, quod Ukrainæ vel Cosacorum triplex sit respectus; alii enim ab illâ, alii ab

ab hâc, aliidenique à superiori parte Borysthenis scilicet in Insulâ Zaporovianâ sunt. Omnis quæ ab illa parte sita est Ukraina, ad Magnum Moschoviæ Ducem spectat. Quicquid verò ab hâc parte Borysthenis reperitur, in diversas distractum est partes; Kyoviæ Stayski, Rzyowo, Trzypol, Trechtimirow; Kaniow jam à Moschoviæ Duce possidentur. Białocerkiew, & Pawłocz, Regiam Majestatem obsequiosè veneratur. Raszkow, Kalnik, Bracław, Niemierow, Korestszow & alia loca jam sub Turcarum sunt Dominiò. Quoad Insulam Zaporowianam convenit per Pacta inter Polonos & Moschovitas, ut eandem, utrique defenderent, & semetipsos juvarent. Hinc in novissimis quoque Tractatibus Induciarum ad viginti annos cum Turcâ initis Magnus Dux Moschoviticus de Zaporovianis, ut in suo statu manerent, per expressum cavisse asseritur. Zaporoviani autem nuncupantur, quod ultra cataractas Russis parohi, hoc est limina dictas, habitent.

XX. Antequâ Caput hoc de Bello concludâ, non abs re erit de DUELLO aliquid in arenâ producere. Vetus Francorum mos fuit, ut Reges cû Regibus vel jure certarent, vel singulari inter se

certamine concurrerent, ut sic citius Bella finirentur, morte unius Regis, quàm tot myriadum. In historia Polonâ occurrit exemplum, quod Rex Stephanus Johannem Ducem Moschorum ad certamen singulare per epistolam provocaverit, ne videlicet sanguis Christianorum utrinque sine causâ justâ profunderetur. Sic Zamoyscius à Zuiscio ad Duellū provocatus est. Ille susceptâ conditione ad muros Plescoviæ, quâ tunc obsidebat, obequitavit, expectans Zuiscium, qui tamen insidiis in eum structis, quàm apertô Marte maluit regerere. Sed Zamoyscius & insidias ejus evitavit, & redargutô Zuiscio, ad suos cum laude incolumis rediit. *Vid. Sulikovius Comment. rerum Polonicarum pag. 135. 136.* Modus autem iste litium finirendarum inter privatos, tanquam Justitiæ & Ordini Judiciorum adversus, Constitutionibus Principum sublatus est. Hinc etiam in Polonia *per Constit. Anno 1588.* duella non debent peragi, nisi cum scitu Regis, quod Cromerus suâ memoriâ semel tantum à Sigismundo Primo admissum esse refert. Idem Statutum in Regno Castiliæ obtinuisse, patet ex Historiâ, quam allegat Camerarius *hor. succiv. parte primâ Cap. 21,* ubi consentiente ac præsentem Imperatore Carolo Quinto multis cum ceremoni-

ceremoniis inter Torellium & Ancam permis-
sum est duellum. Acta Electionis Serenissimi
Joannis Tertii decernunt, ne quis alter alterum
ad duellum provocet, sub poenâ sessionis turris
per bimestre & sexaginta marcarum.

CAP. VII. DE FÆDERIBUS & PACTIS.

I.

IN Capitulatione Reges promittunt, quòd pa-
cta & fœdera cum extraneis Principibus & Do-
miniis renovabunt, de conservandâ cum iisdem
Pace studebunt, & amissa à corpore Reipublicæ
recuperabunt. Pacta autem sunt vel antiqua,
vel nova; Ad illa renovanda sufficit consensus
Senatorum ad latus residentium: Ad hæc verò
stabilienda robur Comitiorum requiritur, uti
patet *ex Constitut. Anno 1658.* ubi Pacta cum Im-
peratore, Rege Daniæ, & Electore Branden-
burgico approbata sunt. In Comitiiis aliquan-
do non tantum ex Senatoribus, sed etiam ex
Ordine Equestri eliguntur Deputati ad Consilia
Bellica & ad pacem cum hoc vel illo hoste in-
eundam,

eundam, hoc tamen cavetur, ne potestatem sibi arrogent Bellum offensivum decernendi, videatur *Constit.* 1590. Aliud exemplum supra de Senatoribus ex *Constitut.* 1649. allegavi. Recentissimum extat in *Constit. Grodnens.* Anni 1678. Ubi Respublica in Generale Consilium consenserat, eidemquè per Scriptum ad Archivum, in absentia Archi-Episcopi Gnesnes. sub manu Pro-Cancellarii Regni & Marschalci Ordinis Equestris, majorem quàm alias potestatem, dederat. In Pactis autem nonnullis de subsidiariis cavetur militibus. Ita olim Boleslaum Crivustum ex fœdere auxiliares habuisse Russorum copias, testatur *Cromerus lib. 5. fol. 472.* Non minùs testantur historici, quod Vitoldus magnus Dux Lithvaniæ Tartarorum auxiliis contra Cruciferos in Prussia usus fuerit: Porro ex *Kojatowicio* parte scundâ *Hist. Litt. lib. 5. fol. 234.* patet, quod Casimirus IV. Rex Scythis Tauricanis Imperatorem præfecerit Mendligereium, qui certo ex pactò operam suam contra Prussos pollicitus fuit: Deinde stipendia illa quæ tum temporis promissa fuerunt militaturis, à Sigismundo Lin annum honorarium Cupominki Tatarskiej duobus millibus vestium ex pellibus agnorum ac mediocri copiâ pan-

pannorum Anglicorum constans conversa sunt. Sed meritò post hæc dictus Sigismundus post mortem Setkieriei, qui ipsi fidelia præstiterat obsequia, noluit iisdem amplius honorarium istud dare, respiciendo ipsorum erga se fidem Barbaram. Ita & Rex Stephanus aliquando dixit, cum pro istis pellibus Tartarorum Chanus Varsoviam misisset; Nolo hujus Bestiæ tributarius esse. Sed ad instantiam Chani Anno 1591. in Comitibus donativum illud iterum promissum fuit, si Tartari in posterum quietius agerent. Tandem sub Joanne Casimiro Rege cum Chanus ad pacem inclinaret, & per Vezirum suum peteret, ut stipendium militare antiquius à Polonâ Republ dari solitum, sed à Rege Vladislao denegatum, persolveretur, in hoc Caput, inter alia conventum est, ut Rex Poloniæ ex liberalitate ordinarium stipendium Chano Tartarorum retentum hætenus, penderet, in posterum, ubi id per Ablegatos Cameniciam missos peteret daret; Chanus vicissim Regi adesse quodocunque hic jusserit, cum copiis suis contra quemvis hostem teneretur.

II. Quando de sociis hîc agitur armis, non possum auxilia Augustissimorum Imperatorum

II ;

trans-

transmittere silentio. Cum A. 1629. Svecorum in-
gravesceret Potentia, Ordines Regni jam dudum
oblata subsidia Ferdinandi II. desiderarunt, quas
etiam Arnheimius adduxit. Hoc deindè revo-
catô successor missus est Dux Lauenburgicus &
Mansfeldius Comes. Sic ulterius cum sub Rege
Johanne Casimiro Polonia bellô arderet Sueti-
cô, Ferdinandus III. decreverat, rem Polonam,
sibi seriò juvandam, sed mors superveniens Con-
silia interrupit. Optimus tamen filius ejus Leo-
poldus I. licet nondum Imperatoriam adeptus
esset dignitatem, insigne tulit auxilium, submit-
tendo Duce Hatzfeldio Exercitum decem mil-
lium Peditum & sex Equestrium. Principem,
quoque Rakocium per Cancellarium Ungariæ ab
hostili animô avocare conatus fuit, sed in fata
præcipitem nulla eloquentia, nulla authoritas re-
tinere valuit. Militis tamen Cæsarei conjunctio
cum Polonis mox effecit, ut Rakociani fugam,
animis, vulnera tergo tulerint. Serenissimum
etiam Electorem Brandenburgicum eidem pro
Polonis societati maximô cum emolumento in-
nexuit. Verat hîc memoria dignum laude adju-
mentum Serenissimi Regis Daniæ Friderici III.
oblivisci, qui contra hostes nostros hostiles in-
duit

duit Spiritus, atque Regem Sueciæ adeò distraxit, ut nec redire in Poloniam, nec justum postea mittere Exercitum potuerit. De perpetuo Regni Fæderato Electore Brandenburgico, infra erit dicendi occasio.

III. Denique hîc addo, quòd libera Gens Polonorum offensiva non amet Fædera. *In Constitut. Anni 1670.* cavetur, ne cum exteris Principibus hoc ineatur, ut copias militares submittant, quin potius, ut nobis per summas pecuniarias succurrant, vel per diversionem belli.

IV. Cum verò Pacta ad Notitiam Juris publici pertineant, nec semper, quando occasio poscit, ad manus sint, operæ precium esse duco, eadem hîc apponendi.

V. Ut Sacræ Cæsareæ Majestatis & Sacræ Regiæ Majestatis Poloniæ subditi, formulâ Pactorum probè cognitâ & perspectâ, secundum præscriptum illorum eò magis sese gerere, justitiæque adeundæ, si quid usu veniret, rationem observarent, Pactorum Exemplum, sub Matthia Imperatore & Sigism. III. Rege typis excusum est. Idem An. 1677. factum est, curante renovationem Johanne Christophoro Zierowski de Zierowo, Augustissimi Imperatoris Consiliariô, & ad Aulam Polonam Residente. JO.

JOANNES III.

Dei Gratiâ Rex Poloniæ, Magnus Dux
Lithuanix, Rusſiæ, Pruſſiæ, Maſoviæ, Samogitiæ,
Livoniæ, Smolenſciæ, Kiiouix, Volhyniæ, Po-
doliæ, Podlachix, Severiæ, Czer-
niechoviæquè.

UNiverſis & ſingulis Regni & Dominiorum
Noſtrorum annexarumquè illi Provincia-
rum, cujuſcunque Status, Conditionis, Dignitatis
& Præminentix Subditis Noſtris præſentibus li-
teris ſignificamus.

Quod cum inter primarias muneris Noſtri
Regii curas poneremus, ut poſt felicem Electio-
nem & Coronationem Noſtram Fædera & Pacta;
quæ inter Sac. Cæſ. Majeſtatem Domumque Au-
ſtriacam & Sereniſſimos Prædeceſſores Noſtros
antiquitus interceſſerunt novis utrinque nexibus
roborarentur, Populorumquè tranquillitati &
bonæ Vicinitatis cultui, quæque inde dependent,
correſpondentiarum & Commerciorum uſui
proſpiceretur. Ideò Pacta eadem renovanda &
confirmanda eſſe duximus: Prout renovamus
& confirmamus. Quorum tenor ſequitur e-
juſmodi.

Nos

NOS LEOPOLDUS, Divina favente Clementia, Electus Romanorum Imperator, semper Augustus, ac Germaniæ, Hungariæ, Bohemiæ, Dalmatiæ, Croatiæ & Sclavoniæ Rex, Archidux Austriæ, Dux Burgundiæ, Brabantia, Styriæ, Carinthiæ, Carnioliæ, Marchio Moraviæ, Dux Lucenburgæ, ac Superioris & Inferioris Silesiæ, Wirtembergæ, & Teckæ, Princeps Sueviæ, Comes Habsburgi, Tyrolis, Ferretis, Kyburgi, & Goritiæ, Landgravius Alsatia, Marchio Sacri Romani Imperii, Burgoviæ, ac Superioris & Inferioris Lusatiæ, Dominus Marchiæ, Sclavonicæ, Portus Naonis & Salinarum, &c. &c.

ET NOS JOANNES III. DEI Gratia, Rex Poloniæ, Magnus Dux Lithvaniæ, ac Russiæ, Prussiæ, Masoviæ, Samogitiæ, Livoniæ, Smolensciæ, Kiioviæ, Volhyniæ, Podoliæ, Podlachiæ, Severiæ, Czerniechoviæque.

TEnore præsentium recognoscimus, ac notum facimus, universis & singulis, præsentibus, & futuris, harum notitiam habituris. Quandoquidem, qui Christi locum in terris gerunt, eos in hoc elaborare maximè decet, ut cujus lo-

Kk

cum

Nos

cum obtinent, ejus vestigiis incedant: Nos memoriâ tenentes, quod non aliunde potestas Nostra sit, quam ab eo, à quo Nomen ducimus, cujus appellatione censerî volumus, Domino Noſtro JEſu Chriſto, qui, quos ipſe Nobis ſubjecit populos, eos loco ſuo regere Nos voluit, & gubernare; hu omnes curas, & cogitationes Noſtras convertendas duximus, ut quatenus id humanitus præſtari poteſt, adjuvante eo, cujus id ſolius munere contingit, quàm proximè ad ſimilitudinem ejus accederemus, per quem Reges regnant, Principes imperant, & Potentes decernunt juſtitiam. Quoniam vero, non ille potentiam ſuam non ſapientiam, ſed eam ſolam, quâ ſocietas hominum inter ipſos continetur, dilectionem, qua Nos prior ipſe præter meritum ullum, proſecutus eſt, imitari voluit, ut ſicut ipſe dilexit Nos, ita & ipſi viciffim diligereſimus invicem, ac pacem, concordiam, tranquillitatemque mutuam inter Nos conſervareſimus: Neque poteſt illi ſacrificium ullum à mortalibus offerri gratius, quam ſit fraternâ charitas, inter unius corporis membra, Hanc illius dilectionem, qui nobis tot Civitates, tot Populos, linguâ, moribus, habitu, inter ſe diſſiden-

sidentes, tot tam latè patentes Provincias, tot amplissima Regna subjecta esse voluit, præcipue pro virili Nostra imitandum esse duximus. Itaque cum inter recolendæ memoriæ Majores Nostros, jam inde à longissimo tempore, certamen amoris, benevolentiaque mutua, susceptum fuisse cognovissemus, cujus rei tanquam testes, sunt Pactorum & Fæderum literæ, quæ inter Austriacam, & Jagellonicam Domos, quæque inter utriusque Domus, Regna, Imperia, Provincias, Populos & Nationes, Nominatim, verò, quæ inter quondam ALBERTUM Archiducem Austriæ, cum quondam CASIMIRO Polonia Rege, & Divum FRIDERICUM Imperatorem, cum eodem CASIMIRO Rege, postea verò etiam inter recolendæ memoriæ FERDINANDUM & MAXIMILIANUM Imperatores; cum itidem recolendæ memoriæ SIGISMUNDO AUGUSTO Rege, ac tandem inter RUDOLPHUM II. & successive MATTHIAM, nec non FERDINANDUM II. Imperatores, & quondam SIGISMUNDUM III. ac ULADISLAUM Serenissimos Polonia ac Sueciæ Reges, itidem præclarissimæ memoriæ, intercesserunt. Nos Majorum Nostrorum exemplo provocati, qui summam semper inter se necessitudi-

nem, & amicitiam conservare studebant, atque eam arctis præterea Affinitatis vinculis fortius colligabant, quàm ut dissolvi facile posset, ea nimirum Pacta & Fædera, quæ inter præfatos Majores Nostros, quondam ALBERTUM Archiducem Austriæ, FRIDERICUM, FERDINANDUM, MAXIMILIANUM II. RUDOLPHUM II. & MATTHIAM nec non FERDINANDUM II. Imperatores, præclarissimæ memoriæ, atque CASIMIRUM, SIGISMUNDUM AUGUSTUM, & quondam SIGISMUNDUM III. ac ULADISLAUM observata fuerunt. Id quod felix, faustum, & fortunatum Deus esse velit, utrique Nostrum, ac utriusque Nostrum Imperiis, Regnis, Terris, Civitatibus, Populis & Nationibus in Dei Opt. Max. nomine, à quo tanquam fonte perenni manat, quidquid bonarum est rerum, inter Nos quoque, & pro Nobis, & Successoribus Nostris, continuanda, confirmanda, instauranda, & renovanda, atque adeò declaranda, corroboranda, & amplificanda duximus, ita ut continuamus, confirmamus, instauramus, renovamus, declaramus, corroboramus, & amplificamus, præsentium per tenorem. Ac primum quidem, sicut in literis quondam ALBERTI Archi-

Archiducis præscriptum est. Nos omni honore, fide & amore, invicem prosequi, & promovere debemus, & volumus, in locis omnibus, & temporibus, ubi Nobis id faciendi se facultas obtulerit, citra dolum & fraudem aliquam, neque commitemus unquam, ut alter alteri, aut familiaribus ejus, Vasallis, & Subditis quibuscunque, Regnis, Ducatibus, Terris & Civitatibus ei subjectis, & sub ejus obedientia & defensione constitutis, quacunque ex causa bellum inferamus, inimicitias denunciemus, diffidemus, aut hostiliter eos impetamus, per Nos, aut submissas personas, fraude & dolo semotis. Ac non modo ipsi, ab ejusmodi rebus abstinebimus, verum etiam subditos Nostros, & quicunque in fide, potestateque Nostra sunt, eos prohibebimus, ac ab omni vi, modo superius descripto, temperare sibi cogemus. Habebunt etiam potestatem, homines Nostri, cujuscunque status & conditionis fuerint, in quibuscunque Terris, Dominiis, Civitatibus Nostreis, & Nostræ obedientiæ subjectis, agendi & commorandi, atque inde etiam libere & secure, cum illis visum fuerit, discedendi. Deinde, sicut etiam literis Divi FRIDERICI cautum est, ita Nos invicem uniendos obligan-

dos, alligandos, confæderandos duximus, quemadmodum unimus, obligamus, promittimus, alligamus, confæderamus, præsentibus; quod ex hoc tempore ipso, perpetuo, realiter, & cum effectu invicem, & mutuo obligati, alligati, & confæderati simus & erimus, & inter Nos, & Subditos Nostros, nec non Regna, Principatus, & Dominia, quæ nunc uterquè Nostrum possidet, & quæ DEO concedente in futurum acquiremus, constans, perpetua, indissolubilis, & Christiana, pax esse, & servari debet, & debebit, & in omnibus utriusquè Nostrum, honorem, dignitatem, statum, augmentum, concernentibus, & concernere valentibus, mutuo Nobis auxiliabimur, consulemus invicem, promovebimus, & assistemus, nec alteruter Nostrum quidquam faciet, cupiet, pertractabit, aut molietur, quod contra alterutrum Nostrum Regna, Principatus, Dominia, Subditos, honorem, statum, dignitatem, aut augmentum sit, seu esse aut tendere possit. Neque Nostrum alter alteri, ipsius Regnis, Principatibus, Dominiis, & Subditis bellum, damnum, aut quodvis aliud nocumentum inferet, nec à suis quovis quæsito colore inferri permittet, sed quilibet Nostrum, contra subditos suos, qui
hujus-

hujusmodi faciunt, aut facere, aut moliri vellent, totis viribus suis, & potentia, in Terris & Dominiis suis consurget, & eos, pro hujusmodi excessibus, poenâ condignâ puniet & castigabit, donec damnorum datorum integram compensationem & refusionem facient. Præterea nullus Nostrum, ad alterius Regna, Principatus, & Dominia aspirare, aut anhelare debet, nec alterius Nostrum Regna, Principatus, Dominia, & subditos, si quos, (quod DEus avertat) ab altero Nostrum deficere, recedere, aut rebellare contingeret, contra alium, ejus Regna, Principatus, Dominia, & subditos suscipere, tenere, protegere, juvare, assistere, nequè consulere, aut favore prosequi debet, nequè à suis talia fieri patiatur, sed contra tales infideles unus alteri auxiliabitur, & assistet, atque Dominiis suis excludet. Si vero alter Nostrum ejus Regna, Principatus, aut subditi contra alterum ipsius subditos, Principatus aut Dominia actionem realem, seu personalem, Civilem seu criminalem, aut qualemcunque querelam habet, aut imposterum habuerit, si super ea non potuerimus amicabiliter concordare, tum nequè ipse, neque subditi contra alterum, ipsiusque subditos, Regna, Principatus, & Domi-
nia

nia, quidquam via facti attentare, neque sibi ipsi
jus dicere, aut ulcisci, sed super eo, jure, & non
aliter experiri debent. Cæterum pro majore
supra-scriptorum Fæderum declaratione, pro-
que tranquilliore Subditorum Nostrorum Sta-
tu, quiete, & bonæ Vicinitatis conservatione, &
quo firmior inter Nos, Regna, & Subditos No-
stros, pax, amicitia & benevolentia perpetuo
constare queat; utquæ omnes dissidiorum cau-
sæ, quoad ejus fieri potest, præscindantur: or-
dinamus, statuimus, declaramus, & volumus
quod cum initio scriptum est, quod mutua No-
bis invicem auxilia ferre debemus. Quomodo
alter alteri auxilia ferre velimus, id in arbitrio
utriusque Nostri, & Ordinum Regnorum,
Nostrorum, positum esse debere, hoc tamen
expresso, ut liceat utrique Nostri ex Terris
& Provinciis alterius, Voluntarios milites, ac
suo conductos, educere, & arma in usum suum
exportare; Eatenus tamen milites educere li-
ceat, quatenus id sciente fiat altero Nostri,
neque sit alteruter Nostri bello suo proprio
contra hostes aliquos suos impeditus. Hostibus
verò ne id liceat, neve favor ullus præstetur, qui
alteri obesse possit, ita tamen, ut nedum juxta
præ-

præscripta majorum Nostrorum fœdera, nullus Nostrum alteri, vel ipsius Regnis, Principatibus, Dominiis, & subditis bellum, damnum aut quodvis aliud nocumentum inferre, sed neque alterius hostes aut Rebelles fovere, protegere, seu eis assistere, vel favorem, consilium, aut auxilium quovis modo præstare debeat.

Volumus præterea, vias, & flumina publica, nec non Commercia, & negotiationes mutuas, per Regna, & Provincias Nostras, omnibus, & singulis Regnicolis, Provincialibus, & subditis Nostris, tam terrâ, quam aquâ, utrinque libera esse, nec ullis unquam interdictis, arrestationibus, seu represaliorum concessionibus impediri, sed utriusque Nostrum subditos, in alterius Regnis, & Dominiis, libero transitu, ac fide publica, quem salvum conductum vocant, non minus quam proprios cujusque subditos gaudere, uti ac frui posse & debere. Neque denique cuiquam Nostrum, aut his, qui Nobis subditi sunt, querelas & actiones suas, si quæ jam sunt, vel futuris temporibus oboriantur, aliter quam mediante Jure prosequi liceat. Ut autem omnes vel protelatae, vel denegatae justitiæ querelæ, tam inter Nos, quam subditos Nostros, hinc inde præcave-

LI

antur,

antur, sed cuique expeditum Jus, & Justitia sum-
marie, & de plano administrari, ejusdemque de-
bita executio, effectualiter obtineri valeat,
Convenimus & concordavimus, quod si quis No-
strum vel unius Nostrum subditi, contra alterius
unum, vel plures privatos subditos, actiones sive
personales, sive reales intentarent, tunc semper
pars agens forum & iudicium ipsius rei sequi de-
beat; Et quod in personalibus, injuriarum, vio-
lentiarum, super spoliatione, seu similibus, Judex
permissione subitarii Iudicii, citra dilationum, &
exceptionum admissionem, Actori forensi, de
simplici & plano justitiæ complementum facere;
In realibus verò, secundum unius cujusque Diti-
onis consuetudinem, ita procedere teneatur, ut
quilibet, citra dilationem, Justitiæ executionem
obtinere queat, id quod per superioritates & Ma-
gistratus fideliter provideri & dirigi par est.
Quod si alter Nostrum contra alterius Provinci-
am, vel Communitatem aliquam, vel vicissim
Provincia, Communitas, vel privati subditi uni-
us Nostrum, contra alterum ex Nobis, vel ejus
Provinciam seu Communitatem, privatas actio-
nes prætenderent, tunc causæ hujusmodi co-
ram alterius Nostrum, sub quo pars rea degit,
Con-

Consiliariis, seu Commisfariis, per eundem juxta partium conditionem, & caufarum exigentiam, non minus feptem numero defignandis, fummariè audiri, & vel amicabilem componi, vel Jure mediante determinari, & executioni demandari debeant. Porro fi inter Nosmet ipfos Reges, feu forfan Regna & Provincias Noftas, tum metarum, & terminorum, tum commerciorum, feu quarumlibet aliarum, tam veterum, quam novarum caufarum, Jurium, vel obligationum occasione, querelæ, gravamina, & controverfiæ fuborientur; tunc alter Noftum, qui vel cujus Regnum feu Provincia, Jus vel querelam prændit, alium per Nuntios, vel literas fuas, amicabilem informare, ac pro tollendo, farciendo, amovendoque gravamine, admonere & requirere debet. Quod fi obtinere nequeat, tunc quilibet Noftum, ftatim intra duorum Menfium fpatium à facta amicali requifitione, tres Confiliarios fuos è Proceribus Regnorum, Hungariæ, Bohemiæ, Moraviæ, Silefiæ, & vel ex aliquibus harum prout quodquè negotium ad aliquam harum Provinciarum pertineat, vel etiam ex omnibus, pro exigentia & gravitate negotii, ab una Regni què Poloniæ, & Magni Ducatus

Lithuaniam, ab altera partibus, ad convenientem diem, & locum, per partem læsam, seu querulantem nominandum, semota omni excusatione mittere debeat. Qui utriusque Nostrum Consilarii Summam imprimis diligentiam adhibeant, quo hujusmodi querelæ, gravamina, & controversiæ, inter Nos, Regna, & Provincias Nostras amicabili compositione transigantur, eam verò non succedente tunc læsa pars sive agens, coram prædictis sex Consiliariis, actionem suam, statim ipso die, juridicè exhibendi potestatem, habeat, idque duplicatis scripturis, quarum unam Consilarii penes se retineant, aliã verò parti Reæ transmittant. Quo facto pars rea, responsum suum, etiam scriptis duplicatis sæpèdictis Consiliariis vel ei, cui ex illis hoc demandatum fuerit, intra spatium proximorum duorum Mensium, à transmisso actionis libello, mittere teneatur, ut scilicet Actor Replicas, Reus verò duplicas suas, ac præterea utraque pars, tertiam quoque conclusionem, & submissivam scripturam, de bimestri, in bimestre, duplicatis, ut præfertur, scriptis, offerre queat, Eo sanè modo & ordine, utrique parti transmittendis, sicut de actionis libello demonstratum est. Oblatis tandem suc-

ces.

cessivè ab utraq; parte duplicatis trinis scripturis, in quibus utrinq; omnia Jura sua explicabunt, sexxilli Commissarii partibus ad promulgandā sententiā, inter proximum sequens bimestre, diem, ad eum locum, ubi causa primo agi cæpit, indicent; quo loco, & tempore partes, per Procuratores suos, pleno mandato suffultos comparere, illicquè & ipsi Consiliarii convenire, ac diligenter visis scriptis, & discussis actis totius causæ, partes rursus ad concordiam & amicabilem compositionem invitare, & cohortari, nihilque in eo operæ & diligentiae intermittere debeant. Quam si ne tunc quidem inter partes obtineriqueant, statim ad ferendam sententiam procedant, ac id quod Juris & Justitiæ fuerit, cognoscant, & decernant. Quod si suprà dicti Consiliarii, de ferenda sententia, sive interlocutoria, sive definitiva fuerit, concordare non possint, tunc toties, quoties opus fuerit, arbitrum communi voce deligant, vel per quamlibet Consiliariorum Partem, duabus idoneis personis propositis, ex iisdem sorte constituent: cujus partes sint, huic Consiliariorum opinioni, quæ & Juri & æquitati magis consona videatur, subscribere, eandemque laudare & ap-

Ll 3

pro-

probare. Quidquid autem per ipsos Consiliarios Nostros, seu majorem eorum partem separatim, vel per eosdem, vel arbitrum, conjunctim decretum, & pronuntiatum fuerit, id ratum firmumque maneat, ac statim debitæ demandetur executioni, remotâ omni plane appellacione, supplicatione, reductione, in integrum restitutione, aliisque Juris beneficiis & remediis, etiam motu proprio concessis, obtentis, non obstantibus.

Debent autem Consilarii, per Nos pro tempore deputandi, nec non & arbiter ipse per Nos, & quantum ad quemlibet Nostrium spectat, ab obedientiæ & Juramenti debito, ad eam causam tantum absolvi, ac pro administranda Justitia, novo consuetoque Juramento obstringi. Quod si pendente lite unus vel plures ex ipsis Consiliariis, mortem obirent, tunc in demortuorum locum, prout ad quemlibet Nostrium pertinebit, alios semper surrogabimus. Ipsi quoque Consilarii, non plures scripturas admittant, aut terminos alio modo, quam suprâ dictum est, prorogandi aut alterandi potestatem habeant, sed forma, & modo illis concessio procedant, excepto casu,

casu, quo partes testes producere necesse haberent, tunc ipsi Consilarii Jurisdictionem suam prorogandi potestatem habeant, tantisper donec testes ejus causæ conscii, secundum Juris dispositionem, legitimè producti & auditi fuerint, ita tamen, ne ulla minus necessaria prorogatio quæratur, vel admittatur, sed omnes testes ad unum diem, & terminum, quantum fieri potest, audiantur, à publicatis attestationibus, non nisi unica scriptura à qualibet Parte recipiatur. Proinde quo magis Regna, Principatus & Dominia Nostra, ab omni bellorum, deprædationum, latrociniorum, hostilitatisquè periculo libera, secura, purgataquè esse queant, Conveniunt inter Nos est, quod nullus Nostrum alterius, seu Regnorum, Provinciarum, vel subditorum suorum diffidatores, hostes, homicidas, raptores, seu damnificatores, nec non profugos cujuscunque conditionis sive Ecclesiasticos sive sæculares, item Rebelles subditos, quicunque in alterius Nostrum Regnis, & Ditionibus reperti, denunciati, vel per Nosmet, aut Officiales Nostros pervestigati fuerint, nequaquam amplius fovere & assecurare, multo minus verò per subditos Nostros, ullo Hospitio, auxilio, sive receptatione quocunq; prætex-

prætextu, directè vel indirectè, publicè vel occulte recipere, juvare vel intertenere debeat, sed ubicunque hujusmodi grassatores, raptore, diffidatores, & damnificatores, ubilibet in præfatis Regnis & Ditionibus Nostris deprehensi fuerint, contra eos, jussu Nostro & directione, atque accuratâ diligentia Officialium, utrobique partilæ, atque deferenti Justitia immediate atque irrecusabiliter permitti atque administrari, aut etiam citra partium requisitionem de iis, ut communibus hostibus, à Capitaneis, & Magistratibus, ubicunque ex Officio inquiri, insequi, & pœnaliter procedi debeat. Casu autem quò aliquis ex Officialibus, aut subditis Nostris, propter receptationem, assecurationem vel defensionem, antedictorum diffidatorum aut omissionem antedictorum diffidatorum insecutionis, Captivationis, sive animadversionis scienter contravenerit, in tales utrobique, sive delati à parte altera, sive alias vero simili suspicione deprehensi forent, Capitali supplicio irremissibili, deber animadverti.

Quod si alterius Nostri, unus vel plures Incolæ vel subditi, alteri Nostri seu Regnis & Dominiis Nostris, generaliter, vel singularibus personis, Incolis, & subditis, privatim hostilitatem

tem denun-riaverint, tunc statim Præfectus, Capitaneus aut Officialis illius loci sive Districtus, cui Diffidatio indicta est, Generales, Præfectos, & Capitaneos Regnorum, & Provinciarum, alterius Nostrum, sub quo tales diffidatores degunt, ea de re certiores reddere, ipsisquè exemplar diffidatoriarum literarum transmittere debeat. Quo accepto, præfati Præfecti & Capitanei, diffidatores pro publicis hostibus judicare, promulgare, publicare, omnibusquè & singulis Incolis, cujuscunquè ordinis & conditionis extiterint, eorum consuetudinem interdicerè, & ne à quocquam hospitio recipiantur, aut consilio, auxilio sive re ulla alia juventur, prohibere & cavere, bonaque diffidantium applicare Fisco, & Cameræ Regiæ, ac proinde in hospites, socios, conscios, & complices, pari quoque severitate animadvertere teneantur, ignorantia excusatione universis penitus sublata. Quod si quispiam Præfectus, Capitaneus, aut Magistratus, in hujusmodi casibus subitam justitiam administrare cunctaretur, aut etiam alias ex Officio, inquisitione, insecutione, & animadversione debita non procederet, tum tales Nostræ punitioni immediate obnoxii, & rei esse debeant. Ut autem

M m

præ-

præcipuus diffidationum, & grassationum fons, quo hujusmodi latrocinia imprimis aluntur, è medio tollatur corceaturque licentia, & impunitas receptandi hostes, prædones, & diffidatores, serio inter Nos convenit, ut omnes promotores, detentores, receptatores, complices, dictorum facinorosorum hominum, qui vel notoritate facti, vel ex veraci denunciatione spoliatorum, aut ex fuga Captivorum, (modo tales captivi, aut spoliati bonæ fidei, & integræ famæ sint) si ve aliis tam manifestis indiciiis, ut ulteriori probatione res non egeat, convicti vel deprehenso fuerint, iidem citra ulteriorem purgandi sui admissionem, & concessionem spoliatis & damnum passis, ad restitutionem & satisfactionem probabilem damnorum, de Bonis suis teneantur, aut si solvendo non sint, secundum qualitatem delicti, corpore luant. Quod si tales etiam patrati Criminis conscii, vel complices essent, & ad illata damna, cædemque evidentem causam scienter præbuerint, iidem non tam parti ad restitutionem damnorum, ut jam præmissam est, teneantur, quam & superioritatis suæ cognitioni ad sumendum de iis pro modo delicti supplicium, citra evasionem subjaceant. Si vero aliqui
rece-

receptatorum aut complicum non omninò manifestis Indiciis, nec apertis Captivorum Confessionibus, sed alias delati, & de tali facinore suspecti potius, quam convicti fuerint, contra tales, tam ex delatione damnificatorum, vel alterius superioritatis Officialium, quam ex Officio, per Capitaneos aut Magistratus ejus Regni, aut Ditionis, in qua fuerint, hâc tamen conditione, differentia sive moderatione debet procedi, ut si forent Nobiles, aut possessionati Cives antehac in talibus non infamati, neque ullis prioribus Confessatis suspecti, tales in casu negationis, sese proprio eorum Juramento, coram supremo ejus ditionis Magistratu, publicè de hujusmodi infamatione exonerare, & purgare queant.

Si vero iidem anterioribus infamiæ, aut Confessorum præjudiciis notati, aut semimanifesti forent, ita tamen, ut hujusmodi confessata, non omnimode certum facti Indicium præbere possent, tales etiam ad purgationem sui, medio Juramento, etiam tertia manu integræ famæ possessionatorum vicinorum, admitti, aut si in utroque casu, in purgatione sui defecerint, debitæ Capitis animadversioni subjici debeant. Quod si quis ex Regnis & Provinciis Nostreis, ausu teme-

rario contra Jus & æquitatem, ac publica mutu-
aque Regnorum Nostrorum Fœdera, in alterius
Regna vel Ditionem, excursionem, & irruptio-
nem faceret, atque ibi Mercatores, & vectores
deprædaretur, aut detineret, homines occide-
ret, vel abduceret, pecora abigeret, incendio
faviret, aut alio quovis modo damnum, & In-
juriam inferret, & patrato nefario scelere, rur-
sum se domum, vel cum præda securus, vel fu-
giens insequentium manus, in hospitia consueta
& solita diverticula reciperet, tum in eo Regno
Præfecti illius Territorii, vel districtus, & omnes
incolæ, totaque vicinitas, mox, ut à damnificatis
& injuriatis seu quibusvis aliis hostem, prædo-
nem, & communium Fæderum violatorem in-
sequentibus commonefacti, evocatique extite-
rint, debeant læsis ferre opem, adesse in armis,
fortiter & graviter insequi, & inquirere noxios,
& turbatores pacis publicæ & tranquillitatis. Et-
si, sui tuendi causa, in aliqua castra, & Fortalitia,
vel loca abdita, seu natura munita profugerint,
acrius ac diligentius insistere, & ipsos & eorum
hospites, socios, conscios, complicesquè obside-
re, oppugnare, & ita omnes ad deditionem ur-
gere, ad debitum supplicium trahere, & ad re-
stitu-

stitutionem, recompensationemquè damnorum
illorum cogere teneantur. Si qui autem ne-
gligentes, & remissiores in differendo offen-
sis auxilio & in prosequendo hostes & damnifica-
tores sese exhibuerint, hi sciant, se indignatio-
nem Nostram, & severam animadversionem,
irremissibiliter incururos esse. Si vero contin-
geret, aut per subordinationem Superioritatis,
aut alios, qui per damnificatos, atque diffidatos,
contra præmissos damnificatos, diffidatos,
malefactores, receptatores, aut complices capti-
vandos, sive etiam jam tunc captivos, & convic-
tos, in alterutro Regnum, & ditionem, pro Im-
ploratione Justitiæ mitti, iidem Imploratores non
solum ad executionem Justitiæ, pro ratione deli-
cti, cum omnibus in tali facto necessariis admit-
ti, & provideri, verum etiam tam in loco admi-
nistrandæ Justitiæ, quam in reditu ad propria,
omnimode tuti atq; asscurati esse debeant. Ca-
su etiam quo in alterutro Nostrum Regno, &
ditione, aliquis ex Nobilibus, aut aliis zelo hone-
statis, & studio suppressendorum publicorum,
malefactorum, aut Jussu Magistratum, aut mo-
tu proprio, hujusmodi publicos prædones &
grassatores insequeretur, idque sibi à quoquam,

M m ;

ut

ut inhonestum exprobraretur, talis exprobratio, nulli cujuscunque status, ullum honoris sui discrimen, imminutionem, & præjudicium aliquod generare queat, sed exprobrator ad revocationem probri unâ cum aliquali Carceris punitione & restitutione impensarum cogi, atque læsum rogare debet, ut sibi talem injustam imputationem propter Deum remittere velit.

Cum denique Nostra Regnorumquæ & Provinciarum Nostrarum, maximoperè interfit, ut in Regnis, & Dominiis Nostris, bonam eandemque justam habeamus monetam; quamobrem pro bono communi, utrinque curabimus, & efficiemus, ne illegitima, prava, & reprobâ moneta, in Regnis & Provinciis Nostris cudatur recipiaturque. Quod si hac ex parte, quæstio inter Nos incideret, agemus quantum opus fuerit, cum Ordinibus Regnorum, Provinciarumque Nostrarum, atque eorum assensu, Commissarios Nostros utrinque deputabimus, qui habita ratione communium Regnorum, Provinciarumque Nostrarum eas tentent, ineantquæ rationes, quibus vel eadem bonitate & valore, utrobique moneta cudatur, vel diversarum monetarum, prout quævis vel melior, vel deterior reperta fuerit.

fuerit, justum semper pretium, æstimatioquè constitutatur. Id quod de sale utriusque Nostrum in alterius Regna & Provincias educendo, pariter cautum esse volumus; Quod si tamen hæ res, vel altero vel utroque casu, inter communes Nostros Commissarios transigi nequeant, tunc saluum liberumquè semper utriq; Nostrum esse debere, & de moneta, & sale suo statuendi, id quod cujusvis ac Regnorum & Provinciarum suarum necessitas, utilitasquè exegerit. Quæ omnia & singula matura Procerum & Consiliariorum Nostrorum deliberatione prævia Nos Imperator LEOPOLDUS & Nos JOANNES Tertius pro Nobis & Successoribus Nostris acceptamus, approbamus, & Regia Nostra authoritate ratificamus per præsentes: Promittentes in verbo Nostro Imperiali, & Regio, & bona fide, sub onere Juramenti mediante præinserta Pactorum & Fæderum Capitula, in omnibus eorum punctis, clausulis, conditionibus, & articulis firma, rata, & grata semper habituros, ac sanctè inviolabiliterque observaturos, nec non per Officiales & subditos Nostros, ac omnes quorum interest, pariformiter observari & manuteneri curaturos dolo & fraude semotis. In quorum omnium robur,
&

& evidens testimonium, Nos præfati Reges binas ejusdem tenoris literas manuum Nostrarum subscriptione, sigillorumque appensione munitas ac cuilibet Nostrum alteras consignatas expediri fecimus. Datæ in Civitate Nostra Viennensi, & Arce Regia Varsaviensi, Die Vigesima quarta Mensis Aprilis, Anno Domini Millesimo Sexcentesimo Septuagesimo Septimo, Regnorum Nostrorum LEOPOLDI Imperatoris, Romani decimo nono, Hungarici vigesimo secundo, & Bohemici vigesimo primo. Nostri vero JOANNIS III. Poloniae Tertio.

LEOPOLDUS.

JOANNES.

(L.S.)

(L.S.)

Quapropter mandamus omnibus & singulis, cujuscunque status, conditionis & dignitatis subditis nostris, tam Dignitatibus & Officiis, quibuscunque publicis, in Regno Dominiisque Nostris fungentibus, quam etiam privatis, ut præinfertam Pactorum formulam, integre & inviolabiliter observent; secundum præscriptum illius controversias ac differentias quascunque definiant,

niant, & sopiant nullaquē in re aut ipsi illi contraveniant, aut contravenire aliis permittant, sub gravi indignatione & animadversione Nostra. Incujus rei fidem præsentēs, Sigillo Regni Noſtri communiri juſſimus. Datum Varſaviæ Die
Menſis Anno Domini M DC LXXVII.
Regni Noſtri III. Anno.

PACTA OLIVENSIA,
ANNO M D C L X.

In Nomine

SACRO-SANCTÆ & INDIVIDUÆ
TRINITATIS.

Notum sit Universis & Singulis, quorum interest, aut quomodolibet interesse potest; postquam à multis annis Bella disfidiaque inter Serenissimos Reges, Regnaq; POLONIÆ & SVECIAE, orta, & interdum induciis, præcipuè verò Sexennialibus Anno 1629. deinde viginti Sexennialibus Anno 1635. sopita & composita fuerint, ac denique inter Serenissimum ac Potentissimum Principem ac Dominum, Dominum JOANNEM CASIMIRUM, Regem Poloniae, Magnum Ducem Lithuaniae, &c. &c. &c. Et Serenissimum ac Potentissimum Prin-

Nn
cipem

cipem & Dominum, Dominum CAROLUM GU-
 STAVUM, Suecorum, Gothorum, Vandalorumque
 Regem, Magnum Principem Finlandie, &c. &c. &c.
 deventum sit ad bellum, quod non solum dictos Reges Re-
 gnaque Eorum per plures annos exercuit, sed & Polonia
 Fœderatos ad belli Socios, videlicet Serenissimum & Po-
 tentissimum Principem ac Dominum, Dominum LEO-
 POLDUM Electum Romanorum Imperatorem, sem-
 per Augustum, Germanie, Hungarie, Bohemie, Dalma-
 tie, Croatia & Sclavonie Regem, Archi-Ducem Au-
 striae, &c. &c. &c. Serenissimo Regi & Regno Polonie,
 ad Ejusdem requisitionem auxilia ferentem, nec non Ser-
 enissimum Principem ac Dominum, Dominum FRIDE-
 RICUM WILHELMUM, Marchionem Brande-
 burgensem, Sacri Romani Imperii Archi. Camerarium,
 & Principem Electorem, Magdeburgi, Prusiae, &c.
 &c. &c. Ducem, involvit; unde multa Christiani san-
 guinis effusio, cum plurimarum Provinciarum deso-
 latione secuta est, tandem Divina bonitate factum, ut u-
 trinque de Pace universali inter Regem Remque pu-
 blicam Poloniam & Ejus Confœderatos & belli Socios ab
 una, & Regem Regnumque Suecie ab altera Parte,
 suscepta sit Cogitatio, opera & studio Serenissimi ac Po-
 tentissimi Principis ac Domini, Domini LUDOVICI

CI XIV. Galliarum & Navarra Regis Christianissimi, qui huic paci conciliandæ Mediationem obtulit, & in ipso negotio Pacis, per Illustrissimum & Excellentissimum Dominum ANTONIUM de LUMBRES, Dominum de Herbingen, Lööös & la Cloye, Comitem Consistorianum, Regiique Ordinis Equitem, Legatum Suum, eandem Mediationem Serenissimis Regibus Poloniae & Sueciae, nec non Serenissimo Electore Brandenburgico, acceptantibus præstitit. In eum ergò finem, ex mutua Partium conventionem, constituta est dies quinta Januarii Anno 1660. Congressui Plenipotentiariorum Olive instituendo. Comparescentes igitur statuto tempore ac loco omnium Paciscentium legitime constituti Legati Plenipotentarii, à parte quidem Serenissimi Regis Reique publicæ Poloniae, Illustrissimi & Excellentissimi Domini, ex Ordine Senatorio quidem, Dominus JOANNES Comes à LESZNO, Palatinus Posnaniensis, Regialis Majestatis Supremus Aulae Praefectus ac Mareschallus, Generalis Majoris Poloniae, Mariaburgensis, Corsunensis Gubernator, Dominus GEORGIUS LUBOMIRSKY, Comes in Wysznicz & Jaroslaw, supremus Regni Campi-Mareschallus, Generalis Cracoviensis, Scepusiensis, Chmielnicensis, Pereaslaviensis, Casimiriensis, Olstiniensis Gubernator. Dominus NICOLAUS in PRAZMOW PRAZMOWSKY, supremus Regni Cancellarius, nominatus Episco-

pus Luceoriensis & Breslensis, Abbatie Sicciechoviensis Administrator perpetuus, Præpositus sancti Michaelis Ecclesiæ Collegiatæ in arce Cracoviensi. Dominus CHRISTOPHORUS PAC, supremus Magni Ducatus Lithuanie Cancellarius, Wilkowiscensis, Ostrinensis, Kozienicensis, Kleszelensis, & Nemonocensis Gubernator. Ex Ordine verò Equestri, Dominus JOHANNES ANDREAS de RACIBORSKO MORSTIN, Referendarius Regni, Kowalensis & Zawichostenensis Gubernator. Dominus VLADISLAUS de NAGLOWICE REY, Thesaurarius Curie Regni, Reginalis Majestatis Cancellarius, Neokorcinensis, Libusienensis, Kamionacensis Gubernator. Dominus JOHANNES in GNIN GNINSKY, Pomeranie Succamerarius, Gnesnensis Gubernator. Et à Parte Fæderatorum Poloniæ, videlicet Serenissimi Imperatoris Romanorum, Illustrissimi & Excellentissimi Domini, Dominus FRANCISCUS CAROLUS LIBSTEINSKY, S. Rom. Imp. Comes à Kollowradt, Dominus in Reichenau, Sacræ Cæsareæ Regiæque Hungariæ & Bohemiæ Majestatis Consiliarius, Camerarius, Judici Majoris Provincialis Assessor, Regius Locum tenens, & Appellationum in Arce Pragensi Præses. Dominus FRANCISCUS, Liber Baro de LISOLA, à Thiese & Mariensfeld, Consiliarius Cameralis Aulicus. Et Serenissimi Electoris Brandenburgici, Illustrissimi & Excel-

Excellentissimi Domini, Dominus JOHANNES ab HO-
 VERBEEKE, in Eichmedien, Baranowen, Ceyerswalde
 & Domkau Dominus & Heres, Suae Serenitatis Consi-
 liarius Status Intimus, Electoratusque Dapifer Here-
 ditarius, Hobensteinensis Praefectus. Dominus LAU-
 RENTIUS CHRISTOPHORUS à SOMNITZ, in Groms-
 dorff, Drenaw & Gerbero, Dominus & Heres, Suae
 Serenitatis Consiliarius Status Intimus, & Orientalis Po-
 meraniae Cancellarius, Ejusdemque Ducatus Camerarius
 Hereditarius, Lavenburgensis & Bütoviensis Praefectus.
 Dominus ALBERTUS ab OSTAW, in Nerwiken &
 Kegels, Dominus & Heres, Suae Serenitatis in Supremo
 Ducalis Prussiae Appellationum Judicio Consiliarius. A
 Parte verò Serenissimi Regis Regnique Sueciae, Illustrissi-
 mi & Excellentissimi Domini, Dominus MAGNUS GA-
 BRIEL de la GARDIE, Comes in Lecköö & Arensburg, Li-
 ber Baro in Eckholmen, Dominus in Habsal, Magnushoff
 & Hoyendorp, Regiae Suae Majestatis Regnique Sveciae
 Senator & Thesaurarius, Generalis Gubernator Livo-
 niae, & Locum-tenens per Esthoniā, Livoniam & In-
 griam Militiae Generalis, Judex Provincialis Westrogo-
 thiae & Daliae, nec non Academiae Upsaliensis Cancellarius.
 Dominus BENEDICTUS OXENSTIERNA, Comes in Kors-
 holm & VVasa, Liber Baro in Moreby & Lindbolmen,
 Dominus in Coporium & Rosersberg, Suae Regiae Majesta-

tis Regnique Sueciæ Senator & Cancellariæ Consiliarius. Dominus CHRISTOPHORUS CAROLUS SCHLIPPENBACH, Comes in Schöweede, Liber Baro in Liusula, Dominus in Salinge, S. Regiæ Majestatis Regnique Sueciæ Senator & Consilii Bellici Præses : Et Dominus ANDREAS GÜLDENKLAU, Dominus & Hæres in Schonela, Ekeby, Hylynge & Hulderstad, Regiæ Suae Majestatis Consiliarius Status, & per Pomeraniam Regiam, Regiminis ac Consilii Status, ut & Supremæ Curie Justitiæ Præses. Post invocatum Divini Numinis auxilium, mutuasquæ Plenipotentiarum Tabulas (quarum apographa sub finem hujus Instrumenti, de verbo ad verbum inserta sunt,) ritè commutatas Tractatus Pacis auspiciato inchoatus est. Et licet in ejus fere decursu, Præmemoratus Serenissimus Rex Sueciæ, disponente ita Divinâ Providentiâ, mortali hac vitâ decesserit ; Tractatus tamen hic renovatis à Serenissimo & Potentissimo Principe ac Domino, Domino CAROLO, Suecorum, Gothorum, Vandalorūq. Rege & Principe Hereditario, Magno Principe Finlandiæ, &c. &c. &c. Plenipotentiarum Tabulis, (quæ ad calcem hujus Tractatus quoque inseruntur,) feliciter continuatus est, ac tandem ad Divini Numinis gloriam, & Christianæ Reipublicæ Salutem, Partes omnes in mutuas Pacis & Amicitie Leges consenserunt & convenerunt, tenere sequenti.

I. Sit

I.

SIT PAX UNIVERSALIS ac Perpetua & Vera sinceraque Amicitia, inter Serenissimum & Potentissimum Principem ac Dominum, Dominum JOANNEM CASIMIRUM, Regem Poloniæ, Magnum Ducem Lithuanie, &c. &c. &c. Ejusque Regiæ Majestatis Successores ac Posteror, Reges Poloniæ, Magnos Duces Lithuanie, Regnumque Poloniæ & Magnum Ducatum Lithuanie atque subjectas Illis Ditiones ac Provincias, atque Ejusdem Majestatis & Regni Poloniæ Confederatos. Inprimis Serenissimum & Potentissimum Principem ac Dominum, Dominum LEOPOLDUM, Electum Romanorum Imperatorem, semper Augustum, Germaniæ, Hungariæ, Bohemiæ, Dalmatiæ, Croatiae, Sclavoniæ Regem, Archi-Ducem Austriæ, &c. &c. &c. Ejusque Majestatis Hæredes ac Successores, Provincias ac Ditiones, intra vel extra Imperium Romanum sitas: Et Serenissimum Principem ac Dominum, Dominum FRIDERICUM WILHELMUM, Marchionem Brandenburgicum, Sacri Romani Imperii Principem Electorem & Archi-Camerarium, Magdeburgi, Prussiæ, &c. &c. &c. Ducem, Ejusque Serenitatis Hæredes ac Successores, Provincias ac Ditiones, in vel extra Imperium Romanum sitas, ab Unâ: Atque Serenissimum & Potentissimum Principem ac Dominum,
Do.

*Dominum CAROLUM, Suecorum, Gothorum & Vandalorum Regem, Magnum Principem Finlandiæ, &c. &c. &c. Ejusque Majestatis Successores ac Posteror Reges Suecorum, Regnumque Sveciæ, atque subjectas illis intra velextra Imperium Ditiones ac Provincias, ab altera Parte: Ita, ut altera Pars alteri post hac nihil hostilitatis aut inimicitie, clam aut palam, directe vel indirecte, inferat, vel per suos aut per alios inferri faciat, nec alterius hostibus auxilia quocunque nomine præstet, nec cum alterius hostibus fœdera huic Paci contraria in-
eat, nec quicquam in alterius Status & Securitatis diminutionem, per se vel per alios, moliatur aut tentet, vel tentari faciat; sed utraque Pars alterius utilitatem, honorem ac commodum, promoveat, & fidam invicem vicinitatem, Pacem & Amicitiam serio colat ac servet. Pacta verò & Fœdera omnia, quæ Partes paciscentes inter Se, vel cum aliis Principibus ac Statibus utrinque sancita habent, quoad omnia sua Puncta, Clausulas & Articulos integra, & in pleno robore suo permaneant: ita tamen, ut per ea præsens transactio Pacis nullum præjudicium patiatur.*

II.

I. §. Sit utrinque Perpetua Oblivio & Amnestia eorum omnium, quæ quocunque loco modoque à quacunque Paciscentium Parte hætenus hostiliter facta sunt, ita, ut
nec

nec eorum, nec ullius alterius rei causa, vel prætextu, ulla Pars alteri posthac quicquam hostilitatis aut inimitiæ specie Juris aut viâ facti inferat, aut per suos alios-
vè inferri faciat.

II. §. Hâc generali Amnestiâ gaudeant omnes & singuli cujuscunque Status, Conditionis & Religionis fuerint, ut & omnes communitates, quæ ab utrinque Partes hostiles secutæ sunt, aut in hostilem possessionem deven-
runt, nec ullis hoc bellum præjudicio & noxæ sit, in suis Juribus, Privilegiis ac Consuetudinibus Generalibus & Specialibus, tam in Ecclesiasticis, quàm in Civilibus, Pro-
fanis vè, quibus ante hoc bellum gævisi sunt, sed iis in totum fruantur, secundum Leges Regni; Nec ullis communita-
tibus aut privatis actio, ratione adhesionis hosti, inten-
tabitur, ita, ut nemini liceat alicui negotium faceßere, ratione adhesionis ullius hostilis, aut eam exprobrare.

III. §. Civitatibus Prussie Regalis, quæ in posses-
sione Suae Regiæ Majestatis. Regni què Sueciæ hoc bello fue-
runt, manebunt itidem omnia Jura, Libertates & Pri-
vilegia, quibus sive in Ecclesiasticis, sive in Profanis potitæ
sunt ante hoc bellum, (salvo libero uti ante bellum viguit
in prædictis Civitatibus Catholica & Evangelicæ Religio-
nis Exercitio) earumque Territoria, Magistratus, Com-
munitates, Cives, Incolas & Subditos, Sacra Regia Maje-
stas Poloniæ eâdem, quâ olim Clementiâ & Gratiâ Regiâ

imposterum prosequetur, fovebit & tuebitur. Dabitur iisdem quoque facultas ædificia publica & privata per injuriam belli destructa, reficere & reædificare; pro his vero, quæ necessitate defensionis destructa sunt, minimè tenebuntur. Quoad ea verò, quæ militiæ Sueticæ Tributi loco ab utriusque Insulæ Subditis exsolvere necesse fuit, à nemine molestia inferetur: Sicut & propter decimas aliorum censui, quibus Subditi Insulani satisfacere tempore belli minimè potuerunt, non turbabuntur.

IV. §. Cunctæ Actiones & Inquisitiones adversus illos, qui Partibus hostilibus hoc bello adhaeserunt, vel easdem secuti esse insimulantur, quibuscunque in locis Poloniæ, Magni Ducatus Lithuanie, Prusie Regalis, Curlandiaeque habitent, cujuscunque Status & Conditionis aut Religionis sint, sive privati vixerint, sive officio publico functi, aut servitii Suae Regiæ Majestatis Sveciæ in Sago vel Toga adstricti fuerint, institutæ, nec dum finitæ & ad executionem deductæ, abrogentur, omnique executione careant in perpetuum. Et imposterum contra eos nulla unquam quæstio vel actio ex hac causa instituetur.

V. §. Quæ durante hoc ultimo bello jure Fisci ex occasione ac prætextu adhaesionis aut protectionis alterius Partis cuiquam sive Nobili sive Plebejo cujuscunque Status, Conditionis ac Religionis adempta, vel Fisco illata vel

vel aliis collata sunt bona, sive Regia ac Reipublicæ sive etiam Privatorum sint, mobilia quidem si tradita sunt modernis possessoribus relinquuntur; Si verò Ejusmodi jura caduca hætenus in executionem deducta non sunt, antiquis possessoribus relinquuntur, neque ulla actio dehinc adversus Communitates aut privatos ratione ejusmodi bonorum, intentetur: Bona verò immobilia, hæreditaria, advitalitia, & jure Hypothecæ possessa, Fisco applicata, tum quorum donationes & largitiones factæ sunt, sive jam ante tradita, sive nondum tradita sunt, maneant penes antiquos Dominos, cessantibus de cætero omnibus actionibus, ratione reddituum, sive ex publicis sive ex privatis bonis perceptorum.

III.

I. §. **S**erenissimus ac Potentissimus Princeps ac Dominus, Dominus JOANNES CASIMIRUS, Rex Poloniae, pro Se ac Hæredibus posterisq; Suis, amore Pacis, vigore hujus Instrumenti Pacis, solenniter ex nunc & in perpetuum renunciat omnibus prætensionibus in Regnum Sueciæ & Magnum Principatum Finlandiæ & alias Ipsis subjectas Provincias, Regiones, Ditiones, Civitates, Castra & Munimenta, sive hæc omnia nuper, sive ab antiquo acquisita sint; Nec non in bona avita, in Regno Sueciæ, dictisque Provinciis sita, in Regnum Sueciæ, dictasque

Provincias & Bona, presentibus vel futuris temporibus nihil quicquam prætensurus.

II. §. Quoad Titulos & Insignia ita conventum est: quod Serenissimus Rex Poloniæ, prout hætenus, ita imposterum ad dies vitæ suæ utetur integris Titulis & Sigillis, Insignibusque Regni Sueciæ in Poloniâ & ad omnes Principes, Status & Privatos extra Sueciam, sine ullo tamen plenariæ supradictæ reunciationis præjudicio. Dictis verò Titulis & Insignibus non utetur ad Serenissimos Reges Regnumque Sueciæ, in litteris, aliisve Diplomatibus, aut Scriptis, sed observabitur ab utrinque receptus hætenus modus abbreviandorum Titulorum cum Etcæterationibus, ita, ut post verba MAGNUS DUX LITHUANIÆ, tres Etcæterationes in Titulo Serenissimi moderni Regis Poloniæ, vicissim post verba MAGNUS PRINCEPS FINLANDIÆ, tres Etcæterationes in Titulo Serenissimi Regis Sueciæ adjiciantur. Insignibus tamen Regni Sueciæ in Sigillis Regis & Reipublicæ Poloniæ, dum in Sueciam scribetur, penitus omisiss; post obitum verò Moderni Serenissimi Regis Poloniæ, Successores Ejus & Respublica Polona in Titulos & Insignia SUECIÆ nihil unquam prætendent; Sed utrinque Reges & Regna, suis quisque Titulis & Insignibus tantum plenariè gaudebunt & utentur.

IV.

1. §. *S*erenissimus Rex & Status Ordinesque Regni Polonæ, Magnique Ducatus Lithuania à modo & in perpetuum cedunt vi hujus Pacificationis, Serenissimo Regi Sueciæ, Ejusque Successoribus Regibus Regnoque Sueciæ omnem illam Livoniam Trans-Dunanam, quam Suecia hætenus per tempus induciarum tenuit & possedit, ut & partes Cis-Dunanas omnes & Insulam Ruunen in mari sitam, quas per idem tempus induciarum Suecia tenuit & possedit; nec non quicquid Juris Regibus & Reipublicæ Polonæ in Esthoniæ & Osiliæ hætenus ullo modo competere poterat. Atque hæc quidem omnia & singula cum omnibus suis pertinentiis terrestribus & maritimis, Urbibus, Arcibus, Propugnaculis, Bonis & Proventibus, nec non Juribus, Jurisdictionibus, Regalibus & Superioritatibus tam in Ecclesiasticis quàm in Politicis, nullis penitus exceptis in plenum Dominium & proprietatem Regum Regnique Sueciæ transferunt, Ordinesque & Subditos in illa Livonia ejusque recensitis partibus omni erga Regem & Rempublicam Polonam obedientiæ vinculo & Fidelitatis sacramento exsolvunt, nihil unquam in eos, ac dictam Livoniam ejusque pertinentias post hæc prætensuri. Cis-Dunam autem Serenissimi Reges Regnumque Sueciæ non ulterius quam hætenus fines Suae possessionis in Curlandia aut Semigallia promoveant, aut servitutes à subditis Illustrissimi Curlandiæ

Ducis exigant, aut ullum jus lignandi aliudvè quodvis in Curlandia aut Semigallia prætendant; Commissarii verò ad declarandos & determinandos ab utraque Parte fines ab utrinque deputabuntur, & Commissio hæc intra quatuor septimanas à subscripto Tractatu inchoetur, & intra duas expediatur.

II. §. Quod Religionem Catholicam, Ejusque Exercitium, in Livonia Suecice possessionis attinet, omnes Incolæ Livoniæ subditique illi Religioni addicti, omni securitate gaudeant, ac Conscientiâ liberâ, Religione devotioneq; suâ domi sine inquisitione vel animadversione privatum utantur.

III. §. Tituli Provinciales tam spirituales quam seculares Senatorii & Equestris Ordinis, in Livoniâ Sueticâ penes possessores modernos maneat durante ipsorum vitâ sine ullis proventibus aliisvè prætensionibus, nec ullum exinde præjudicium Juris Sacræ Regiæ Majestatis Regniq; Sueciæ in Livoniam Sueticam, neque prætensio quæpiam Regno Polonia Magnoque Ducatui Lithuanie interea temporis & in futurum inde enascetur.

IV. §. Judicia omnia Decretaque ad cujusvis instantiam modò non in invitos aut absentes lata, nec non contractus & transactiones in locis dum illa hoc bello Suecia tenuit institutæ judicialiter, si ve extra judicialiter, si modò Statui publico, qui ante hoc bellum fuit & Pacificationi præ-

presenti non contrariantur, firma maneat, æquè ac si nulla Regiminis & Magistratuum mutatio intervenisset salvis Appellationibus & Revisionibus in iis, in quibus hæc Juris remedia hætenus haud fuerunt adhibita, & quæ in rem judicatam non transierunt. Sententiæ quoque & decreta, si quæ Rige in Incolas & Subiectos Magni Ducatus Lithuaniae, tum & Curlandiae, Semigalliaeque in invitos vel inauditos; Et ex adverso, si similia per Magistratus Magni Ducatus Lithuaniae & Curlandiae in Livoniae Suecice Subditos, circa tempus belli lata fuerint, nullum valorem & robur obtinebunt in perpetuum.

V.

I. §. **P**ars Livoniae Australis, quæ ante hæc & per hæc bella & temporibus induciarum, sub Ditione fuit Regni Poloniae, Magnique Ducatus Lithuaniae, nempe Dineburgum, Rositten, Lutzen, Marienhusen, & c. itemque reliqua omnia loca, quæ per Commissarios ad id utrinque deputandos fuisse per tempus induciarum Polonicæ Possessionis invenientur, cum omnibus suis pertinentiis, Territoriis, Urbibus, Pagis, Fructibus & Proventibus Teloneisque Juribus, directoque & utili Dominio, remanent in Possessione Serenissimorum Regum & Regni Poloniae & Magni Ducatus Lithuaniae, nec Serenissimi Reges Regnumque Sueciæ in istam partem Livoniae ut ab alterâ diversam, neque in Ducatus Curlandiae Semigalliaeque & Distri-

Districlū Piltensem, vel respectu Livoniae Septentrionalis vel quovis alio prætectu ullum unquā jus prætendent aut prætendere poterunt. Cū verò Magnus Dux Moscovie non modo dictam Livoniam Polonicam, sed etiam Partem Suecicæ occupatas armis nunc teneat, ideo conventum est, ut si Respublica Polona aliquid ex Livonia Suecica, quocunque tempore à Moscis, Armis, Tractatibus aut aliter receperit, teneatur totum id Sueciæ, ultrò & gratuitò, non imputatis belli expensis restituere, eodem modo & vicissim, si Regnum Sueciæ aliquid ex Livonia Polonica quocunque tempore à Moscis, Armis, Tractatibus aut aliter receperit, teneatur totum illud Poloniæ & Magno Ducatui Lithuanicæ ultrò & gratuitò, non imputatis belli expensis, restituere.

II. §. Titulis & Insignibus Livoniæ, tam Sacra Regia Majestas Poloniæ, Ejusque Successores Reges Poloniæ, Magnique Duces Lithuanicæ, ratione Australis Livoniæ, quam Sacra Regia Majestas Sueciæ, Ejusque Successores Reges Sueciæ, ratione Livoniæ Septentrionalis, promiscuè utentur sub Titulo Ducatus.

III. §. Si quas posthac controversias de limitibus aut de rebus aliis inter Regnum Poloniæ, Magnum Ducatum Lithuanicæ, Livoniam Polonicam, Curlandiamque & Semigalliam ab una parte, & Regnum Sueciæ, Eiq. subjectas Provincias, imprimisque Livoniam Suecicam

ab alterâ incidere & suboriri contigerit, ea per deputatos utrinque Commissarios ad fines Livoniæ amicabili ratione complanentur. Si quæ verò lites minores exortæ fuerint inter subditos & accolæ utriusque Partis, nec transigi de iis amicabiliter inter litigantes possit, qualibet Pars ad suum competens forum remittatur, & Justitia indilate administretur.

IV. S. Subditi hoc ultimo bello & in futurum fugitivi Magni Ducatus Lithuanie, Samogitie, Livoniæ Polonicæ & Curlandiæ Semigalliæquæ, quicumque in Livonia Suecica reperti fuerint, suis Dominis sine ullo processu Juris reddentur unâ cum suis mobilibus quæ inveniri poterunt, quæ profugus secum tulit, nec sub novo Domino acquisivit. Quod etiam vice versa observabitur, si qui subditi fugitivi Livoniæ Suecicæ in Magno Ducatu Lithuanie, Livoniâ Polonicâ & Curlandiâ Semigalliâque reperti fuerint, si qui etiam abducti sunt, & adhuc supersunt, reddantur & illi, sine processu Judiciario suis quique Dominis.

V. S. Quò favorem commerciis & navigationi Sacra Regia Majestas Poloniæ contestetur, signa nautica in Domesnes & Luserorth exstructa consistere permittit. De ratione verò conservationis & manutentionis eorundem convenietur à Suecis cum fundi Dominis, nullo inde Jure

aut prætensione Regni Sueciæ, in Fundos dictos aut Territorium Piltense, enascente aut enascituro.

VI.

Illustrissimus in Livonia Curlandiæ & Semigalliæ Dux, cum Serenissima Coniuge Proleque sua Ducali ac tota Familia & Aulâ, absque ulla protractione, intra sex septimanarum spatium à die quinta Aprilis Styli novi, Rigam sistetur. Inde verò intra dies quatuordecim decenti & Suae Dignitati accommodato convenientique modo, ubi Modernus Tractatus subscriptus fuerit, ad Fines Semigalliæ deducetur, omniaque Sua Suorumque mobilia non distraha, ubicunque intercepta vel Rigæ deposita, litteratoria, similiter siue publica, siue privatorum documenta bonâ fide extradantur, & Mitaviam reportabuntur; ante liberationem autem Suam ac restitutionem plenariam, peculiari reversalium diplomate caveat, de non offendendo aut vindicando aliquid contra Sacram Regiam Majestatem Regnumque Sueciæ in futurum: Salvâ fidelitate & obligatione Regibus Regnoque Poloniæ & Magno Ducatui Lithuanicæ, debitâ.

VII.

§. I. **S**erenissimus Rex, Regnumque Sueciæ, restituit Serenissimo Regi, Reique publicæ Poloniæ Marienburgum, Elbingamque cum suis Fortalitiis, reliquaque in Prussia Loca, quæ Sueticis præsidiis tenentur, ac Marienburgum

burgum quidem unà cum Arce ac Fortalitiis suis, ut & Stuma intra octiduum à subscriptione moderni Tractatus, & depositâ in manus, Excellentissimi Domini Mediatoris, Serenissimi Regis Poloniæ provisionali horum pactorum ratificatione evacuabitur, & præsidium Sueticum inde Elbingam deducetur. Elbinga autem cum suis Fortalitiis ubi Tractatus modernus plenaria Serenissimi Regis Poloniæ ratificatione confirmatus & per Reipublicæ comitali autoritate delegatos pro futuro conventu ratificatus fuerit, quatrduo post ipsam ratificationem commutationem sine contradictione evacuabitur, & in manus Serenissimi Poloniæ Regis Ejusq; Commissariorum tradetur. Bauskumetiam uti & reliqua, si quæ sint in Suecorum potestate loca in Curlandia, præsidia Sueticis evacuabuntur intra octiduum, postquam notitia ad Generalem Exercituum in Livonia vel in absentia Ejus ad Ejus locum-tenentem pervenerit de subscripto Tractatu, quæ notitia per tubicines utriusque Partis conjunctim Rigam deferretur.

II. §. Deductio militiæ Suecicæ, unà cum bellicis tormentis majoribus & minoribus juxta factam hic conventionem, nec non cum impedimentis fiet Elbingâ diversis vicibus, intra tamen definitum tempus permutationis Ratificationum & evacuationis Elbingæ, dato eidem libero & innoxio transitu per Habum ad portum Pilla vien-

sem, & inde ad naues proprias, quas milites conscensuri & ad Ditiones Suecicas ituri sunt. Imponetur autem dicta militia circa deductionem navibus Elbinganis, & si ille non sufficiant, tum navibus adjacentium Territoriorum aliorum, sine aliquo pretio. Communicabit etiam Praefectus militiae Sueticae & conveniet cum Praefecto militiae Electoralis, aut Ejus locum-tenente, de modo transitus per dictum portum Pillaviensem. Et fiat de cetero ejusmodi deductio sine damno & noxa subditorum in Prussia tam Polonicorum quam Electoralium. Quod si per periculum belli maritimo itineri sese militia committere tunc nequeat, liber illi & innoxius transitus per Terram quam brevissimo itinere in Ditiones Juris Suetici proximas sine damno Incolarum Reipublicae Poloniae & Serenissimo Electori Brandenburgico Subjectorum deducantibus Commissariis Serenissimorum Regis Poloniae & Electoris Brandenburgici concedi debet, Justitia verò per Praefectos indilata bonâ fide administretur, damna & injuriam passis.

III. §. Si cui aut quibus in Civitatibus Prussiae evacuandis, earumque Territoriis non placuerit manere, sed mutato domicilio alio sese conferre, iis liberum sit in spatio trium abhinc annorum sua divendere, aliis elocare aut pro suo lubitu distrabere, sine ullo impedimento aut onere sub quocunque praetextu imponendo, salvis antiquis Civitatum Juribus & Privilegiis.

VIII.

Q Vicquid in Polonia, & Magno Ducatu Lithuanie Provinciisque annexis, in iisque Curlandia, per hoc bellum Serenissimo Regi Regnoque Suecie, Eorumque Ducibus ac Legatis vel à Privatis, vel à Communitatibus Exercitibus & Provinciis per necessitatem belli vel aliter datum est, quocunque Titulo, Diplomatum, Obligationum & Litterarum, Instrumentorum & Actorum publicorum, ea omnia autographa quæ supersunt Serenissimo Regi & Reipublicæ Polonæ, Ducique Curlandie circa Ratificationum Commutationem, bonâ fide extradentur. Quod si naufragio absorpta sint vel alio modo perierint, omnia Ejusmodi Scripta, Actaque privata & publica ex nunc cassantur, annihilantur, & eliminantur, nihilque exinde Reges Regnumque Suecie in Provincias, Exercitus, Districtus vel privatos in Polonia, Magno Ducatu Lithuanie & Provinciis illis annexis vel subiectis, in specie etiam Curlandiâ & Districtu Pilteni Juris prætere velle aut posse omni meliori modo declaratur.

IX.

R Estituentur quoque à Parte Suecorum, omnia Archiva, Acta publica, Castrensia, Juridica, Ecclesiastica, nec non Bibliotheca Regia, quæ ex Regno Poloniæ & Magno Ducatu Lithuanie arvecta, & quorum copia haberi potest, idque intra tempus commutationis Ratifi-

cationum, vel ad summum intra tres menses à facta commutatione.

X.

Obligations atque recognitiones, si quæ sunt ab Illustrissimo Curlandiæ & Semigalliæ Duce, aut Incolis Curlandiæ & Semigalliæ, Districtusque Piliensis exortæ per Suecos, aut vice versa à Suecis per Polonos in totum cassantur, nullumque habere pondus declarantur.

XI.

Debita inter utriusque Partis Subditos & Incolas, tum etiam à Ducibus & Officiariis belli ubicunque contracta, utrinque bonâ fide solventur. Si quæ verò hoc bello ultimo Obligations & Recognitiones exortæ ab utrinque sint, in totum cassantur, nullumque pondus habere declarantur.

XII.

Deposita aliaque bona mobilia ubicunque reperiuntur & Fisco nondum adjudicata, bonâ fide propriis Dominis restituantur: Nemo autem tenebitur ad eorum refusionem, quæ Fisco adjudicata & extradita sunt, præstandam.

XIII.

Tormenta bellica majora minoraque in Polonia, Magno Ducatu Lithuanie, Prussiâ, Curlandiâ, ceterisque annexis Provinciis à Suecis capta, siue sint Reipublicæ,

blicæ, siue Privatorum, siue Civitatum, quæcunque in locis evacuandis reperientur, exactè relinquentur. Quæ verò ex Suecia invec̃ta sunt in Poloniam, Lithuaniam, Prusiam, Curlandiam, liberum erit Sueciæ, sine ulla præensione secum auferre, Transactioni quoque Deditio- nis THORUNIÆ quod adhuc restat hac in re satis- fiet.

XIV.

I. §. **Q** Vicunque hoc bello ab utrinque inter Polonos Li- thuanos & Suecos in quocunque loco capti sunt, cujuscunque Conditionis ac Status, liberi & sine ullo so- luto pretio, nisi aliter ante hunc Tractatum ab ipsis con- ventum fuerit, dimittentur, pristinæque libertati resti- tuentur; Solutis tamen impensis Officiariorum in victum eorum factis, & debitis in captivitate ab eis contractis, Cæterum captivis quoque annumerandi & ab utraque Parte restituendi sunt, qui invitæ militiæ alterius Partis nomina dederunt. Omnes verò supradicti, qui quidem in Polonia, Magno Ducatu Lithuanicæ, Prusici Regali, utraque Livonia aut Curlandia detinentur, intra tres se- ptimanas à subscripto moderno Tractatu, illi autem, qui extra Poloniam, Lithuaniam, Livonias & Curlandiam detinentur, intra tres Menses libertati restituantur. Quod autem de lytri conventi solutione hic supra dictum est, tan- tum locum habebit in Majoribus Officiariis, utpote Gene- ralibus

ralibus, Tribunis, Tribunorum locum tenentibus & Capitaneis.

II. §. Sacra Regia Majestas & Regnum Poloniae Magnusque Ducatus Lithuaniae, id Paci huic perpetuae dandum censuerunt, ut Autoritatem & Officia sua interponant apud Chamum Ordasque Tartarorum, quò sine lytro Captivi in Tartaria Suetici, intra sex abhinc Menses, inde dimittantur, dimissi verò per Regnum Poloniae Magnumque Ducatum Lithuaniae, annexasque iis Provincias liberè ac tutò transeant, & benignè habiti ad Provincias Ditionesque Juris Suetici promoveantur.

XV.

I. §. **C**ommercia pristina sint libera & non impedita inter utrumque Regnum, Poloniae, Magnumque Ducatum Lithuaniae, & Sueciae, subjectas illis Provincias, Subditos & Incolas, tam Terrâ quam Mari, & in veteri usu atque exercitio, quo fuerunt tempore induciarum, conserventur. Imprimis sit liberum commerciorum exercitium liberaque defluatio mercium, per fluvium Dunam & Bulderaviam, Subditis & Incolis Regni Poloniae, Magnique Ducatus Lithuaniae & Polonicae Livoniae, Curlandiaeque ac Semigalliae, cum Subditis Incolisve Livoniae Sueticae; Et viceversa, Subditis Incolisque Regni Sueciae & Livoniae Sueticae, sit liber commerciorum usus per eadem flumina, cum Subditis Incolisque Poloniae, Lithuaniae,

nia, Livoniae Polonicae & Curlandiae Semigalliaeque; Teloniorum verò & Veltigalium in flumine Duna & Bulderaâ, ut & Maritimorum ac Terrestrium in Livoniâ, eadem ratio & in iisdem tantum locis ab utraque parte imposterum sit, uti & ubi tempore induciarum & ante hoc ultimum bellum fuit.

II. §. Majoris quoque Poloniae incolae, cujuscunque conditionis sint sive Terrâ sive Aquâ, commercia sua exercentes, nullis novis Teloniis & Gabellis Stetini onerabuntur.

III. §. Civitas quoque Gedanensis & aliae Prussiae Civitates in Regno Sueciae & subjectis Provinciis aliis, gaudeant eâ libertate commerciorum & veltigalium, quâ gavise sunt ante hoc novissimum bellum.

XVI.

Dominus Comes KÖNIGSMARKIUS, Campi-Marschalcus Sueciae absque ulla protractione intra sex septimanarum spatium, à die quinta Aprilis st. nov. Dantiscum modo decenti sistetur, inde verò intra dies quatuordecim, ubi modernus Tractatus subscriptus fuerit, eliberabitur, ante restitutionem autem plenariam peculiari Reversalium Diplomate caveat de non offendendo & vindicando aliquid contra Sacram Regiam Majestatem Regnumque Poloniae, & specialiter Civitatem Gedanensem, salvâ tamen debitâ Regibus Regnoque Sueciae obedientiâ & fide.

29

XVII.

XVII.

Serenissimus Rex & Respublica Poloniae Illustrissima Principis ANNE MARIE, defuncti Illustrissimi Ducis JANUSCHII RADZIVILII, Palatini VVilnensis, Supremi Exercituum Magni Ducatus Lithuaniae Ducis, Filiae unicae, in adeundis secundum legitimas consuetudines Regni & Magni Ducatus Lithuaniae Hereditatibus & Bonis Paternis ac Maternis, vigore Generalis Amnestiae, praesenti conventionione omnibus cauta, ut Ei satisfaciat, condignam rationem habituri sunt.

XVIII.

Demortuorum belli Ducum atque Officialium aliorum corpora sive in Polonia sive in Prussia adhuc inhumata & nonnullis in locis asservata sunt, tradentur & non denegabuntur iis, quibus cura mandabitur, ea inde deducendi. Quorum autem cadauera tum in priori tum hoc ultimo bello humata sunt in Elbingensi, Mariæburgensi & aliis in Prussia & Polonia templis, intacta jaceant, sepulchra eorum ab omni violatione & inquietudine sint immunita.

XIX.

DE Domini Ducis CROJANI desiderio, ratione debitorum apud Rempublicam Polonam ita conventum est, ut praedictus Dominus Dux, Jus suum, Originalium Obligationum Productione doceat, in proximè futuris comitiis

tiis Regni generalibus, ibidemque debita ratio Ejus habeatur, salvo quoque Jure Illustrissimi Ducis Curlandiæ, si quod Eidem ad præfatas summas pecuniarias competierit.

XX.

Quoad Dominorum Comitum à D O H N A postulatum & debitum apud Rempublicam Poloniæ, in quantum illud liquidari poterit, justa eorum ratio in futuris Regni Comitibus habebitur.

XXI.

Habebitur quoque æqua ratio à Sueciâ Domini Baronis SIGISMUNDI à GÜLDENSTERN, quoad bona in Regno Sueciæ vel illi subiectis Provinciis prætensa.

XXII.

I. S. E Adem similiter PAX, Amicitia, Amnestia & præteritorum omnium perpetua oblivio sub iisdem clausulis & vinculis in hocce Instrumento contentis, vigeat & in perpetuum stabilita sit, inter Serenissimum & Potentissimum Principem ac Dominum, Dominum LEO-POLDUM, Electum Romanorum Imperatorem, semper Augustum, Germaniæ, Hungariæ, Bohemiæ, Dalmatiæ, Croatiæ, Sclavoniæ Regem, Archi-Ducem Austriæ, Ducem Burgundiæ, Brabantæ, Styriæ, Carinthiæ, Carniolæ, Marchionem Moraviæ, Ducem Lucenburgiæ, ac Superioris & Inferioris Silesiæ, VVürtembergæ & Theckæ, Principem Sueviæ, Comitem Habsburgi, Tyrolis,

Ferretis, Kyburgi & Goritiae, Landgravium Alsatiae, Marchionem Sacri Romani Imperii, Burgoviae, ac Superioris & Inferioris Lusatiae, Dominū Marchiae Sclavonicae, Portus Naonis & Salinarum, Praecipuum Poloniae Foederatum, bellig. Socium, nec non Ejus Haeredes ac Successores, Regna & subjectas Provincias, tam inquam extra Imperium Romanum, eorumque Subditos & Incolas: Ac Serenissimum Principem ac Dominum, Dominum CAROLUM, Suecorum, Gothorum, Vandalorumque Regem, & Principem Hereditarium, Magnum Principem Finlandiae, Ducem Scaniae, Esthoniae, Livoniae, Careliae, Bremæ, Verdae, Stetini, Pomeraniae, Cassubiae & Vandaliae, Principem Rugiae, Dominum Ingriae & VVismariae, nec non Comitem Palatinum Rheni, Bavariae Ducem. Ejusque Haeredes ac Successores, Reges Regnumque Sueciae & subjectas Provincias, tum in Imperio Germanico, tum extra illud sitas, eorumque Subditos & Incolas, ita ut quicquid vel ante hoc bellum, vel illo durante, sive in Polonia, sive extra illam, seu ratione auxilii Serenissimo Regi ac Reipublicae Poloniae praestiti, sive quavis alia de causa, mutuae offensionis atque Inimicitiarum aut Praetensionum oriri potuit, perpetuae oblivioni tradatur. Neutriusque Parti quocunque praetextu licitum sit alterius Regna, Status aut Provincias clam aut palam, directe vel indirecte armis impetere, vel ullum in
ipsas

ipsas hostilitatis genus exercere; Sed alter alterius com-
moda sectetur & omnia inter utramque Partem earum-
que Status ac Subditos ad pristinum prorsus Statum, unio-
nem & fidam correspondentiam restituta & redintegra-
ta sint, & nemini ex utriusque Partis Subditis aut Impe-
rii Statibus ac Vasallis noxæ sit aut præjudicio, quòd al-
terius partes hoc bello Sago vel Toga fuerit sectatus, sed
quicumque ex sola causa hujus belli de fortunis aut Statu suo
decidisset, is in pristinum Statum, in quo ante hoc bellum
immediatè fuit, quoad honores ac bona immobilia, nec non
etiam quoad bona mobilia, si Fisco nondum adjudicata &
extradita sint, indilatè & sine contradictione restituatur,
iisque plenariè gaudeat ac fruatur.

II. §. Ut autem firmioribus fundamentis hæc Pax &
Amicitia stabiliri queat, Sacra Cæsarea Majestas loca
omnia, quæ in Pomerania & Megapoli occupata præfidiis
suis insidentur, Serenissimo Regi ac Regno Sueciæ; ea ve-
rò quæ in Holsatiâ & Ducatu Schlesvicensi, Duci Hol-
satiæ Gottorpiensi (qui præviâ tamen cautione de non vin-
dicando juxta formulam de quâ hic convenit, hac Pace
consensu Partium inclusus censebitur) restituet plenariè,
cum Tormentis bellicis ipsorum propriis, re armamenta-
riâ cæteroque apparatu bellico, nec non mobilibus cujus-
cunque generis, item actis Cancellariæ, Archivis ac litte-
rariis documentis, prout ea omnia tempore occupationis

vel deditiois inibi reperta sunt, & adhuc non distracta exstant. Quæ evacuatio fiet locorum scilicet Pomerania & Megapoleos, exceptis Vollinio, Dam & Greiffenhagen, intra duas septimanas, à die permutationis ratihabitionum computandas, quo tempore Elbinga quoque Polonie restituetur, Vollinum verò Dam & Greiffenhagen, nec non loca Holsatiæ & Ducatus Slesvicensis, intra alias duas sequentes hebdomadas à die supramemoratæ permutationis evacuabuntur, deductis eodem tempore è dictis locis prædiariis militibus & è Provinciis ad Sacram Regiam Majestatem Regnumque Sueciæ, Duces Megapolitanos & Ducem Holsatiæ Slesvici spectantibus copiis omnibus, eâ ratione & modo, de quo inter Generales utriusque Partis vel eorum locum tenentes, intra tempus ratihabitionibus commutandis præfinitum, conventum fuerit.

III. §. Ceterum, quicquid circa res Imperii controversiæ intercesserit, juxta Imperii & Pacis Germaniæ Leges absque strepitu armorum componetur, aut decidetur, & stabitur ab utraque Parte per omnia dispositioni Pactorum Osnabrugensium & constitutionibus Imperii.

XXIII.

Similiter tam à Parte Serenissimi Imperatoris, quam Serenissimi Regis Sueciæ captivi hujus belli, cujuscumque sint conditionis ac Status, liberi & sine soluto ullo pretio seu lytro, nisi aliter ante subscriptum Tractatum ab ipsis conven-

conventum fuerit, intra spatium trium hebdomadarum à die ratificationis, dimittentur & libertati pristinae, solutis ab Officiariis impensis in victum eorum factis & Debitis in Captivitate ab eis contractis, restituentur, & captivis quoque annumerandi & ab utraque Parte restituendi sunt, qui invitati ad danda alterius Partis militiae nomina sua adaecti fuerunt; Quod autem de lytri conventi solutione hic supra dictum est, tantum locum habebit in Majoribus Officiariis, utpote Generalibus, Tribunis, Tribunorum locum tenentibus & Capitaneis.

XXIV.

I. S. **S**it itidem PAX perpetua veraque ac sincera Amicitia inter Serenissimum ac Potentissimum Principem ac Dominum, Dominum CAROLUM, Suecorum, Gothorum, Vandalorumque Regem, & Principem Hereditarium, Magnum Principem Finlandiae, Ducem Scaniae, Esthoniae, Livoniae, Careliae, Bremæ, Verde, Stetini, Pomeraniae, Cassubiae & Vandaliae, Principem Rugiae, Dominum Ingriae & VVismariae, nec non Comitem Palatinum Rheni, Bavariae Ducem, Ejus Haeredes, Successores ac posteros Reges, Regnumque Sueciae, Ejusdem tam in Imperio quam extra illud sitas Provincias, Status ac Ditiones; Et Serenissimum Principem ac Dominum, Dominum FRIDERICUM WIIHELMUM, Marchionem Brandenburgicum, Sacri Romani Imperii Archi-

Archi-Camerarium & Principem Electorem, Magdeburgi, Prussiae, Juliae, Cliviae & Montium, Stetini, Pomeraniae, Cassubiorum, Vandalorumque nec non in Silesia, Crosnae & Carnovia Ducem, Burggravium Norinbergensem, Principem Halberstadiensem & Mindensem, Comitem Marcae & Ravensbergi, Dominum in Ravensstein; Poloniae Foederatum, bellicum Socium, Ejusdemque Heredes ac Successores, Provinciasque Status ac Ditiones in & extra Imperium Romanum sitas, ita ut alter alterius honorem, commodum & utilitatem sincerè serioque in perpetuum promoveat.

II. §. Pacta verò & Foedera omnia, quae Partes Paciscentes inter Se vel cum aliis Principibus ac Statibus utrinque sancita habent, quoad omnia sua puncta, Clausulas & Articulos integra & in pleno robore suo permanent, ita tamen ut per ea praesens transactio Pacis, nullum praesudicium patiatur.

III. §. Sit etiam utrinque Amnestia & praeteritorum omnium perpetua Oblivio, ita ut quicquid haecenus quocunque loco & quavis de causa, sive in Imperio Romano, sive extra illud ab alterutra Partium vel sub earum Imperio Potestateque existentibus, absque ullo personarum rerumque respectu gestum vel admissum fuerit, nullo praetextu viâ juris vel facti directè vel per indirectum à Neutra Parte unquam vindicari possit. Et nec horum

nec

*nec u
hac q
Minis
tum,
palam*

*tis au
rit, n
lo Sag
causa
num
honore
bona,
extra
tradit
tur:*

*NIGS
TENT
nibus
te hoc
stitua
da, q
derun*

*nec ullius alterius rei causa vel prætextu alter alteri post-
hac quicquam hostilitatis aut inimicitie vel etiam quoad
Ministros, Officiarios aliosque Incolas ac Subditos, Sta-
tum, bona vel securitatem per se vel per alios clam aut
palam inferat vel inferri faciat.*

*IV. §. Nemini quoque ex utriusque Partis Subdi-
tis aut Vasallis cujuscunque conditionis & dignitatis fue-
rit, noxæ sit aut præjudicio, quod alterius Partes hoc bel-
lo Sago vel Togâ fuerit sectatus, sed quicunque ex sola
causa hujus belli de suis possessionibus decidisset, is in pristi-
num Statum in quo ante hoc bellum immediatè fuit, quoad
honores & bona immobilia nec non etiam quoad mobilia
bona, si hæc bona mobilia Fisco nondum adjudicata &
extradita, aut aliàs distracta sint, indilatè & sine ulla con-
tradictione restituatur, iisque plenariè gaudeat ac frua-
tur: Atque proinde & Campi-Mareschallos Comites à KÖ-
NIGSMARCK, ut & Campi-Mareschalli Comites WIT-
TENBERGII Heredibus bona immobilia, quæ in Ditio-
nibus Suae Serenitatis Electoralis, ubicunque locorum an-
te hoc bellum possederunt, in eo Statu quo nunc sunt re-
stituantur vigore hujus Pacificationis atque eo jure tenen-
da, quo ante bellum hoc exortum ea tenuerunt ac posse-
derunt.*

Rr

XXV.

XXV.

ET ne Occasione anteaactorum lis & dissidium aliquod
 oriri possit, Sacra Regia Majestas Sueciæ pro Se &
 Heredibus ac Successoribus Suis, Regibus Regnoque Sue-
 ciæ virtute hujus Instrumenti Pacis quam fieri potest va-
 lidissimè in perpetuum & irrevocabiliter renunciat pa-
 ctis, quæ die 7. 17. Januarii, Anno 1656. Regiomonti, item
 15. 25. Junii prædicti Anni Mariæburgi, tum quæ 10. 20.
 Novembris, eodem Anno 1656. Labiaviæ inter Serenis-
 simum Sueciæ Regem gloriose memoriæ nuper Defun-
 ctum: Et Suam Serenitatem Electoralem confecta sunt,
 ut & aliis omnibus conventionibus, quæ illis adjectæ aut se-
 paratim quocunque modo durante hoc ultimo bello Polo-
 nico ejusque respectu initæ sunt. Atque ea omnia & sin-
 gula in omnibus & singulis clausulis, conditionibus & Ar-
 ticolis suis irrita & nulla pronunciat, omnemque ipsis
 vim, vigorem & Effectum hoc ipso & virtute hujus Pa-
 cti penitus & in æternum detrahit: Ita ut contra Suam
 Serenitatem Electoralem Brandenburgicam Ejusque
 Heredes, Agnatos, Successores, Provincias ubicunque
 locorum sitas & in specie in Ducatum Prussiæ atque ejus-
 dem Ordines & Incolas, aut contra Sacram Regiam Maje-
 statem, Ejusdem Successores, Reges, Regnumque Poloniæ
 ex nominatis & indigitatis supra Pactis & conventioni-
 bus abolitis nunc & in posterum sive successionis in Prussiã
 sive

sive unionis aut quocunque alio prætextu vel causa nomine Regis, Regum Heredum ac Successorum & Regni Sueciæ nihil unquam allegari prætendi aut postulari possit aut debeat. Quare prememoratorum Pactorum & Conventionum originalia cum retradi non potuerint, hoc ipso pro retraditis, scissis & incineres redactis habentur, atque in æternum habebuntur. Quemadmodum & Serenissimus Elector Brandenburgicus, in Prussia Dux, quàm fieri potest validissimè in perpetuum & irrevocabiliter vigore hujus Instrumenti Pacis pro Se, Heredibusq; ac Successoribus suis profitetur, nihil vel Se, vel Heredes & Posteriores ex prædictis Pactis & conventionibus contra Sacram Regiam Majestatem Regnumque Sueciæ prætensuros, sed sua Serenitas Electoralis pro Se, Heredibusque ac Successoribus suis, hoc ipso & virtute hujus Pacti, supramemoratis Pactis omnibus jam abolitis renunciat, & eadem omnia pro retraditis, scissis, & incineres redactis, nunc & in æternum declarat, & irrita ac nulla pronunciat, omnemque ipsis vim, vigorem & Effectum penitus & in æternum detrahit.

XXVI.

Serenissimus Elector Brandenburgicus loca omnia, quæ in Pomeraniâ hocce bello occupata præsidiis suis insidentur, Sacræ Regiæ Majestati & Regno Sueciæ, ea verò quæ in Holsatia & Ducatu Sleswicensi, Celsissimo Principi

Rr 2

&

& Duci Holsatiae, Gottorpiensi (qui praevia tamen cautione de non vindicando juxta formulam de qua hic convenit hac Pace consensu Partium inclusus censebitur) restituet plenarie cum Tormentis bellicis ipsorum propriis, Re armamentaria, ceteroque apparatu bellico, nec non mobilibus cujuscunque generis, item Actis Cancellariae, Archivis & literariis Documentis, prout ea omnia tempore occupationis vel deditiois inibi reperta & adhuc non distracta extant. Quae evacuatio fiet locorum scilicet Pomeraniae, exceptis VVollino, Damm & Greiffenhagen, intra duas septimanas, à die permutationis Ratibabitionum computandas, quo tempore quoque Elbinga restituetur. VVollinum verò, Damm & Greiffenhagen, nec non loca Holsatiae & Ducatus Sleswicensis intra alias demum duas sequentes hebdomadas, à die supramemoratae restitutionis evacuabuntur, deductis eodem tempore è dictis locis praesidiariis militibus & è Provinciis ad Serenissimum Regem Sveciae & Ducem Holsatiae & Sleswici Regentem spectantibus copiis omnibus, eâ ratione & modo, de quo inter Partes utriusque Generales, vel eorum Locum-tenentes intra tempus Ratibabitionibus commutandis praefinitum conventum fuerit, ita tamen ne praememoratis restituendis & evacuan-
 dis Locis vel Communitatibus, qui praesidia Electoralibus habuerunt, aut quovis modo hoc bello in Suae Serenitatis
 Electo-

Electoralis Fide & Potestate fuerunt, vel cuiquam Privato quod Partes Suae Serenitatis secutus fuerit, ullâ ratione noxæ fraudique sit vel alia in re, quoad pristina Jura, Privilegia, bona, Feuda & libertates illi competentes absque exceptione vel reservatione præjudicet.

XXVII.

Captivi hujusce belli cujuscunque Conditionis ac Status, liberi & sine soluto ullo pretio seu lytro, nisi aliter ante subscriptum Tractatum ab ipsis conventum fuerit, intra spatium trium hebdomadarum, à die Ratificationis dimittentur, pristinaque libertati restituentur, solutis tamen ab Officiariis impensis in victum eorum factis, & debitis in Captivitate ab eis contractis. Cæterum Captivis quoque annumerandi & ab utraque Parte restituenti sunt, qui inviti militiæ alterius Partis nomina dederunt.

XXVIII.

Debita inter utriusque Partis Subditos & Incolas tum etiam à Ducibus & Officiariis belli ubicunque contracta, utrinque bonâ fide solventur; Si quæ verò hoc bello ultimo Obligationes & Recognitiones extortæ ab utrinque sint, in totum cassantur, nullumque pondus habere declarantur.

XXIX.

XXIX.

INter Sacrae Regiae Majestatis Sueciae & Suae Serenitatis Electoralis Brandenburgicae, Regni, Provinciarum, Statuum, Ditionum, tam in Imperio Romano, quam extra illud sitarum, Subditos & Incolas pristina restituantur commercia, atque impofterum in pleno vigore conferrentur.

XXX.

SI quae bona, à Suae Serenitatis Electoralis Subditis vel Ejusdem Ditionum Incolis in Regiae Suae Majestatis Sueciae Regno, Provinciis, Ditionibus aut Locis occupatis & haftenus possessis ante vel sub tempus hujusce belli deposita vel alio quocunque modo eò delata sunt, ea sine ullâ morâ vel effugiis Dominis suis restituantur, nisi jam Fisco adjudicata atque extradita fuerint.

XXXI.

Cum verò ad Stabilitatem hujus Pacis plurimùm interesset, ut universaliter componatur, & inter omnes belli hujus Socios Securitati Commerciorum plenè prospiciatur, ideò licet controversiae, quae Serenissimo Regi Regnoque Sueciae cum Serenissimo Rege Daniae intercedunt, hìc commode decidi non potuerint, & in ipsa Dania cum spe successus tractentur; Nihilominus conventum est, ut Serenissimus Daniae & Norvegiae Rex, Ejusque Regna ac Ditiones in hoc Tractatu, conclusâ in Dania Pace, com-
pre-

prehendantur, ita ut ea omnia, quæ inter altèmemoratos Sueciæ & Daniæ Reges conclusa & constituta fuerint, ad hanc Pacem pariter ac si in hoc Instrumento specificè inserta forent pertinere censeantur. Salvo per omnia ipso Tractatu in Dania inter utrosque Reges & Regna concluso vel concludendo.

XXXII.

I. §. Cessent omnes hostilitatis actus inter Partes Paciscentes omnes tum Principales tum Fæderatas, earumque Exercitus à die conclusæ & subscriptæ hujus Pacis computando in Prussiâ tam Regali quàm Ducali exactis quatuor, in Pomerania & Megapoli duodecim, in Curlandiâ & Livoniâ quatuordecim, & in Holsatiâ & Sleswicensi Ducatu exactis viginti diebus, eodem quoque die in singulis præmemoratis Locis negotiationes quævis pristino usui restituantur, & literarum commercia libera sint.

II. §. Generales præsidii Elbingensis in Prussiâ, ac tam Cæsarei quàm Electorales in Pomeraniâ post acceptam hujus armorum Cessationis intimationem, exactam curam adhibebunt, ut usque ad Finalem Pacis executionem militis sustentatio non amplius exigatur more hostili, nec ultra justam & necessariam alimentationem Provincie ipsorum armis infessæ aggraventur, in quem finem Commissarii à Partibus deputabuntur, qui curam sedulam

lam habeant, ne exorbitantie contra hanc conventionem fiant.

XXXIII.

DEnique omnium belligerantium in Imperio Partium copiae & exercitus post restitutionem locorum ab omnibus Partibus Paciscentibus, dimittantur et exauctorantur, eo tantum numero in suos cujuscunque proprios Status traducto, quem quaeque Pars pro sua securitate judicaverit necessarium.

XXXIV.

Pacta haec ratihabeantur à Serenissimo Rege Poloniae nec non Republica Polonâ Ejusque Fœderatis ab unâ: Et Serenissimo Rege Sueciae ab alterâ Parte, quâ de re ad modum sequentem convenit.

Primo: Instrumentum hujus Pacis Manibus ac Siggillis Dominorum Commissariorum utriusque Partis, tum Excellentissimi Domini Legati, Mediatoris subscribatur & invicem tradatur & commutetur.

Secundo: Serenissimus Rex Poloniae eadem Pacta illicò à Subscriptionem & Signationem Dominorum Commissariorum Polonicorum, Diplomate Ratificationis in forma conventa confirmet, atque ex nunc Affecurationem Suam interponat subsecuturam inter spatium ad summum trium Mensium computandorum à Subscriptionem hujus Instrumenti Pacis plenariam Ejusdem Regiae Majestatis

tis Ratificationem, cum integrâ insertione Instrumenti Pacis conclusæ ad formulam inter utriusque Partis Commissarios conventam.

Tertio. Serenissimus Rex Sueciæ solenni Instrumento hæc Pacta Nomine Suo & Regni Sueciæ per Subscriptionem Serenissimæ Reginæ Matris Suae & Dominorum Regni Sueciæ Administratorum in Formâ conventâ rata habeat.

Quarto. Domini Delegati à Republica Polona Lege comitali Anno 1659. deputati, nomine Reipublicæ hæc Pacta Subscriptionem & Sigillationem Suâ approbent, in futura Convocatione intra tres Menses celebranda.

Quinto. Diplomata Ratificationis tam Sacræ Regiæ Majestatis Poloniæ quàm Deputatorum Comitiali Lege Delegatorum in proximis Comitibus, Constitutionibus & Volumini Legum Polonicarum inserantur.

Sexto. Instrumenta hæc solennia Ratificationis tum utriusque Serenissimi Regis tum dictorum Reipublicæ Delegatorum, ab ambarum Partium Commissariis intra spatium ad summum trium Mensium à Subscriptionem hujus Instrumenti Pacis computandorum ad Limites Territoriales, inter Elbingam & Mariæburgum, utrinque per Excellentissimum Dominum Mediatorem à Partibus Paciscentibus recipiantur, & ab eodem eo ipso tempore inter Partes commutentur.

Ss

Septi-

Septimo. Ut Sacra Casarea Majestas & Serenissimus Elector Brandenburgicus Ratihabitiones Suas itidem tempore & loco eodem tradi faciant.

Octavo. Denique ut dicta Serenissimorum Regum & Reipublicæ Polonæ ac Ejus Fœderatorum Instrumenta Ratificationum ad conventam & præscriptam formulam, quoad Titulaturam & Sigillationem aliaque requisita nullâ voce aut syllabâ immutatâ conficiantur & reciprocè commutentur.

XXXV.

I. §.

Quò firmior, stabilior & securior PAX hæc coalescat, & ab omni Parte intemerata duret, promittunt supra memorata Partes Paciscentes omnes tam Principales quàm Fœderatæ, Se hanc Transactionem & Pacem, omnesque ejus Articulos, Capita & Clausulas, sanctè & inviolabiliter servare velle & debere: Et nè impofterum violari queat, Se invicem ad Generalem Guarantiam & Evictionem mutuam ac Defensionem reciprocam omni ex parte obstringunt: Hisce quàm fieri potest firmissimè spondentes, ut si contingat unam partem ab altera vel plures à pluribus, Terra vel Mari bello contra hanc Pacificationem impeti, Aggressor ipso facto pro infractore hujus Pacis ab omnibus habeatur, ejus-

ejusdemque beneficio excidat, & tñm altera reliquæquẽ Paciscentium Partes Parti læsa ad summum intra duos Menses à requisitione Partis læsæ eidem communibus armis assistere, & bellum tamdiu contra Aggressorem prosequi, donec Pax communi omnium Partium consensu restituta fuerit, invicem teneantur.

II. §. Si verò contingat unam Partem ab Alterâ vel plures à pluribus gravi aliquâ injuriâ, citra tamen vim armorum vexari, non licebit ideò læso ad arma subito recurrere, sed ante amicabile componendarum hujusmodi controversiarum ratio ineunda erit, videlicet ut læsus acceptâ injuriâ si immediatè cum lædente convenire nequeat, alios Paciscentes moneat, & Commissio generalis omnium Paciscentium nomine instituatur ad Læsi confinia, intra spatium quatuor Mensium, in quo inter Deputatos utrinque Commissarios negotium discutiatur, & si possibile erit intra quatuor ad summum, alios Menses terminetur.

III. §. Si verò lædentem refractarium ad æquæque proponuntur media deprehenderint, tunc læsis licebit, facta tamen prius legitimâ belli denunciatione, Jus suum armis prosequi, & bellum, ut supra statutum est, lædenti inferre.

IV. §. Quod si verò turbationes vi contrariisq; actibus retundantur, solummodo tuendorum Limitum causâ,

Actus ejusmodi pro violatione Pacis non reputabuntur, ipsa autem super limitibus controversia citra vim armorum terminetur.

XXXVI.

Cum autem pro Majori Securitate hujus Pacificationis, tam Serenissimus ac Potentissimus Rex & Respublica Poloniae, quam Serenissimus & Potentissimus Rex Sueciae, ut & Serenissimus Elector Brandenburgicus, postularint, ut Serenissimus ac Potentissimus Princeps ac Dominus, Dominus **LUDOVICUS XIV.** Galliarum & Navarrae Rex Christianissimus, cujus ope ac studio inter praememoratos Serenissimos Reges & Serenissimum Electorem Brandenburgicum, Pax promota & mediatione ad optatum finem perducta est, executionis & observationis illius inter Eosdem Fidejussor existeret, Sacra Majestas Christianissima postulationibus ac votis illorum annuens, eodemque animo Pacis hujus perpetuitatem exoptans, quo eam procuravit, pro Se ac Successoribus Suis Regibus Galliae spondet ac promittit, idque per Illustrissimum & Excellentissimum Dominum **ANTONIUM de LUMBRES**, Legatum Suum plenariis mandatis ad hanc Guarantiam cavendam instructum, se executionem horum pactorum eorumque observationem ac perpetuitatem inter Eosdem supra nomina-

tos

tos Principes omni meliori quo fieri potest modo, etiam armis ubi amabilia media non processerint asserturam; Et si quis Eorum sub hac fidejussione comprehensorum illa violarit, arma viresque Suas Parti læse ad Ejus requisitionem juncturam. Quod, ut firmitus omnibus constet, promittit dictus Dominus Legatus Gallicus, Se ratificationem Regis Sui super hanc Guarantiam eodem tempore, quo ratificationes Pacis commutabuntur extraditurum. Integrum quoque erit Paciscentibus omnibus eandem Christianissimi Regis Guarantiam & Fidejussorem suscipere, & alios quoque in tempore ratificationis ad idem Officii genus invitare & denominare Principes ac Potestates.

XXXVII.

SI qui Regum, Principum, nec non Rerumpublicarum ac Statuum Amicorum hisce Pactis à quacunque Parte Paciscentium includi voluerint, sit Ipsis ejus Facultas, modo Se ad ista intra sex abhinc Menses declaraverint, & id consensu omnium Partium fiat.

In quorum omnium & singulorum fidem majusque robur omnium Partium Legati & Commissarii cum Illustrissimo & Excellentissimo Domino Mediatore præsens Pacis Instrumentum, & hoc quidem exemplar Serenissi-

mi Regis Regnique Poloniae Legati ac Commissarii Manibus Sigillisque propriis munierunt ac firmarunt. Datum Olivae, die tertia Mensis Maji, Anno Millesimo, Sexcentesimo Sexagesimo.

ANTONIUS de LUMBRES.

(L.S.)

JOANNES, COMES de LESZNO,
Palatinus Posnaniensis, Majoris Poloniae Generalis, Serenissimi Regis Regnique Poloniae Legatus Plenipotentarius. (L.S.)

NICOLAUS PRAZMOWSKY, Nominatus Episcopus Luceoriensis & Brestensis, Supremus Regni Poloniae Cancellarius, Legatus Plenipotentarius.

(L.S.)

CHRISTOPHORUS P A C, Supremus Cancellarius & Legatus Plenipotentarius Magni Ducatus Lithuaniae.

(L.S.)

JOANNES ANDREAS MORSTIN, Referendarius Regni, Legatus Plenipotentarius. (L.S.)

VLADISLAUS REY, Thesaurarius Curiae Regni, Legat. Plenip. (L.S.)

JOANNES GNINSKI, Succamerarius Pomeraniae, Seren. Regis, Regniq; Poloniae Legat. Plenip. (L.S.)

RATI-

Ratificationes Serenissimi Regis Poloniæ
 Articuli separati ratione traditionis
 ELBINGÆ.

NO^s JOHANNES CASIMIRUS, DEI
 Gratia Rex Poloniæ, Magnus Dux Lithuania,
 Russiæ, Prussiæ, Masoviæ, Samogitiæ, Livoniæ,
 Smolensciæ, Czerniechoviæque, nec non Suecorum, Go-
 thorum, Vandalorumque hæreditarius Rex.

Significamus omnibus & singulis quorum interest. Quod
 cum Illustrissimi, Illustres & Magnifici Nostri & Rei-
 publicæ Commissarii, ad Tractatus Pacis perpetuæ, inter
 Nos Regnumque Nostrum Poloniæ, & Magnum Duca-
 tum Lithuania, Nostrosque Fæderatos, & bellifocios ab
 una; & Serenissimum Regem Regnumque Sueciæ Par-
 te ab altera Olivæ institutos, Illustrissimis, Illustribus,
 Magnificis & Generosis Serenissimi Electoris Brandebur-
 gici Commissariis articulum separatum Declaratorium
 articuli secundi, qui de Amnestia & Redintegratione
 Jurium in instrumento Pacis habetur, ut sequitur edide-
 rint, isque à partibus acceptatus sit.

Nos infra scripti Sacræ Regiæ Majestatis Reipubli-
 cæque Poloniæ ad Tractatus Polono Sueticos Legati Pleni-
 potentia-

RATI-

potentiarii, notum facimus quorum interest, vel ullâ ratione interesse poterit universis & singulis. Quandoquidem Instrumento Pacis principali hodie subscripto articulis Amnestiæ, in quò tam communitatum, quam singulorum Jura redintegrantur, forma Generali conceptus est, & nulla specialis acquisiteorum tam in Prussia Ducali, quàm extra eandem Serenissimo Electori Brandenburgico, per Pacta cum Sacra Regia Majestate Reque publ. primum Velauiæ, demum Bidgostie, inita ac Constitutione Comitiali approbata, suæ Serenitatis Electoralis Jurium, utpotè Independentiæ Ducatus Prusiæ, Condescensionisq. in feudum Butoviensis, & Leoburgensis Districtuum, in Palatinatu Pomeraniæ existentium, tum & Juris competentis in Civitatem Elbingensem, nec non Præfecturam Drabeimensem in eodem facta est mentio. Ne id in præjudicium memoratorum Suæ Serenitatis Electoralis Jurium trahi posset, plures modi ratione inclusionis prædictorum in præfatò articulo Amnestiæ propositi fuerunt. Cum autem partibus nequaquam satisfacere potuissent, tandem prudenti Illustrissimi & Excellentissimi Domini Christianissimi Regis Legati mediatione, ac indefessò studio, maturandæ Pacis gratiâ convenit, ut peculiari articulo, qui tamen pro inserto Pacis Instrumento haberi, ejusdemque valoris esse debet, ea ipsa Jura Serenissimo Electori Brandenburgico caverentur, quod & factum est à

Legati-

Legatione Sueticâ per sequentem articulum tenoris ejusmodi.

LEGATIO SVETICA declarat Serenissimi **REGIS REGNIQVE SVETICÆ** Nomine *Ea, quæ in Instrumento Pacis Articulo secundo de Redintegratione Jurium disponuntur, non debere concernere Ditiones, Status, Civitates, Terras & loca, quæ à Sua Serenitate Electorali possidentur, nec eò trabenda; Neque ob stare eundem Articulum, quò minùs Suae Serenitati Electorali Elbinga jure, quod Eidem Suae Serenitati Electorali competere potest, tenenda tradatur, salvo de cætero Ejusdem Civitatis Privilegiis, & Immunitatibus, tam in Ecclesiasticis, quàm Politicis, salvo itidem Jure Retractus Conventionalis Serenissimo Regi & Reipublicæ Poloniæ quoad Elbingam. Qui quidem Articulus tanquàm si in ipso Instrumento Pacis esset insertus, ibidemque cum aliis appositus, Ejusdem cum eo valoris (ut supra dictum est) esse haberique debeat.*

Proindè & Nos infra scripti Legati Commissarii, cum plena potestate Sacrae Regiæ Majestatis & Statuum Reipublicæ eorundem Nomine mentem Nostram præsentitidem Articulò, quem pro inserto & Ejusdem cum Instrumento Pacis valoris haberi volumus, declaramus palamque facimus, Articulum Amnestiæ Generalis in Instrumento Pacis contentum, nullatenus posse, vel debere Juri-

It

bus

bus Suae Serenitatis Electoralis, tam antiquis, quam noviter acquisitis, & in specie Traditioni Elbingensis Civitatis juxta Pacta cum Suae Serenitate Electorali inita derogare & praejudicare, imò eadem Pacta, in omnibus eorundem Articulis, Punctis & Clausulis, salva & integra conservare, & manu tenere; In cujus rei fidem praesentem Declarationem Manibus Nostris subscripsimus, Sigillisque Nostris Gentilitiis roboravimus, die tertia Maji Anno Domini 1660. in Monasterio Olivensi.

Georgius Lubomirsky, Supremus Marschalcus, Generalisque Exercituum Regni. Joannes Comes de Lesno, Palatinus Posnaniae, Majoris Poloniae Generalis, Mariaeburg. Korsunensis Capitan. Nicolaus Prazmowski, Episcopus Luceoriensis & Brestensis, Regni Cancellarius Supremus. Christophorus Pac, Suprem. Magn. Duc. Lithuaniae Cancellarius. Joannes Andreas Morstzyn, Referendarius Regni. Vladislaus Rey, Thesaurarius Curiae Regni. Johannes Gninski, Succamerar. Pomeran. Capitaneus Gnesnensis.

NOS itaque JOANNES CASIMIRUS, Eadem Gratia Rex Poloniae, Magnus Dux Lithuaniae, &c. &c. &c. Promittimus & recipimus Regiò Nostrò Successorum ac Posterorum Nostrorum & Reipubl. Poloniae nomine, Nos praemissum articulum omniaque & singula,

gula, in eo comprehensa, capita approbare & ratihabere, sicuti vigore quoque presentium approbamus, & ratihabemus, ita ut ejusdem Autoritatis, cum Instrumento Principali esse debeat & haberi, nec passuros ut ab ullo Reipubl. Statu, Vasallo, Officiali aut subdito, quovis modo violetur: cavemusque Diplomata Ratificationis hujus Pacis, tam hoc Nostrum quam Senatorum & Equestris Ordinis à Nobis & Reipubl. Polonia Lege Comitiali Delegatorum in proximis Comitibus Regni Generalibus Constitutionibus, & volumini Legum Reipublicæ insertum iri. In cujus rei fidem & certitudinem hæc manu Nostra subscripsimus & Sigillo Regni communiri jussimus. Dabantur Varsavia in Convocatione solenni, die 26. Mensis Junii Anno M. DC. LX. Regnorum Nostrorum Poloniae & Sueciae XIII.

JOANNES CASIMIRUS Rex.

(Locus Sigilli Regii)

(appensi.)

STEPHANUS HANKIEWICZ,
Secret. Reg. Majest.

Tt 2

RATI.

RATIFICATIO

Regni Poloniæ Magnique Ducatus Lithuaniæ, Lege Comitiali Delegatorum Commissariorum, Articuli Declaratorii ratione Traditionis Civitatis ELBINGENSIS.

Nos Senatores & Equestris Ordinis à Serenissimo Rege & Republica Poloniæ Lege Comitiali Delegati Commissarii constare volumus quorum interest Universis & singulis. Quod cum Illustrissimi atque Excellentissimi Domini Sacræ Regiæ Majestatis, Domini nostri Clementissimi & Reipubl. Commissarii ad Tractatus Pacis perpetuæ inter Sacram Regiam Majestatem Dominum Nostrum Clementissimum Regnumque Poloniæ, & Magnum Ducatum Lithuaniæ, eorundemque Fœderatos, & belli Socios, ab una, & Serenissimam Regiam Majestatem, Regnumque Sueciæ parte ab alterâ Olivæ institutos, virtute Potestatis à Sacrà Regiâ Majestate, tum & à Republicâ illis factæ, Illustrissimis & Excellentissimis Dominis Serenissimi Electoris Brandenburgici Commissariis Articulum separatum Declaratorium Articuli secundi, qui de Amnestia & de Redintegratione Jurium in Instrumento Pacis habetur, ut sequitur ediderint, isque à Partibus acceptus sit.

NOS

NOS infra scripti Sacræ Regiæ Majestatis, Rei-publicæquæ Polonæ ad Tractatus Polono-Sueticos Legati Plenipotentarii, notum facimus quorum interest, vel ullâ ratione interesse poterit universis & singulis.

Quandoquidem Instrumento Pacis Principali hodie subscripto Articulus Amnestiæ, in quo tam communitatum, quàm singulorum Jura redintegrantur, formâ generali conceptum est, & nulla specialis acquisitorum tam in Prussia Ducali, quàm extra eandem, Serenissimo Electori Brandenburgico per Pacta, cum Sacra Regia Majestate Reque publica primum Vela viæ, demum Bydgosciæ inita, ac Constitutione Comitiali approbata, Suae Serenitatis Electoralis Jurium, utpote Independentiæ Ducatus Prusiæ condescensionisque in Feudum Bytoviensis & Leoburgensis Districtuum in Palatinatu Pomeraniæ existentium, tum & Juris competentis in Civitatem Elbingensem, nec non Præfecturam Drabeimensensem, in eodem facta est mentio; Ne id in præjudicium memoratorum Suae Serenitatis Electoralis Jurium trahi posset, plures modi ratione inclusionis prædictorum in præfatò Articulo Amnestiæ propositi fuere. Cum autem partibus nequaquam satisfacere potuissent; Tandem prudenti Illustrissimi & Excellentissimi Domini, Christianissimi Regis Legati Mediatione, ac indefessò studio maturandæ Pacis gratiâ convenit, ut peculiari Articulo, qui tamen pro in-

serto Pacis Instrumento haberi, ejusdemque Valoris esse debet, Ea ipsa Jura Serenissimo Electori caverentur, quod & factum est, à legatione Suetica per sequentem Articulum tenoris ejusmodi.

Legatio Suetica declarat Serenissimi Regis Regni-que Sueciæ nomine Ea, quæ in Instrumento Pacis Articulo secundo de Redintegratione Jurium disponuntur, non debere concernere Ditiones, Status, Civitates, Terras & Loca, quæ à Sua Serenitate Electorali possidentur, nec eò trabenda; Neque obstat eundem Articulum, quò minus Suae Serenitati Electorali Elbinga Jure, quod eidem Suae Serenitati Electorali competere potest, tenenda tradatur, salvis de cætero Ejusdem Civitatis Privilegiis & Immunitatibus, tam in Ecclesiasticis, quàm Politicis, salvo itidem Jure Retractus Conventionalis, Serenissimo Regi & Reipublicæ Poloniæ quoad Elbingam. Qui quidem Articulus, tanquam si in ipso Instrumento Pacis esset insertus, ibidemque cum aliis appositus ejusdem cum eo valoris, (ut supra dictum est) esse haberique debeat, proinde & Nos infra scripti Legati Commissarii cum plena potestate Sacræ Regiæ Majestatis & Statuum Reipublicæ, eorundem Nomine, mentem Nostram præsentit idem Articulo, quem pro inserto, & ejusdem cum Instrumento Pacis, valoris haberi volumus, declaramus, palamquæ facimus, Articulum Amnestiæ generalis, in Instrumento Pacis contentum

tentum nullatenus posse vel debere Juribus Suae Serenitatis Electoralis, tam antiquis quam novitèr acquisitis, & in specie traditioni Elbingensis Civitatis, juxta Pacta, cum Suae Serenitate Electorali inita, derogare & præjudicare, imò eadem Pacta in omnibus eorum Articulis, Punctis & Clausulis, salva & integra conservari & manuteneri. In cujus rei fidem præsentem Declarationem manibus Nostreis subscripsimus Sigillisque Nostreis Gentilitiis roboravimus, die 3. Mensis Maji, Anno Domini Millesimo Sexcentesimo Sexagesimo in Monasterio Olivensi.

Georgius Lubomirski, Supremus Marschalcus Generalisque Exercituum Regni. Joannes, Comes de Lesno, Palatinus Posnanienfis, Majoris Poloniae Generalis, Marienburg Korsunensis Gubernator. Nicolaus Prazmowski, Episcopus Luceoriensis & Bresten: Regni Cancellarius Supremus. Christophorus Pac, Supremus M. D. Lithuan. Cancellarius. Joannes Andreas Morsztin, Referendarius Regni. Vladislaus Rey, Thesaurarius Curiae Regni Joannes Gninski, Succamerarius Pomeraniae Capit. Gnesnensis.

Nos Senatores & Equestris Ordinis à Serenissimo Rege & Republ. Poloniae Lege Comitiali Delegati Commissarii promittimus & recipimus, Vi potestatis Nobis à Republica concessæ, nomine Ejusdem, Nos præmissum Articulū omniq; & singula in eo comprehensa Capita juxta Constitutionem Regni Anni 1659. approbare, & rati-
habere,

habere, sicut vigore quoque presentium approbamus, & ratihabemus, ita, ut ejusdem authoritatis cum Instrumento Principali esse debeat, & haberi. Nec passuros, ut ab ullo Reipublicæ Scatu, Vasallo, Officiali aut Subdito quovis modo violentur. Cavemusque & promittimus Diploma Ratificationis hujus Pacis tam Sacræ Regiæ Majestatis, quàm hoc Nostrum in proximis Comitibus Regni Generalibus Constitutionibus & volumini Legum Nostrarum, insertum iri. In quorum omnium fidem præsens hæc Approbatio Manuum Nostrarum Subscriptionem, Sigillisq; Nomine Senatus, Celsissimi Primatis Regni, Nomine verò Deputatorum ex Ordine Equestri, Illustrissimi Domini Succamerarii Pomeraniæ tanquam proximè præteritorum Comitiorum Marschalci firmata & roborata, eaque eandem vim atque robur, ac si omnium atque singulorum Deputatorum appensa essent Sigilla, habitura est. Datum Varsaviæ in Convocatione solenni Die XXVI. Mensis Junii Anno Domini M. DC. LX.

Venceslaus Comes de Lesno, Archi-Episcopus Gnesnensis, Casimirus Dux Czartoryiski, Episcopus Uladslav. Joannes Steph. VVydzga, Episcopus Varmiensis. Thomas de Lezenice, Episcopus Chelmenfis. Thomas Vieyski, Episcopus Kiovienfis. Georgius Bialozor, Episc. Smolenscensis, Severiæ Czernichoviæ. Joannes Carolus Kopec, Pala-

Palatinus Potocensis. Casimirus Inwlaszewski, Palatinus
 Brestensis. Andreas Trzebicki, Episcopus Cracoviensis,
 Dux Serveriae. Joannes Zawisza, Episcopus Vilnensis.
 Joannes Gembicki, Episcopus Plocensis. Nicolaus Ste-
 phan Pac, Palatinus Trocensis. Vladislaus, Comes
 de Lesno, Palatinus Lenciciensis. Adamus Matthias Sa-
 kowicz, Palatinus Smolensc. Administrator Thesauri Ma-
 gni Ducatus Lithuaniae. Joannes Tarto, Palatinus Lubli-
 nensis. Stanislaus Laskowski, Palat. Plocensis. Alexander
 Naruszowicz, Pro-Cancellarius Magni D.L. Joannes Ca-
 simirus in Crasne, Supremus Regni Polon: Thesaurarius,
 Lomzens. Prasnicens. Gubernator. Lucas Opalinski, Mar-
 schalcus. Christof de Grzymultowice, Grzymultowski Ca-
 stellan. Pofnaniens. Alexander Sielski à Sielosz, Castellanus
 Gnesnensis. Joannes Wielopolski, Castellan: Voinicen-
 sis, Varsaviensis Gubernator. Sigismundus de Pleszowice
 Fredro, Castell. Sanociens. Andreas à Przyima Przyiems-
 ki, Castellan: Lenczyciensis. Albertus de Mokronow Mo-
 kronowski, Castellanus Raven. Eremianus Dembinski,
 Castellan. Rogozinensis, Capitaneus Treidinenensis. Joann:
 Franciscus Lubowicki, Castellan. Chelmensis. Joann. Le-
 nowicz, Marschalcus Osmianensis Deputatus. Nicolaus
 Franciscus Rosochacki, Judex Terrestris Palatinatus
 Trocensis Deputat. Joann: Chrapowicki, Succamerarius
 Smolenscensis Deputatus. Vladislaus Victorinus Sicins-

Uu

ki,

ki, Dapifer Upitensis Deputatus. Stanislaus Domaszewski VVidlica Capitaneus Lukoviensis Rotmagister S. Sacrae Regiae Majestatis. Albertus Opacki, Succamerarius Varsoviensis, Cap: Lato vicens. Deputat. Terrae Varsoviensis. Olbrachtus Adrianus Lasocki, Dapifer Terrae Visogrodiensis, Deputatus Ducatus Masoviae. Joan. Albertus Lipski, Succamerarius Ravens. Inowłod. Stanisl. Capit. Georgius Tisnicki, Sac. Reg. Majestatis Secretarius, Ducatus Oswiecimensis & Zattroriensis Deputatus. Constantinus Alexandrowicz, Subjudex Grodnensis Deputatus. Samuel à Rudno Rudzienski, Vexillifer Cernensis Deputatus Ducatus Mazoviae Terrae Cernensis. Joannes Korsak, Succamerarius Polocensis Deputatus. Christophorus Antonius Obrinski, Succamerarius Novogrodnensis Palatinatus Deputatus. Martinus à Obory Oborski, Succamerarius Terrae Livenensis & Ejusdem in Ducatu Masoviae Deputatus. Valerianus Petrikowski, Succamerarius Rozanensis Deputat. Ducat. Mazoviens. Alexander Bolesław WYsocki, Venator Palatinatus Brestensis, Palatinatus Inowladislaviensis. Joan. Ignatius Bakowski, Succamerarius Culmensis, Consiliarius Terrarum Prussiae Deputatus. Nicolaus à Radzanon Labicki, Succamerarius Gostiniensis & Deputatus Palatinatus Ravens. Joann. Albertus in Mazenim Opacki, Succamerarius Terrae Visnensis, Deputatus Terrae Visnensis. Joannes Petrus Tucholka,

chotka, Notarius Terrestris Palatinatus Pomeranie Deputatus.

(Locus Sigill.appen.)

(Locus Sigill.appen.)

Quoniam in Pactis Olivenfibus mentio fit INDUCIARUM SEX & VIGINTI ANNORUM, easdem hic adjungo.

VLADISLAUS IV. DEI Gratia Rex Poloniæ, Magnus Dux Lithuanie, &c. &c. &c. Significamus omnibus ac singulis, eis imprimis quorum interest, Dedisse Nos Commissarios Nostros plenâ potestate ac mandato instructos ad tractandum, interveniente mediatione Serenissimorum Gallie & Magnæ Britannie Regum, aliorumque Principum de Pace, aut induciis cum Serenissimâ Principe ac Dominâ CHRISTINA, Suecorum, Gothorum, Vandalorumque designatâ Reginâ, Magna Principe Finlandiæ, &c. &c. &c. Consanguineâ Nostrâ & Regno Sueciæ; Qui congressi cum Serenitatis Ejus & Regni Sueciæ Commissariis, sequentia Pacta, uti verbotenus infra sunt expressa & inserta, iniierunt, statuerunt, ac concluderunt.

Nos Serenissimi ac Potentissimi Principis ac Domini, Domini VLADISLAI IV. Dei Gratia, Regis Poloniæ, Magni Ducis Lithuanie, &c. &c. &c. atque inclytæ

Uu 2

Reip.

Reipubl. Polonæ Commissarii. *Jacobus Zadzik*, Episcopus Culmensis & Pomesaniæ, nominatus Cracoviensis, Dux Severiensis, Generalis Præpositus Miechoviens. Supremus Regni Poloniæ Cancellarius. *Raphaël Comes de Leszno*, Palatinus Belzensis, *Rubieszoviens.* Præfectus. *Magnus Ernestus Dönhoff*, Castellanus Pervariensis, Derpatensis, Oberpoliensis Præfectus. *Remigius de Ottok Zaleski*, Referendarius Regni. *Jacobus à Sobieffyn Sobiesky* Incisor Regni, *Crasnostaviensis*, *Jaworowiensis* Præfectus, Notum testatumque facimus universis, quorum interest, quòd cum induciæ sexennales inter Serenissimos ac Potentissimos Reges ac Regna Poloniæ & Sueciæ, eo inter alia fine An. M. DC. XXIX. sancitæ essent, ut inter ea vel de pace perpetuâ, vel induciis longioribus interveniente mediatione Serenissimorum ac Potentissimorum Galliæ & Angliæ Regum, aliorumque Principum, loco & tempore, de quibus per Serenissimum Electorem Brandenburgicum, &c. &c. unum ex iisdem Mediatoribus inter Partes conventum esset, ageretur. Inde, postquâ à Suâ Serenitate per Ejusdem Legatos, Illustrissimū Principem *Sigismundum*, Marchionem Brandenburgicū, &c. & Illustres & Magnificos: *Andream à Kreutzen*, Consiliarium Ducalis Prussiæ Regentem & Præfectum Provinciale, *Joannem Georgium à Saucken*, Consiliarium Regentem & Cancellarium: *Bernhardum à Königseck*, Consiliarium Pro-

vin-

vincialem, Georgium à Rauschken, Consiliarium Judicii
 Aulici, & Petrum Borkmannum Consiliarium invitati
 Stumsdorfum cum Illustrissimis Serenissimæ Reginæ Re-
 gnique Sueciæ Commissariis, Domino Petro Brabe, Comi-
 te in Visingsborg, Libero Barone in Ridboholm & Lind-
 holm, Regni Sueciæ Senatore, Legifero VVestmanniæ,
 Montanorum, & Dale-Carlorum; Hermanno VVran-
 gelio, Regni Sueciæ Senatore, & Exercituum Campi-
 Marschallo, Hæreditario in Lergeholm, Skokloster, Equi-
 te aurato: Achatio Axelii Regni Sueciæ Senatore & Legi-
 fero Nericæ, Hæreditario in Goxholm, &c. Joanne O-
 xenslierna Axelii, Serenissimæ Reginæ Consiliario secre-
 tiore, Libero Barone in Kimitbo, Domino in Fyholmen
 & Tidoen, & Joanne Nicodemi, Serenissimæ Reginæ Se-
 cretario, & ad Exercitum Prussicum Commissario Gene-
 rali, convenissemus ac interventu in primis Serenissimi ac
 Potentiss. Principis Domini, Domini LUDOVICI XIII.
 Franciæ & Navarriæ Regis Christianissimi per Illustrissi-
 mum Dominum Claudium de Mesmes, Equitem auratum,
 Dominum de Avaux, Comitem Consistorianum & S. R.
 Majestatis per Septentrionem extraordinarium Legatum,
 ac Serenissimi & Potentissimi Principis Domini, Domini
 CAROLI, Magnæ Britaniæ, &c. &c. Regis, Fidei
 Defensoris, per Illustrissimum Dominum Georgium Dou-
 glasium Equitem auratum, S. R. Majestatis Legatum,

nec non Celsorum ac Præpotentium Dominorum Ordinum Belgicorum per Illustres & Magnificos Legatos Dominos Rochum van den Honnart, Primum in Supremâ Hollandiæ, Selandiæ, Westfrisiæque Curia Consiliarium, Andreæm Biker, Consulem Civitatis Amsterodamensis, & Joachimum Andreæ in Supremâ Frisiæ Curia Consiliarium, Pacis Tractatum auspiciati essemus, ac diu multumque agitassimus, eò tandem Divino Numine favente, prædictisque Illustrissimis Legatis indefessam operam huic negotio impendentibus rem deduximus, ut cum præmemoratis Serenissimæ Reginæ Regniq[ue] Sueciæ Commissariis de Induciis ad modum sequentem convenerimus, statuerimus, & concluderimus.

I.

Sint induciæ ex hoc die inter Serenissimum Principem ac Dominum, Dominum VLADISLAUM IV. Regem Poloniæ, Magnum Ducem Lithuanie, &c. &c. &c. Dominum nostrum Clementissimum Sacræ Suae Regiæ Majestatis Successores, Reges Poloniæ, & Magnos Duces Lithuanie, Regnumque Poloniæ, & Magnum Ducatum Lithuanie ex una; & inter Serenissimam Principem, ac Dominam, Dominam CHRISTINAM, Suecorum, Gothorum Vandalorumque designatam Reginam, & Principem Hereditariam, Magnam Principem Finlandiæ, &c. &c. &c. Suae Majestatis Successores, Reges Sue-

Suecorum, Regnumque Sueciæ ex alterâ parte Annis sequentibus viginti sex, à data præsentium computando, usque ad primum Julii styl. veteris Anni Millesimi Sexcentissimi Sexagesimi primi.

II.

Si omnium utrinque ante actorum Amnistia, imprimis Sacra Regia Majestas, Ejusque Successores Reges, Regnumque Poloniæ & Magnus Ducatus Lithuanie abstineant durantibus induciis omni hostilitate adversus Reginam, Regnumque Sueciæ, eisque mediâtè vel immediâtè subjectas Provincias, castra, civitates, ac territoria, neque quicquam per se, vel per alios moliantur, aut tentent, tentari ve faciant in horum detrimentum aut præjudicium. Ad eundem modum Serenissima Regina Ejusque Successores Reges Regnumque Sueciæ abstineant durantibus Induciis omni hostilitate adversus Regem Regnumque Poloniæ, & Magnum Ducatum Lithuanie, eisque mediâtè vel immediâtè subjectas Provincias, Castra, Civitates, & Territoria, neque quicquam per se, vel per alios moliantur, aut tentent, tentari ve faciant, in horum detrimentum aut præjudicium.

III.

Sereniss. Regi ac Reipublicæ Poloniæ Serenissima Regina Sueciæ reddat eam partem Prussie, quâ hætenus occupatam possidet, ita tamen, ut Pillavia Electori Brandeburgico

gico Duci Prussiae immediatè restituatur possidenda, eodem jure, quod ante hoc bellum habuit.

IV.

In restituendis verò locis hic ordo observetur, ut exhibitâ Commissariis Suecicis Regis Poloniae ratificatione, nec non interpositâ cautione Senatorum & Commissariorum Polonicorum Lege Comitiali ad Latus Regis à Republicâ delegatorum de tradenda primo quoque tempore Reipublicae ratificatione, Marienburgum cum insulâ Majori, Stumâ, Brunsbergâ ac Tolkemitto, cum eorum territoriis, deductis praesidiis, reddantur in manus Commissariorum Regis ac Regni Poloniae, Hoffstium verò & Junkerteil praesentibus Deputatis utriusque partis solo aequentur, suis cuique fundis & bonis relictis, & exercitus utrinque abducantur, intra id tempus, eoque modo & Ordine, quo inter Generales utriusque partis convenierit. Elbingam verò, cum pristino ejus territorio, atque insula minore, & munimentis ibi extructis, nec non Pillaviam cum eâ parte Neringae, quae eò spectat, retineat Sac. Reg. Majestas, Regnumque Sueciae, donec Ratificatio Reipublicae Poloniae subsequuta fuerit; quâ traditâ illa quoque loca, intra quatuordecim dies deductis sine damno incolarum praesidiis restituat, hoc observato, ut fortalitia omnia Elbingae extructa relinquantur eo in statu, in quo nunc sunt, & eadem custodiâ, uti ante hoc bellum.

V. Post

V.

Post restitutionem locorum omnium, vestigalia in eum
mox reducantur statum, & in illud jus, in quo erant
ante hoc bellum, servatâ in omnibus æqualitate, uti antea
fuit.

VI.

IN Livoniâ utraque pars, uti præteritis sexennialibus In-
ducis possedit, ita hisce quoque possideat.

VII.

Rex ac Respublica Polona receptas in fidem suam Ci-
vitates ac Territoria eorumque Magistratus, Com-
munitates, Cives, Incolas, & Subditos universos ac sin-
gulos omni meliori modo indemnes præstet, ac eâdem, quâ
olim clementiâ & gratiâ prosequatur, foveat, ac tueatur,
gaudeantquè universi ac singuli, possessionibus, juribus,
privilegiis, consuetudinibusquè suis tam Generalibus ac
communibus, quàm specialibus sine exceptione, quibus an-
te hoc bellum gavisî sunt, præsertim verò Civitas Elbin-
gensis in usu sigilli Terrarum Prusciæ & consueto ses-
sionis loco conservetur, postquam S. Regiæ Majestati de-
bitum fidelitatis juramentum præstiterit, salvò manente
quoque liberò Catholici Religionis exercitiò, in templo
præsertim Parochiali veteris Civitatis Elbingensis, uti
ante bellum.

VIII.

Cunctæ actiones adversus illos, qui partes Serenissimorum Regum ac Reginae Sueciæ, quocumq; modo secuti sunt, aut secuti esse insimulantur, cujuscunque sint Status & Ordinis, si ve privati vixerint, vel officiô publicô functi, ac Servitiis Regiæ Majestatis, Regniq; Sueciæ obstricti fuerint, vel instituendæ, vel institutæ essent, & si quæ intentatæ sunt tollantur, omnique careant executione in perpetuum, nec quisquam de iis, quæ belli Induciarumve tempore ex occasione ejusdem belli vel induciarum intercesserunt, cuiquam respondere teneatur. Et si quid in contrarium susceptum, factumque est, aut Rescriptum, vel Decretum aliquod in absentia partis obtentum, id omne sit irritum, nulliusque valoris.

IX.

Si cui aut quibus non placuerit, in restitutis Civitatibus, aut territoriis manere, sed potiùs mutatô domicilio ad alios se conferre, liberum sit in spatio trium annorum, à datâ præsentium numerando, sua divendere, aliis elocare, aut pro suo libitu distrabere, sine ullô impedimentô, aut onere, sub quocunque prætextu imponendo, salvis antiquis Civitatum juribus & consuetudinibus.

X.

Si qui exulum, qui extra Sueciam apud Polonos versantur, & partes Serenissimorum Regum Poloniæ secuti sunt.

sunt, in Patriam redire, quâcunque de causâ voluerint, saluum quærant Conductum, quô impetratô fruantur beneficio Legum & Statutorum Regni Sueciæ.

XI.

Acta Judicata ac Decreta cujuscunque fuerint instantie vel Judicii, inscriptiones, contractus, transactiones, aliaquæ omnia (quæ statui publico, uti is fuit ante bellum, non derogant, vel hisce pactis per expressum non sunt reservata) belli vel induciarum tempore, sive Magistratuum autoritate & judicialiter, sive extra judicialiter gesta, firmum robur obtineant, æquè ac si priori rerum Statu omnia acta fuissent, nec ulla unquam regiminis & Magistratuum mutatio intervenisset.

XII.

IN locis quocunque tempore juxta Pacta præsentia restituentis relinquuntur bonâ fide omnia mobilia Ecclesiarum, quæ in præsens reperiuntur, uti sunt vasa & vestes Sacræ, campanæ, aliaquæ in usum Ecclesiasticum servientia; tum libri Cancellariæ, Privilegia & acta publica. Si quæ tamen temporum injuriâ à milite sunt direpta, aut aliorum negligentia corrupta, ulterior in id inquisitio non instituat, nec quisquam ad restitutionem teneatur. Tormenta item bellica & bombardæ majores, quæ tempore occupationis inventæ

fuert, & adhuc in restituendis Civitatibus vel locis sunt, relinquantur.

XIII.

D*Eiis quæ durante bello iure fisci cuiquam adempta, & vel fisco illata, vel aliis donata sunt, ita convenit, ut immobilia, sive Regia & Reipublicæ sive etiam privatorum sint bona, quorum donationes utrinque factæ sunt, si donatariis jam tradita sunt, antiquis possessoribus restituantur, si verò nondum tradita maneant penes Dominos, cessantibus de cætero omnibus quæstionibus actionibusque ratione reddituum sive ex publicis, sive privatis bonis perceptorum. Mobilium etiam donationes & largitiones utrinque factæ, si ante has inducias executioni non fuerint demandatæ, irritæ sint; traditæ verò possessoribus modernis relinquantur, Cessantibus quoque eorum nomine omnibus actionibus, irritisque obligationibus, quibus apochæ authenticæ, sive à Regum Locumtenentibus sive ab Officialibus Camerarum Regiarum, sive etiam ab ipsis donatariis sine fraude datæ, dummodò de iisdem donationibus per authenticum Instrumentum constet, solutiones factæ opponi possunt.*

XIV.

C*ommercia pristina inter utrumque Regnum & Provincias subjectas restituantur, & in veteri exercitio conserventur, redeantque omnia in eum statum, in quo ante*

ante hoc bellum fuerunt, ab omnibus novitatibus, oneribusque hoc bello inductis vindicata.

XV.

Deflunitatio mercium ex Magno Ducatu Lithuania nulla ratione in flumine Diina impediatur, sitque ea in dicto flumine vectigalium ratio impostorum, quæ fuit ante hoc bellum.

XVI.

Subditi fugitivi Magni Ducatus Lithuania & Ducatus Curlandiae, quicumque in Livonia reperti fuerint, suis Dominis reddantur. Quod vice versa de subditis fugitivis ex Livonia in Magno Ducatu Lithuania & Ducatu Curlandiae fieri debet.

XVII.

Exercitus omnes, exceptis præfidiariis, tempore supra definito, ab utraque parte ex Provincia deducantur, & quidem Sueticus per mare. Si tamen equitatui intra assignatum temporis spatium trajiciendo navium copia non suppetierit, liber illi & innoxius transitus quàm brevissimo itinere per terram in ditiones ipsorum sine damno incolarum Regno Poloniae mediata & immediata subjectorum concedi debet. Quod itidem observetur, si aliqui pedites dicti Exercitus Suetici dimissi fuerint. Iustitia verò per Præfectos indilata bonâ fide administretur, damna & injuriam passis.

XVIII.

Inurias tam personales, quàm reales sub hasce inducias incidentes una pars de altera non vindicabit, salva jurisdictione ordinaria cujusque partis, sed justitia ab Officialibus & Magistratibus competenter requiratur, eademque indilata administretur, severæ pœnæ in violatores Pacis fide publicâ roboratæ exerceantur, nullæque repressalæ aut arresta, tam terrâ quàm mari, ratione cujuscunque injuriæ, nisi Justitia pluribus vicibus legitime repetita non administretur, admittantur. Et si quæ ante hoc bellum si ve etiam durante bello concessa sunt, cassentur, ita tamen, ut quibus concessa sunt, justitia administretur.

XIX.

Quod si quid gravius inciderit, quod violationem Pactorum concernere videretur, dentur utrinque Commissarii, qui loco aliquo ad fines Livoniæ assignando, conveniant, & controversias exortas sopiant, decidentque.

XX.

Pro majori securitate, & ne quicquam hisce Pactis contrarium durantibus induciis à quopiam committatur, Ordines Regni Poloniæ & Magni Ducatus Lithuania promittant, & fidejubeant, Regem Poloniæ & Ejus fratres, Eorumque Successores ac posteros, durantibus induciis,

duciis, ex Regno Poloniae Magnoque Ducatu Lithuaniae, & omnibus ejus subiectis Provinciis atque ditio-
nibus nihil molituros, multò minùs hostile quicquam ten-
taturos adversus Serenissimam Reginam Sueciae, Ejus-
que Successores Reges Regnumque Sueciae, Eisque sub-
jectas Ditiones ac Provincias, Civitates, Castra, muni-
menta ac territoria, & si quicquam tentarverint, id im-
pedire ac praevenire teneantur.

XXI.

Sacra Regia Majestas ac Respublica Polona adversus
Serenissimam Reginam, Ejusque Successores Reges
Regnumque Sueciae subiectasque Ditiones ac Provincias
nullis navibus, vel classe maritimâ utatur, nec aliis
quibuscunque auxilio mittat, durantibus induciis. Et
Dux in Prussia Elector, Dux Curlandiae, ex Statibus
Regalis Prussiae Civitates Majores caveant, se non
permissuros hostile quicquam ex portibus suis Reginae
Regnoque Sueciae subiectisque Ditionibus ac Provinciis il-
latum iri directè, vel indirectè!

XXII.

Durantibus ac currentibus hisce Induciis aga-
tur de Pace perpetua loco ac tempore, inter-
ventu

ventu Principum Mediatorum, de quibus inter partes, curâ & diligentia Illustrissimi Ducis Curlandiæ conven- rit, ita tamen, ut si Tractatus Pacis semel aut iterum non successerit, firmæ nihilominus & inviolabiles mancant Induciæ, usque ad exitum hisce Pactis præfinitum.

XXIII.

SI qui Regum ac Principum Christianorum hisce Pactis ex utraque parte includi voluerint, sit ipsis ejus facul- tas, modo se ad ista intra quinque abhinc menses declara- verint.

XXIV.

UT hisce Pactis firmius insislatur, certoque conslet, bonâ fide ea servatum iri, hoc modo convenit, ut red- ditis utrinque Procuratoriis Dominorum Commissario- rum, Pacta hæc manu & Sigillo eorundem roborentur, & invicem tradantur. Tum ut Serenissimus Rex Polonia, secundum præscriptam formam, eadem quantocyus confirmet, & antequam ullius loci fiat restitutio suam confirmationem tradat. Deinde ut Sacra Reg. Majestas Sueciæ solenni instrumento illa nomine suo & Regni Sue- ciæ per subscriptionem Dominorum Regni Sueciæ Admi- nistratorum, rata habeat. Et Respublica Polona eadem in Comitibus primo quoque tempore celebrandis, solenniter approbet, & confecto instrumento ratificet. Quæ instru- menta solennia ad formam præscriptam, nulla voce, aut syllabâ

syllabâ mutata per utriusque partis Commissarios deputatos, quantocyus poterit, ad limites territoriales inter Elbingam & Marienburgum, sine omni morâ & excusatione reddi utrinque ac recipi debebunt. Adeundem modum Serenissimus Elector Brandenburg. Dux in Prussia & Dux Curlandiae, & ex Ordinibus Regalis Prussiae Civitates Majores literas suas reversales, quibus securitati Serenissimae Reginae, ac Regni Sueciae cavebitur, ante restitutionem Elbingae & Pillaviae tradant. Actum Stummsdorfii d. XX. Mens. Septembr. styl. nov. Anno M. DC. XXXV.

Nos itaque VLADISLAUS IV. Rex Poloniae Magnus Dux Lithuaniae, &c. &c. &c. Promittimus & recipimus nomine nostro Successorum nostrorum, & Reipublicae Poloniae Nos singula & universa capita Pactis supra scriptis inserta & comprehensa, bonâ & Regiâ fide approbare, laudare & ratihabere, sicut hîc approbamus, laudamus & ratihabemus, nec passuros à Nostratibus, aut aliis ullo modo violari. In quorum majorem fidem ac certitudinem, hasce manu nostrâ subscripsimus & Sigillo Regni nostri muniri jussimus. Dat. in Castris ad Quidrinum die XV. Mens. Septemb. Anno M. DC. XXXV.

TRACTATUS

Conclusæ Pacis cum Moscis.

Serenissimi & Magni Domini, JOANNIS CASIMIRI, DEI Gratiâ Regis Poloniæ & Sueciæ, Magni Ducis Lithuanicæ, Russiæ & aliorum Suiæ Majestati subiectorum, atque omnium Statuum Reipublicæ, utriusque gentis Regni Poloniæ, ac Magni Ducat. Lithuanicæ tam Ecclesiasticorum, quàm secularium, Nos Magni & cum plenâ potestate Legati ac Commissarii GEORGIUS CAROLUS ILIEBOWICZ in Dobrowna, Generalis Ducatus Samogitiæ & Borrisowiensis Capitaneus, &c. &c.

Ex mandato Serenissimæ Majestatis Domini Nostri Clementissimi, & ex Commissionem totius Reipublicæ, unâ cum Dei gratiâ Magni Domini Czari & Magni Ducis ALEXII MICHAYLOWICZ, totius Magnæ, Parvæ & Albæ Russiæ Authocratoris, atque multorum Dominiorum ac Terrarum Orientalium, Occidentalium, Septentrionalium, Heredis & Successoris, & Domini ac Dominatoris, ejusque Czareæ Majestatis, Magnis ac cum plena potestate Legatis cum Illustrissimo & Illustrissimis Castellano & Locum tenente:

ATHANASIO LAURENTIDE Ardino Naszczokin, &c. &c. congregati.

Inter

*Inter Smolenscum & Mscislarviam propè fluvium
 Ilarodna, in pago Andrusovia cum magna & singulari
 cura ab utrinque proposuimus, ut tam inter Serenissimum
 Magnum Dominum Nostrum, ejusque Regiam Maje-
 statem, interque Regnum Poloniae ac Magnum Ducatum
 Lithuaniae ac universam Rempublicam; quam inter Do-
 minum ejusque Czaream Majestatem ac Ducatum Mo-
 schoviae, omnes similitudines & differentiae (quæ præteri-
 tis annis exortæ, demum in publicam hostilitatem, bellum
 & sanguinis effusionem eruperant) componerentur, &
 Amicitia stabiliretur; Et quamvis tunc propter multas
 utrinque occurrentes mutuas difficultates æterna pax
 inter hos Magnos Dominos Nostros concludi non potuerit:
 tamen intuentes eorundem Magnorum Dominorum Nostro-
 rum inclinationem, atque iis subditorum Dominiorum ab
 utrinque sanctæ pacis desiderium; quemadmodum initio
 hujus nostræ Commissionis de armorum silentio constitui-
 onem mutuâ fide stabilivimus, sollicitam & non interru-
 ptam æternæ, vel temporaneæ pacis curam polliciti: ita
 etiam plena à Magnis Dominis, pro sancta Pace firman-
 da in Nos collata, potestate usi, respiciendo in feliciora
 tempora, in quibus supra nominata Amicitia in effectum
 deduci, atque inter Magnos Dominos, eorumque Dominia
 firma pax evalescere posset; in hæc Puncta in Trige-
 simo*

simo primo congressu, hoc est 30. Januarii juxta Calendarium Nostrum convenimus, eaque ab utrinque constituimus.

I.

UT Induciae ab Anno currenti, à Nativitate Filii Dei computando, hoc est, ab Anno 1667. à condito verò Mundo 7175. à Mense Junio per annos tredecim sine interruptione sibi succedentes usque ad Annum à Nativitate Filii Dei 1680. à condito verò Mundo 7188. similiter ad Mensem Junium firmæ sint. Atque per hos Induciarum ab initio Nostri Tractatus & Conventionis annos, usque (quod Deus præstet!) ad perpetuam eliminationem omnium discordiarum (quæ ad hoc tempus & diem, ad conclusionem præsentium Induciarum, ab initio præteriti belli, per arma & quascunque alias simultates intervenerunt) utraque pars plenè pacificata, ab omni vindictarum ac injuriarum memoria abstinere: & præsentis firmæ Induciarum constitutione inter Serenissimum Magnum Dominum ejusquæ Regiam ac Magni Domini Czaream Majestates, interque magna eorum Dominiæ, Terras, & Arces; tam inter illas quæ antiquitus ad quamcunque partem pertinebant; quam inter bello acquisitas, quæ in præsentis Induciarum Tractatu cuicunque parti obtigerunt; interque subditos & homines utriusque partis

partis renovata, stabilita & confirmata inviolabilis Amicitia, juxta praesens compromissum & statutum, integre absque ulla imminutione, per hos omnes Induciarum annos superius expressos firmiter & constanter conservari: & sicut Sacra Regia, ita & Czarea Majestas inter se in omnibus modis mutuum bonum velle, & Frater Fratri meliora querere, atque in omnibus sincerè secum agere & procedere debent.

II.

Serenissimæ verò ac Sacr. Regiæ Majestatis, sicut & Magni Ducis Czarea Majestatis Personales Dignitatis & Jurisdictionis Tituli, ad utrumque in eorum propriis literis ac quibuscunque scripturis scribi debent, juxta formam ab initio hujus Instrumenti & Cautiois exaratam sine imminutione & immutatione tamdiu; donec, auxiliante Deo, perpetua pax stabiliatur. Similiter Senatores, Palatini, Duces Exercituum, & cujuscunque Magistratûs, ac Conditionis homines, in limitaneis Dominis & Arcibus habitantes; quorum, & ubi scire intererit. Ex alia quoque parte Nobiles & Palatini & Judices ex mandato suorum Magnorum Principum, personales eorundem titulos in quibuscunque scripturis, juxta presentem Constitutionem, uti ab initio expressum est, scribere debent; id caventes ne ulla inimicitiarum præ-

beatur occasio. Singulæ quoque expeditiones ex Cancellaria S. Reg. Majestatis & aliorum in confiniis Regni Poloniæ & Magn. Ducat. Lithuanie habitantium, non Ruthenico uti fiebat ante bellum; sed Polonico Idiomate, uti hætenus per moderni belli tempus observabatur, prodire debent.

III.

QUæ porro Arces, Terræ hoc proximo bello à Regno Poloniæ & Magno Ducatu Lithuanie sunt avulse, & remanent in possessione & sub jurisdictione Czareæ Majestatis, hoc est Smolenscum cum universo Severiensi Ducatu cum arcibus & particularibus locorum attinentiis, quæ sunt ex hac parte à Vitepscensibus, Polocensibus, ex parte verò Livoniæ à Lucinensi localibus attinentiis, Smolenscum usque; uti Dorobobuzium, Biata, Nevelium, Sebezia, Krasno etiam Vielizia (quamvis antiquitus ad Palatinatum Vitepscensem pertinuerit) cum suis item particularibus locis ac attinentiis: ex aliâ verò parte, in qua sunt Arces Severienses, circa Czerniboviam omnes Arces & Terræ, quibuscunque nominibus nuncupatæ, omnes relinqui debent in sorte Czareæ Majestatis. Ad sortem verò S. Reg. Majestatis à Borystbene sub Kijovia, & per omnem Regionem ad limites Putiulenses, nulla Arx nec Civitas nec Latifundium pertinebit. Non prætergrediendo tamen limites Palatinatum, Vitepscensis, Polo.

Polocensis, & Mscislauiensis; Similiter Districtuum, Orsensis, Mozyrensis, Rzeczycensis, Bractauiensis, uti & limites Livoniæ, cum eâ, quæ ab antiquo continebantur, circumferentiâ cum omnibus particulariis attinentiis, pagis, fundis, ex utraqûe ripa Borysthenis ac Dunæ & aliorum sitis; ad Palatinatus & Districtus in possessione S. Reg. Majestatis remanentes pertinentibus; exceptâ VViliziâ, quæ pacis Sanctæ causa à Palatinatu Vitepscensi avulsa, in sorte Czareæ Majestatis præsentis Tractatu ad annos Induciarum collocata est. In superiori verò parte Borysthenis, quæ comprehenditur titulo Zaporoborum seu liminum Borysthenis, & ejus loci Cosaci, in quibuscunque eo loco præsidii, munitionibus, sepimentis, & sedibus degant, pertinere debent ad obedientiam & protectionem utriusque Magni Principis nostri ad commune illorum obsequium contra imminentem (quam DEUS avertat) Brisurmanicam potentiam. Omnibus tamen cujuscunque conditionis Indigenis in sorte Czareæ Majestatis & in locis, quibus per hos Tractatus ad certum tempus cessimus mansuris; Liberum ubique debet esse Religionis Catholicæ exercitium sine ulla, deperacta in domibus propriis devotione, molestia. Similiter omnibus, cujuscunque conditionis hominibus, in sorte Sac. Reg. Majestatis in locis per præsentis Tractatus concessis, mansuris, liberum debet esse Religionis Græcæ exercitium,

sine

*sine ulla expediendorum Pietatis officiorum præpediti-
tione.*

IV.

Cavemus & hoc, ne ulla de Cosacis Ukrainensibus ex hac parte Borysthenis à Pereaslavia habitantibus, vindicta sumatur, ea de causa: quia aliqui in partem S. Reg. Majestatis & Reipublicæ transire soliti erant. Cosacos verò omnes ex altera ripa Borysthenis à Kiovia habitantes, Czarea Majestas à juramento fidelitatis absolvit: neque eos in suam protectionem recipiet, neque ad civitates & Arces suæ Jurisdictionis admittet aut admitti permittet per totum tempus Induciarum. Similiter S. R. Majestas, Cosacos ex alterâ ripâ Borysthenis à Pereaslavia degentes in protectionem suam non recipiet, neque ad Civitates & Arces suæ Jurisdictionis per hoc Induciarum tempus admittet, aut admittere jubebit.

V.

Civitas Kiovia cum Monasterio, dicto Pieczary, cum sua circumferentia, ac circumjacentibus & Vicinioribus Monasteriis, & cum pascuis, quæ incolæ Monasteriorum in campis habent, & cum ingressu pro omni domestica necessitate, in eam Borysthenis, in qua situata est Kiovia, non ultra milliare, ut integrè cum satisfactione, in Latifundiis & sylvis, pro Arcis & Monasteriorum habitatoribus, tam à circumjacentibus, quam à pauperi-
ori-

oribus conservetur per tempus, inferius, de deducendo Præsidio Czareæ Majestatis ex eadem Arce Kioviensi, & de restitutione ejusdem cum iisdem locis expressis in Sortem S. Reg. Majestatis, conditum & descriptum.

VI.

Ex occupatis verò bello Arcibus & Terris restituendæ sunt in sortem S. R. Majestatis Arces & Civitates, Polocia, Vitepscum, Duneburgum, Lucinum, Rzezzyca, Margenhausum, cum tota Livonia Meridionali; cum omnibus omnium Arcium prænominatarum Attinentiis, antiquitus ad easdem spectantibus: exceptâ VVieliziâ, ab antiquo Vitepscum pertinente. Ex his autem Arcibus, in quas recenter post earum occupationem, Græcarum Ecclesiarum Apparamenta, Imagines, libri & alia; item tormenta, ammunitiones, varii generis arma, item homines aulici, incolæ ex Russia adventitii; item pecuniarum thesaurus, victualia ex Moschovia, in vecta fuerunt; ad Arces Czareæ Majestatis, in vicinia sitas, per veturas publicas, ad confinia harum Attinentiarum deportari debent. Antiqua vero harum Arcium tormenta, instrumenta munitionum, seu ammunitiones, arma quæ nunc sunt in iisdem similiter & earum Indigenæ ac Nobiles in suis sedibus, tempore cessionis & traditionis harum Arcium, relinqui debent. Hæ supra nominate ac restituendæ Arces, Polocia, Vitepscum, Duneburgum cum

Z z

Livo.

Livonia & alia superius expressæ, cum aliis locis & attinentiis, Vîviatâ, Suraziâ, Jeżierzysciâ, debent tradi in sortem S. R. Majestatis & Reipublicæ, in Anno à Nativitate Christi currenti 1667. Mensis Maji 10. die juxta novum Kalendarium, per Commissarios tam à S. Regia quam à Czarea Majestate deputatos. Hujusmodi verò hominibus, qui publicas vecturas facturi sunt, aut eorum jumentis, nulla vis & injuria à subditis Czareæ Majestatis fiet. Nobilibus in his restituendis Attinentiis, statim post conclusionem Tractatum præsentium, sua Bona occupare liberum erit: in quibus pacificam habere habitationem debent, sine præpeditiōe à subditis Czareæ Majestatis in Fortalitiis, usque ad earum evacuationem, relictis. Similiter subditi Czareæ Majestatis relictī in fortalitiis, quoad omnia à subditis Sac. Reg. Majestatis, donec ex iisdem deducantur fortalitiis, in pacificâ & securâ possessione permanebunt.

VII.

I*psa Kiovia Arx cum iisdem Monasteriis, Pieczarii dictis, & cum aliis penes Kioviā relictis adjacentiis, similiter cum omni veteri armatura, cū qua olim Kiovia in partem Czareæ Maj. accepta; cū provisione tū temporis ibidē inventa, in sortē S. R. Majest. & Reipublicæ restitui & evacuari mundarique debet, ante primam de perpetua pace commissionem, in his Induciarum annis, hoc est,*
post

post duos annos à præsentī tractatū computando in Anno Deo dante 1669. in Mense Aprili die 15. juxta novum Calendarium occurrente; tandem ante hanc emundationem & evacuationem Kiovia, ejusque restitutionem in sortem S. Reg. Majestatis & Reipublicæ debet fieri à Magnis Dominis Nostri mutua per Internuncios, per Confidentiales literas denunciatio; ut uni parti de traditione, alteri verò de receptione constet. Et quamvis hæc denunciatio non fieret: tamen Arx Kiovia in Sortem S. Reg. Majestatis & Reipublicæ in termino nunc designato restitui, ejusque cessio fieri debet. Quæ quidem Arx Kiovia per hos duos annos, per quos in possessione Czareæ Majestatis permanebit, debet habere robustum ex exercitu Czareæ Majestatis præsidium tam contra Paganos, quam contra discolos Cosacos: quo tempore necessaria, tam in comæatu quam in ammuntione, Czarea Majestas, ministrari præcipiet. Et pro hoc restituendo & cedendo Kiovia nullam compensationem à S. Reg. Majestate, & à Republica requiret. Quod verò attinet ad armorum genera ex diversis Arcibus & Civitatibus, tam S. Reg. Majestatis, & Reipublicæ, quàm privatorum Indigenarum Regni Poloniae & Magni Ducatus Lithuanie per hoc bellum & in variis conflictibus ab utrinque occupatorum, hanc materiam ad Tractatum de perpetuâ Pace differimus.

VIII.

OMnia scripta publica, sicuti & libri Castrenses, Terrestres, Tribunalitii & Magdeburgenses, eorumque Acta; praterca Munimenta, Privilegia, Metrica Bibliotheca, & libri Ecclesiarum tam Romana quam Graecae; Vilnae & in aliis Civitatibus & in Variis Locis Regni Poloniae, & Magni Ducatus Lithuaniae per hoc bellum accepti; quidquid eorum inveniri poterit tam privatorum quam publicorum praesertim à Districtibus, & Palatinatibus tempore belli ad suam Czaream Majestatem cum promissione subjectionis & fidelitatis expeditorum (qui per praesentes Tractatus cassantur & annihilantur in perpetuum) nullos penes se retinendo restituere ac omnes collectos summum intra sex menses, vel quam primum colligi possunt, in confinia sua Czarica Majestas retinere mandabit: praemonita S. Reg. Majestate, per proprias literas, ut pro his omnibus recipiendis suum expediat Commissarium. Monumenta verò & Libri omnes Palatinatum Smolenscensis, Czerniboviensis, & Districtus Starodubensis, non expectando tempus Induciarum, intra 12. septimanas postjurata pacta, quicunque inveniri poterunt, collecti, deputatis à S. Reg. Majestate Commissariis, in confiniis, sicut & Palatinatus Kioviensis Munimenta & Libri, praemissis à S. R. Majestate monitoriis literis, restitui & tradi debent.

IX. Quod

IX.

Quod autem spectat supellectilem, & res Ecclesiarum, tam Romanæ quam Græcæ Deo ad honorem consecratas, & dicatas, uti sunt varii generis vasa, Reliquiæ præcipuè partes Ligni S. Crucis Lublini acceptæ, diverse Imagines, ac ornamenta Ecclesiastica: hæc omnia quidquid eorum in Dominiis Czareæ Majestatis colligi poterit, summum intra unum annum, præmissâ mutua Magnorum Dominorum Nostrorum denunciatione, restituentur. De campanis externis S. Reg. Majestatis & Reipublicæ, in Moschoviam & terras Czareæ Majestatis erectis, in prima Commissione per Magnos utrinque & cum plenâ potestate Legatos agetur.

X.

ET quia inter nos, S. Reg. Majestatis & Reipublicæ ac Czareæ Majestatis Magnos Legatos non exigua intercedebat difficultas de eliberatione Captivorum; & hanc tali modo facilitavimus, & constituimus. Imprimis omnes Agricolas ac homines utriusque sexus, agrestibus laboribus addictos, ex terris S. Reg. Majestatis tam Regno Poloniæ, quàm M. Duc. Lith. in captivitatem abductos, manere debere sub dominio, & in partibus Czareæ Majestatis per omnes annos Induciarum aut viciniore, si maturius, auxiliante Deo, perpetua pax in quacunque ex inferius nominatis Commissione, conclusa non fuerit.

Quod verò alios captivos attinet, scilicet omnis generis cives, qui recenseri inter homines Aulicos non possunt, ex diversis civitatibus ac Oppidis S. Reg. Majestatis; similiter Judæos qui Religionem Græcæ susceperunt, per hoc bellum ab ejusdem initio in Moschorum abductos: ita inter nos convenit. Quandoquidem Czarcæ Majestatis Magni Legati non poterant modo de eliberandis ejusmodi hominibus quidquam nobiscum concludere. Nobis etiam S. Reg. Majestatis Legatis & Commissariis difficile fuit concedere; ut hæc difficultas juxta requisitionem Czarcæ Majestatis Magnorum Legatorum nunc complanaretur. Igitur Magni; & cum plena potestate Legati S. Reg. Majestatis, pro confirmatione præsentium Tractatum ad annos Induciarum per Nos conclusorum, ad Czarcæ Majestatem juxta conventionem Nostram expediendi, id negotium in Metropoli Moschorum, in præsentia & coram Czarcæ Majestate perfecte component, & uti oportet, pacifcentur.

XI.

Omnes verò alii captivi, ab initio præsentis belli abducti, tam Ecclesiastici quam seculares Equestris ac militaris conditionis, seniores ac juniores, lixæ militares, omnis conditionis sexus & Religionis homines; similiter Cosaci Ukrainenses, Tartari S. Reg. Majestatis subditi, Nobiles privati, & omnes alii aulici, etiam in adolescen-

tia

tiâ constituti, tam in Regno Poloniæ, quam in Magno Ducatu Lithuanicæ in Bonis vel domibus seu in conflictu, in Arcibus, civitatibus, & ubicunque captivati: (quamvis nunc carceribus hæreant inclusi, aut in obsequio Czareæ Majestatis ac D. D. Nobilium hæreant: quamvis in terris Czareæ Majestatis cum Ruthenicis personis matrimonia contraxerint, vel Religionem Græcam receperint; aut in aulis Ducum ac Principum sub Jurisdictione Czareæ Majestatis degentium, aut apud Cives in Civitatibus operas suas locaverint: Similiter Judæi, qui fidem suam Religioni Ruthenicæ non addixerunt) omnes cum uxoribus ac liberis, cum rebus eorum mobilibus nemine celato, neque ad manendum coacti, bona fide in terras S. Reg. Majestatis liberari & dimitti à Czareæ Majestate jubebuntur. Qui verò ultrò in sorte Czareæ Majestatis manere vellent, liberum eis erit. Quæ autem Polonicæ & Lithuanicæ Nationis femina & Judæa copulata est matrimonio Viro Rutheno, omnes penes suos Maritos manere debent in terris Czareæ Majestatis. Similiter omnes captivos, ex partibus Czareæ Majestatis, omnis conditionis & sexus homines, qui in Regnum Poloniæ & Magnū Ducatum Lithuanicæ ex vario conflictu sunt abducti, & in Arcibus Regni Poloniæ & Magni Ducatus Lithuanicæ hærent, item eos, qui tempore belli Turcici transibant in Poloniam, & nunc in Regno Poloniæ,

in obsequio S. Reg. Majestatis; vel in domibus aut Bonis Senatorum, Nobilium, & in Civitatibus apud Cives laboribus exercentur: hos omnes S. Reg. Majestas in terras Czarea Majestatis in Moschoviam neminem celando, aut ad remanendum adigendo, bona fide liberos abire, & dimitti præcipiet. Qui verò sub jurisdictione S. Reg. Majestatis ultro manere cuperent, liberum eis debet esse. Hæc eliberatio & manumissio utrinque præstari debet vicinioribus captivis, non expectando remotiores ex civitatibus Regni Polonie, & Magni Ducatus Lithuanie scilicet ex vicinioribus civitatibus expedientur ad conterminas Arces Czarea Majestatis intra duas Septimanas: ex remotioribus intra Mensem vel duos; Longius & remotius adhuc abductos intra medium annum à conclusione præsentium Tractatum. Similiter ex Ducatu Moschoviae; ex Arcibus Smolensco, Vitepsco, Polocia, Duneburgo, & aliis proximioribus, etiam Ukrainensibus intra duas septimanas: ex Metropoli Moschoviae intra mensem; ex ultra Moschoviticiis propioribus Arcibus, intra duos menses, & remotioribus Arcibus intra quatuor menses: ex Astracania intra medium annum, à conclusione horum tractatum computando. Ex Sibiria verò, & remotissimis Sibiriae Arcibus colligi ad dimittendum debent intra annum vel quamprimum fieri poterit. Per fines autem præmissa ad conterminos Palati-

nos & Præfectos denunciatione, omnibus sine detentione liber præstari transitus debet. Eodem modo si captivi Moschorviticæ Nationis in Regno Polonia, vel M. Ducatu Lithuanie fidem Catholicam recepissent, & matrimonia contraxissent; nihilominus vellent in Moschorviam redire; tunc illis liber sicut ad Patriam terram reditus absque ulla difficultate cum uxoribus & liberis, & cum omnibus mobilibus concedetur.

XII.

ET in his Induciarum annis, juxta inclinationem Magnorum Dominorum Nostrorum eorumque fraternam charitatem, ac utriusque Nationis perpetuæ pacis desiderium convenimus, & conclusimus: ut utringue ad mutuos Congressus mittantur Magni & cum plena potestate Legati & Commissarii cum Instructionibus plenam potestatem continentibus, numerando à Mense Junio præsentis anni in futuro, Deo dante à Nativitate Christi 1669. Mense Junio: juxta verò vetus Calendarium Anno 7177. Quod si in hoc primo Conventu & Commissione perpetua pax propter occurrentes difficultates concludi non posset: tunc altera Commissio & Conventus institui debebit intra quinquennium: scilicet Anno à Nativitate Christi 1674. in Mense Junio, & juxta vetus Calendarium Anno 7182. Si verò neque in hac secunda Commissione perpetua pax concludi posset:

Aaa

tunc

tunc non desperando de perpetuâ pace, ambo Magni Domini per suos Legatos, Principes Christianos invitare pro Mediatoribus debent, qui tunc utrique Magno Domino videbuntur necessarii: idque vel ex mutuo consensu; vel si alicui ex illis ex sua parte ab iisdem Christianis Principibus viderentur Magni Legati ad discernendam, & sopiendam perpetuò controversiam, pro tertia Commisione, scilicet in anno 1678. juxta novum Calendarium in Mense Junio, juxta verò Vetus in Anno 7186. impetrandi. Quod si (quod Deus avertat) & tertia Commissio cum Mediatoribus in Conclusionem perpetua pacis suum non consequeretur effectum; & ex occurrentibus difficultatibus videretur Dominis Mediatoribus differendus Tractatus: tunc utrique Magni & cum plena potestate Legati, Mediatores cum omni honore expedient: ipsi verò cum bona spe different Commissionem ad Annum 1680. juxta novum Calendarium, & juxta vetus ad annum 7188. Mensem Junium, & in his ultimis duobus annis Magnis Principibus & Dominis Nostri liberum erit studium & conatus circa renovandam per Legatos, aut etiam prorogandam ad ulteriores annos temporaneam pacem. Bellum verò & effusio Sanguinis, & devastatio terrarum utriusque Monarchæ, adhibita omni tacitâ industriâ, permitti non debet: imò pax omni Christiano conatu & diligentia teneri; bellum verò adhibitis inter-

nun-

nunciis, ad nullas Limitaneorum querelas, quas componi oportet, nullatenus excitari.

XIII.

Conventum etiam est; quia per prolongatum præsentis belli tempus, limitaneorum Arcium Incole, antiquos transgressi limites, in Attinentiis earundem Sylvas exciderunt, earumque terminos deleverunt: ut huic incommodo provideatur, utrinque in præsentis anno Confirmatarum ab utroque Monarcha Induciarum, bini & bini Limitum Indices & Commissarii, nimirum Smolensco & Vitepsco aliisque Arcibus & Terris, cum literis plenæ potestatis mittentur: atque in Mense Septembri, post mutuam de loco Conventus denunciationem congregati, viros provecæ ætatis, Limitumque peritos, ex quibus Civitatum, pagorum, terrarum, Sylvarum antiquos terminos destructos intelligat, advocabunt. Quosque illi assignaverint lesos terminos, iidem Commissarii jubeunt emendari & novos erigi, imperabuntque severe loci illius incolis, ne ullâ ex parte limites & termini amplius violentur.

XIV.

Quicumque autem ex parte discoli & inobedientes inventi fuerint, ij ad proximos Limitum Palatinos, vel vices eorum gerentes, deferantur, quibus post factam inquisitionem absque ullâ dilatione pœna instigi debet. Idipsum alterâ ex parte nimirum Kioviam inter &

Czernihoviam, & Pereaslaviam, in alterâ ripa Danubii, facient: delegabunt Commissarios: factisque hâc de re incolis certioribus; limites & terminos constituent, quoad usque vi Paſtorum Magnus Dux his terris imperabit; cum hâc tamen Cautelâ, ne supra unum milliare Kiovia de terra quidquam usurpent.

XV.

ID quoque constitutum est, ut secuta Paſtorum confirmatione, in spem & majus robur pacis (quod etiam in ordine ad perpetuam pacem inviolabiliter observari debet) per publicos, vel privatos Delegatos, Principibus externis, cum quibus æterna, vel ad tempus sancita sunt fœdera, hujus Pacis Confirmatio denunciatur, ad publicam notitiam; ut in posterum inter Mercatores cum extraneis Regionibus Mercatura incrementum accipiat.

XVI.

Licebit quoque Mercatoribus, tam Magnæ Rûssiæ, quàm Regni Poloniæ & Magni Ducatus Lithuanie, in limitaneis Arcibus, Civitatibus, Locis, in quibus & ante præsens bellum licebat, merces suas exponere cum literis passus: iis mercibus exceptis, quæ in utraque Regione prohibita sunt; persoluto tamen, juxta utriusque gentis statuta, vectigali. Molestiæ verò, exactiones & damna nulli Mercatorum inferri debent, neque his impedimentis alienari. Eadem libertas Mercatoribus Smolensco per
Dunam

Dunam fluvium cum non prohibitis mercibus Rigam navigantibus concedi debet. Vectigal tamen consuetum in loco consueto ab hujusmodi mercibus ad thesaurum S. Reg. Majestatis & Reipublicæ pendetur, tantum ad tempus ultimæ, quæ cum Mediatoribus celebrabitur, Commissionis, scilicet ad annum 1678. Mensem Junium.

XVII.

DEbita, quæ adhuc ante bellum certis obligationibus & cautionibus, etiam per contractus mercatorios, promiscuè inter homines cujuscunque conditionis, tam Regni Poloniæ & Magni Ducatus Lithuanie, quàm Moschoviticiæ Nationis, etiam inter eos, qui sub belli tempus in partes Magni Ducis transiverunt, contracta sunt utriusque, exhiberi & iustis argumentis probari debent: atque cuilibet injuriam passo secundum cautiones, chirographa, contractus mercatorios ex utraque parte sine ulla dilatione, iuxta leges, & rei exigentiam, justitia administrabitur, & fiet satisfactio.

XVIII.

ET id decrevimus, ut tam S. Reg. Majestas, quam Dux Moschoviæ, Hanum Crimensem de hac confirmata Pace per literas certificent: ut vicinitatis motivo Hanus Crimensis cum suis populis, tam Sac. Reg. Majestati quàm Magno Duci mutuam conservet amicitiam, & confidentialem correspondentiam, & à bello penitus abstineat, quandoquidem tam S. Reg. Majestas quam Magnus Dux

jam secum in fraternam convenerint unionem. Quod si Hani Crimensis, id & communem in vicinitate amicitiam spreverit, neque à bello efficaciter destiterit, utrique genti communis erit hostis. Quare in Ukraina, Kiovia, in Zaporovia, aliisque in Ukraina munitio- nibus, ex utraque ripa Boristhenis, exercitus tam Regni Poloniae & Magni Ducatus Lithuaniae, quam Magni Du- cis cum incolis Ukraina, contra Tartarorum & Hani potentiam in excubiis parati esse debebunt, eumque tan- quam communem hostem unitis viribus repellent. Eadem quoque communes & mutuae excubiae in Zaporovia, & in Dono contra Turcas vigilabunt. Quod si Hani Crimensis, de Nostra instructus amicitia, eidem tertius uniri voluerit: tunc de mediis pacificationis in occur- rentibus differentiis, tam S. Reg. Majestas quam Magnus Dux inter se mutuo conferent; & communem amicitia- am seriâ diligentia promovebunt: ut Imperator Tur- carum, confirmata communi amicitia Hano Crimenfi im- ponat mandatum, quatenus ab omni belli occasione absti- neat. Quod si data à Tartaris occasione, res inter Ha- num Tartarosque, atque inter S. Reg. & Czarcam Ma- jestatem ad bellum spectaret; atque Porta Ottomanica in defensionem Tartarorum contra Sac. Reg. & Czarc- am Majestatem vim pararet, vel contra illorum alteru- trum, tunc communibus viribus ac exercitibus utrinq

tam

tam S. Regia, quàm Czarea Majestas in omni occasione
vim Bissurmanicam repellent.

XIX.

AD meliorem autem horum Pactorum notitiam tam
à S. Reg. quam à Czarea Majestate expedientur ad
Imperatorem Turcarum Legati, qui ei tanquam Limi-
taneo vicino conclusam pacem denuncient. Id quoque,
utrinque cautum & constitutum est, ut Magni & Mino-
res Legati, atque privati Internuncii, utrinque acce-
ptentur & recipiantur cum debito honore juxta cujusque
dignitatem: quibus tam ingressus, quam reditus, liber
sine ulla impeditioe & detentione permitti debebit. Por-
ro Majorum Legatorum adventus constabit centum vi-
rorum & 150. equorum comitatu: Minorum Legato-
rum adventus habebit in comitatu viros 30. equos 50.
Internuncios comitabuntur 10. homines, equi 14. Pro
hoc universo comitatu, currus, & victui necessaria sub-
ministrabuntur. Cum verò Legatos & Internuncium
ad S. Regiam, & Czaream Majestatem ire contingeret, &
post præmissam denunciationem, juxta morem Legatio-
num, expedientur obviam, qui eos cum commeatu &
omni satisfactione excipiant: Legatus Paraſtata, seu
Deductori, vulgò Przyſtanowi tradet, tam virorum,
quam Equorum Regestrum, & quidquid supra præscri-
ptum, tam in hominibus, quam in Equis numerum abun-
dabit,

dabit, horum omnium sicut nomina, ita & computus colligetur; à finibus suis impensis proficiſcentur, & transibunt. Paraſtatis autem, ſeu Deductoribus, vulgò Przyſlawow quotquot illi fuerint, juxta morem Legatorum, ſua præſtabitur obſervatio: neque fas erit in minimo eos, tam in adventu, quàm in reditu, ad ipſos uſque limites ledere.

XX.

Licitum verò erit Mercatoribus Legatos comitantibus merces ſuas invehere tam in Regnum Poloniae & Magn. Ducatum Lithuaniae, quàm in Moſchoviã, in Civitates earum Varſaviam & Moſcuam. Merces verò eas invehent, quæ ſtatutis Regionum non prohibentur: easque palam, non clandestinè diſtrahent & permutabunt. Qui Mercatores tamdiu morabuntur, quamdiu Legati illorum ſuo munere fungentur; quo expedito, illi quoque nullà interpoſitã morã unã cum Legatis excedent. Nullus autem ex iis, qui ſunt in Legatorum comitatu, cujuſcunque Nationis hominem ſolicitare & clandestinè ſecum evahere audebit. In quo ſi aliquis deliquiſſe fuerit deprehenſus, ex eo efficax ſatisfactio, tam pro hac, quàm pro quacunque aliã culpã, præſtari debet.

XXI.

Decretum etiam eſt, & cautum utrinque, ut in limitaneis Arcibus Palatini & Adminiſtratores, rem

Et commoda utriusque vicinitatis sollicitè procurent, in latrones pacisque publicæ turbatores seriò animadver- tant, eosque inquirant; Et secundùm utriusque nationis statuta ac criminis exigentiam puniant: ne eorum culpâ pax publicæ lædatur. Si verò aliqua damna fuerint il- lata, in rebus præsertim mobilibus, Et divisione distra- bentur: ad restitutionem secundùm posse tenebuntur: sociique criminis arguentur: Et ut in posterum similia non attentent, admonebuntur.

XXII.

Quod si parte ex utraque suscitabuntur aliquæ diffe- rentiæ Et dissidia, pars læsa in Palatinis, in finibus aut eorum substitutis denunciabit, ubi Et in qua terra id continget. Cùmque conventum fuerit, ii ad quos perti- net, sine ullâ dilatione de excessu judicabunt, Et fraternè decernent: atque ita horum occasione, conclusa Pacta, nullo modo violabuntur.

XXIII.

Si verò Magni Ducis subditi, petulanti collecta manu, S. Reg. Majestatis terris Et subditis damna intulerint, Czareæ Majestati incumbet, armata eos quærere manu ac captivare; Et parem crimini pœnam, sine ullo respe- ctu, infligere, atque pro damnis illatis restitutionem juxta vires imperare. Similiter si S. Reg. Majestatis subditi

Bbb

seditio-

seditiosè congregati, Czarea Majestatis terras ac subditos in aliquo violaverint; culpæ illorum par pœna respondere debebit, damnis juxta debitum satisfieri: ac omnis exhiberi quàm primùm satisfactio. In ultionem verò damnorum, armare exercitus, bellum auspicari, aut quacunque ex causa præsentem turbare & evertere pacem non licebit.

XXIV.

QUod si casus aliqui contigerint, qui à confinium Palatinis componi non poterunt, eos tam Sac. Regia quàm Czarea Majestas Legatorum congressui reservabit. Quos autem utraque ex parte Supremi ambo Principes ad hanc Legationem deputabunt, hi in limitibus collatis consiliis, remotis omnibus controversiis ac prolongationibus, Justitiam decernent: Neque ideò Pactis contravenire licebit.

XXV.

PER idem tempus Induciarum, tam S. Regiæ, quàm Czarea Majestatis, Dominia, terræ, Arces, subditi, eo nexu pacis inter se mutuò connectentur, ut nullus Magnatum neque cives contra civem, tam publicè quam privatim & occultè inimicitiam præseferre audeat: nemoque tam per se quam per alios, quicquam mali alteri inferet aut procurabit.

XXVI.

XXVI.

Singulariter verò, Serenissimus Poloniarum Rex, ejusque in Regno & Magno Ducatu Lithuania Successores publicos & occultos Czarea Majestatis & ejus Dominiorum hostes non recipient: neque illis tam pecuniis, quam copiis ullum præbunt auxilium: nec ullam tam ad inimicitias, quam ad bellum tum per se ipsi, tum per subordinatas personas, occasionem offerent; neque illam præcipient. Similiter Czarea Majestas, ejusque in Magno Ducatu Successores, Magni Duces Moschovia, invigilabunt: ut nec per sese neque per alias instructas personas, publicos vel privatos Regni Poloniae & Magni Ducatus Lithuaniae hostes sub suo foveant patrocinio, aut eis consilium, ferrum, thesaurum per hos omnes initorum Pactorum annos ministrent, aut ministrare præcipiant, vel aliquod malum inferre. Imò utrinque tanquam Frater Fratri, omnia bona & quidquid fraternam unionem decet præstabit, ne novæ gliscant inimicitiae & causa bello præbeatur.

XXVII.

Id etiam stabilitum est; ut tam à S. Reg. quam à Czarea Majestate Magni & cum plena potestate Legati, ad utrumque Monarcham pro Induciarum conclusione cum confirmationis literis expediantur. Qui quidem Legati à presenti tempore confirmationis nostræ intra sex menses

convenire debent, facta prius utrique Monarchæ per Internuncium denunciatione de Loco Conventus. Ac imprimis hi Magni utrinque Legati, missi cum Confirmatione, ubi ad limitaneas Arces pervenerint, de adventu suo certos se invicem reddent: deinde ubi convenerint, tanquam Frater Fratri exhibebunt suorum Monarcharum Confirmationis literas: quæ concordare debebunt presenti Tractatui, verbumque verbo correspondere: munitæ suorum Principum sigillis. Illis verò perlectis tradent sibi utrinque mutuo quaternas copias, ex quibus constet prædictas Confirmationis literas per omnia presenti Tractatui esse conformes: cum illisque Magni utrinque Legati ad designatos Monarchas proficiscentur. Quas tam S. Reg. quam Czarea Majestas personaliter coram Sancto Evangelio juramento confirmabit. Rotam vero Juramenti literis confirmationis adscriptam, tam in Regno Poloniæ quam in Magno Ducatu Lithuanie utriusque gentis Cancellarii subscribent, nominibus propriis: uti & in Metropoli Moschovie Magnus Legationis Cancellarius ad perpetuam memoriam & stabilitatem.

XXVIII.

IN hoc etiam inter nos conventum est: ut post Nostrium ad utrumque Monarcham Nostrium cum presenti pacis conclusione, reditum, iidem Magni Legati, qui cum

con-

confirmationis literis utrinque ad supremos Monarchas Nostros deputabuntur, habeant plenam potestatem ad tractandum de conservandâ utraque Ukraina & Zaporovia, & constituendarum rationum media mutui subsidii, tam contra Hanum Tartarorum, ejusque populos, quam contra Imperatorem Turcarum, si fortè Ukrainenses Cosacos communibus exercitibus suis ad suam obedientiam & subjectionem cogere deberent: sicuti & de aliis agendis, quæ ad omnimodam securitatem, fortunam utriusque Gentis & ad augmentum fraternæ inter S. Regiam & Czaream Majestatem charitatis, pertinerent.

XXIX.

Punctum verò, quod S. Reg. Majestatis Magni Legati Magnis Czareæ Majestatis Legatis denumeranda aliqua convenienti Summa contentandæ Nobilitati, ex his Palatinatibus Districtibus, & ex parte Ukrainæ, quam in sortem Czareæ Majestatis concessimus, exulanti proposuimus: nimirum, ut dignaretur Czarea Majestas ex fraterna erga S. Reg. Majestatem charitate, ad allicien- dos in constantem amicitiam utriusque Nationis populos ejus quantitatem determinare; in hunc modum à Magnis Legatis Czareæ Majestatis nomine resolutum est: De hac satisfactione exulibus Nobilibus tam Regni Poloniæ, quam M. Duc. Lithuanicæ præstanda in prima Legatione,

quæ cum literis confirmationis ad S. Reg. Majestatem instituetur, futuram conferentiam & mutuum consilium. Atq; ita hoc negotium Czarea Majestas in adventum differt Legatorum.

XXX.

Quod si, juvantibus superis, alterutri horum duorum Monarcharum placuerit, causâ firmiter conservandi aut stabiliendi hujus Induciarum Tractatûs, alterum Monarcham per suos Legatos reddere certiores, & de suâ amicabili propensione significare: id invicem postea alter Monarcha eidem præstare debet: atque hunc Induciarum Tractatum ambo Monarchæ suis literis confirmare erunt obligati, ut ita omnia ad magis firmandam pacem ordinentur.

XXXI.

Ad extremum si aliquo insperato infortunio hunc Induciarum Tractatum, ratum & scripto confirmatum in aliqua horum populorum Cancellaria contingat interire, aut ante traditionem ad Cancellariam amitti: tunc eadem firmitas hujus Tractatus in uno Dominio conservati, ad utrumque Monarcham, eorumque populos pertinebit: & equaliter utrumque ad conservandam præsentem pacem obligabit.

Ut

Ut autem majori & solidæ securitati consulatur ; hæc omnia , quæcunque à nobis S. Regiæ & Czareæ Majestatis Magnis & cum plena potestate Legatis & Commissariis facta, conventa, constituta & definita sunt ; à Serenissimo & Magno Domino Nostro JOANNE CASIMIRO , Dei gratiâ Rege Poloniæ & Sueciæ, Magno Duce Lithuaniæ, Russiæ, Prussiæ, Masoviæ & ab omnibus S. Reg. Majestati subjectis terris & à tota Republica, tam Regno Poloniæ, quàm Magno Ducatu Lithuaniæ pariter à Magno Domino Czaro & Magno Duce ALEXIO MICHAYLOWICZ , totius Magnæ & Parvæ Albæ Russiæ Autocratore & multorum Dominiorum ac Terrarum, Orientalium, Occidentalium, & Severiensium Hærede, Successore Domino & Dominatore in omnibus punctis observabuntur : & nunc conclusa, rata & fixa erunt. Quem Tractatum & Cautionem nos S. Reg. Majestatis Magni & cum plenâ potestate Legati & Commissarii manu Nostra subscripsimus & Sigillis munivimus. Demùm communi Nostro juramento utrinque stabilivimus, atque his Inductarum munimentis ac Cautionibus, cum Czareæ Majestatis Magnis ac cum plena potestate Legatis egimus. Scripta est hæc Confirmatio in loco Conventûs Derewnæ Andrusoviæ Anno à Nativitate Christi Domini 1667. Mense Januario, Die trigesima à Condito Mundo 7175.

PUN-

PUNCTA

Approbatæ Pacificationis Andrusoviens.
inter Regnum Poloniæ, & Imperium Moschovi-
ticum, ex Polonico in Latinum translata
in Actu Radzini die 17. Martii
Anno 1670.

Post Titulos.

Significamus, quod cum vigore Pacificationis pro debito suo uterque Magnus Noster Princeps satisfacturi Pactis Andrusoviensibus, fide reciproca corroboratis, ac declaraturi immutabilem suam firmandæ perpetuæ Pacis propensionem ad locum hujus Congressus Nos suos Magnos cum plenaria facultate Legatos & Commissarios cum literis suis plenipotentiarum misissent.

Nihilominus quamvis ex mandato utriusque Nostri Magni Principis multis congressibus Andrusoviæ institutis studia Nostra impendissemus, quomodo inter utrumque Magnum Principem, eorundem Dominia & Nationes, perpetuus amor & amicitia renovaretur, atque Sancta Pax temporibus perpetuis duratura probe fundata constitueretur.

Attamen mutuæ Nostræ perpetuæ Pacis stabiliendæ curæ consummationem nostram in præsentî Commiſſione,
propter

propter incidentes magnas difficultates, obtinere nequie-
rint. Ut vero toti orbi ostenderemus, quod magna in
cordibus utriusque Nostri Magni Principis de pacifican-
da Christianitate & renovanda fraterna charitate pro-
nitas radicata sit, quidquid ad roborationem firmitatis
& juratorum Pactorum & ad induendam executionem
illorum pertinuit, in præsentia constituimus.

Et primo, Pacta Andruszoviensia Anno 1667. inita,
primitusque ab utrinque Magnorum Plenipotentiariorum
Legatorum ac Commissariorum, & postmodum ipsi-
usmet utriusque Magni Nostri Principis reciproci jura-
mentis firmata, tum quoque Ordinationes Legatorum
post jurata Pacta Andrusoviensia in urbe Moscua
transactæ, & jurejurando Legatorum ab utrinque
roboratæ in omnibus punctis, clausulis & paragraphis,
trout in se sonant, sine ulla mutilatione, aut sinistra
interpretatione, firmiter & inconcusse per omne tem-
pus Annorum Induciis præfinitorum, vigore confecti de-
super instrumenti conservari debent.

Et quandoquidem conjunctio virium mutuarum,
utriusque Nostri Magni Principis principaliter in Tra-
ctatu Andruszoviensi, & post etiam transactione Legato-
rum in urbe Moscua sufficienter descripta est, atque mutuo
jurejurando Legatorum & literis Principum ratihabita
est: proinde ne quicquam ab hoc Sancto & Christiano ope-

Ccc

re

re recedendum & nihil immutandum, uterque Noster Magnus Princeps vigore transactionis Legatorum eandem se observaturos ab hoc tempore spondent.

Quæ conjunctio consensu placita, & in transactione Legatorum descripta, ne aliquam dubitationem habeat; proinde illam uterque Noster Magnus Princeps assistentibus Magnis Legatis, qui ab utrinque vigore Pacificationis Andrusoviensis, cum fraternis congratulationibus de felici regimine Gentium suarum, cumque confirmationibus Sanctæ hujus Pacis & Pactorum juratorum, intra sex Menses, à tempore præsentis computandos missi fuerint, juramentis suis Regis ratihabebunt, & roborabunt. De iis verò Magnis Legatis mittendis ab utrinque servata consuetudine per Internuncios mutuos requisitio fiet.

Isti verò Nostri utriusque Principis Magni Legati, cum ad locum convenientem limitaneum pervenerint, prævia salutis nuntiatione convenient, invicem monstrabuntque mutuo Principum confirmatorias literas, ut sint in omnibus de verbo ad verbum vigore anteriorum & præsentium transactionum conformes Sigillis Principum munitæ. Lectis his literis, conformibusq; adinventis Frater Fratri Copias illarum communicabit: atq; tum demum ad Principes Magnos ambo Legati iter suum dirigent.

Quibuscunque verò Punctis Andrusoviensis & Commissorialis transactionis jurejurando firmatis hucusque
intra

Juramentum Principum.

Nos Serenissimus, & Magnus Rex MICHAEL,
Dei gratia, Rex Poloniæ, Magnus Dux Lithuanie,
Ccc 2 Russie

Russie & aliorum. Juramus Deo in Trinitate uni in hoc, quod omnia, quaecunque fraternæ conjunctionis cum Fratre Nostro DEI gratia Magno Principe Czaro & Magno Duce ALEXIO MICHAYLOWICZ, totius Magnæ, Parvæ & Albæ Russiæ, unico Domino, Latisimorumq; Principatuû & Terrarum Orientaliû, Occidentaliû, Severiæq; Successore, Herede, Principe & Domino, cum Czarea Majestate, in Commisforialibus ad urbem Moscuam transactionibus Anno 1667. initis per Magnos Legatos ab utrinque delegatos & missos ordinata conscripta & juramenti firmata sunt; Ea omnia vigore Andrusoviensis & Anno præsentis 1670. conclusæ, & juratæ pacificationis per Nos Magnû Regem & Successores Nostros & Rempublicâ in omnibus punctis adimplentur & realiter observabuntur. In quo quam fideliter juramus, ita Nos DEUS adjuvet, & Sancta ejus Passio.

Ex præscripto hujus rotæ juramenti uterque Princeps jurabit.

INDU.

INDUCIARUM AD TREDECIM ANNOS PROLONGATARUM

Die 17. Augusti Anno 1678. CONTENTA.

Serenissimi Regis ac Reipublicæ Polonæ nomine Legati fuerunt: Michael in Klevan, Dux Czartoryski, Palatinus Volhynensis Czartovecensis &c. Capitaneus. Casimirus Joannes Sapieha, Comes in Byschoro Dabrowni, Palatinus Polocensis, Borysinensis Volpiensis &c. Capitaneus. Hieronymus Komar, Judex Terrestris Orszanensis, Secretarius Legationis.

Magni Ducis Moscoviæ nomine fuerunt Dux Nibita Iwanowicz Odciewski, Senator & Gubernator Novogrodensis, Jacobus Nihititz Odciewski, Senator & Gubernator Astrachensis, Basilius Siemionowicz Volynski, Gubernator Czebolstarensis.

Legati hi vigore articuli duodecimi Tractatum Andrusoviensium de prolongatione Armistitii egerunt.

Trinæ conferentiæ Andrusoviens. & per binas Legationes Moscoviæ Conclusa observari debent.

Ad tempus prioris Armistitii, (quod Mense Junio Anno 1680. & ab Orbe conditio 7188. expirat) adhuc tredecim Anni proximè sequentes computandi sunt, scilicet usque ad Mensem Junium Anno 1693. & ab Orbe

condito 7201. Intra hocce tempus uterque Princeps de Pace perpetuâ obtinendâ studebit.

Magnus Dux Moscoviæ spe fretus pacis perpetuæ subsecuturæ Regi ac Reipublicæ Poloniæ ex locis possessis sequentes Capitaneatus cedit, nimirum Newelensem, Siebiesensem & Vieliscensem cum Terris ad eosdem pertinentibus excepto Krasno-Grod & Uiazdnii. Adhuc dictus Magnus Moscoviæ Dux pro hoc Armistitio certam pecuniæ summam efficientem Millionem florenorum Polonicorum bonæ monetæ Reipublicæ exoluturum sese obligat.

Newel & Vielisz post decursum sex septimanarum à Nativitate Christi die trigesima Septembris An. 1678. & ab Orbe condito 7188. die 20. Septembr. ab Officialibus Magni Ducis Regiis ad hoc Deputatis Commissariis cum omnibus antè exortum bellum tormentis & quovis apparatu bellicò restitui debent. De summâ verò 200000. Rubelorum Magnus Dux statim post conclusos modernos Tractatus Legatis Polonicis 100000. exsolvet. Capitaneatum Siebiesensem & reliquam summam 100000. Rubelorum tunc reddet Magnus Dux, quando hic Tractatus à Rege Poloniæ erit juramento confirmatus.

Incole & Nobiles circa evacuationem istorum Capitaneatum in possessionibus suis citra ullam molestiam ab hominibus Magni Ducis relinquentur. Similiter subditi isti non debent cogi, ut se ad fines Czari transportent,

vel

vel ullum onus patiantur aut contributiones exolvant.

Commissio per Mediatores ad minimum intra duos annos ad finem currentis armistitii peragi debet.

Catholici sub Magno Duce, & Græci sub Rege Polonia nullam patiuntor coactionem.

Si nonnulli adhuc captivi reperiantur, ab utraque parte juxta Tractatus Andrusovienses dimitti debent.

Et quoniam hoc Anno Terminus liberi Commericii utriusque partis mercatoribus expirat, ideò conventum est, ut omnibus mercatoribus (exceptis Judæis) juxta priores & modernos Tractatus per omnes Armistitii annos licitum esset omnis Generis commercia non prohibita (dummodò literæ liberi passus adsint) tam à parte Regis ad Urbes ejusdem, Cracoviam, Varsaviam, & Vilnam, quam Magni Ducis ad Urbem Moscoviam tractare. Vectigal tamen secundum consuetudinem utriusque Regni exolvere tenebuntur.

Et quoniam Judices Limitum juxta punctum decimum tertium Pactorum Andrusoviensium nondum Commissionem suam expediverunt, nec in Civitatibus finitimis jus administrarunt, ideòque Anno C. 1679. & O. cond. 7187. ab utroque Monarcha Judices debitis instructi plenipotentis convenient, limites discernent, simulque ratione debitorum & homicidiorum inquirent, omnesque difficultates dijudicabunt.

Et

Et quoniam ad exhibitam à Legatis Polonicis ratificationem priorum Tractatum Andrussoviensium ac Moscoviae Conclusorum Sigillum Lithuanicum appensum non fuit, idcirco Legati Polonici curam apprimendæ ipsius pollicentur, quando Legati Moscovitici cum ratificatione moderni Tractatus advenient. Quod autem in plenipotentiâ Legatorum Polonicorum à Senatu impertitâ tantummodo subscriptiones Senatorum, non autem ipsorum Sigilla, extiterunt, non debet pro hac vice præjudicare. In posterum verò antiqua consuetudo cum appressione Sigillorum observari debet.

Priores tres Tractatus Andrussovienses, uti etiam Conclusa Moscoviæ, uti non minùs modernus Tractatus ratione Armistitii à Magno Duce, uti etiam à Rege Poloniæ roborari juramento debent.

Tàm Polonici quàm Moscovitici Legati huncce Tractatum manibus suis subscripserunt, & juramentis confirmarunt.

Rota Juramenti à Magno Duce Moscoviæ & deinde etiam à Rege Poloniæ præstiti.

DEI Gratia, &c. &c. &c. Profitemur & pollicemur DEo Omnipotenti ad hoc sanctum Evangelium eiusque Præceptum, quod auxilio & intercessione spei
Nostre

*Nostræ Christianæ sanctissimæ Matris DEI immacu-
late Virginis Mariæ cum fratre Nostro Serenissimo Prin-
cipe ac Domino JOHANNE Tertio, &c. ejusdemq;
Majestatis & Reipublicæ tam spiritualibus quàm seculari-
bus Statibus Regni Poloniae Magnique Ducatus Lithua-
niæ in Conventu utriusque Monarchæ Legatorum conclu-
sa terna Andrusoviensia Pacta, & bini Moscoviæ initi
Tractatus & hoc Anno cum Czareæ Majestatis Nostræ
Senatoribus per Majestatis Suae Regiæ Legatos Moscoviæ
pactæ Induciæ à Nobis Magnò Duce adimplebuntur, &
sine ullâ sinistrâ Interpretatione servabuntur; uti Nos
Magnus Dominus & Czarus coram Sancto Evangelio
profitemur ac pollicemur.*

CAPUT. VIII.

DE JURE LEGATORUM.

I.

CUm nec Fædera pangi, nec indici bella, nec
pax iterum iniri, nec ulla Reipublicæ cum
Extraneis negotia expediri possint sine inter-
ventu Legatorum, de iisdem hîc agendum est.

II. Olim Reges habuisse jus integrum Le-
gatorum dubitandum non est. Postea per Consti-
tutio-

tutionem 1588. cautum est, ut hæc potestas cum notitiâ Senatorum præprimis ad Aulam præsentium exerceretur. Hodie idem jus Regi convenit, nisi de fæderibus, bello aut pace, aliisque rebus Rempublicam concernentibus tractandum veniat, nam de his prius in Comitiiis deliberatur. Sed ejusmodi functiones non nisi Nobilibus benè possessionatis utriusq; Nationis à Rege committuntur, quorum instructiones inter Senatus-Consilia inferere, & in Comitiiis prælegere, Cancellarii tenentur. Post reditum Legati reddunt rationem in scripto tempore Comitiorum, quæ Metricæ Regni inferenda, atque hæc omnia, ad requisitionem Ordinum Reipublicæ, Juramento firmare tenentur, quod scilicet ultra Instructionem ex Cancellariâ datam, nihil cum extraneis Principibus tractare sibi præsumpserint. Vid. *Pact. Convent. Sereniss. Joann. III.*

III. Jus *recipiendi* Legatos Regi etiam competit, quos, licet in rebus ad totam Rempublicam spectantibus missi sint, cum scitu residentium Senatorum inprimis Mareschalcorum & Cancellariorum, recipit & audit.

IV. Si Legatus coram totâ Republicâ comparet, tunc trinæ exhibentur credentiales, unæ Regi,

Regi, alteræ Senatorio, tertiæ Equestri Ordini. Nomine Regis Cancellarius. nomine Senatus primus ex illo Ordine, nomine Nuntiorum Terrestrium Mareschallus eorundem responderet.

V. Observandum hîc, quòd postquam Magnus Lithuaniz Ducatus *per Conslit. Anni 1673.* tertia alternatim impetravit Comititia Grodnæ celebranda, deinceps sumptus quoque ad Legatos Moschoviticos, Turcicos, Scythicos, & Cosa-cicos, tempore Comitiorum ejusmodi advenientes, Thesaurus Lithuaniz suppeditabit, uti hactenus in Regno Thesaurus Regni tempore Comitiorum Varsoviensium impensas procuravit. Vid. *Conslit. dicti Anni 1673.*

CAPUT. IX.

DE JURE VENATIONIS.

Jus venandi olim penes solos Reges erat testante Cromero *lib. VIII.* in Miecislao Seneca, adeò, ut nec in suo fundo quispiam eodem gavissus fuerit, idem *lib. 2. descript. Pol.* In transactione etiam cum Rege Casimiro & Ludovico Magistro Ordinis reservatur Venatio pro Regiâ Majesta-

te super totâ Nergiâ, quâvis jam antè Vladislaus
 sputator jus venandi in Sylvis & in bonis Ecclesia-
 rû concesserit Archi-Episcopo Gnesnenfi & Epi-
 scopo Posnaniensi *dict. Crom. lib. 8. in Boleslao Pudico.*
 Quod postea aliis etiam jus hoc indultum fuerit,
 patet ex Statuto An. 1423. lato, quod prohibet in
 fundo alieno venationes â Festo Adalberti ad
 deportationem omnium frugum, sub poenâ tri-
 um marcarum Id quod & hodie observatur, sed
 retia tendere non licitum est sine Domini fundi
 Permissione.

LIBRI III.

CAPUT I.

DE JUDICIIS.

I.

Quoniam hæcenus de personis & rebus
 expositum est, propter easdem verò sæ-
 pius actiones ad Judicia devolvuntur, (ne-
 mo enim sibi jus dicere potest, aut privatâ, quod
 sibi debetur, autoritate occupare *l. 13. ff. quod
 metus causa*) superest, ut de Judiciis dispiciamus.

II. In quovis Regimine sunt quatuor ele-
 menta,

menta, Ignis est Justitia, quæ omnia illustrat. Aër sunt Officiales, qui omnes afflictos reficere & solari debent. Aqua est commiseratio, quæ Justitiam temperat. Terra est remuneratio fidelium servitorum, quæ fructus suos fert justo tempore.

III. Ecclesiasticorum Summa est penes Episcopos, quorum Vices gerunt Officiales. Ab utrisque provocatio datur ad Archi-Episcopos, & ab ipso Leopoliensi ad Gnesnensem, quia hic est Legatus Natus Sedis Romanæ. Uti in aliis Regnis Catholicis, ita etiam in Polonia Nuntius Pontificius residet, & Judicia celebrat. Antequam verò incipiat Jurisdictionem exercere, solet in recognitionem Supremi Dominii præsentare Breve Pontificium Legationis suæ Regiæ Majestati, atque principalibus Regni Ministris, & alicui ex primis Senatoribus secularibus ad latus Regium residenti. Sic obtinetur facultas à Regia Majestate aperiendi Tribunalis Nuntiaturæ. In absentia Nuntii cum facultatibus delegatæ, Archi-Episcopus Gnesnensis exercet functionem Legati Nati, ideoquæ defunctus Archi-Episcopus Olszowski, post discessum, Bonsvivii ad Nuntiaturam Viennensem Internuntium admittere noluit: imò ipse Sere-

D d d 3 nissimus

nissimus Rex JOHANNES Tertius per literas ex Castris ad Leopolim die 14. Mens. Sept. Anno 1675. datas ad Illustrissimum Dominum LUBOMIRSCIUM tunc Curia Regni nunc Supremum Mareschallum opponebat authoritatem suam, quod exemplo Antecessoris sui in Deputationem Inter-Nuntii nullo modo consentire posset, cum esset contra dignitatem Regiam, & cum præjudicio Archi-Episcopi Legati Nati, aliorumque Episcoporum.

IV. Ad materiam de Judiciis Ecclesiasticis subjungo, quòd appellatio hominum Religionis Græco Ruthenicæ ad Patriarcham Constantinopolitanum, quia sub hoste Nominis Christiani habitat, sublata sit, sub pœna colli & confiscationis bonorum, salvâ appellatione, in causis dictæ Religionis aggravatis ad Judicia Relationum.

V. Seculare Judicium est vel cognitionis causæ, vel executionis rei judicatæ. Hoc aditulum Capitaneum spectat, ubi quis possessionem tenet; aut moratur, si impossessionatus sit. Judicia cognitionis causæ in Republicâ Nostrâ, sub sequentibus exhibeo capitibus.

CAP. II.

DE JUDICIIS COMITIALIBUS.

I.

Judices in iisdē sunt, Rex & Senatores, nisi quòd pro judicando crimine læsæ Majestatis & Perduellionis, nec non ad judicia remissarum à Tribunali etiam non nulli ex Nuntiis admittantur, uti suo loco diceretur.

II. Vigore Paſtorum Conventorum Divus Rex MICHAEL sententiam suam ad pluralitatem Votorum formabat. Modernus autem Serenissimus secundum Capitulationem HENRICI Regis ex sententiâ D.D. Senatorum & Officialium procedit, ac deliberationes tertiâ die expedit. Evitatur hoc modo prædicatum, quòd SIGISMUNDO Secundo dabatur, qui cum ardua semper differret negotia, REX CRASTINUS vocabatur. Decreta etiam in triduo extradi, nec ad Cameram Regiam portari debent, sub poenis in Legibus descriptis.

III. In Citationibus ad Comitiam post Curiam Regni

Regni necnon ad Tribunal, integer Titulus Regis præponitur.

IV. Judicia autem Comititalia hâc serie judicantur; Post propositionem Regiam & expedita D.D. Senatorum vota, per integram primam septimanam Actiones Criminales: Postea diebus Lunæ Actiones Thesauri, Quartæ & de Bonis nullo jure receptis: diebus Martis Actiones omnes Magni Ducatus Lithuanix. *Constitut. Anno 1589.* Diebus Mercurii, Veneris, Saturni, Criminales: Diebus verò Jovis Remissæ à quibuscunque Judiciis & in defectu aliarum causarum, quocunque die, Criminales, de quo latius in *Constitut. Anni 1641.* Vid. etiam *Constitut. Anni 1569.*

V. Judicia ista vel sunt Criminalia vel Civilia. CRIMINALIA vel sunt *publica* ad cujusvis delationem Instigatore accusante, ut sunt (a) **Crimen Læsæ Majestatis.** Decreverat quidem SIGISMUNDUS I. Cracoviæ An. 1510. ut etiam violatores Consiliariorum, Nuntiorum, sive Regionum, sive Terrestrium, item Judicum & Commissariorum, tanquàm criminis læsæ Majesta-

jestatis rei judicarentur; Idem verò Rex posthac Anno 1539. hoc crimen ad personam tantummodo Regiam restrinxit, quod committitur Machinatione, conspiratione, violento conatu, & quod, longè absit, factò ipso in vitam Regiam.

(b) **Crimen Perduellionis**, quando quis seditiones concitat, conspirationes facit, arcana Reipubl. vel arces ejusdem prodit, Pacta cum finitimis inita convellit, vel aliò quopiam modò contra Remp. delinquit. Quando verò causa criminis Læsæ Majestatis vel Perduellionis agitanda est, citatur reus per Instigatorem cum scitu Mareschalli supremi sex hebdomadis antè Comitiam, ita ut etiam Citatio, ingrossatâ sive inscriptâ priùs ad Acta Castrensia relatione de eâdem insinuatâ, in particularibus Comitiolis ejusdem Districtus per Ministerialem publicetur, videatur *Constit. Anni 1588.* ante quæ tempora de crimine Perduellionis, ut ut gravissimo, nullum in Statutis & Constitutionibus jus manifestè reperitur. In Judicio horum criminum Rex audit propositionem & Documenta Instigatoris ac defensas partis reæ, quæ non nisi cum viginti ad summum viris comparere potest. Circa expeditionem,

E e e

autem

autem vororum Senatus, & Nuntiorum terrestrium absens est, juxta *Constit. Anni 1638*. Modernus tamen Rex in Comitibus Grodnensibus etiam partium controversiis ac defensis non interfuit. Postquam ex pluralitate calculorum Decretum stetit, tunc in præsentia Regis per Mareschallum ex scripto debet publicari, atque per eundem ad executionem deduci, quæ alias Capitaneo demandatur, vid. *dict. Constit. Anni 1588, & Acta Elect. Reg. Mich.* Nec amplius tantum octo, uti vult *Constit. 1589*. sed duodecim ex Gentibus deputantur, juxta *Constit. 1670*. (c) **Peculatus**, ut furtum Thesauri Regis vel Reipublicæ, falsæ monetæ cussio, interversio proventuum Reipublicæ, &c. (d) **Violatio Comitiorum** vel etiam Comitiorum, his adduntur successio Poloni post Polonium vel Lithuani post Lithuanum in Capitaneatum Livoniæ aliaque simili modo Rempublicam afficientia. 2. *Privatorum*, ut homicidia, propinationes venenorum, injuridica punitio capitis sibi æqualis, injuriæ in Parentes commissæ, receptatio Bannitorum in Comitibus, Nobilitatis cognitio, licet hæc causa etiam ad Tribunal spectet; 2. **CIVILIA** sunt 1. Instigatoris, ut de bonis

bonis Mensæ Regiæ, ex citatione vel remissione Tribunalis sive Curia sive Commissorialis Judicii, de bonis nullo jure receptis, de amissione Capitaneatus ob non solutionem Quartæ, &c. 2. ex delatione partium sunt, de exactiōe Telonei per Nobilem jus nullum ad hoc habentem, de negligentia Magistratum, &c. 3. privatorum, quæ vel spiritualia vel secularia; Illa sunt ex remissione Tribunalis, ut de decimis ex bonis Nobilium, de profanatione Templorum, hæc, ut de facultatibus jurisdictionum, de honoribus & Officiis terrestribus, de compatilibus, &c. videatur pluribus Processus judiciarius abbreviatus, sub Sigism III. Anno 1611.

VI. Ordo in Judiciis Comitibus observatur sequens: Notarius Terrestris ejus loci, ubi Comitibus habentur, causas eò Ordine, quò à partibus deferuntur, inscribit, deinde Referendariis registrum tradit, qui eodem quoque Ordine judicandas proponunt, causas verò quartæ, fisci, bonorum nullo jure receptorum, remissarum à Judicio Regio post-Curiali, Notarius Decretorum Curia Regni inscribit traditque Referendariis. In Comitibus tamen Grodnensibus Notarius Decretorum non modò jam dictas, sed

alias etiam causas inscribebat. De Decretis Comitibus *Constit. Anni 1667.* cavet, ut statim post promulgationem per Referendarium Officium Terreſtre vel in certis cauſis antea memoratis, Notarius Decretorum omnia Decreta ad Protocol- lum referat, nihil addendo nihilque detra- hendo, & ut deinde eadem à Referendario ſub- ſcribantur.

VII. Tandem circa finem Comitiorum, etiamſi ruptorum, per Inſtigatorem Banniti pu- blicantur.

CAPUT. III. DE JUDICIIS RELATIONUM & ASSESSORIALIBUS.

I.

Judicium Regium poſt Curiam duplex eſt RE- LATIONUM & ASSESSORIALE. In illo Re- gia Majeſtas pro Tribunali ſedet cum Senato- ribus & Referendariis, quorum alter primò ſta- tum & poſtea decifum cauſæ refert.

II. Ventilantur in hoc Judicio illæ duntaxat cauſæ, quæ ſunt ultimæ inſtantiæ, quæve in Ju-
dicio

dicio Assessoriali agitata, & per remissam devoluta sunt, vel Appellatione, quod rarissime fit, admissibili adinventâ. Nam assessoriale Judicium tantæ est authoritatis, ut, si non admiserit appellationem à suo Decreto, per partem gravari se sentientem, licet interpositam, non sit integrum proseguire. Nec licet de proseguendâ protestari, neque jam gravaminis ulla querela eo nomine proponi potest. Alioquin, qui temerè citationes impetrare præsumpserit, sessione turris, vel aliâ poenâ affici debet, juxta Lipsicii observationem 92. *Centur. 1.*

III. In ASSESSORIALI autem præsidet Cancellarius Supremus, vel eo absente, Vice-Cancellarius, cum Referendariis, Regenti Cancellariæ, Notario Decretorum Curia, & Secretariis Regiis ad id delectis. Cognoscuntur hîc causæ, quæ per viam remissæ vel Appellationis devolvuntur, nisi ex officio Magistratus cujuscumque Civitatis citetur. Immensum etiam chaos actionum fisci spiritualium & aliarum publicarum causarum quotidie ventilari solitarum videmus, præter eas, quæ ex Appellatione accidunt. *Vid. supra dict. Processum Sigismund. III.* Si causa fisci sit, licet Thesaurario & Notario Thesauri

asfidere, quæ tamen causæ sæpius ad Judicia Relationum remittuntur, nisi Rex præviâ informatione sententiam ferre jubeat.

IV. Notandum, quòd etiam à Palatini Sententiâ, ad hoc Judicium datur Appellatio, si Christianus cum Judæo litigans gravatum se sentiat.

V. Non possunt autem hæc Judicia Assessorialia celebrari, nisi ubi Rex vel in loco, vel intra Palatinatum est.

VI. Dignissima est, ut hîc apponatur, laudabilis Ordinatio, quam Justinianus Noster à Tribonianis suis compositam legit & recognovit, eidemque plenissimum robur accommodavit:

JOANNES III. Dei gratiâ Rex Poloniæ, Magnus Dux Lithuanix, Rusiæ, Prusiæ, Masoviæ, Samogitiæ, Kyoviæ, Volhyniæ, Podoliæ, Podlachix, Livoniæ, Smolensciæ, Severiæ, Czerniecho-
vixque.

Significamus præsentibus Literis Nostreis, quorum interest, Universis & singulis. Quia Nos quotidianis supplicationibus & querelis Subditorum

torum Nostrorum diversi status, sexus, & Conditionis in Regno Nostro Provinciisque eidem annexis existentium, Injurias & præjudicia ex pravâ quâdam Juri scripto ac continuâ omnium subfelliorem Praxi contrariâ inordinatâque Consuetudine in Judiciis Nostris Regiis, circa Acclamationem & Judicationem Causarum & Actionum Forensium hucusque observatâ prætendentium; Cupientes de supremâ autoritate & ex vi Legum publicarum unicuique Litigantium suo Ordine & sine respectu seu delectu Personarum debitam quantocius administrari & fieri justitiam; Commisimus Illustrissimis & Reverendis D. D. Joanni Masachowski, Episcopo Culmensi & Pomesaniæ, Pro-Cancellario Regni, Abbatia Mogilnensis perpetuo Administratori, & Joanni Comiti à Pieskowa Skala Wielopolski Supremo Regni Cancellario Minoris Regni Poloniæ, Generali Cracoviensi. Neofouensi. Bochnensi. Capitaneo, quatenus illi pro munere suo mutuâ inter se Conferentiâ habitâ, modum quo ista præjudicia & querelæ frequentes subditorum Nostrorum amoveri, debitus verò ordo imposteriorum introduci queat, insistendo prioribus Ordinationibus antiquis pro
ratione

ratione præsentium temporum adinvenirent & constituerent. Functi itaque Officio iidem Illustrissimi Domini Judiciorum Curia Regni Præsides, Cancellarius & Vice-Cancellarius modum præscripserunt, ordinarunt, & Nobis eorum Nomine Relationem fecerunt. Proinde Nos, qui in hoc folio collocati Vicariâ DEI potestate Judicia exercemus, omnia inconvenientia (quibus antea Judicia Regia perturbabantur) longè amovere, Justitiam verò Sacrosanctam quàm accuratissime unicuique administrari, respectus quovis & delectum Personarum aboleri, & auctoritatem dignitatemque Judiciorum Nostrorum, Regalium (quæ ex primævâ sui origine suprema sunt) conservare exornareque volentes, præsentem ordinationem in vim perpetuæ Legis nonduntaxat ab Illustrissimis & Reverendisimis Judiciorum Præsidibus, verùm & ab omnibus litem sive Activè sive Passivè in Judiciis post-Curialibus Nostris habentibus cujuscunque Status, sexus, Conditionis, dignitatis & præminentia existens, observandam & tentandam & inviolabiliter exequendam, conformando sese ad novellas consuetudines & Jura Regni, statuimus & exprimimus, sancimus, jubemus, edicimus, utque
univer.

universi & singuli (cujuscunque status, sexus, Conditionis, dignitatisque fuerint) lites in hocce Regio Subsellio habentes; Nec non omnes Advocati, Causidici, Procuratores, & alii ex quâcunque occasione Judicio Regio assistant, eandem ordinationem in toto observent, manteneant exequanturq; sub poenâ, Arbitrio Judicii Regii ejusdem irremissibiliter irrogandâ.

Primum quidem, ut omnes ad Judicia in causis tam suis, quàm alienis, accedentes honestè sese gerant, à scommatibus & Verbis injurijs, tam contra Adversarium quàm (quod absit) contra Personas Judicii prorsus abstineant, clamoresque & insolentias non excitent, ebrii non veniant, alioquin insolentiùs sese gerens, vel ebrius accedens, aut sub celebratione Judiciorum excessus aut tumultus faciens, statim tacto Terminò citabitur, atque ex Regestro sectorivo tactorum terminorum acclamatus ante omnes causas in recenti judicabitur, & pro clamore & tumultu excitato tribus Marcis Pauperibus ad Hospitale applicandis, pro aliis verò excessibus ex Arbitrio Judicii Regii punietur.

Quoniam autem in propositione & defen-

F ff

sione

fione causæ plurimum bonæ fidei requiritur, admonentur Procuratores, ut causas, quibus patrocinantur, diligentissimè legant, in eisque defendendis ita procedant, ut extra controversiam, necessariam nil devium dicant, & omnia quæ asserunt, ipsis Actis vel Jure scripto aut documentis realibus probare, & justificare (si opus fuerit) sint parati, Leges, si quas eos allegare contigerit, (curare autem debent, ut sine Lege loqui pudeat,) id fideliter, & diligenter faciant, easque, quas allegaverint, illi colligant, ad quod libros quibus illæ continentur præstò habeant, causas studio non trahant, illis quorum Patrocinium suscipiunt graves non sint, litem ex lite non serant, sed quod æquum fuerit, partibus suadeant, causas injustas non foveant, neque defendant, quod ipsimet iniquum, judicaverint, nisi judicialiter additi, atque ita versentur in foro, ut Benedictionem DEI præ oculis habendo potius laudem Virtutis mereantur, quàm pœnas legales incurrant. Quæ ad causam non spectant & discursus minùs Necessarios omittant, Judiciumquè non morentur, sed explicatò verbaliter & summariè causæ statu, documenta & rationes, quæ causam salvare aut perimere

mere possunt, allegare, producere, ordinatè juxta termini exigentiam (ultra Sphæram Termini ejusdem non divagando) omninò tenebuntur. **Ut autem Homines** varietate & pluritate causarum non onerentur, neque perturbentur, omnes causas, quascunque habuerint, sive ipsi Principales, sive eorum Procuratores, tempestivè ad minimum pridè Judiciorum celebrandorum in Regestrum (quod in Cancellariâ Decretorum) easdem causas in idem Regestrum, ordinatè sine delectu, prout se quisque priùs indixerit, connotabit, neque ordinem Regestri perturbabit. **Judicia autem S.R. Majestatis** & eorum Illustrissimi Præsidentes Cancellarius & Vice-Cancellarius Regni non nisi ex eodem Regestrio ordine illò quo inscriptæ fuerint superiores non intermittendo, inferiores non præponendo, acclamari non dent, easdemque taliter ordinatè acclamatas judicabunt, non attentâ quâvis- & quarumvis personarum Instantiâ, & non secundum merita Personarum, nec secundum majoritatem vel minorennitatem causarum, sed juxta ordinem & numerum Regestri, prout se quis priùs vel posterius inscribi fecerit, decident. **Serventur autem & intimentur**

feriæ, applicenturquè dies certi unicuique generi Actionum Forensium, utpote; Feriâ secundâ, sive die Lunæ causæ Juris Magdenburg & Culmens. Civitatum in Regno existentium ex Regestro simplicium, in defectu autem simplicium ex Regestro Arrestorum Magdeburgensium. Feriâ tertiâ, sive die Martis eadem Magdeburgenses causæ ex Arrestorum Regestro vel his deficientibus simplices acclamentur. Feriâ quartâ die Mercurii itidē Magdeburg. ex Arrestorum Regestro, in defectu ex Regestro simplicium. Feriâ quintâ die Jovis Causæ Pruthenicæ simplices & Arrestorum. Feriâ sextâ die Veneris spirituales Ruthenicæ, in defectu harum, Pruthenicæ & Livonicæ ita tamē, ut Mensibus, Januario & Februario Judiciis Ducatus Livoniæ recenter per Legem publicam assignatis, Livoniæ ante omnes has die Veneris præferantur; reliquis autem Mensibus in defectu spiritualium & Ruthenicarum, judicabuntur eodem die Veneris Pruthenicæ, Sabbatho seu die Saturni causæ fisci tam ex simplici, quàm Arrestorum Regestro, quod si hæ defuerint, Pruthenicæ acclamentur & judicabun.

cabuntur, in defectu porrò Pruthenicalium recursus fiat ad Regestrum Magdeburgense, primò simplicium, dein Arrestorum, pro reliquo, si aliquo die & Feria defuerint causæ in Regestro assignatæ, eo casu in defectu debiti Regestri illæ Causæ quæcunque & in quocunque Regestro inscriptæ non judicatæ causæ fuerint acclamentur & judicentur. His itaque diebus causæ ex Cathalogo Judiciario proponentur, neque quisquam præsumat Illustriss. Dominis Cancellario, seu Vice-Cancellario, Referendario, Notario, aliisque Personis Judiciæ molestus esse, ut extra Regestrum acclamentur. Nemini enim hoc concedetur, nec Jure concedi debet, neque eâ in re respectus Personarum ullus habebitur. Cæterum hora Judiciæ Futuri pro temporis opportunitate sub fine Judiciorum pro futurâ sessione semper intimabitur. In causis ad relationes Sacræ Regiæ Majestatis spectantibus Principales litigantes, tam ex Regno quàm ex Ducatu Curlandiæ & Semigalliæ ipsi vel eorum Procuratores causas itidem ad Regestrum publicum in Cancellaria, Decretorum haberi & servari debitum tempestivè prius inscribant, deinde Status Causarum fi-

deliter & diligenter Dominis Referendariis exhibeant, neque in eis quidquam addant, augeantve, quod documentaliter probare non poterunt, alioquin si quis res improbables aut irreales in statum causæ referre auderet, & postea à parte adversa vel ab ipsis Dominis Referendariis in eo convictus fuerit, vel iussus verba sua justificare actu ipso controversiæ non poterit, severè punietur atque in ejusmodi excessu ter notatus ab Aula Regiâ excludetur, munusque Procuratoris amittet. Generolus porro Notarius Decretorum idem Regestrum, seu Cathalogum causarum fideliter (iuxta ejus Officium) inscriptarum Referendario Regni Judiciis assistenti, vel assidenti præsentabit & tradet : finitis Judiciis semper recepturus & ad Cancellariam relaturus, secundùm quod Regestrum & Numerum ad judicandum per Referendarios acclamabuntur. Decreta in Judicio Regio utroque ex seriis partium controversiis prolata statim promulgari debent, neque post publicatam sententiam Informationes seu importunæ Instantiæ quidquam operentur, nisi manifestum aliquod Documentum vel notorie-

tas

tas nova in Judicio non allegata contra rem judicatam adfit; quo casu Generosus Notarius ante extraditionem ad Illustrissimum Dominum Cancellarium, qui tunc Judiciis præest, vel qui eam causam judicavit, referet, illi pro suo arbitrio & memoria in rebus lectis Partium ambarum illationibus corrigant, subscribant, & correctam copiam Generoso Notario remittant. In extradendis autem iisdem Decretis & communicandis Generosus Notarius sic procedet. Primum quod attinet Decreta in contumaciam prolata, vel simplices approbatorias sententias in se continentes ea Generosus Notarius absque ullâ hæsitatione extradet, in quibus terminus ordinarius Executionis præfigatur, dum pars partem adcitaverit, pro executione quod arbitrio suo juxta Causæ Necessitatem Generosus Notarius faciet. Quod si Terminum alium quàm duarum aut sex Septimanarum, vel dum pars partem adcitaverit, præfigi quispiam petierit, id porro fiat consensu partis utriusque. Alia verò Decreta, quæ vel ex controversia partium ex crudacitatione proferuntur, vel quæ aliquam insignem meliorationem, vel novum aliquod continent, Gene-

Generosus Notarius posteaquam requisitus fuerit, conceptum maneat dies tres in Manuali non extraditum, intra quos quidem tres dies liceat utrique parti illud legere; quod si ad Cancellariam Decretorum Procuratores venire & legere intra hos tres dies noluerint, aut neglexerint, non obstante neglectu aut absentia Procuratoris & parte altera instante extradatur. Similiter si (postquam legerint) contradictio intuitu controversiarum aut inductioni Processus nulla exorta fuerit, itidem extradatur. Si vero causa sint majoris importantiae, neque puncta Decreti Generosus Notarius in Hospitio suo concipiat, interim Judicium deliberet. Conceptas autem Judici & Assessoribus exponantur, & publicentur. In Cancellaria Munimenta, quae partes pro concipiendis Decretis reddunt, seponantur, in iis quaerendis & recipiendis nemo audeat etiam in Judiciis circa agitationem causa Munimenta aliena surripere sub gravi animadversione. Ibidem in Cancellaria rixae & contentiones non fiant, alioquin laedens termino tacto citetur, & judicabitur in recenti
prout


prout supra. **H**æc omnia ut firmitus ab omnibus observentur, præsentem Ordinationem, tam Reverendiss. Domini Joannis Małachowski, Episcopi Culmens. & Pomesaniæ, Abbatia Mogilens. perpetui Administratoris, quàm Illustrissimi Domini Joannis Comitis à Pieskowa Skala Wielopolski Supremi Regni Cancellarii Minoris, Poloniae Generalis Cracoviens. Neosoriens. Bochnens. Capitanei, à Nobis ad id designatorum ex speciali commisso Nostro autoritate & potestate Officii Cancellariatus Regni diligenter & accuratè revisam formatam maturè, trutinatam conclusamque manibus propriis subscribi, Sigillis utriusque Cancellariæ roborari: Insuper ad Acta Cancellariæ Decretorum referri & ingrossari. Originale in Archivio literario Regni asservari & quotiescunque requiretur, ex Actis in forma authenticâ extradi mandamus, cujus rescriptum in Cancellaria semper in aprico affixum esto, ut nemo ignorantia prætendat, sed omnes sciant informanturque, qualiter procedere & gerere sese debeant. In quorum majorem fidem, præsentem manu Nostrâ Regiâ subscripsimus.

Ggg


Actum

Actum & Datum Varſaviæ die primâ Menſ.
Martii Anno M. DC. LXXX. Regni Noſtri
Annofexto.

JOANNES Rex.



Joannes Wiéłopolski,
Cancellarius Regni.



Joannes Malachowski,
Episcopus Culmens. & Po-
mesania, Vice-Cancellarius
Regni.

CAPUT. IV.

DE TRIBUNALIBUS REGNI &
MAGNI DUCATUS LI-
THUANIÆ.

I.

Cum olim à Terminis Generalibus sive Col-
loquiis (quorum infrâ *sub titulô de Judiciis Ca-
strensibus* mentio fit) ad Regem provocaretur,
immensis litium difficultatibus distenta erat Cu-
ria:

ria : tandem ergò Rex Stephanus consilio magni Zamoiscii in Comitibus Varsaviensibus Anno 1578. Tribunalia instituit, quæ deinde An. 1581. Magnus Ducatus Lithuanix recepit, ut ex Judiciis Terrestribus, Castrensis, Succamerariis, & Commissorialibus provocationes instituerentur, atque sic supra dicta Colloquia sublata sunt. Novum ac insigne libertatis auctarium, decusque, de quò jam Sigismund. Augustus, & Henricus Valesius cogitaverat : nam huncce tanti laboris pertæsum dixisse fertur, per *meam fidem, Poloni isti faciunt, ut agam Judicem Legis peritum*, in brevi volent, ut *agam etiam Causidicum*. *Piascc. in Chron. pag. 50.* Ordinatio illa Regi Stephano publici favoris & Benevolentix plurimum conciliavit, & iis, qui intimi à Consiliis Regi erant, gratiæ sunt actæ, quòd non disvasissent Regirem, quæ salutaris futura erat Reipublicæ.

II. Loci ubi Tribunalia in Regno celebrantur, sunt majoris Poloniæ 1. *Petricovia*, quò pertinent Posnaniensis, Calissiensis, Siradiensis, Lencziciensis, Brestens. Inovladislaviens. Mazoviæ, Plocensis, Ravensis Palatinatus. Ad quod Tribunal Anno 1581. Pruthenici quoque Palatinatus accesserunt. Hi olim ad Regem non appella-

Ggg 2

bant,

bant, sed demùm Anno 1521. sub Sigism. I. provocaciones concesserunt, exceptis causis criminalibus aliisque specialioribus casibus. Duravit hoc, non obstante institutione Tribunalis, usque ad Sigismundum Tertium, sub quò postea, scilicet Anno 1581, Nobilitas appellationes ad Tribunal Petricoviense admisit, ita tamen, ut indifferenter vel ad Conventum Generalem Terrarum Prussiæ (qui alternatim Mariæburgi, verno tempore, Grudenti autumnali instituebatur) vel ad Tribunal Regni, quod priùs horum celebratum fuerit, provocaretur Sed & à dictò Conventu ulterior provocatio ad Tribunal permittebatur. Hodie autem Conventus illi Generales Pruthenici jam non habentur, adeò, ut ad solum Tribunal currant appellationes. 2. Minoris Poloniæ, Lublinum, quo spectant, Cracoviens. Sendomiriens. Russiæ, Podoliæ, Lublinensis, Belzensis, Podlasiensis Palatinatus, quibus Anno 1589. Palatinatus Volhyniæ & Braclaviensis annumerati sunt Nam hi antehac peculiari gavisi sunt Tribunali, scilicet Luceoriæ cum Palatinatu Kyoviensi, qui sequenti anno nimirum 1590. itidem ad Lublinense Tribunal accessit. Videantur dictorum annorum Constitutiones. Deni-

Denique anno 1635. Palatinatus Czerniechoviensis additus legitur in *Constit. dicti anni sub titulô Ordynacia Woiewodztwa &c.* In Magno D. LITHUANIÆ à Stephano quatuor loca, scilicet 1. Vilna 2. Troki 3. Nowogrodcum 4. Minscum ad exercenda Judicia Tribunalitia constituta reperiuntur, sed anno 1588. à Sigismundo Tertio constitutum est, ut ad Vilnense Tribunal transferrentur illæ causæ, quæ judicabantur Trocis, & ad Nowogrodense, quæ Minscii agitabantur, ita scilicet ut alternatim, nempe unô annô Nowogrodci, altero anno Minsci, per semestre hybernium Judicia celebrarentur. Samogitia, licet habuerit potestatem constituendi proprium Tribunal, transtulit tamen causas suas ad Vilnense. Incola Majoris Poloniæ non debet citari & trahi Lublinum, & Incola Minoris Petricoviam nec Lithuanus ad Tribunal Regni, & è converso, sub amissione causæ, & pœnâ mille marcarum Polonicalium in eodem forô vindicandâ, exceptis causis recentium solummodò criminum, nisi quis in Regno bona Terrestria habuerit, vel ipse forum benevolè agnoscat. *Constitut. Anno 1679. sub Rubric. Evocatio extra forum.*

III. Quoad *tempus* horum Tribunalium, sciendum est, quòd in Regno Hybernum Majoris Poloniæ Petricoviæ post festum S. Francisci usque ad Pascha: Æstivum verò Minoris, Lublini post Dominicam conductus usque ad messem celebratur. In Actistamen Electionis Regis Michaëlis prolongatum est hoc Lublinense, secundum *Constit.* 1638. usque ad festum S. Thomæ, ad septem Annos, quibus tamen nondum elapsis Anno 1670. alia ordinatio subsecuta est, quam referre longum foret, tandem Anno 1676. constitutum est, ut per integrum annum in loco utroque interrupto cursu exercerentur Judicia eaque per biennium durarent. In LITHUANIA tempore æstivo Parlamentum Vilnæ residet, tempore autem hyberno Minscii, aut Novogrodicii vicibus alternatis. In specie observandum, non promiscuè causas judicari, sed singulis Palatinatibus esse certum tempus assignatum. Videatur pluribus dicta *Constit.* 1676.

IV. *Judices* autem sive, ut communiter vocantur, *Deputati* sunt spirituales & seculares, illi à capitulis suo loco & tempore, hi in Conventibus Deputationum eliguntur, olim quidem nemine contradicente, nunc autem fe: è non ubivis

ex

ex pluralitate votorum, & quidem ex majoribus Palatinatibus (nempe Pofnanienf. Sendomiriens. Calisienf. Ravenf. Podlachia, Mazovia, Siradienfi) bini Deputati. Ex Ruffico, constitutum erat, ut duo eligerentur, videlicet unus ex districtu Vifnensi, alter unô annô ex Haliciensi, altero ex Chelmenfi Territorio, postea *per Constit.* Anno 1611. pag. 25. ista alternata desuit, ita, ut ex singulis Districtibus singuli quovis annô eligerentur, sed tandem *Constit.* Anno 1672. pag. 32. pristinam reinduxit consuetudinem. In Palatinatu Volhynia sex Deputati, id est ex singulis Districtibus bini, in Palatinatu Braclaviensi duo eliguntur, totidem etiam in Palatinatu Kyoviensi constituuntur. *Constit.* Anno 1611. pag. 18. Cracoviensi Palatinatui quoque *Constit.* Anno 1631, ut duos eligeret Deputatos, concessit. Quoad Palatinatum Lublinensem *per Constit.* 1677. ordinatum est, ut duos in Tribunali Deputatos haberet, ita ut pro unô Tribunali duo ex Palatinatu Lublinensi, pro altero autem, unus ex dicto Palatinatu, & alter ex Terrâ Lucoviensi eligerentur. Sic & Palatinatu Lenciciensi dicta *Constit.* Anno 1670. pag. 32. concedit, ut duos Deputatos possit mittere; in Palatinatu Czerniechoviensi ex duobus Districtibus

ctibus nimirum, Czernichoviensi & Novogrodenfi singuli deputantur juxta *Constit. An. 1635*. Ex Prussiae Palatinatibus singulis bini, & duo spirituales mittuntur, *vide Constit. 1589. p. 514*. In Lithuania ex singulis Palatinatibus & Districtibus bini constituuntur, in reliquis Palatinatibus, ut & Terris, Vielunensi, Dobrinensi, Oswiecimensi, Zatorienfi, singuli tantum designantur. Possunt verò deputari Palatini, Castellani, alique Magistratus ac Nobiles; munus illorum est annuum: per utrumque Tribunal Hybernum & Æstivum Secularis non nisi quarto demum annò elapsò, Spiritualis autem post biennium iterum eligi potest, *vid. Const. 1670. p. 50*. Nemo autem potest esse Deputatus, qui causam ibi habet, *vid. Constitut. Anno 1611*. vel qui aliquò notatus est crimine, juxta *Constit. Anno 1673. §. Deputaci na Sadii*. Si verò aliquis post electionem sui velit causam suam, vel uxoris & liberorum, tam ex reatu, quam actoratu promovere, tunc concedendum non est, sed causa ad alterum Tribunal ad regestrum, ex quo *Judex*, remitti debet, nisi pars adversa spontè experiri velit, exceptis tamen causis violentiarum in personis euntis, redeuntis, & Lublini residentis Deputati, uxoris, liberorum, famulorum.

lorum & bonorum commissarum, *vid. plur. Const. Anno 1670. pag. 22.* Incompatibile est quoque esse Nuntium ad Comitiam, & simul Deputatum ad Tribunal eligi, *juxta Constitut. Anno 1616.* quæ in Comitibus Grodnensibus ita declaratur, quod nullus Deputatus (quamvis actu ipsò sessionem in Tribunali non ceperit) possit esse Nuntius usque ad expirationem functionis suæ, uti & Nuntius non debeat fieri Deputatus, nisi post Comitola relationis tam in Regno, quam M. Duc. Lithuanicæ; Idem etiam statuitur de Nuntio Terreſtri cujuscunque nationis functionem habenti ab Exercitu. *Juxta allegatam Constitut. Anni 1616.* absens etiam non debet creari Deputatus. Si Judex Terreſtris fuerit electus in Deputatum, alium sibi in Judicio Terreſtri substituit, vigore Statuti Lithuanici *art. 40.* Si Judex Terreſtris vel alterius Judicii deputatus sit, tùm in illa causâ, quæ ab ejus Judicio ad Tribunal devoluta est, nullum habet suffragium *Constit. Anni 1578.* Postquam electi Deputati statotempore in hospitibus à Capitaneo loci distributis convenerunt, auditò prius Sacro Curiam ascendunt ibidemque à Judicio Terreſtri Siradiensi (in Tribunali Petricoviensi) primo quidem spirituales deinde secularis,

res, juxta ordinem capitulorum & Palatinatum Terrarumque ad præstandum juramentum vocantur. In Lithuania juxta Statutum præstatur jusjurandum coram Terrestri Castrensiq; Judici: jurant autem, quòd justè sint judicaturi, nulla Consilia partibus litigantibus daturi, secreta Judicii nemini revelaturi, munera non accepturi. Si cuiquam circa hunc actum illegimitas Electionis objiciatur, tantisper à jurejurando suspenditur, donec reliqui juraverint. His peractis seculares Deputati Mareschalcum creant, qui aliquando ordinis Senatorii est: Spirituales vero Deputati Præsidem sibi deligunt, atque sic fundatur Jurisdictio, & de objectione præfatâ sententia fertur, removendo, si legitima, admitendo Deputatum, si illegitima fuerit.

V. Rota Juramenti, quod Deputati genua flexi tactâ imagine Crucifixi præstant, talis est. *Ego N. juro, quia justè secundum Deum, jus scriptum, æquitatem, partium controversias judicabo; recognitionesque suscipiam, divitis & pauperis, amici & inimici, Civis & Peregrini, discrimine sublatò, & neque favorem, neque odium, neque præmium, neque pœnas mihi proposita curabo, sed in judicando solum Deum, jus scriptum, æquitatem, partium controversias & recognitiones*

tiones in hisque omnibus conscientiae meae iudicium sequar, & audiam, aliaque negotia mihi incumbentia, fideliter & pro posse meo faciam. Practicationes causarum cum nemine habebo, neque praemonitiones, neque Consilium dabo, nec munera accipiam, & quod non ambitiosè quaesiverim, ut ad haec iudicia eligerer, & Secreta Iudicii nemini revelabo. Sic me DEUS adjuvet & S. Crux Christi. In Lithuaniam jurant cum tali imprecatione: Uti justè juro, ita me DEUS adjuvet in Trinitate una; & si injustè Deus mihi percutiat animam & corpus.

VI. Pertinent ad haec Iudicia Tribunalitia appellationes, sive, ut loquuntur, motiones omnes, à Iudiciis Terrestribus, Succamerariis, Capitaneis, Vice-Capitaneis, & Commissariis ratione divisionum. Non permittitur autem appellatio in executione rei iudicatae, item in recognitione summæ tres mille florenos non excedente, pro vulneribus à taxâ capitis Plebei, aliisque quæ in *Constit.* Anno 1670. recensentur. Cives verò & Civitates in causis & actionibus merè Jurisdictioni Civili subjectas, non debent ad Tribunal citari, sed tantum ad Officium competens cum appellatione post Curiam, *vid. Const. An. 1633.*

VII. Ordinem specialem in Tribunali Lublinensi observandum præscribit prolixè *Constit. Anni 1670.* Porrò Anno 1676. constitutum est, ut per integrum Annum in utroque loco, Petricoviæ & Lublini continuò Judicia exercerentur, idque per biennium. Tandem per *Constitut. Anni 1678.* placuit, ut juris publici & Legum periti de antiqua forma reducenda aliquid conciperent, illudque postea circa Instructionem Regiam Comitiolis communicaretur, ad ulteriorem Ordinationem in Comitiiis firmandam, observando interim *Constit. An. 1670.* neque miscendo ulla alia Regestra inter causas Palatinales, atque ut Causas fisci, non *compositum Judicium*, sed *mixti fori* judicaret; illud in Regno sex spiritualibus & sex secularibus Deputatis, in Lithuania verò quaternario utrinque numero constat, juxta *Constit. Anno 1641. pag. 14.* Spectant illuc causæ, fundos & proventus Ecclesiasticos, Monasteria & capitula spectantes, injuriæ excessusque Personis vel locis Religiosis illatæ. Hoc, scilicet *mixti fori*, habet sex Spirituales, & omnes Deputatos seculares: spectant huc causæ Jurisdictioni Terrestris subiectæ, ratione bonorum & injuriarum Terrestrium, si inter litigantes una vel alterutra Persona spiri-

spiritualis, sed si Persona spiritualis inter litis comparticipes in ejusmodi causâ reperiatur, vel si causæ cum Personis secularibus ventilari cæpræ & deinde lite pendente in Personas spirituales, vel successiones, vel affectu Jure devolutæ sint, seculare Judicium judicare debet. *Vid. Constit. Anno 1607. pag. 835. 836.*

VIII. Citationes debent sub titulo Regio & Sigillo Terræ illius, in quâ citatus est possessio-natus, extradi & ad minimum duabus septima-nis antè terminum per Ministerialem, sive præ-conem publicum poni. *Stephan. in Constitut. Anni 1578.* Præponitur autem (uti ad Comitiam & post Curiam) integer Titulus Regis. Ea enim est Gen-tis Polonæ in Reges veneratio, quod totum id, quicquid Comitiam constituunt, Tribunalia de-cernunt, Magistratus & jurisdictiones omnes agunt, sub nomine illorum fiat.

IX. Ne in Regestris Tribunalitiis variatio-nes contingerent, constitutum est *Anno 1618. pag. 6.* ut Regestrum Tribunalitium ordinatè secun-dum numerum scriberetur, & sic partibus postu-lantibus gratis extraderetur. Si verò Notarius in favorem alicujus hanc seriem turbaverit, pœ-nam *Constit. Anni 1618.* in eodem judicio per ter-

minum tactum urgendam incurrit. Si ille vel ante, vel intra cursum Judiciorum moriatur, debent Deputati ex medio sui aliquem Deputatum eligere, qui præviô Juramentô, hôc munere fungatur. *Constit. An. 1616. pag. 43.*

X. Decreta signantur Sigillô illius Terræ, ubi Tribunal celebratur. Si reus Decreto non paruerit, damnatur in duplum, quod per lucrum apud Lithuanos Perefudi vocatur, si nec illud solverit, actor opem Capitanei ejus Territorii, ubi reus bona habet, implorat, ex cujus Decretô bona Actori possidenda traduntur, sub certâ mulctâ, quod *Vadium* appellant, si reus prohibuerit, quæ deinde successivè duplicatur & triplicatur. Occurrendo inconvenientiis, declaratur *per Constit. Anno 1670. pag. 22.* ne Tribunal pœnas pro parte Judicii ultra Vadium Capitaneale simplex, & quidem (ubi vigor Juris hoc ipsum, exigit in causis majoris importantiæ & conventionum) decernat, sed easdem parti injuriatæ juxta causarum merita adjudicet.

XI. Summa istius Judicii Reverentia est, qui enim causam ibi habet, non ultramet quartus se sistere potest, & nemini, nisi tantummodo Judicibus, opertô capite in illô Justitiæ domicilio stare,

stare, vel sedere licet, nisi quis rogatus fuerit. Solenne etiam illud in istâ Supremâ Camerâ hic annoto, quòd non modò Magnatum, sed Regum ipsorum literæ, non nisi post latam sententiam, resignentur. Dum autem vota expediuntur, nulli planè interesse conceditur, & Judices Terrestris, etsi suffragio careant, jurare nihilominus super non revelandis Secretis Judicii tenentur.

XII. Decreta verò non debent in dubium, vocari, neque in judiciis post-Curialibus vel Comitibus tolli & cassari, *juxta Constit. Anni 1607.* Illorum, quæ ante mortem Regis lata sunt, Executio differtur post Coronationem novi Regis, post quam, duabus septimanis Tribunalitia de novo inchoantur. Judicia, etiam tempore Comitiorum celebranda, ad quæ interdum ex paritate sententiarum causæ remittebantur, sed *Constitut. Anni 1607. pag. 8040.* ejusmodi causas ad proximum Tribunal remisit, ut statim ab initio post Juramentum præstitum ex speciali Registro deciderentur: Nova tamen emergentia ad Comititia remittenda, ibidemque decidenda veniunt, tenore Constitutionis allegatæ.

XIII. Singulare est, quòd Deputatis Tribunalibus

bunalitiis non liceat diebus feriatis convivia parare, vel iisdem interesse, secundum Acta Elect. Reg. Michaël.

XIV. Tempore autem Expeditionis Generalis, uti omnia, ita & Tribunalitia silent Judicia. Quando enim Regia Majestas ante extraditionem Universalium tertiarum Tribunal compellat, limitari debet. Castrensia autem & Querelarum, aliaque quævis Judicia usque ad publicationem tertiarum Universalium durant, postea statim cessant. *Constit. Anni 1634. p. 4.*

CAP. V.

DE TRIBUNALIBUS THESAURI.

I.

ANte hac in Comitibus à Quæstoribus rationes exigebantur, sed cum ob brevitatem temporis, & magnas difficultates Respublica Anno 1613. huic negotio vacare non posset, constitutum est dictò annò Judicium, quod Tribunal Thesauri vocatur, in Regno quidem Radomiæ, in Magno autem Ducatu Lithuanix Vilnæ Judices sunt,

sunt, præter Thesaurarios, aliquot Senatores in Comitibus ad hoc deputati, uti etiam ex singulis Palatinatibus & nonnullis Terris (Dobrinenſi, Vielunenſi, Chelmenſi, Halicienſi) ſinguli Nuntii. In Mazoviæ, Podlachiæ, atque Ravenſi Palatinatibus, quoniam aliquot ſunt Terræ, altera obtinet Electio. In Magno Ducatu Lithuaniz itidem ex Palatinatibus non tamen ex Diſtributibus ſinguli eliguntur Deputati. Aliquando in Comitibus ſolummodò ex Ordine Senatorio conſtituuntur Deputati, Nobilitas autem ſuos in Comitibus poſt-Comitialibus eligit, & hoc caſu etiam illis de ſalario proſpicit, quòd aliàs ex Theſaurò assignatur, vid. *Conſtit. Anno 1638. 1655. 1670. & Anno 1674.* Tempus horum Judiciorum quando, & quamdiu celebrari debeant, in Comitibus definitur, & antequam inchoentur, præſtant Deputati de judicando juxta Rotulam, in dicta *Conſtit. Anni 1613. cui Conſtitut. Anni 1677. pag. 7.* hoc adjecit, quòd jurantes Deputati cum ſubditis ſuis nihil contributionum debeant, hòc præſtitò Judicia exercent, & de Contributionibus, earumque Collectoribus, quibuſcunque cognoscunt, & quietantias extradunt, de quo prolixius agit *Conſtit. Anni 1631. pag. 13. item Conſtit. An. 1634. pag. 5.*

Si verò Collector Contributionum non satisfecerit Thesauro, cum Summâ retentâ aliam similem Summam in instanti solvere tenetur sub pœna, peculatus, quæ in defectu super ipso decerni, ac publicari, & pro Executione ad loci Capitaneum remitti debet, Sigismund. III. *Constitut. Anni 1634. pag. 5.* Habent decreta hujus Tribunalis parem cum Tribunalitiis aliis auctoritatem. Præter hæc Generalia Judicia quandoque in Palatinatibus, ubi retentores sunt, Deputati in Comitiois Relationum eliguntur, qui Judicia de Collectoribus & Suc-Collectoribus exercent, eadem tamen unâ ad minimum septimanâ ante Tribunal Radomense finire debent. Ne autem ad hanc functionem Exactores contributionum denominentur, cavet *Constit. Anni 1667.* Aliquando hoc Leopoli Thesauri Tribunal expeditur, ita, ut iidem Deputati simul etiam Commissionem ad exsolvenda Militibus stipendia peragant; ubi judicantur Milites, qui in Castris non comparuerunt, & qui damna, & injurias intulerunt, transitu, statione, velexactione quâcunque illegitimâ; assident his Judiciis etiam Duces Belli, & duo ab Exercitu electi Deputati, vid. plur. *Constitut. Anni 1622.*

CAPUT. VI.
DE JUDICIIS MARESCHAL-
CALIBUS.

I.

EXercet hæc Judicia Supremus, vel in absentiâ ejus, Curia Mareschalcus, ita tamen, ut causæ prius apud Judicem Mareschalcalem ventilentur, ab eoque per appellationem vel per remissam ad Mareschalcum ipsum devolvantur.

II. Pertinent verò ad illa omnes Curienfes, tam, qui Regiæ Majestati, quàm Senatoribus & Officialibus in Curia degentibus ad obsequia sunt, ratione omnium & singularum differentiarum in Curia Regis & sub ejus brachiò etiam, tempore Comitiorum, usu venientium, tam Criminalium quàm Civilium. Conveniuntur etiam coram hoc Judiciò advenæ, cujuscunque sint status & conditionis sub præsentia Regis, & illi, qui contra pretia rerum à Mareschallis instituta peccant. Hoc forum ultimæ est instantiæ, & cum aliqua est causa majoris momenti, non per viam appellationis, sed informationis sententia Regia exposcitur, ut ex autoritate Augustâ ambiguum manifestetur.

lii 2

III.

III. Articuli Judiciorum Mareschalcalium, in Constitutione novissimâ Grodnensi typis excussi, & approbati leguntur, cum declaratione, quòd Officiales Mareschalcales, Judex & Notarius eâdem securitate, quâ Nuncii Terrestres gaudere, & à judiciis quorumvis subselliorum, tempore Comitiorum scilicet quatuor ante Comitia septimanis, & totidem post eadem finita, tam in Regnò, quàm Magno Ducatu Lithuanix excepti esse debeant.

CAPUT. VII.

DE JUDICIIS MILITARIBUS DUCUM EXERCITUS.

HAbent Exercituum Duces potestatem, animadvertendi in Milites, pro gravitate delicti, nec ab eorum Judiciò admittitur appellatio, ut disciplina Militaris, quæ est fulcrum Reipubl. in integro conservetur, restricta tamen est non-nihil potestas illa in quibusdam, uti ex Capite quinto patet. Habet etiam Tribunal Regestrum Causarum Militarium.

CAP.

CAP. VIII.

DE JUDICIIS CAPTURALIBUS.

Quandò & quomodò Judicia hæc tam particularia, quàm Generalia celebrentur, jam supra Libro primo de Inter-Regno dictum est.

CAPUT IX.

DE JUDICIIS TERRESTRIBUS.

I.

Terrestre Judicium tres Personæ Judex, Sub-Judex, & Notarius, constituunt. Cum hoc Judicium sit Nobilitatis proprium, Judices illi non simpliciter accipit sed eligit, hoc scilicet modo: Cum aliquis horum, vel fatò expirat, vel fortunâ ad aliud Officium adspirat, significat illud Nobilitas Palatino, vel in absentia ejus Castellano ejusdem Palatinatus aut Terræ: qui intra sex hebdomadas, Nobilitatem ad locum Electionis convocat, ubi illa quatuor Nobiles ibidem possessionatos eligit, atque deinde Regi commendat, qui ex illis unum pro libitu confir-

Iii;

mat.

mat. *Constitut. Anni 1550.* Antequàm autem sessionem capiant, tenentur in primis terminis coram Palatinò vel Castellànò, & in istorum absentia, coram Officialibus Terrestribus, & Nobilitate Juramentum præstare, sub pœnâ privationis Officii. Notandum hîc, quòd Senatores alique Officiales Terrestris, hujus functionis sint incapaces, nec etiam spirituales Personæ eligi possint, *vid. Const. An. 1562.* Quia quodlibet Officium sua habet negotia, ideò etiam Judices & Notarii Terrestris Castrensia Judicia, vel Notariatus unà cum Terrestribus possidere nequeunt, *Sigismund. August. Anno 1550.* Quod tamen Sub-Judex Terrestris possit simul habere castrense Officium, patet ex *Constit. Anni 1658.* Unò istorum Judicum absente, in Regno non possunt Judicia haberi, in Lithuaniam verò licet tertium in locum absentis substituere; Si unus ex sæpè dictis Judicibus actionem in eodem Judiciò habet, potest alium possessionatum sine surrogatione Regiæ & absque Juramentò substituere; *Constitut. Anni 1557. pag. 9.* In Prussia præter Judicem & Notarium, assident octo scabini Nobiles possessionati & jurati, inter quos Palatinatus Culmensis etiam duos Consulares Viros è Civitate Thoruniensi admit-

admittit, præviâ etiam Electione isti Judices constituuntur, ita quidem, ut Judex deinde à Rege confirmetur, scabini verò simpliciter id est sine confirmatione Regis admittantur, *vid. Jus Terreſtre Nobil. Pruth. numero 15. 17. & 21.*

II. Sunt verò isthæc Judicia Sædii Ziems-
kie ſuis locis & temporibus in Lege deſcriptis ce-
lebranda, ſub nullitate Decretorum *Conſtit. An-
ni 1565.*

IN POLONIA MAJORE.

POSNANIENS. Palatinatus habet di-
ſtriſtus duos, Koſtenſ. & Wiſchoviens.
Poſnaniæ alii termini celebrantur Feria ſecunda
poſt Feſtum S. Bartholomæi: alii Feria ſecunda
poſt Feſtum Nativitatis B. Virginis Mariæ. Ko-
ſTENſ. verò à ſingulis Poſnaniens. poſt duas Se-
ptimanas, At WiſCHOVIENS. à ſingulis Koſtenſ.
poſt unam ſeptimanam.

KALISIENS. Quoniam ad terminos Ter-
reſtres interveniebant Contractus circa Feſtum
S. Johannis, ideoque iſti termini, qui poſt Feſtum
Sanctiſſimæ Trinitatis celebrabantur, ad diem
Lunæ poſt Dominicam Exaudi eò Ordine in Di-
ſtriſti-

strictibus uti antehac per *Constit. Anni 1647.* translati sunt. Koninens. post Festum Sanctissimæ Trinitatis, post elapsam septimanam Pysdrenses; deinde Gnesnens. & Kczinens. & Naklens. unâ septimanâ, habendi sunt. In autumnò verò post Festum Michaëlis antiqua conservatur cadentia.

SIRADIENS. habet districtus tres: Petricoviens. Radomsciens. Szadkoviens. Siradiæ Primi termini judicantur, Feria secunda post Epiphaniæ. Secundi Feria secunda post Conductus Paschæ. Tertii feria secunda post Nativitatis Beatæ Mariæ, quos sequuntur Szadkoviens. & alii in aliis districtibus, *vid. Constit. An. 1613. pag. II.*

In hoc Palatinatu est Terra Wielunens. quæ habet districtum Ostrzyzoviens. Wielunii Termini celebrantur à singulis, Siradiens. post duas septimanas. Ostrzyzoviens. à singulis Wielunens. post septimanam.

LANCICIENS. habet districtus duos: Brzeziniens. & Orłowiens. Lanciciæ Judicia peraguntur. Prima, Feria secunda post S. Agnetis. Secunda, Feria secunda post Festum.

Ascen-

Ascensionis. Tertia, Feria secunda post S. Michaëlis Brzezinenf. termini à singulis Lancicienf. post duas septimanas, quos sequuntur Orto-
vienesf.

BRZESTENS. habet districtum Wladislavienf. Brzestensf. Termini primi, Feria tertia proxima post S. Joannis Baptistæ. Secundi, Feria tertia post Nativitatis B. Virginis Mariæ; Tertii, Feria tertia post S. Agnetis. Wladislaviæ à singulis Brzestensf. post unam septimanam.

DOBRZYNENS. Terra, Primi, Dobrzyniæ Feria tertia post Sancti Matthiæ. Deinde Lipniæ Feria secunda proximè sequenti: tandem Ripiniæ Feria secunda post octiduum. Secundi termini, Dobrzyniæ, Feria tertia ante S. Joannem. Lipnensf. & Ripinensf. ut supra.

PLOCENS. habet duos districtus: Raciążensf. & Płonscensf. Płociæ termini judicantur; Primi, Feria secunda post Dominicam Rogationum. Secundi, post S. Michaëlis. Tertii, Feria secunda ante S. Agnetis. Raciążiæ proxima feria quarta post Pentecostes. Płonsciæ, Feria secunda post S.S. Trinitatis.

SAWKRZENEN: Primi termini, Feria secunda post Corporis Christi in Srzensko. Secundi, Feria secunda post S. Lucam. Tertii, Feria secunda post Dominicam Rogationum.

MASOVIENS: Hujus districtus sunt: Czerscens. Warschaviens. Viscens. Wyfsogrodienf. Zakrocimenf. Ciechanoviens. Lomzens. Rozanens. Livenf. Nurenf.

Termini Terrestres Czerscens. Primi, Feria secunda post Misericordiæ. Secundi, Feria secunda post Joannis Baptistæ. Tertii, post Francisci celebrantur: quos in Grodziec: Warka & Garvvolin alii immediatè sequuntur.

Terrestres Warschaviens. termini: Primi, in Blonie, Feria secunda post S. S. Trinitatis. Secundi, post Francisci. Tertii, ibidem Feria secunda post Dominicam Invocavit celebrantur. Singulos autem Warschaviens. Tarczynens. immediate sequuntur.

Termini Terrestres Viscens. Primi, Feria tertia post S. Stanislai in Majo. Secundi, Feria tertia post festum S. Matthæi. Tertii, ibidem Feria tertia post Trium Regum celebrantur. Singulos

gulos autem Włocławenf. in duabus septimanis, hos item Radzielowenf. itidem in duabis septimanis sequuntur: ita tamen, ut quoties Tribunal sub tempore tertiorum terminorum Palatinatum Masoviae judicaverit, ii termini tertii omittuntur.

Termini Terrestres Wysogrodienf. Feria tertia post Conductus Paschæ, post Octavas Corporis Christi, & Michaelis celebrantur.

Termini Terrestres Zakrocimenses, Primi, Feria sexta post Dominicam Invocavit. Secundi, Feria sexta post S.S. Trinitatis. Tertii, Feria sexta post Matthæi celebrantur.

Terrestres Ciechanovienses. Primi, in Szychocim, Feria secunda post Philippi & Jacobi. Secundi, Feria secunda post S. Bartholomæi. Tertii, ibidem Feria secunda post Epiphaniarum celebrantur, quos semper Ciechanoviens. proxima Feria quinta; Prasnicenses verò ab Actu terminorum Ciechanoviensium, in quatuor septimanis sequuntur. *Vid. Constitut. Anno 1616. pag. 25.*

Termini Terrestres Lomzenses. Primi, Lomzæ Feria secunda post Dominicam Re-

miniscere. Colnæ verò Feria quinta post Dominicam Lætare. Secundi, Lomzæ in crastino SS. Trinitatis. Colnæ verò Feria quinta post festum S. Joannis. Tertii, Lomzæ post Festum S. Matthæi. Colnæ verò Feria quinta post Festum S. Lucæ.

Termini verò Zembrovienles: Primi, Feria quinta post Festum Epiphaniarum. Ostrołecensem verò Feria tertia post Dominicam Reminiscere. Secundi, Zembroviens Feria quinta post Pentecostes. Ostrołecens, Feria secunda post festum S. Margarethæ. Tertii, Zembroviens, quinta ante Hedvigis. Ostrołecens, Feria secunda post Festum S. Nicolai celebrantur.

Termini Terrestres Rozanenses in Rozanovv: Primi, Feria secunda post Dominicam Invocavit. Secundi, Feria secunda post Corporis Christi. Tertii, Feria secunda post Michaelis celebrantur: quos semper Makovienses quatuor septimanis sequuntur.

Termini Terrestres Nurenenses. Primi in Nur, Feria tertia, post Circumcisionis Domini. Came-

Cameneccienfes, Feria fecunda poſt Purificatio-
nis Mariæ. Oſtrovienſes Feria tertia poſt Domi-
nicam Lætare. Secundi in Nur, tertia poſt Do-
minicam Conductus Paſchæ. Camenecenſ. Fe-
ria ſecunda poſt S. S. Trinitatis. Oſtrouienſ. Feria
tertia poſt S. Ioan. Baptiſtæ. Tertii, in Nur,
Feria tertia poſt Feſtum S. Matthæi, Camene-
cenſ. Feria ſecunda poſt Simonis. Oſtrovienſ.
Feria ſecunda poſt feſtum S. Helifabethæ cele-
brantur.

RAVEN. Termini celebrantur: Primi,
Feria ſecunda poſt Reminiſcere. Secundi, poſt
Pentecoſtes. Tertii, poſt Michaelis. Habet duos
diſtriçtus: Sochacovienſem, & Goſtinenſem.
Sochacoviæ termini judicantur. Primi, Feria
tertia poſt Dominicam Invocavit. Secundi, Fe-
ria tertia poſt SS. Trinitatis. Tertii, Feria tertia
Aſſumptionis Beatæ Virginis Mariæ. Goſtini
termini celebrantur. Primi, feria ſecunda poſt
Oculi. Gæbini proximè poſt unam ſeptima-
nam. Secundi, Feria ſecunda poſt Octavas
Corporis Chriſti. Tertii, Feria ſecunda poſt fe-
ſtum Sancti Bartholomæi.

TERRA PRUSSIÆ. Judicia Terreſtria,
Kkk 3 juxta

juxta correcturam Jurium in Terra Prussiae susceptam tali modo celebrantur.

IN PALATINATU CULMENSIS, Radzyni & Torunii bis in Anno. Primo, Feria secunda post festum Corporis Christi Radzyni. Secundo, Feria secunda post Festum S. Hedvigis Thoruni.

IN MICHALOVIENS. autem septimana, una semper post Culmen. Judicia celebrantur, & alternatim Brodnici & Neophori.

IN MARIAEBURGENS. Sztumæ. Primo, Feria secunda post Conductus Paschæ. Secundo, Feria secunda post Lamperti.

IN PALATINATU POMERANIAE singulis districtibus Judicia itidem habentur bis in anno: & Dirschaviensia quidem Starogardiae. Primo, Feria secunda post festum Circumcisionis Domini. Secundo, Feria secunda post festum S. Lucae Evangelistæ. In aliis itidem districtibus locis consuetis, ita nimirum, ut Svecens. duabus Septimanis Dirschaviens. subsequantur. Post Svecensia verò aliorum porro districtuum, una septimana invicem se consequantur; quæ si in
diem

diem festum inciderint, Feria secunda subsequente celebrentur.

IN MINORI POLONIA.

PALATINATUS CRACOVIENS. habet Districtus sex: Cracoviensem, Prossoviensem, Xięzen, Lelovien. Czchoviens. Bieczens. In quibus Districtibus unus Judex terminos Judiciorum obit, iis temporibus.

CRACOVIAE. Primi termini celebrantur Feria secunda post Circumcisionis. Secundi, Feria secunda post Dominicam Invocavit. Tertii, Feria secunda post S. S. Trinitatis. Quarti, Feria secunda post S. Michaelis.

A quibus singulis Cracoviensibus terminis, in aliis Districtibus his temporibus judicantur. Prossoviens. post unam septimanam à Cracoviens. qui Feria secunda initium sumunt. Xięziæ verò quartâ die à Prossoviens. qui feria quinta incipiunt. Leloviæ à Xięzens. Feria tertia proximâ. Czchoviæ à Leloviens. post unam septimanam, qui Feria tertia inchoantur. Bieczæ à Czchoviens. proxima Feria secunda.

In

In eodem Palatinatu est Terra Os-
vviecimensis, quæ suum Judicem habet, qui
Zatori terminos celebrat his temporibus. Pri-
mos, Feria quinta, inter quatuor temporum dies,
quæ sunt post Dominicam Invocavit; Secundos,
Feria quinta inter quatuor temporum, quæ sunt
post Pentecosten. Tertios, Feria quinta, inter
quatuor temporum, quæ sunt post Exaltationis
S. Crucis. Quartos, Feras, inter quatuor tem-
porum, quæ sunt post S. Lucie,

PALATINATUS SANDOMIRIENSIS habet
districtus sex; Sandomiriens. Radomiens. O-
poczens. Checinen. Wisliciens. Pilznens., in qui-
bus Districtibus unus Judex terminos judicat
his temporibus. Sandomiriæ primos, Feria se-
cunda post S. Priscæ. Secundos, Feria secunda
post Dominicam Oculi. Tertios, Feria secunda
post Corporis Christi. Quartos Feria secunda
post S. Francisci.

A singulis autem Sandomiriens. ter-
minis, in aliis districtibus his temporibus
judicantur. Radomiæ post septimanam
unam à Sandomiriens., qui feria secunda inci-
piunt.

piunt. Opoczyniæ post unam septimanam à Radomienf. qui etiam feria secunda exordium sumunt. Chęcini ab Opoczynenf. proxima feria sexta. Wislicia à Chęcinenf. Feria secunda, qui integram septimanam perdurant. Pilznæ à Wislicienf. post septimanam, qui etiam feria secunda incipiunt.

In eodem Palatinatu est Terra Stęziensis, quæ habet proprium Judicem, is Stęziæ terminos his temporibus celebrat. Primos, feria secunda post Dominicam Conductus Paschæ. Secundos, feria secunda post S. Matthæi Apostoli & Evangelistæ.

PALATINATUS RUSSIÆ habet Terras quinque, Leopoliens, Przemyслиens. Sano- cens, Chelmenf. Haliciens., cujusque Terræ est suus Judex. In quibus Terris & earum Districtibus termini his temporibus judicantur.

In Leopoliensi Terra, quæ habet Districtus duos, Leopoliens. & Zydacoviens. Leopoli primi termini, Feria quinta post trium Regum. Secundi Feria quinta post Na-

tivitatem Joannis Baptistæ. Tertii FERIA quinta post Michaelis. Zydaczoviæ, primi Termini à Leopoliensibus post septimanas tres & dimidiam: qui feria secunda inchoantur. Secundi, similiter à Leopoliensibus post tres septimanas & dimidiam: qui etiam feria secunda principium sumunt. Tertii, FERIA secunda post S. Hedvigis.

In Præmysliensi Terra, quæ habet duos Districtus, Præmysliens. & Prævorscens. Præmysliæ primi termini, FERIA tertia post S. Agnetis. Secundi, FERIA tertia post Conductus Paschæ. Tertii, FERIA tertia post S. Margaretæ. Quarti, feria tertia post S. Lucæ. Prævorsciæ primi termini Præmysliens. qui celebrantur post S. Agnetis, post tres integras septimanas, incipiunt FERIA tertia post festum S. Dorothææ. Secundi, FERIA tertia post Dominicam Cantate. Tertii, FERIA tertia post festum S. Petri vinculati. Quarti, FERIA tertia post S. Martini.

In Sanocensi Terra, in qua unus tantum.

tum Districtus, Sanociæ. Primi termini, feria tertia post S. Dorotheæ. Secundi, feria tertia post S. Laurentii. Tertii, feria tertia post S. Michaelis.

In Chelmeni Terra, quæ habet duos Districtus, Chelmemsem & Crasnostaviensem. Chelmæ primi termini, feria secunda proxima post S. Agnetis. Secundi, feria secunda post S. S. Philippi & Jacobi. Tertii, feria secunda inter Octavas Corporis Christi. Quartii, feria secunda ante Nativitatem B. Virginis Mariæ.

Crasnostavien : à singulis Chelmensibus Terminis, post duas septimanas; qui etiam Feriis secundis incipiunt.

In Terra Haliciensî, quæ habet duos Districtus : Halicienssem & Trebovelens. Haliciæ, primi termini feria secunda post purificationis B. Virginis Mariæ. Secundi, feria secunda post S. S. Trinitatis. Tertii, feria secunda post S. Martini.

LII 2

Trem-

Trembovle à singulis Haliciens. Terminis, post duas septimanas: qui etiam feriis secundis incipiunt.

Palatinatus Podoliæ uno tantum in locô termini celebrabantur. Kameneciæ, primi, Feria quinta post S. Agnetis. Secundi, feria quinta post S. Stanislai in Majo. Tertii, feria quinta post Omnium Sanctorum. Sed per Const. 1641. p. 28. injunctum est illi Judicio Terrestri, ut post quamlibet cadentiam Terminorum Camenecensium in spacio trium septimanarum etiam Laticzoviæ judicaret.

PALATINATUS LUBLINENSIS habet Districtus duos, Lublinensem, Urzędoviensem: in quibus unus Judex terminos judicat. Lublini, primi termini, feria secunda post Circumcisionis. Secundi, feria secunda post Michaelis. Tertii, feria secunda post Sanctum Matthæum.

Urzędovii à singulis Lublinensibus Terminis post duas septimanas: qui etiam feriis secundis incipiunt.

In hoc Palatinatu est Terra Luko-
vien-

viensis, quæ habet suum proprium Judicem; qui Lukovi Terminos celebrat his temporibus. Primos, Feria secunda post Sanctorum Trium Regum. Secundos, feria secunda post S.S. Trinitatis. Tertios, feria secunda post S. Lucæ Evangelistæ.

PALATINATUS BELZENSIS, habet Districtus tres: Belzensem, Grabovecensem, Horodlens. in quibus unus Judex Terminos obit his temporibus. Belzæ, primi termini, Feria secunda post Circumcisionis. Secundi, Feria secunda post S. Adalberti. Tertii, Feria secunda post Nativitatem S. Joannis Baptistæ. Quarti, feria secunda post S. Hedvigis. Graboveciæ, à singulis Bessens. post duas septimanas: Qui etiam feriis secundis incipiunt. Horodlæ, à singulis Grabovecens. in eadem septimana feriis quintis incipiunt. Anno tamen 1616. p. 25. ordinatum est, ut Judicia Horodlensia non amplius Horodlæ, sed Graboveciæ simul & semel celebrarentur.

In eodem Palatinatu est Terra Buscensis: quæ habet suum Judicem, qui Buscæ

terminos indicat, à singulis Belsens, post unam septimanam proximam: qui etiam feriis secundis initium sumunt.

PALATINUS PODLACHIÆ habet Terras tres: Drohicensem, Mielnicensem, Bielscensem, quælibet suum seorsim habet Judicem, in quibus termini celebrantur, Judex Drohicensis terminos judicat. Primos, feria secunda post Michaelis. Secundos, Feria secunda post Circumcisionis. Tertios, Feria secunda post Dominicam S.S. Trinitatis. A singulis terminis actorum expositio durat quatuor septimanas, Sed per Const. An. 1631. p. 29. propter commoditatem illorum qui trans flumen Bug dictum habitant, ordinatum est, ut Judicium Drohicense septimanâ post ista Judicia Miedzylesiæ judicaret.

Melnici Judex Melnicensis terminos celebrat. Primos, Feria secunda ante Michaelis. Secundos, in crastino die S. Agnetis. Tertios in una septimana post festum S. Gregorii.

In Terra Bielscensi sunt tres Districtus, Branscens. Surazensis, Tykociensis: In quibus Judex terminos celebrat his tempore-

poribus. Branscæ, Primos, feria secunda post Circumcisionis. Secundos, feria secunda post Conductus Paschæ. Tertios, feria secunda post S. Michaelis. Surazium, à singulis Branscens. terminis, protinus, atq; eos absolverit, Judex judicare proficiscitur.

Tykocini Primi termini, feria secunda post Dominicam Invocavit. Secundi, feria secunda post Dominicam S. S. Trinitatis. Tertii feria secunda post S. Martini.

Palatinatus Kyoviens. Volhyniens. Braclaviens. non Polono Jure; nec Processu Judiciario Polono in Judiciis utuntur; sed Magni Ducatus Lithvaniæ, in quibus Termini his temporibus judicantur.

PALATINATUS KYOVIENSIS habet Districtus tres: Kyoviens. Zytomiriens. Hourucensem, in quibus unus Judex terminos celebrabat. In primis Zytomiriæ, feria secunda post Circumcisionis. Deinde Kyoviæ, feria secunda post S. Georgii. Deniqve Houruciæ, feria secunda post S. Bartholomæi. Sed anno 1607. constitutum & Anno 1609. reassumptum est, ut tantum

tum Kyoviae haberentur termini, sicque per Const. An. 1677. p. 17. ordinatum est, ut termini Kyovienses Zytomiriae & Obruciae celebrarentur, donec Kyovia ad Regnum redierit.

PALATINATUS VOLHINENSIS habet Districtus tres, Luceorensem, Wlodimiriensem, Krzemenecensem: singuli habent suum separatim Judicem, in quibus Judicia celebrantur. Luceoriae, prima, pro festo Epiphaniarum Domini. Secunda, pro festo S.S. Trinitatis. Tertia, pro Festo S. Michaelis.

Wlodimiry à singulis Luceorienfibus terminis, per tres septimanas: Krzemeneciae à singulis Wlodimiriensibus, similiter post tres septimanas.

PALATINATUS BRACLAVIEN: in quo in uno loco tantum termini celebrantur, nempe Winnicae, Primi, in crastino Epiphaniarum. Secundi, in crastino S.S. Trinitatis. Tertii, in crastino S. Michaelis.

PALATINATUS CZERNIEHOVIENS, duobus in locis Terminos habet Terrestris, nempe Czerniehoviae & Novogrodci, ita ut hi termi-

ni semper post Czerniechovienses intra tres septimanas celebrentur, juxta Const. 1635. p. 17. & 18.

IN MAGNO DUCATU LITHVANIÆ.

Judices proprios habent Vilna, Osmiana, Lida, Vilkomiria, Braclavia, Trokum, Grodna, Upitia, Połocia, Novogrodum, Volkovicia, Słominum, Vitepskum, Orszanum, Brzescia, Pinskum, Mscisłavia, Minskum, Mozirskum, Rzeczyscia. In *Samogitia* quoq; habentur termini Terrestres.

Livonia terminos suos habet Dyneburgi, & quidem tres, uti in Lithvaniâ: Primum, in crastino Trium Regum: Secundum, in crastino S. S. Trinitatis: Tertium, in crastino S. Michaelis, vid. Const. 1677.

III. Citationi inscribitur titulus Regius, non integer, sed hunc in modum; Johannes Tertius DEI Gratia Rex Poloniae &c. Sigillum additur ejus districtus, ubi citandus est possessionatus, Const. 1589. p. 542. Citatio à Ministeriali (Wozny, quem Palatinus cujusq; loci ex Privilegio Casimiri Magni Anni 1368. creat, & post Jusjurandum literis instruit) insinuatur citando, vel ipsi, vel ejusdem Tenentario, vel etiam Hortulano,

M m m

pu.

publicando citationis positionem, in villis verò desertis possessoribus deficientibus in ligno terræ infixio publicatur, vel in Parochia. Relatio autem Citationis positæ, duabus antè Judicia hebdomadis coram actis proprii districtus per eundem Ministerialem inscribi debet, vid. Const. 1670. p. 22.

IV. Ut eadem, nec non Castrensia & Succameralia etiam tempore Comitiorum generalium exerçantur, cavet Const. 1677. p. 13. Ita tamen, ut illi, qui in Comitiiis causam aliquam habent, usq; ad Comitiola Relationum eximantur, & Mareschallo testimonium producant, quod in Comitiiis præsentés fuerint.

V. Ad Judicia Terrestria refertur Judicium Positionis Actorum Terrestrium, Polonice (Ksiąg lezenie) in Minori Polonia & Prussia usitatum, atque per Const. 1607. & 1647. Palatinaui Kyoviensi concessum. Exercet hoc Judicium Notarius Terrestris cum duobus Camerariis, quorum alter est Judicis, alter Subjudicis. 1. Ad tollendam summam de bonis obligatis (o wykupno) 2. pro subdito profugo. Citationes emanant formulâ sequenti; *quatenus coram Judicio Terrestri, vel positione actorum Terrestrium legitime compareas.*

CAP. X.

CAPUT X. DE JUDICIIS CASTRENSIBUS.

SECURITATEM Judiciorum Majores Nostri apprimè necessariam judicantes, Locum Judiciorum Civitates earumqve Arces sive Castra delegerunt, ipsi in pagis degentes, undè etiam hæc Judicia Castrensia (Sądy Grodzkie) vocari meruerunt. In Polonia vocantur Capitanealia, quia à Capitaneis: In Prussia Palatinalia, quia à Palatinis exercentur. In Magno Ducatu Lithvanix quisq; Palatinus in suo Palatinaru est Capitaneus, Districtus verò suos habent Capitaneos cum Jurisdictione, ad quos illa Judicia pertinent.

VI. In Criminalibus Citatio duabus Septimanis, in civilibus unà præcedere debet, sub sigillo Capitanei, & ubi judicant, Palatini, ut supra dictum, sub Palatinali. Prodeunt autem Citationes, non uti in supra dictis Judiciis sub Nomine Regio, sed sub nomine Capitanei, hæc formulâ: N. Capitaneus &c. tibi &c. mandamus vigore Regio, & nostrâ, quâ hac in parte fungimur, Authoritate. In Mazoviâ ramen nomen Regium præponitur.

VII. Pertinent huc in primis quatuor articuli.

M m m 2

I. Vio-

1. Violentia fœminis illata.
2. Præda in via publica facta.
3. Incendium & immissio ignis.
4. Invasio domus.

Juxta ordinationem Sigism: I. de Anno 1540. Capitanei in Majori Polonia etiam causas de exemptione bonorum judicant. In Belzensi & Volhyniæ Palatinatibus Capitanei facultatem habent judicandi de pro- fugis ex bonis Regiis, id quod etiam Palatinatus Sendomiriens., Podoliæ, Lublinens., Podlachæ, & Braclaviens., juxta Const. 1661. p. 12. deindè hoc ipsum etiam Capitaneis Magni Ducatus Lithva- niæ per Const. 1667. p. 79. concessum legitur. Im- possessionati quoqve Nobiles coram hoc Officio responderi tenentur Const. 1588. vocantur etiam huc Jure victi ad Banniendum, tum & alienò nomine aliquid recognoscentes, tum quoqve ob non restitutionem rei arrestatæ, unius septimanæ spatio Capitaneus judicat. Statutum Lithvanicum addit despoliationes Templorum, Veneficia &c. vide illud Cap. IV. Art. 30. Quoad Judicia Palati- nalia Prussiæ vide Jur: Terres: Correc: titulum 5. Num. 28. & 34.

VIII. Alterum Judicium Castrense est Vice- Capitaneale, seu Judicium officii & Quærelarum (Polonicè

(Polonicè Skargi ut & Roczki.) In Prussiâ Vice-Palatinalia nuncupantur.

IX. Judicia Castren: singulis sex septimanis, Vice-Capitanealia verò singulis duabus septimanis, in Prussiâ Palatinalia singulis quadrantibus Anni, sed Vice-Palatinalia singulis Mensibus, celebrantur.

X. Ad forum autem Vice-Capitaneale pertinentes Actiones exhibet Zawacki in Processu Judiciario, ut sequuntur:

1. Pro divisione inter fratres.
2. Pro exdotatione & provisione sororum.
3. Pro violentâ expulsiōe de Tenutâ.
4. Pro pœna trium Marcarum abacti, vel vagi, & ad fideiussoriam cautionem non extraditi; similiter ad forestam Regiam, intra triduum non præsentati pecoris.
5. Ad Inscriptionem.
6. Pro famulo, absq̃ literis testimonialibus à priori Domino obtentis, suscepto.
7. Pro pœnalibus actionibus: ut pro pœna trium Marcarum: pro vadio Capitaneali, centum viginti Marcarum, ob non factam divisionem.
8. Pro theloneo iniquè extorto.

M m m 3

9. Pro

-
9. Pro non solutâ contributione, & Fumalibus.
 10. Pro portatione pixidum seu bombardarum.
 11. Pro recenti crimine, quod durat Anno & sex septimanis.
 12. Quæ pro executione remittuntur, & aliæ privatâ lege huc pertinentes causæ.

XI. Officio Vice-Capitaneali Varfaviensi per Const. 1658. p. 42. conceditur, ut instar Judiciorum Cracoviensium sub tempus absentiae Regiæ judicet, & quidem omnes Incolas Nobilis conditionis impositos, uti etiam Plebeiæ conditionis in quocunqve fundo ibidem habitantes, salvâ appellatione Nobili ad Tribunal, inter causas terminorum tactorum, Plebeio autem post Curiam, in causis majoribus taxam trecentarum Marcarum excedentibus, exceptis causis Civium possessorum, quæ ad forum Civile pertinent, & causis fundi Incolarum spiritualium & Nobilium, quæ ad directum Dominum pro recognitione & decisione remittuntur, salvis privilegiis antiquis Civitatis antiquæ Varfaviæ, & Constitutionibus A: 1611. & 1633. in toto manentibus.

XII. A Judiciis Terrestribus & Castrensis
olim

olim ad terminos generales, sive ad Colloquia, interponebatur appellatio, sinimirum hæc antè Comititia incidebant, si verò priùs Comitiorum terminus erat, provocabatur rectà ad ipsum Regem. Habebantur illa singulis annis semel Autumni tempore in omnibus Palatinatibus: Judices erant Palatinus, Castellanus; Judex aliq; Officiales Sigism. I. Anno 1543. Tandem Rex Stephanus Tribunalitia instituit Judicia, de quibus supra dictum est.

CAPUT XI.

DE JUDICIO SUCCAMERARIALI.

I. Succamerarius est Prætor sive cognitor limitum. In Prussia autem hæc Judicia non à Succamerariis, quoniam Consilarii Terrarum sunt, sed à Judice Terrestri cum duobus Scabinis exercentur, vid. *Jus Correc. titulo 7. Num. 7.*

II. Citatio emanat hõc modò: N. Succamerarius &c. tibi &c. innotescimus, quatenus coram Nobis &c.

III. Ad hoc forum tantummodò actio finium regundorum inter Nobiles de Jure refertur, idq;ve tum, si remissa causa à Judicio Terrestri

stria d campum fuerit. Si differentia sit limitum inter Bona Regalia, & Nobilium Terrestria, non Terrestre Judicium, neque solus Succamerarius, sed Commissarii Regii cognoscunt.

IV. Decreti & totius Processus Succamerarius per suas patentes literas refert Judici Terrestri in terminis immediatè celebrandis, quas deinde literas per Actorem præsentatas, Judicium Terrestre ad acta Terrestria refert, sive, ut loquuntur, acticat, ad perpetuam rei memoriam.

V. Si verò quis cum Succamerario ipso, ratione finium, habeat actionem, tunc Succamerarius à Rege surrogationem petere debet, juxta *Const. 1557.*

CAPUT XII.

DE JUDICIO PALATINALI.

Quivis Palatinus Judæos sui Palatinatûs in Civitatibus & Oppidis Regiis manentes judicat. De iis verò, qui in Civitatibus & Oppidis Nobilium habitant, quilibet Dominus Justitiam administrare tenetur. Judicantur etiam hîc mercatores breviores pannos vendentes, fraternitates artificum in detrimentum publicum factas.

Pro-Con-

Pro-Consules, qui precia rebus imposita à Palatino, observare negligunt.

CAPUT XIII.

DE JUDICIO PALATINALI

cum

CAPITANEALI.

Palatinalē cum Capitaneali Judicio compositum judicat Præ-Consulem Constitutiones utriusq; de pretiis rerum non exequentem. In ejusmodi Citationibus Titulus Palatini & Capitanei conjunctim scribitur.

CAPUT XIV.

DE JUDICIO CAPITANEALI

cum CIVILI.

Capitaneale cum Civili conjunctum celebratur, quando Capitaneus seu ejus Officium Nobilem ob privatum crimen in Civitate captum cum Officio Civili judicat, juxta Statutum Thorunense.

CAPUT XV.

DE JUDICIIS COMMISSORIALIBUS.

I. **E**xercentur hæc, i. quando de fundo Regio & Nobilis alicujus controversia incidit. Const.

Nnn

1633.

1633. p. 39. 2. quando agitur de exemptione Bonorum Regalium. 3. de divisione inter fratres, aut par Jus habentes, nisi de Juribus obstet controversia, tunc enim ad jus Terreſtre pro definitione causa remittitur. Ad Commissionem vero requiruntur tria, 1. Commissio Regia, quâ subscriptis Personis negotium committitur: 2. Mandatum Regium, ut Tenuarius coram Commissariis compareat. 3. Innotescencia Commissionis Tenuario per Commissarios sub Sigillis, & subscriptione manuum edenda, atq; unâ cum mandato per Ministerialem & duos Nobiles ad Capitaneum seu Tenuarium duabus antè terminum septimanis inferenda: Ad redimenda vero bona Regalia, sex hebdomadis præcedere debet.

II. Si verò controversia incidat de finibus inter bona utrinq; Regia, tunc non per Commissarios, sed per Revisores constituuntur limites. Ut hæc illustratio singulis quinquenniis elapsis fiat, vult *Const. 1647. p. 25.*

III. Valent etiam Judicia Commissorialia, si utriusq; partis consensu à Rege impetrentur.

CAPUT

CAPUT XVI.
DE JUDICIIS CIVITATUM.

Civitates, quarum aliæ secundum Jus Saxonicum, aliæ juxta Culmense, ut Pruthenicæ, aliæ secundum Jus Lubecense, ut Elbinga, Brunsberga & Frauenburgum vivunt, his Judiciis gaudent (ut præteream Burgrabios) Præ-Consulibus, Consulibus, Scultetis seu Advocatis, & Scabinis, de quibus *Czaradzki in Process. Judiciar. Parte I. Tit. 2.* pluribus agit.

CAPUT XVII.
DE

JUDICIO COMPROMISSORIALI.

Compromissoriale Judicium pender solummodo ex partium consensu per inscriptionem ad Acta Authentica præstituta pænâ, sive vadio super compromisso facto à partibus tenaciter servando.

Nnn 2 LIB.

LIBER IV.

DE PROVINCIIS REGNI
POLONIÆ.


CAPUT. I.

DE PROVINCIIS IN GENERE.
I.

Postquam Jura Imperantis, & munia parentium, ac demum, quô Jure suum quisq; interesse persequatur, ob oculos posui, restat, ut de singulis Provinciis nonnihil, idq; non tam Historicè, quàm Politicè in medium proferam. Quæ quidem Hæreditario Jure possessæ, partim æquitate allecæ, nonnullæ Jure feudi devolutæ, quædam certis Pactis, nullæ autem vi Regno ac Regum Majestati accesserunt, ut verbis utar *Przylusii LIB. V. Cap. I.* Polonia autem (antiquis Sarmatia Europæa dicta) uti nunc a fortissimo & prudentissimo Rege Serenissimo Joanne III. gubernatur, quindecim in universum Provincias sub uno sceptro continet, nimirum ex serie Tituli Regii, Poloniam utramq; Majorem & Minorem, Magnum Ducatum Lithvaniæ, Russiæ, Prussiæ, Masoviæ, Samogitiæ, Livoniæ, Volhyniæ, Kyoviæ,

en-
in-
at,
m
L.
m
æ,
ac
ar
is
o
ll.
as
i-
i-
e,
e,
e,





Kyoviæ, Podoliæ, Podlachiæ, Smolensciæ, Severiæ, Czerniechoviæq;.

II. Crevit autem Polonia hunc in modum, dum Casimirus II. Russiam & Podoliam, Vladislaus Jagello Lithvaniam & Samogitiam, Casimirus Jagellonides Prussiam & Pomeraniam, Sigismundus Augustus Livoniam, Sigism. III. Severiam, Vladislaus IV. Czerniechoviam, Regno annexerunt, eodem cum Polonis Jure vivere voluerunt.

CAPUT II. DE MAJORI POLONIA.

I. **M**AJOR ideò vocatur, quia Lechus primus Princeps ibidem Gnesnam erexit, & sedem suam constituit, quæ tamen postea in Minorem Poloniam translata & Cracovia Metropolis facta est.

II. Tota verò Majoris Poloniæ amplitudo in octo Satrapias dividitur, in Palatinatus videlicet I. POSNANIENSEM, cujus Etymon inde, quod Poloni illo in loco primum notitiam Christianæ Religionis (Poznanie prawdy) consecuti sunt. Adjungitur eidem Wschovenſe Territorium, cujus officia Terrestria, postquam per multos an-

nos in usu non fuerunt, per *Constit.* 1670. reinducta sunt. II. CALISIENSEM, ubi observandum, quod hi duo Palatinatus strictâ significatione Majoris Poloniæ nomen mereantur. Sic Capitaneatus istorum Palatinatum vocatur Generalis Majoris Poloniæ, & Szredensia Comitola, quæ itidem dictorum modo sunt Palatinatum, Majoris Poloniæ nuncupantur. III. SIRADIENSEM, qui in quatuor se Territoria extendit, scilicet Sieradiense, Szatkoviense, Radomscense, & Petrikoviense. Narrat de hoc Palatinatu *Papocius* in *Opere Stemmat.* pag. 707: quod ibidem ex Singulari Privilegio, quilibet Nobilis rubrâ cerâ literas suas sigillare possit, quoniam (ut nonnulli referunt) Lanciciensium insignia à Crucigeris vindicarunt. Plenioris Jurisdictionis signum est rubrâ cerâ sigillare, neque omnibus, nisi veteri consuetudine, aut certo Privilegio impetratum sit, competit, vid. *Kircherus lib. I. de Off. & Dign. Cancell.* Hodie in Poloniâ omnis Nobilis hoc Jure gaudet: Civitates autem in publicis instrumentis signandis viridi utuntur cerâ; Nisi Privilegio gaudeant. Ita Gedanensibus Casimirus Jagellonides Anno 1457. Privilegium rubrâ cerâ signandi dedit. Quam prærogativam etiam aliæ nonnullæ

nullæ Civitates ab aliis Regibus acquisiverunt. In Gallia verò cera flava eminentioris est considerationis, quàm rubra, nam illa nemo nisi Rex utitur. Factâ mentione rubræ ceræ, addo ex Historiâ; quòd olim binis familiis in notam pœnæ impositum fuerit, ut neqve rubris vestibus uti, neq; inter Equestres homines in acie consistere eis liceret. IV. Terram VIELUNENSEM. V. LANCICIENSEM, tria habentem Territoria, Lenciciense, Brzezoviense, & Orłowiense. VI. BRZESTENSEM, qui complectitur Territoria quatuor, Brzestense, Crusvicense, Kovvalense, & Predecense. VII. INOVLADISLAVIENSEM tria Territoria habentem, videlicet Bidgostienſe, Bobrunicense, & Inovladislavienſe. Hi duo Palatinatus vulgò *Cujavia* dicuntur. VIII. RAVENSEM, tribus consistentem Territoriis, Ravensi, Sochaczoviensi & Gostinensi; De Arce Ravensi notandum, quòd captivi hostes Regni, si Majoris nominis & honoris fuerint, ibidem custodiri soleant.

III. Uti Provinciæ hujus Metropolis est *Posnania*, ita Posnaniensis Præfectus seu Capitaneus (quemadmodum jam innui) hanc prærogativam habet, ut Generalis Majoris Poloniæ nominetur,

netur, & in aliquot Districtibus suam Jurisdictionem exerceat. Sed non potest Generalis simul possidere Palatinatum Posnaniensem vel Calissensem; hinc cum Illustrissimo Domino Joanni Comiti de Bnin Opalinscio Generalatus istetradetur, Palatinatui Calissensi renunciabat, & Brestensem Cujaviensem accipiebat.

IV. Generalius sub Majori Polonia comprehenduntur Palatinatus XIII. nempe, Posnanienf., Calissiensis, Sieradienf., Lencicienf., Brestenf., Inovladislaviens., Plocenf., Ravensis, Masovix, Podlachix, Culmenf., Marieb: Pomeranix. Districtus LVII. Posnanienf., VVichovenf., Costenf., Valecens., Calissiens., Gneznens., Naklenf., Pysdrenf., Koninenf., Krzynens., Syradienf., Satkovienf. Petrikovienf., Radomscenf., Vielunenf., Ostrzeffoviensis, Lancicienf., Brzezinenf. Orlovienf., Brestenf., Konarienf., Crusvicenf., Radzieroviens., Przedecenf., Kovalienf., Inovladislaviens., Bydgostienf., Dobrzynens., Lipinenf., Stomscenf., Plocenf., Raciążenf. Srenenf. Mławenf. Plonens., Zavorenf., Bielscens., Ravens., Sochaczoviensis, Gostinenf. Gambinenf., Czernenf., Varsaviens., Vlsnens., Vyssogro.

grodiens., Zakrocimens., Ciechanowiens., Lom-
zens., Rozanens., Liven., Nurens., Drohicens.,
Bielscens., Mielnicens., Culmens., Mariæburgens.
Pomeraniæ.

CAPUT III. DE MINORI POLONIA.

I. **M**inor Polonia in tres communissimè Satra-
pias seu Palatinatus dividitur I. C R A C O-
VIENSEM, qui præter quatuor Districtus,
Cracoviensem, Leloviensem, Bieczensem &
Sandecensem, etiam tres Ducatus in se continet,
I. Oswiecimens., quem Janusius Dux & Domi-
nus, Casimiro IV. Regi Poloniæ pro quinquagin-
ta millibus grossorum Pragensium anno 1457.
vendidit, teste *Przylusio pag. 796.* II. Zatoriens.,
quem à Duce Janusio Joannes Albertus Rex pro
octoginta millibus florenorum Ungaricalium,
anno 1494. comparavit, juxta dictum *Przylusium*
790. Incorporatio horum Ducatum ad Regnum
Poloniæ, ac in specie ad Palatinatum Cracovien-
sem facta est Petrikoviæ anno 1563. & renovata
Varfaviæ anno 1564. III. Severiensem, quem Zbi-
gneus Cardinalis & Episcopus Cracoviens. à Vla-
dislao Ratiboriensium & Cessinensium Duce,

O o o

emit

emiteâ lege, ut penes successores suos semper esset Ducatus hujus Dominium, quo etiam in hunc usq; diem *Episcopi* Cracovienses gaudent. Hic propter vicinitatem mentionem facio *Comitatus Scepusiens.*, qui est pars Hungariæ tredecim Oppida continens: accepit eundem Casimirus Tertius circa annum 1412. à Sigismundo Rege Hungariæ pro summa quadraginta millium latorum grossorum Pragensium in hypothecam. II. SENDOMIRIENSEM, qui dividitur in districtus Sendomiriensem, Vislicensem & Pilzinensem. atq; Terram Radomensem, Stenzycensem, Opoczynensem, & Chencynensem. Sendomiriam fuisse olim sedem secundogenitorum testatur *Sarnicius*. III. LUBLINENSEM.

II. Sicut Provinciæ hujus caput est *Cracovia*, ita Generalis Præfectus Cracoviensis est primarius custos ac defensor non tantum Arcis Regiæ, in qua insignia Regni asservantur, verum pacis ac tranquillitatis publicæ, unde Jurisdictionem habet late patentem, non modò in agrestes & Oppidanos, sed etiam in Equestri Ordinis homines, estq; hic Generalatus cum Castellaniâ vel Palatinatu Cracoviensi compatibilis. Licet autem Præfectus Cracoviens. amplissimam Jurisdictionem

ditionem habeat, tamen sartorum tectorum Arcis & reddituum Principis curam non habet. Est enim alius Magnus Provisor (Wielkorządca) qui hanc functionem sustinet. Posnaniensis verò Capitaneus curat sartatecta Arcis Posnaniensis & redditus Regios ejusdem Palatinatus.

Olim Jus eligendorum Consulum Cracoviensium ad communitatem spectabat, deinde hoc Rex Lothicus in Palatinum Loci transtulit, à quo hactenus Consules Cracovienses constituti fuerunt; sed anno 1677. die 30. Decembr. Magistratus obtinuit à Serenissimo Rege Privilegium super liberam electionem Consulum & Præsidentum, quod in Comitibus Grodnensibus approbatum est.

IV. Ad minorem Poloniam, quatenus totum Regnum in tres dividitur Gentes, pertinent Palatinatus decem, Cracoviensis, Sendomiriensis, Lublinensis, Russiæ, Belzensis, Podoliæ, Kyoviæ, Volhyniæ, Braclaviensis & Czerniechoviensis. Districtus verò XLV, Cracoviensis, Proszoviensis, Lelovens, Czechoviensis, Xiqznensis, Sandecensis, Bieczensis, Zatoriensis, Oswiecimens, Sandomiriensis, Chenczynensis, Wysliciens, Pilznensis, Neokorczynensis, Opoczniensis, Stenzy-

cent., Radomienf., Lublinenf., Urcædovienf.,
 Lubavienf., Leopoliens., Drohicenf., Sambo-
 rienf., Premysliens., & Przewvorscens., Sano-
 cens., Zydaczovienf., Haliciens., Trembovvienf.,
 Chelmenf., Krasnostavvienf., Betzensis, Buscens.,
 Grabovecens., Horodlens., Camenecens., Luto-
 mirscens., Kyovienf., Luceorienf., Vlodimirienf.,
 Cremenens., Vinnicens., Braclavienf., Czernie-
 chovienf., Novogrodenfis.

CAP. IV.

DE MAGNO DUCATU
LITHVANIÆ.

I. **J**Agello Magnus Dux Lithvaniæ circa annum
 1386. in Regem electus, ac Hedvigi Ludovici
 Poloniæ & Hungariæ Regis filiâ in uxorem sum-
 ptâ Ducatum illum in unum & indivisum,
 ac indifferens Corpus Regno annexuit, qui ta-
 men suos retinuit Magnos Duces usq; ad Annum
 1501. quô demum tempore Alexander Lithvaniæ
 Dux Rex creatus, unionem tam diu desideratam
 ad finem perduxit. Quod fœdus Sigismundus Au-
 gustus executioni dedit, in quo, quemadmodum
 ad communionem libertatum & prærogativa-
 rum Regni Magnus Ducatus Lithvaniæ admitti-
 tur.

tur, ita simul ibidem Jus hæreditatis in eodem Ducatu Lithvaniæ aboletur, ubi insuper non modò ex Personâ suâ dictus Rex cessit Hæreditate Lithvaniæ, verùm liberos suos, si quos progigneret, exhæredes totaliter eodem Diplomate declaravit, atq; sic rem maximam imò pro impossibili judicatam in Republicâ effecit, ut etiam multi Senatores prudentissimi rerumq; peritissimi dictitaverint, cum unio Poloniæ Lithvaniæq; & executio Legum fiet, permissuros se, ut sibi laqueus collo injiciatur. Privilegium ratione istius unionis in Comitibus Lublinsibus anno 1569. in volumine Legum reperitur. Ita Sigismundus Augustus ea, quæ Proavus ejus Vladislaus Jagello sanctè cum Regno pactus erat, Casimirus Avus confirmaverat. Sigismundus verò Pater & Patruus Johannes Albertus & Alexander stipulatione quadam interveniente promiserant, re ipsa præstitit & perfecit.

II. Dividitur Communissimè in tres Palatinatus VILNENSEM, TROCENSEM, cui subest Terra Grodnensis, & BRZESCIANENSEM.

III. Ad Lithvaniam respectu trium Gentium spectat Samogitia, Novogrodensis, Mcislaviens., Minscens., Polocens., Witepscens. & Smolen-

O o o 3 scens.,

scens. Palatinatus. Livonia verò utriq; nationi tam Polonicæ quàm Lithvanicæ communis est.

IV. Quoad controversias forenses, Ducatus ille peculiaria sua observat statuta, quæ Sigismundus III. per *Leonem Sapieham* supremum tunc Provinciæ Cancellarium in multis corrigi & augeri curavit.

V. Urbs Metropolis *Vilna* est, quæ in omnibus Juribus Magni Ducatus Lithvaniæ æquiparatur, & ad nullas exactiones, nedum hyberna, exceptis contributionibus Reipublicæ, tenetur, juxta *Const. 1679.*

CAPUT. V. DE RUSSIA.

I. **R**ussia, (olim Roxolania) dividitur in Rubram & albam. Illa, sic nuncupata, quia meridiano magis soli exponit incolas. Complectitur in se septem amplissimos Palatinatus scilicet RUSSIÆ, qui in sex dividitur Terras, Leopoliensem, Præmisliensem, Sanocensem, Wisnensem, Haliciensem, Chetmensensem. PO. DOLIÆ, de quo *infra.* VOLHYNIÆ, de quo *itidem infra.* BELZÆ, qui dividitur in Districtus Beżensem, Grabovicensem, Horodlensem & Ter-

Terram Buscensem, inter quam & Districtum Grabovecensem alternata est in Comitibus atq; in expeditione Generali, secundum *Const.* 1670. *pap.* 25. & BRACLAVIÆ, qui Palatinatus cum Kyoviensi & Czerniechoviensi computatus, *Ukraina* vocatur, à Kray, quod oram seu finem significat.

II. Caput Russiæ hujus est *Leopolis* Archi-Episcopali honore Nobilis, quin, quod raro Civitati ulli accidit, duo sunt ibidem Archi-Episcopi Catholicus & Armenicus, nec non Episcopus Ruthenicus (*Władyk*.)

III. Alba Russia Magno Ducatui Lithvaniæ adjacet subjacetq; & consistit in sex Palatinatibus nimirum SMOLENSCENSI de quo *infra*, NOVOGRODENSI qui duos habet Districtus, Novogrodensem & Stonimensem. POLOCENSI, cujus Palatini liberè eligendi prærogativam Nobilitati dederunt antiquiores Reges. Quod Privilegium à Vladislao quarto *Anno* 1642. & à Michaële 1670. confirmatum legitur. VITEPSCENSI, qui duos Districtus Vitepscensem & Bratistaviensem, MSCISLAVIENSI, qui duos itidem Districtus Mscistaviensem atq; Mozdziensem continet. Et MINSCENSI.

CA-

CAPUT VI.
DE PRUSSIA.

I. *Prussia* duplex est REGIA & DUCALIS. Illa quamvis eodem cum Polonis Regno contineatur, peculiare tamen leges, peculiare ærarium & Thesaurarium suum (qui olim Oeconomus seu Procurator Mariæburgensis fuit) ac belli gerendi rationem diversam antiquitus habet, nec nobilitas tempore motionis publicæ extra fines procedere tenetur, uti supra de Expeditione Generali dictum est. Distinguitur in CULMENSEM ac MARIÆBURGENSEM Palatinatus, atq; Episcopatum Varmiensem. In Palatinatu *Culmensi* numerantur sequentes Capitaneatus Kowaliensis, Radzimensis, Grudentinus, Lipinensis, Golubensis, Pokrivnen., Brodnicensis, Bracianensis; In Palatinatu Mariæburgensi: Mariæburgensis, Christburgensis, Tolkmiten., Stumensis. Inter Civitates Pruthenicas olim CULMIA Metropolis fuit, nunc ordine prima est THORUNIUM, quæ habet metricæ, uti Elbinga Sigilli, & Gedanum Thesauri Terrarum Prusiæ custodiam. *Elbingam* condidisse dicuntur Lubecenses, à quibus etiam usum Juris ejusdem

dem receperunt, uti patet ex privilegio ab Henrico de Hohenloë Magistro Ordinis anno 1246. ipsis dato, quod Jus Civitati etiam Brunshergensi postea collatum est. Recepit idem Jus quoque Frauenburgum illudque etiam nunc dictæ Civitates retinent, aliæ ex Jure Culmensi causas suas dijudicant.

II. POMERANIA iisdem, quibus & Prussia Legibus utitur, & quasi una Provincia cum Prussis computatur, dividiturque in sequentes Capitaneatus, Skarszeviens., Tucholiens., Kiso- viens., Pucens., Noven., Mirachoviens., Hamer- steinens., Osiecens., Saboviciens., Jasieniecens., Parchoviens., Borzechoviens., Svecens., Koscie- rynens., Tczevens. sive Dersaviens., Gnievens. sive Mevens., Stuchoviens. Hi autem Capita- nei Jurisdictione ferè nullâ gaudent, præsertim, in Nobilitatem, Castrensia quippe Judicia in Prussia Palatinis competunt. Metropolis Po- meraniæ est *Gedanum* totius Europæ Granarium, atque inter Urbes Hanseaticas primaria, quâ ad omnem occasionem rei benè gerendæ in omnes partes nulla opportunior Civitas est, ut verè sentit *Carnovius lib. 3. Epist. Illustr. Vir.* Quan- tum ergo in ejusdem conservatione intersit

P p p

Rei-

Reipublicæ, ratio dicat, atqve experientia loquitur. Pro hujus libertate hæcenus Belgæ tam acriter pugnarunt, ne nimirum à Polonia avelleretur. Sic etiam Rex Daniæ per Tractatum anno 1658. sese obligaverat, portui Gedanensi, si necessitas postulaverit, classe armatâ succurrere. Frumenta, & alia, quæ Poloni Gedanum deportant, externis mercatoribus aut omnino alteri, quàm Dantiscano Civi, vendere non licet. Ad munus Burggrabiatus in hac & aliis duabus majoribus Civitatibus secundum receptam consuetudinem veteremq; Legem, proponuntur à Magistratu Viri quatuor, ex quibus Rex uni officium istud confert.

III. De *Succamerariis* quorum tres sunt, nimirum Culmenfis, Mariæburgensis, & Pomeraniæ, notandum est, quòd eosdem Casimirus Tertius Anno 1468. Prusiam ingressus, ad Senatum Pruthenicum adjecerit. Licet verò in Prussia inter Consiliarios locum habeant, in Comitibus tamen Regni inter Nuncios comparent, sessionemqve capiunt. Observandum porro, quòd Officia Succamerariorum Judicum, Subjudicum, & Notariorum non ex quatuor candidatis uni, sed, juxta morem Terrarum Prusiæ, electo

electo Succamerario &c. huic & non alii munus istud à Rege conferatur. Secus per Regnum, ubi ex quatuor Candidatis unus à Rege confirmatur.

IV. Judicia Terrestria, in quibus Nobilitas causas suas ventilat, novem constituta sunt, ad quæ octo Scabini eliguntur. In Palatinatu Culmensi est unum, ad quod ex Consulari Ordine Civitatis Thorunensis duo Scabini à Nobilitate in octonarium numerum adsciscuntur. In Palatinatu Mariæburgensi itidem unum. In Palatinatu verò Pomeraniæ septem numerantur, Stochoviense, Tucholiense, Szvecense, Derfaviense, Sucoviense, Putcense, Mirachoviense. Castrensia Judicia, quæ in Poloniâ Capitaneis competunt, in Prussiâ à Palatinis exercentur. Ab initio Prutheni obrentu suorum jurium contenderunt, causas omnes in Conventibus suis Ordinum Generalibus decerni debere, non admissis ad Aulam Regiam *appellationibus*, ad quas tamen condescendere anno 1521. adstricti sunt, exceptis causis criminalibus, aliisq; nonnullis casibus. Deindè licet Stephanus Tribunalia Summa in Regno Magnoq; Ducatu Lithvaniæ instituerit, causæ tamen Pruthenicæ à Regibus

dijudicatæ sunt. Sed sub Sigismundo tertio Anno 1598. ceperunt Prussorum Nobilium causæ ad Petricoviense Tribunal trahi, & deniq; delegati illuc mitti. Civitates tamen Tribunalia declinant, & judicia tantum Regia agnoscunt.

V. Præter supradictos Officiales sunt in Prussia duo Gladiferi, unus in Culmensi, alter in Mariæburgensi Palatinatu.

VI. Advocatiæ seu Scultetiæ in Prussia omnes juxta antiquam Cruciferorum dispositionem jure hæreditario obtrinentur.

VII. De DUCALI PRUSSIA connoto sequentia. Albertus Marchio Brandenburgicus trigessimus quartus & ultimus Ordinis Teutonici Magister anno 1525. à Sigismundo primo Rege Poloniæ Dux Prusiæ Feudatarius creatus fuit. Huic succedit filius Albertus Fridericus, quò defuncto Joannes Sigismundus Elector Brandenburgicus (qui illius filiam Annam duxerat) solenniter Varisaviæ in Comitibus Anno 1611. Dux Prusiæ pro se fratribus eorumq; hæredibus masculis inauguratus est.

VIII. Tandem *Pactis Bydgostensibus* die 6. Novembr. anno 1657. confectis, & postmodum ab Ordinibus Reipublicæ in Comitibus Generalibus

bus Varfaviensibus anno 1658. confirmatis, inter Serenissimum Regem Poloniæ D. Joannem Casimirum, & Serenissimum Electorem Brandenburgicum Dominum Fridericum Wilhelmum convenit, ut altè memoratus Serenissimus Elector Ducatum Prusiæ iis finibus circumscriptum, quibus illum olim jure feudi ante Bellum Svecicum exortum possidebat, deinceps & descendentes Ejusdem Serenitatis Electoralis Masculi jure supremi Domini cum summâ atqve absolutâ potestate sibi haberent, possiderent, regerentq; absqve omnibus antehac præstitis oneribus. Deficientibus autem Masculis, ex præmemorata lineâ legitimâ Electorali descendentes Serenissimis Regibus, & Reipublicæ Poloniæ jus suum integrum in præfatum Ducatum reservatur, & tali pacto, Ducatus ille à Republica Poloniæ non avellatur. In casu autem non existentium descendens, promisit altè memoratus Rex Serenissimus pro se suisqve Successoribus specialem habituros rationem. Agnatorum Serenitatis suæ Electoralis, nimirum Domus Culmbacensis & Onolsbacensis, ut ex consensu Comitiorum Regni aliis præferantur & ad Successionem ejusdem Ducatus ad-

mittantur, sub iisdem Feudi conditionibus & obligationibus, quibus antehac Serenissimus Elector ejusq; Antecessores illum vigore Investituræ possederunt.

IX. Actus solennis, quo supremum Dominium in Prussiam Ducalem Serenissimo Electori Brandenburgico per Commissarios Reipublicæ, scilicet Stephanum Vizga tunc Episcopum Warmiensem, nunc Archi-Episcopum Gnezniensem, & Joannem Comitem de Leszno Leszczynski, tunc Vice-Cancellarium, postea Supremum, Cancellarium Regni, tandem Palatinum Cracoviensem traditum, Regiomonti die octavo Octobris Anno 1663. celebratus est. Inter alia convenit in Pactis, ut quoties novum aliquod bellum contra Regem ac Rempublicam Polonam oriretur, Sua Serenitas Electoralis ejusq; Descendentes tenerentur mille quingentos pedites & quingentos Equites subministrare, quibus postquam ex Ducatu Prussiæ Ducalieducti fuerint, Rex Regnumq; Poloniæ sustentationem subministraret. Sed circa affecurationem Elbingæ Regno Poloniæ post exolutionem summæ quadringentorum millium talerorum restituendæ quingenti Equites remissi sunt, Suppe.

Suppeditavit autem Serenissimus Elector primâ vice copias suas Anno 1672. sub Regimine Michaëlis Regis. Post cujus fata, cum ulterius Serenissimus Rex nunc gloriosè Regnans reprimendæ Barbarorum audaciæ, & incursioni vires opponeret, iterum Serenissimus Elector dedit suppetias. Sed cum per aliquot Menses rei Christianæ militassent & præprimis ad expugnationem Bari strenuam navassent operam, tempestas adversus Provincias Electorales orta, causam dedit milites suos ad sua defendenda repetendi. Ast licet jam amplius manu militari adesse non posset, curâ tamen non defuit Serenissimus Elector, quin potius ad Magnum Moscoviæ Ducem ablegavit Consiliarium suum Joachimum Scultetum ab Unfrid, qui Eidem præfatam suppetiarum revocationem exposuit, instando, ut præfatus Magnus Dux pericula, quæ à Turcis imminerent, respiciens, Regno Poloniae notabili succurreret Exercitu. Id quod etiam auxilium altè memoratus Elector jam Anno 1673. per eundem Ablegatum sollicitaverat.

X. Primus Ducatum hunc nomine Serenissimi Electoris immortalis cum gloriâ administravit
Illu.

Illustrissimus ac Celsissimus Princeps Dominus *Boguslaus Radziwill* Dux Byrzarum, Dubincorum, Stuciæ, & Kopyliæ, Sacri Romani Imperii Princeps ac Supremus Stabuli Magni Ducatus Lithvaniæ Præfectus, qui ob ingentia in Poloniam Prusiamque merita, Princeps immortalitate dignissimus est habitus. Sed, ut sunt vanæ spes hominum, ex Poloniâ Anno 1669. reversus, in itinere sub ipsis ferè mœnibus Urbis Regiomontanæ, extremo dicti Anni die, extremum etiam vitæ clausit diem. Illatus in Urbem, tantum apud omnes concitavit luctum & dolorem, quantum antea Divinis suis virtutibus sibi conciliaverat amorem, qui etiam in Electione Anni præfati adeò eluxit, ut aliquot pro se habuerit suffragia. Sed maluit mereri, quàm ambire. Terra Coronam monstravit, Cælum dedit.

XI. Alter isque modernus Prusiæ, uti & Pomeraniæ & Principatus Camini Gubernator Generalis est, Illustrissimus ac Celsissimus Princeps Dominus *Ernestus Boguslaus Dux de Croy & Arschott*, S. Rom. Rom. Imp. Princeps. Dubium num ortus antiquitate, num Prudentiæ rarissimæ laudibus celebrior Princeps. Prognatus enim
est

est Paternâ stirpe ex præantiquâ illa Crojorum Principum familia, quæ, testante Historia, à Regibus Hungariæ, ipsoqve Attilâ originem ducit. Maternâ verò per matrem suam ultimi Pomeraniæ Ducis Boguslai XIV. Sororem Reges Poloniæ ex familiâ Jagellonicâ oriundos proximâ contingit cognatione. Tanta etiam prudentia Provincias sibi commissas administrat, ut nemini Principum hac in re cedat.

XII. Dedit præterea Serenissimus Rex ac Respublica Polona Serenitati suæ Electorali, Ejusdemqve posteris masculis Jure feudi duas Præfecturas, Leoburgensem & Bütoviensem, ac de ampliori benevolentia Serenitatem Ejus ac illius hæredes ab omni juramento, nec non tributis & exactionibus, quibuscunqve ratione dictarum Arcium & Oppidorum præstandis dimisit, ac liberos fecit, prout olim à Ducibus Pomeraniæ eadem Præfecturæ Lauenburg & Bütau tenebantur; Redierant hæc anno 1637. post facta Boguslai XIV. ultimi Ducis Pomeraniæ ad Polonos, & Palatinatui Pomeraniæ reincorporatæ fuerant, *vid. Const.* ejusdem anni & 1641. Quòd olim hoc Feudum Ducibus Pomeraniæ propter necessitatem & bonum publicum cum consen-

su Ordinum factum & traditum fuerit, testatur
Const. 1562. & Diploma hîc annexum, quod exhi-
bet Przylusius lib. V. Statut. cap. 4. hoc tenore: Ad
perpetuam rei memoriam. Nos Sigism. &c. U-
niversis & singulis præsentibus & futuris harum seriem
inspecturis. Manifestum facimus, quia vigentibus olim
Bellis inter Serenissimum felicis memoriæ Casimirum
Regem parentem & prædecessorem Nostrum, ac inter
Ordinem dictum S. Mariæ Teutonicorum in Prussia Il-
lustris olim Princeps Dominus Ericus Stetinens. Pome-
ranie, Cassubie, Vandalie Dux & Princeps Rugie,
multa in ipsis bellis & controversiis favoris, benevolen-
tiæ & obsequii sui erga prædictum Sereniss. parentem
Nostrum officia exhibere, & suppetias non vulgares il-
lius Majestati defunctæ adversus hostes ejus præstare so-
litus erat, ac ob eam causam illi Arcem Bütow unâ cum
Oppido ibidem consistente, nec non Civitatem Lauenburgk
cum universis fructibus & proventibus ad illam perti-
nentibus idem Sereniss. Parens Noster ad arbitrium &
beneplacitum suum concesserat, ut id ex literis & aliis
monumentis abundè constat. Deinde verò ad eam be-
nevolentiam & conjunctionem, quæ inter Serenissimos
prædecessores Nostros & prædictum Dominum Ducem
Ericum, ac posteros ejus intercesserat, etiam affinitas, &
necessitudo accessit, quæ ad hæc usq. tempora mutuis
officiis

officiis & amore coaluit, ita, ut prædictas Arces & Oppida repetita quidem aliquoties, tamen non gravatim & nos & Sereniss. Fratres ac prædecessores Nostri possideri à Nominatis Ducibus Pomeraniæ citra Furium Regni sui detrimentum ferebant. Cum postremò Nos ad has Terras nostras Prussie venientes inviseret, officiosissimè Illustris Princeps Dominus Georgius Stetinens. Pomeraniæ, Cassubiæ, Vandaliciæ Dux, & Princeps Rugiæ, nepos noster ex sorore charissimus, & suam ac Illustris fratris sui germani Domini Barvini singularem erga nos propensionem animi & observantiam declaravit, remisitq; nobis & successoribus nostris de dote Illustrissimæ olim Domine Annæ sorori Nostre à præfato Sereniss. Domino Rege Casimiro patre Nostro promissa quatuordecim millia aureorum Hungaricalium, volentes vicissim erga Illustritates eorum uberiores amorem nostrum testari, & illas eorumq; successores nobis ac Regno nostro ætiori benevolentia & conjunctione devincere, attamen Furibus Regni Nostri non deesse, illis & earum heredibus masculis, Arces & oppida prædicta Byton & Lauenburgk cum omnibus & singulis eorum subditis, Vassallis, fructibus, libertatibus, eminentiis, censibus, proventibus, Furibus, & pertinentiis universis, sicuti illa ad arbitrium & beneplacitum, ut dictum est, Serenissimorum prædecessorum Nostrorum & nostrum hætenus usu

& fructu tenuerunt, de Consilio & consensu Domino-
 rum Consiliariorum tam Spiritualium quam Secularium
 Regni Nostri tenen. haben. fruen. uten. & possidens,
 in perpetuum Jure feudi pro Nobis & Successoribus No-
 stris Regibus Poloniae dedimus, ac concessimus, ac illos
 de eis ipsis Arcibus & Oppidis Bytom & Lauenburgk
 investimus, & tenore praesentium damus & concedimus,
 illosq; & eorum haeredes de ampliori gratia & benevo-
 lentiâ Nostrâ ab omni Juramento, nec non tributis &
 exactionibus quibuscunq; nobis & posteris Nostreis ratio-
 ne dictarum Arcium & Oppidorum praestandis dimitti-
 mus, & liberos facimus. Pollicemur praeterea dictos
 Principes in praedictis Arcibus & eorum pertinentiis,
 quantum in nobis est, defendere ac tueri, tenebunt tamen
 & obligati esse debent praefati Domini Duces & eorum
 Successores ad singulas successorum Nostrorum Regum Po-
 loniae Coronationes, vel venire ipsi, vel Consiliarios aut
 Officiales suos mittere, qui hoc ipsum jus feudale de prae-
 fatis Arcibus & Oppidis ad Regnum Nostrum pertinens
 ita, ut jam dictum est, recognoscent, & literas ejus reco-
 gnitionis & renovationis ipsius feudi, quae gratis illis
 debent dari, à novis Regibus accipient. Quod si aliquâ
 legitimâ causâ impediti, hoc officium & debitum in Co-
 rationibus Successorum Nostrorum non fecerint, nihil
 ea negligentia afferre illis detrimento debebit, dummodò
 alio

alio brevi tempore post Coronationem id præstare curaverint. Ubi verò ipsi Principes Domini Georgius & Berninus Duces Pomeraniæ sine legitimis masculis feudi heredibus, vel eorum legitimi masculi feudi heredes, non relictâ prole virili decederent, stirpsq; & progenies eorum Mascula & legitima deficeret, tunc prædictæ Arces & Oppida Bytœ & Lauenburg cum omnibus suis bonis, subditis, Vasallis, fructibus, libertatibus, Juribus, eminentiis & pertinentiis universis, ac cum pleno jure & possessione citra omnem difficultatem ad Nos & posteros Nostros Reges Poloniæ redire debebunt: salvâ tamen interim Jurisdictione perpetuâ, proventibus, decimis seu Episcopalibus, cum villis bonis & piscaturis ac libertatibus ad Reverendum Joannem Episcopum & Ecclesiam Vladislaviensem ex antiquo pertinentibus. In cujus rei testimonium Sigillum Nostrium est presentibus appensum. Actum & Datum in Civitate Nostrâ Gedanensi die Inventionis S. Crucis Anno Domini 1526. Regni Nostri anno XX.

XIII. Jus illud Serenissimus Elector primâ vice sub Rege Michaele die 5. Mens. Julii anno M. DC LXX. uti & porro sub moderno Rege Serenissimo per defunctum Johannem Liberum Baronem ab Hoverbeck Consiliarium Statûs intimum recognovit sine Juramenti solennitate,

Q q q 3

formu-

formulâ tali. *Ego Serenissimi Electoris Brandenburgici Consiliarius & Officialis, ad recognoscendum juxta tenorem Pactorum Bydgostiensium Jus feudale de duabus Præfecturis Lauenburg & Bytau cum omnibus & singulis earum pertinentiis, Juribus, redditibus, & eminen- tiis, delegatus Plenipotentarius, hoc ipsum jus feudale ad Regnum Poloniæ pertinens à Sacrà Regia Majestate, uti & earundem Arcium & Oppidorum directo Domino, recognosco, literasq; ejusdem recognitionis & renovationis feudi prædicti Pactis conformes, à Sacrà Regiâ Majestate Vestra mihi extradi peto.*

CAPUT VII. DE MASOVIA.

- I. **D**Ucatu ille seculo XI. Regnante Miecislao
- II. à Corpore Poloniæ (tunc in Rixæ Regi-
næ impotens Dominium concitatæ) per Mas-
laum vel Mazum avulsus, sed hoc per Casimi-
rum I. victo recuperatus dicitur. Postquam
verò Anno 1220. in Conventu Sendomiriensi
Lescus Albus fratri suo Conrado Masoviam, Cu-
javiam, & Dobryniâ concessit, suos habere
Duces cæpit, Regibus tamen Poloniæ obnoxios,
deindè Rex Joannes Albertus, dum Joannes sive
Janusius Dux mortuus esset, Tractum Plocen-
sem

sem Regno adjunxit, manente penes fratrem, ejus Conradum Masovià. Hoc etiam anno 1503. defuncto promissa & concessa erat liberis, usque ad masculorum defectionem, paterna possessio. Casu tandem existente sub Sigismundo Anno 1526. Ducatus iste ad Corpus Poloniæ rediit, & Majori Poloniæ adscriptus est, Petricoviæ Anno 1540. Consuetudines deinde hujus Ducatus Stephanus Rex sub tempus Coronationis suæ Anno 1576. approbavit, abrogando Vicesgerentiam Masoviæ, Palatinatumque aliis Palatinis adæquando.

II. Quatuor Satrapiis Masovia distincta est. Plocensi nimirum Palatinatu (quem Anno 1495. post fata Janusii *Plocens.* Ducis cœlibis, Joannes Albertus ad se devolutum Regno adjunxit) *Podlachico* & eo qui peculiariter *Masovia* nomen retinet, atque *Terra Dobrinensi*. De quâ annoto, quod Christianus Episcopus Prussiæ Conrado Masoviæ Duci author fuerit, ut Equites de Dobryn ad avertendas Prussorum invasiones, & ad promovendam Religionem Christianam institueret, qui regulam habitumque Ensitierorum, Equitum Livonicorum assumpsere. Appellati autem à Castro Dobryn, quod ipsis Dux memoratus

ratus extruit. Hic deindè, cum supradicti Equites à Prussis cæsi essent, Equites Ordinis Teutonici accersit. Ipsa verò Masovia, quoniam est amplissima Provincia, in decem Territoria dividitur, *Czernense, Varsavienſe* (cujus de nomine Urbs in ipso propè umbilico est Regni ac inter Polonos Lithvanosqve media) *Viſnenſe, Vyſogrodens., Zakrocimense, Czechanovens., Lomzensē, Rozanens., Livenſe, Nurenſe.*

CAPUT VIII. DE SAMOGITIA.

SAmogitiæ Ducatus nullum habet Palatinum, sed summus ejus Toparcha est Capitaneus, locum in Senatu obtinens, quem solus ex omnibus Præfectis ingreditur. Singulare etiam est, quòd, si vacat iste Capitaneatus, unus Regi Candidatus præsentetur, quem eligit confirmatqve.

CAPUT IX. DE LIVONIA.

I. **C**Um Joanus Magnus Molchoviæ Dux longo in Livoniam Imperii Romani tunc bello Turcico implicati Provinciam bello incumberet, fortalitia occuparet, & deniqve ipsum Livonia

niæ Magistrum Fürstenbergium in Arce Felin caperet, Illustrissimus Dominus Gothardus Ketler à Statibus & Exercitu in Castris in Coadjutorem & postea in Magistrum Ordinis Teutonici & Principem Romani Imperii (quem titulum Waltherus Plettenbergius primum acquisivit) assumptus, atqve ærumnis publicis anno 1558. defensor objectus est. Etenim nisi temporibus illis periculosissimis, ubi insuper divisus per contraria studia populus erat, Moderator obtigisset prudentissimus, uno quasi lapsu res Livoniæ ruissent, non sine gravi Reipublicæ Polonæ incommodo, cum dicta Livonia confinis Lithvaniæ, Prussiæqve esset Provincia. Postquam ergò nihil reliquum videbatur, quàm aut tenere Libertatem, aut mori ante servitutem, circumspiciebat Janus ille, cum quâ gente staret, sed nullibi gratior eminebat libertas, cum & Dissidentes in Religione Christianâ bono pacis omnimodè gauderent, quàm sub Rege Polonorum, quorum tunc Sceptra Sigis. Aug. moderabatur. Livones igitur à Polonis auxilia, Poloni à Livonibus amplissimam obtinuerunt Provinciam, è qua tanquam ex Trojano Equo multi militares viri prodire prodeuntqve.

R r r

II. Cum

II. Cum verò altè memorati Illustrissimi Ducis Gothardi singulare studium in adducendâ totâ Provinciâ (exceptis Revaliensibus, qui sine consensu Magistri Erico Svecorum Regi se dederunt) extaret, & ita ipsius Dignitas, virtus ac fides, de Poloniâ optimè mereretur, Eidem, mutato statu priori, Anno 1561. à Serenissimo Rege Sigismundo Augusto Ducalis Titulus adinstar Ducis in Prusfiâ cum omni dignitate, insignibus, privilegiis Ducalibus, ac ditionibus certis tributus, & ejus Illustritas Vassallus Poloniæ Regum Feudatariusqve Princeps, & Regni Magniqve Ducatus Lithvaniæ membrum factus, ac postridie ProRex Gubernatorqve Livoniæ proclamatus fuit.

III. Tempore quidem Sigismundi Augusti Illustrissimo Principi Domino Gotthardo certæ ditiones assignatæ, sine infeudationis solennitate, fuerunt, postea autem vigore legitimæ investituræ à Serenissimis Succedaneis D. D. Stephano, Sigismundo III. Vladislao IV. Joanne Casimiro, Michaële, & Serenissimo Joanne III. Regibus Eidem Successoribusqve attributi sunt, nimirum totus ille Tractus Curlandiæ & Semigalliæ, incipiendo à Salso Mari sursum sequendo fluvium
Hylga,

Hylga, ascendendo ad antiquos limites dispositos inter Samogitiam, Lithvaniam, & Prusiam ab unâ, & Livoniam ab alterâ, partibus, versus Districtum Polocensem ad Dunam Fluvium, descendendo verò Duna usqve in mare salsum, adeò, ut quicquid in istis terminis cis Dunam versus Lithvaniam continetur, & ad Ordinem, Livoniæ spectabat, in perpetuum apud Illustritatem ejus, ipsiusqve hæredes Masculos permaneret, & per consequens etiam Districtus Piltenis, de quo pluribus infra.

IV. Primi utilitatis fructus ex hâc spontaneâ deditione Livoniæ colliguntur, quòd Gens Sarmatica cum Svetica vicinitate consociata, pro causa eligendi SIGISMUNDUM Tertium in Regem suum habuerit promissam à Serenissimo JOANNE Sveciæ Rege Ducatus Esthoniæ restitutionem. Occasione itaqve Esthoniæ, quam dictus Illustrissimus Dominus GOTHARDUS ad Regnum Poloniæ adducebat, Sveciqve eandem eo tempore tenebant, tanquam causa impulsiva SIGISMUNDUS in Regem Poloniæ electus, quo tanquam hæreditario Sveciæ Rege assumpto, Regnum Sarmaticum fines suos usqve ad mare

R r r 2

glacia-

glaciale dilatavit, altiusque certè quàm unquam antehàc sub id tempus ascendit.

V. Habuit Illustrissimus Dominus GOT-
HARDUS Filios Duos, qui exèmplo monituque
Domini Parentis vitam fortunasque suas bono
Reipublicæ exponere, summæ gloriæ sibi duxe-
runt. Illustrissimus WILHELMUS, Junior natus,
Parens regnantis moderni Ducis Curlandiæ, cu-
pidus virtutum, Castra Serenissimi Regis STE-
PHANI in Moscoviâ secutus, in proximam Tur-
rim Pieczuræ obsessæ evasit, & rarà Principum
audaciâ in imam ejus partem per scalas descen-
dit. In prælio sub Wittgenstein in Districtu Re-
valiensi habito par ardor pugnandi, alacritasque
fundendi hostem erat, temporibusque subse-
quentibus objectu corporis sui, ac erogatione
bonorum suorum impetus hostiles in Livoniâ
arcuit.

VI. Illustrissimus Dominus FRIDERICUS, ma-
jor natus, majoribus victoriis onustus, magna fama
in Regno Poloniæ vixit, cui Piassecius hoc enco-
mium reliquit. FRIDERICUS Curlandiæ
Dux cum quingentis Equitibus Curlan-
dis in subsidium Polonis veniens, ac per
Dunam

Ad pag. 501.



Illustrissimus ac Celestissimus
Princeps ac Dominus Dominus
JACOBUS in Livonia Curonia
et Semigallia Dux.





Dunam Fluvium contemtô periculô,
nando celerius transitum quærens ada-
ctis in flumen Equis in vadum, nulli ante
nec peritissimis illorum locorum cogni-
tô fortuna victoriæ præsagâ illatus tran-
sit incolumis, atqve in fronte unâ cum
prætoria Chodkievicii hastatorum co-
horte constitit, hostemqve profligavit.
Quæ etiam dictus Illustrissimus DUX FRIDE-
RICUS magnâ cum copiâ honorum ad Rigam
& Dunemundam sequutus Exercitum Regium
egerit, testimonium perhibet *Heidensteinius*, ope
etenim auxilioqve ejus obsidio Rigensis deserta
est. Hinc etiam Eidem in donativum militare
bona advitalitia *per Const.* 1609. promissa sunt. Sed
res intra verba stetit.

VII. Illustrissimus ac Celsissimus ejus Suc-
cessor DUX JACOBUS vix ea omnia Domus suæ
Ducalis esse putavit, nisi ipsemet fidem, obse-
quia opesqve suas in bonum publicum confer-
ret, unde in tenera ætate munia Principis clien-
telaris induit, & cum Domino Patruo FRIDERI-

CO DUCE in Regium Exercitum, cui Dux RADZIWIILIUS præerat, sub Bausko concessit, copiisqve suis conjunctim allaboravit, ad Provincias Borussæ Curlandiæqve armis infestatas hostilibus liberas reddendas. Pari studio & ardore Princeps ille Juvenis in Divum Regem VLADISLAUM, & Rempublicam accinctus, maturo auxilio in tempore ad Smolensciam obsesam spontaneâ alacritate adest, & selecto milite Equestri ac Pedestri Exercitui Polonico singulare gaudium, hostiqve formidinem attulit. Anno 1652. cum Respublica Polona ex funestâ clade Exercitus, quâ â perfidis Cosacis & Tartaris affectus fuerat, in grave discrimen adducta esset, Illustrissimus DUX JACOBUS millia peditum, Serenissimo Divæ memoriæ Regi JOANNI CASIMIRO & Reip. tam propter apparatus, quàm bonos milites maximè arridentia in auxilium misit, idqve non ex ullâ obligatione Pactorum, sed ex solo benemerendi studio, uti Reversales Regii Ordinumqve hic adjectæ, uberius testantur.

Joan-

Joannes Casimirus DEI Gratiâ Rex Poloniæ
Magnus Dux Lithvaniæ &c. &c.

Significamus præsentibus literis, quorum interest universis & singulis, quòd cùm Respublica ex funestâ clade exercitus nostri, quâ à perfidis Cosacis & Tartaris affectus fuerat, in grave discrimen adducta, ab Illustrissimo Principe Domino Jacobo in Livonia Curlandiæ & Semigalliæ Duce amanter postulassemus, ut tanquam in communi periculo deesse nobis noller, militeq; quemcunqve paratum habere vel subito colligere posset, nobis quantocyùs ære nostro subveniret, Illustritasqve sua cum Ordine Equestri seu Nobilitate Ducatus Curlandiæ & Semigalliæ promptitudinem suam Nobis in tam gravi casu ubertim declarassent; Nos non tantum declarationem istam benevolo amplectimur affectu, verùm etiam pro Nobis & Serenissimis Successoribus Nostri totaq; Republ. Polona verbo nostro Regio & Comitiali authoritate cavemus, quòd promptitudo ista, quâ Illustritas sua & Ordo Equestris seu Nobilitas Ducatus Curlandiæ & Semigalliæ extra Pacta, quibus ad Vasallagium & servitia Equestria intra fines Ducatus Curlandiæ solummodo præstanda obligantur, in colligen-

ligendo milite nostro & Reipub. ære alendo, declararunt, & juxta declarationem suam præstabunt, pactis conventis nihil derogare, nec quocunque tempore pro imponendo vel exigendo aliquo pactis minus conformi onere à quoquam in sequelam & præjudicium trahi debeat, quin potius omnia jura, privilegia, pacta, immunitates & libertates factas rectasque conservamus, Illustritatemque suam cum Universo Ordine Equestri seu Nobilitate Ducatus ab hocce expropensâ voluntate in præsentî Reipublicæ periculo promisso, ac omni pactis minus conformi onere posthâc in perpetuum liberos & immunes esse, nec quidquam extra Pactorum tenorem exigi, aut imponi debere, verbo Nostro Regiô pro Nobis & Serenissimis Successoribus nostris promittimus, & cavemus. In cujus rei fidem præsentem manu nostrâ subscriptas Sigillo Regni communiri jussimus. Dat. Varsaviæ in Comitibus Regni Generalibus Die 1. Mensis Augusti, Anno Domini MDCLII. Regnorum Nostrorum Poloniæ IV. Sveciæ verò V.

Joannes Casimirus Rex (L. S.)

Albertus Goraiski Præpos: Cruf:
S. R. Majest. Secret.

Nos

Nos Senatores & Ordines inclyti Regni
Poloniæ, & Magni Duc: Lithvaniæ.

NOtum testatumque facimus præsentibus literis nostris, quorum interest universis & singulis, quòd cum Respublica ex funesta Clade Exercitus, quâ a perfidis Cosacis & Tartaris affectus fuerat, in grave discrimen adducta, Sacra Regia Majestas Dominus noster Clementissimus ab Illustrissimo & Celsissimo Principe Domino Jacobo in Livoniâ Curlandiæ & Semigalliæ Duce amanter postulasset, ut tanquam in communi periculo deesse noller, militeque, quemcunque paratum habere, vel subito colligere posset, quantocyus ære Reipubl. subveniret, Illustrissimusque suo cum Ordine Equestri seu Nobilitate Ducatus Curlandiæ & Semigalliæ promptitudinem suam in tam gravi casu uberim declarassent, Nos, Nomine universæ Reipublicæ, non tantum declarationem ipsam benevolo amplectimur affectu, verum etiam pro Nobis & totâ Republicâ Polonâ, Authoritate Comitiali cavemus, quòd promptitudo ista, qua Illustritas sua, & Ordo Equestris seu Nobilitas Ducatus Curlandiæ & Semigalliæ extra Pacta, quibus ad Vasallagium & servitia Equestria in-

tra fines Ducatus solummodò præstanda obligantur, in colligendo milite, Reipublicæ ære alendo, declararunt, & juxta declarationem suam, præstabunt, Pactis Conventis nihil derogare, nec quocunq̃ue tempore pro imponendo vel exigendo aliquo, Pactis minùs conformi onere, à quoquam in sequelam & præjudicium trahi debeat, quin potius omnia Jura, Privilegia, Pacta, Immunitates ac Libertates fartas rectasq̃ve manere, Illustritatemq̃ve suam cum universo Ordine Equestri seu Nobilitate Ducatus ab hocce ex propensâ voluntate in præsentì Reipublicæ periculo promisso, ac omni Pactis minùs conformi onere posthac in perpetuum liberos & immunes esse, nec quidquam extra Pactorum tenorem exigi aut imponi debere, universa Respublica sanctè promittit & cavet. Majoris Fidei ac certitudinis causa, præsentēs manu Illustrissimi ac Reverendissimi in Christo Patris Domini Archi-Episcopi Gneznenfis, Legati nati, Regni Poloniæ Primatis & primi Principis, nec non Dominorum Nuntiorum Terrestrium Marschalci, subscriptas Sigillis eorundem comuniri fecimus, Dat: Varsaviæ in Comitiiis Regni Generalibus die I, Mens. Augusti, Anno Domini 1652.

Matthias

Matthias Lubienski Archi-Episcopus.

Gneznenfis Regni Primas mpp.

(L. S.)

Nicolaus Krasnovvsky Archi-Episcopus

Leopol: mpp.

Petrus Czebiski Episcop. Cracoviens.

Georgius Tyszkievicz Episcop. Vilnens.

Casimirus Dux Czartorycki Episc. Posnaniens.

Andreas de Lefzno Episcop. Culmens.

& Pom: Cancellarius Regni.

Stanislaus Episcopus Chetmens. mpp.

Vladislaus Gonzaga Marchio in Myzow

Myskovvski Pal. Sendomiriens.

Stanislaus in Brzezic Lanckoronsky.

Pal: Russiæ, Skał. Dim: Cap:

Joannes Casimirus Krasinsky Palatinus Plo-

cenf., Lomf: Cirab: Præm. Capitaneus.

Stanislaus Wytovvsky Castellanus Sendo-

miriens. Lublinens. Kniszens. Capita-

neus.

Maximilianus Brzyzovvski, Castellanus

Kyoviensis.

Stanislaus Laskovvsky Castellanus Podla-

chiæ, Referendarius Regni.

S s s 2

Do-

Dobieslaus à Cieklin Cieklinsky Castellanus Czernoviens.

Nicolaus Laszczyzewsky Castellanus Sochacov.

Martinus Sadovvsky Castellanus Cortin.

Georgius Lubomirski Supremus Regni Marschalcus mpp.

Stephanus de Pilca Kozyczynsky, Vice-Cancellarius Regni,

Casimirus Leo Sapieha Pro-Cancellarius M. D. Lithvaniz.

Alexander Sielsky Capitaneus Siezicensis, Marschallus Nuntior, Terrestrium.

Non autem solummodò altè memoratus Dux distrahendis hostium viribus, sed etiam ad inveniendis & promovendis inter Regnum Poloniae & Sveciae Pacis perpetuae mediis curam ac sollicitudinem suam impigrè applicavit. Etenim munere pacis Procuratore in se suscepto, Regem Galliae & Angliae ac Rempublicam Venetorum pro expediendis Mediatoribus Lubecam ad tempus praefixum invitavit. Non mediocres ejusmodi sollicitationes requisiverunt sumptus, ast

majo-

maiores splendida Legatio ab Illustrissimo Principe Lubecam missa, in quâ plus quàm triginta homines spatio novem mensium sustentari fecit, temporum atqve rerum habitu rupturam Induciarum minitante, Illustrissimus Princeps de eâ Serenissimum Regem JOANNEM CASIMIRUM certiores fecit, missisq; in Sveciam Ablegatis hostilem Serenissimi Regis Sveciæ intentionem variis rationibus multo tempore tali modo mulcebat, atqve morabatur. Cum deinde res ad bellum devenisset, noluit esse, ut ut cunctis permixtis hosti partialis, sed potius sub Clypeo neutralitatis à Serenissimo Rege ex Senatus Consilio concessæ voluit; in fide intaminatâ permanere, impervium erga illecebras ac promissiones hostium gerendo animum. Sed dum virtuosis nihil tam ignarum, quàm machinationes oppugnantium, optimus Princeps clarâ in mundo famâ sub specie amicitiae capitur, & cum Serenissima Coniuge, septemqve liberis in Ingermaniam Ivangrodam captivus mittitur. Verum nemo inter eos voce supplex, quisqve vitam, decus ac fortunam fide ac devotione in Regem & Rempublicam viliora esse clamitans. Hôc factô Illustrissimus Princeps inauditum constantiæ

exemplum orbi reliquit. Nusquam enim legitur, Principem cum totâ familiâ abductum, potius maluisse pericula maris, malas ac squalidas carcerum mansiones, imò mortem sæpe minis adjectam spernendo subire, quàm fidelitatem & amorem erga Serenissimum Regem & Rempublicam fallere. Hinc hostis in suppellectilem pretiosam ruit, expugnatur Ducatus, oppugnantur & ab amicis Insulæ & Provinciæ transmarinæ multo labore & pretio acquisitæ, dividuntur Naves, omniqvè solâ & quidem dubia ac ancipiti vitâ Domui Ducali relictâ rerum fortuna acciditur. Tandem ipsa etiam pax subsecuta magni constat Celsissimum Ducem, quippe eidem comparandæ medietas Dunæ, Insula Runen, Spillbona, Babid, Piscaturæ, Salmonum, & Dalen, ad Domum Ducalem Curlandicam pertinentia loca (de quibus tanquam Cis-Dunanis §. 4. Tractatus Olivenfis allegatur) adhibita, Svecisqve relictæ sunt. Svadet ipsamet Natura, ut ejusmodi bonorum ablatio æquali satisfactione compensetur, præsertim, quia in tabulis induciarum de Anno 1629. §. 2 & 4. totus Districtus Mitaviensis, ad quem loca ista antiquitus & naturaliter pertinuerunt, restitui debere cautum erat.

erat. Potest Illustrissimus Dux inniti exemplo Ducissæ Trabecianæ, quæ pro bonis suis Mosco in salutem publicam traditis jam satisfactionem congruam per Legem publicam accepit. Imo & aliis in causa simili data esse solatia, ex Constitutionibus Regni elucet. Cæterum de reali promptitudine Ducum Curlandiæ loquuntur etiam Pacta primæva, Constitutiones anni 1609. 1611. 1676. atque obligatio à defuncto Goszewio Thesaurario & Campi Marschallo Magni Ducatus Lithvaniæ Celsissimo Principi die 6. Aprilis 1657. data. Ad hæc & alias inspiciendas prætensiones in Comitibus Grodnensibus certi iterum Commissarii nominati sunt.

VIII. Enumeratis breviter meritis ac debitis Ducalibus ad Jura redeo, atque hîc subjungo;

Incorporationem Ducatus Curlandiæ
& Semigalliæ cum Regno Poloniæ
Lublîni anno 1569. factam.

Sigismundus Augustus, Rex Poloniæ, Magnus Dux Lithvaniæ. Significamus præsentibus literis Nostris, quorum interest Universis & singulis; quòd cum Illustris Dominus Gothardus in Livoniâ, Curlandiæ & Semigalliæ

Semigalliae Dux Generosos Fridericum à Kanitz & Michaëlem a Brunow Consiliarios & Senatores suos ad Nos Regniq; Nostri Ordines cum certis mandatis ablegavisset, atq; hi ipsi literis fidei suæ plenipotentiae prædicti Domini Ducis demonstratis, id sibi ab Illustritate suâ injunctam esse docerent, quo nomine Illustritatis suæ à Nobis Regniq; Ordinibus postularent ac enixè peterent, ut quoniam negotium unionis Regni Nostri cum Magno Ducatu Lithvaniae ad salutem, finem exitumq; optatum jam pridem DEO immortalis adjuvante, perduxissemus, tempus adesset, quo Livoniae quoq; à barbaro & truculento hoste majorem in modum populatae & afflictæ per Nos aliquando consuli possit, subjectionem Illustris Domini Ducis & subditorum de communi sententia atq; assensu omnium Ordinum Regni cum Ducatu Lithvaniae uniti acceptaremus. Nos etsi memoria tenebamus superioribus annis, quo tempore ab Ordinibus Livoniae crebris literis atq; nunciis ad eam ipsam subjectionem acceptandam sollicitaremur, sortem illius Provinciae atq; calamitatem miseratos, hanc ipsam ex personâ Nostrâ in fidem atq; protectionem nostram suscepisse, tamen & illud meminimus etiam, cum prædicta subjectio præsentiam Senatus Polonici ad pleniorē deliberationem requireret, rejecisse nos hujus ipsius rei tractationem in tempus aliud ad eam rem conficiendam commodius, quòd cum se nobis obtulisset,

tulisset, faciendum esse existimavimus, flagitantibus, præsertim Illustris Domini Ducis Plenipotentibus, & unione Regni cum Magno Ducatu Lithvaniæ absolutâ & perfectâ, & ejus Illustritatis subjectionem per supra dictos Plenipotentis Illustritatis ejus nobis delatam de consensu omnium Ordinum & voluntate Regni cum Magno Ducatu Lithvaniæ, ita ut ante dictum est uniti, in præsentibus Regni Comitibus acceptaremus, ipsumq; Illustræm Principem in fidem & clientelam nostram Regniq; nostri cum omni Ducatu & ditionibus Illustritatis suæ publico Regni cum Magni Ducatus Lithvaniæ uniti nomine recipimus, nimirum ut ab eo tempore in posterum Illustritas sua ejusq; hæredes cum Ducatu Curlandico & Semigallico Regno Nostro cum Magno Ducatu Lithvaniæ unito tanquam uni & individuo corpori perpetuis temporibus subjiciatur & incorporetur, ac in clientelâ & defensione nostrâ & Regni cum Magno Ducatu Lithvaniæ uniti permaneat. Speramus autem Illustritatem suam & ejus Illustritatis posteros in eâ fide, voluntate, subjectione, quam nobis Regnoq; cum Magno Ducatu Lithvaniæ unito per suprascriptos Plenipotentis detulerunt, constanter permansuros & firmiter perseveraturos. Quibus Nos vicissim defensionem nostram Regniq; nostri; ac conservationem omnium privilegiorum, libertatum, immunitatum à Nobis iisdem concessarum, libertatibus tamen

T t t

Regni

Regni non adversantium, pollicemur atq; promittimus, quæ Privilegia, immunitates, libertates, tum renovaturi, & confirmaturi, & in pleniorē formam redacturi sumus, cum Illustritas sua Nobis Regnoq; nostro debitum homagium præstiterit. In cujus rei fidem & testimonium manu nostrâ præsentēs subscripsimus, & sigillum nostrum appendi jussimus. Dat. Lublini in Conventu Generali Regni d. 3. Mensis Aug. Anno Domini MDLXIX. Regni verò Nostri quadragesimo.

DEDUCTIO JURIS,

In

DISTRICTUM PILTENSEM.

Post ultimum bellum Svecicum ortæ fuerunt præter omnem opinionem differentię quædam inter Illustrissimum Ducem Curlandiæ, & nonnullos Nobiles Districtus Piltensis, pro quarum pacificatione Serenissimi Reges, cum inclytâ Republicâ varias Commissiones lege publicâ determinarunt. Postquam verò eadem finem suum non potuerant sortiri, Sacra Regia Majestas, cum Consensu omnium Ordinum, in Comitibus Anno 1670. dictas Commissiones ad latus suum Regium transtulit; & ad eandem literis suis intimatoriis, benignè Illustrissimum Ducem & Nobilita-

bilitatem vocavit. Huic igitur mandato Regio Illustrissimus Princeps obtemperando, per Plenipotentem suum, Magnificum Dominum Christophorum Henricum Putkammer, ex supremis Consiliariis Cancellarium, atque Districtus Pilten-sis per Magnificum Dominum Fridericum ab Osten dictum Sacken Consiliarium Terrestrem comparuit. Cum verò Sacra Regia Majestas, ob gravia cum Magni Moscorum Ducis Legatis negotia, isti Commissioni vacare non potuerit, ideo eandem, ex Consilio Senatus, in aliud tem-pus commodius rejecit, non præjudicando quic-quam Constitutioni de super Grodnensi. Ut ve-rò constet, quo juris titulo Avus Illustrissimi Prin-cipis eundem Districtum acquisiverit, & Illustris-simus Princeps eum teneat, operæ pretium erit, jura Ducalia de super illucidare. Deductionem autem, quam hîc annecto, excellenti ingenio & singulari benevolentia præfati Domini Can-cellarii debeo. Primò quidem sciendum; quod Theodoricus V. Ordinis Theutonici Princeps Anno 1247. testante *Chytrao* p. 17. & 18. Curlan-diam primus bello aggressus, eandemq; à genti-libus armis occupans, Goldingam & Amboten, quæ Arx in Curoniensi tum Episcopatu, nunc

verò Districtu Piltenſi jacer, condidit, & ſic totam Curlandiam ad reliquam Livoniam adduxit. Hic ordo Theutonicus ad propagandam Chriſtianam Religionem, Episcopatum qui nunc Districtus eſt Piltenſis, in Curlandia erexit.

Stetit igitur Episcopatus iſte uſq̃ve ad annum 1559. ſub poteſtate & Dominio Magiſtro- rum Ordinis Theutonici.

Ultimus Magiſter Ordinis Theutonici Gott- hardus cum ſtatu Livonico ab Imperio Romano Germanico, cui ſuberat dereliſtus, nec viribus propriis ſtatum ſuum contra Moſchum tueri valens, de Domino ac Proteſtore ſibi eligendo conſilia inivit. Idem Magiſter ſubolſaciens ultimi- mum Episcopum Piltenſem Joannem à Mön- ninghaufen, qui ſubſequentem mutationem præ- ſentiebat, Episcopatum ad alium translaturum eſſe illum hæc de re convenit. Cumq̃ve Epi- ſcopus intentionem ſuam velare non poſſet, Avo Illuſtriſſimi Principis, tanquam Domino ſuo Re- verſales & Juramentum de non alienando Epi- ſcopatu dedit ac præſtitit. Quod ipſum utirem- rum temporis notoriam etiam poſt fata Magni Holſatiæ Ducis Legati Regni Poloniæ contra-
Daniae

Daniæ Regem allegant, uti testatur *Surius* p. 1093. *Anni 1583.*

Posthabitis Reversalibus, & juramento non attento, contulit se Mönninghausius ad Regem Daniæ, eidemqve Episcopatum, inscio Magistro, pro 30000. Imper. vendidit.

Daniæ Rex Fridericus II. Fratri suo Magno Duci Holsatiæ confestim pro parte portionis suæ hæreditariæ hunc Episcopatum cessit, ac deoccupavit Anno 1561. Avus Principis totam Livoniam Regno Poloniæ subjecit, & sibi Curlandiæ & Semigalliæ Ducatum & Episcopatum Curoniensem in feudum dari reservavit, ut ex Pactis elucescit. Quæ autem immediate ad Regnum & Magnum Ducatum Lithvaniæ permanere debebant, in Pactis subjectionis speciatim denominata sunt.

Quia verò loca investita absqve limitibus & terminis incerta esse solent, & frequenter motus ac disputationes post se trahunt, proinde in iisdem Pactis limites, intra quos & Episcopatus Curlandiæ situs, denominati, atqve constituti sunt, ita ut quicquid inter eorum terminos continetur, apud Ducem Gotthardum & ejus hæredes Masculos permanere in perpetuum de-

beat. Cum autem tunc temporis Dux Magnus Episcopatum Euroniam teneret, Princeps eundem Ducatui suo Curlandiam reunire studens, Arcem Sonneburgam Curiasque Leal & Madjel non jure coactus, quia Rex Daniae à Mönninghausio, qui nullum jus vendendi habuit, emit, sed conservandae bonae amicitiae & vicinitatis gratiam Duci Magno dedit, & in superfluum Districtum Piltensem ad vitae tempora reliquit, & concessit. Tum temporis etiam ipse Dux Magnus, Ducem Fridericum Curlandiae post suam fata pro haerede Districtus istius constituit, testante *Heidensteinio* p. 210. *Et Surio* Monacho Chartusiano, p. 1082. *Anni 1583. in hæc verba; Legati Polonorum adjunctis etiam Consiliariis Curlandiae Ducis Diocesanis, in memoriam revocant, prae terita Acta inter Curlandiae Ducem, & Ducem magnum, quibus cautum erat, ut Diæcesis, post mortem Magni ad Ducem Curlandiae devolveretur. Hoc Sigismundum Augustum, hoc Stephanum Bathorem, hoc subditos, hoc Magnum ipsum voluisse Legati ostendunt.*

Mortuo Duce Magno Rex Daniae ad instantiam nonnullorum Piltensium eundem Districtum occupare studuit; Rex verò Poloniae Serenissimus Stephanus intuitu permutationis praedictae

dictæ etiam adoptionis & juris feudalis, Illustrissimi Ducis Curlandiæ in Districtum Piltensem acquisiti tanquam supremus Dominus pro Ducibus Curlandiæ illum defendebat, sicqve inter Reges istos ad arma deventum est, ubi Illustrissimus Dux pro vindicando Districtu & impediendis Danorum auxiliis Ducentos Equites misit, vid. *Heidenstein. p. 211.*

Sed mox interventu Marchionis Brandenburgici Georgii Friderici hæc Controversia sedata fuit, Districtus pro summâ conventa 30. millium nimirum talerorum, à Marchione Regi Daniæ solutâ, illi jure hypothecæ concessus, inqve realem possessionem traditus fuit, Anno 1585. Dux Curlandiæ Gotthardus, ne traditio hæc hypothecaria juribus sibi in Episcopatum competentibus fraudi esset, Grodnæ coram Rege Stephano 15. Dec. eodem anno solennissimè protestatus fuit, quam protestationem non modo Divæ memoriæ Rex Stephanus acceptavit, sed etiam actis M. D. Lithvaniæ ingrossari fecit. Impetravit postea Dominus Balthasar Bathori, in scio Duce, consensum Regis & Reipublicæ redimendi à Marchione Georgio Friderico Territorium, istud pro summâ inscriptâ.

Cum

Cum Dux Curlandiæ Fridericus hisce cognitis, jus suum deinde in publicis negotiis allegaret, Rex & Respublica acquirendi Juris Bathorei potestatem illi dederunt.

Jure à D. Bathoreo jam acquisito, Marchio Brandenburgensis oblata summa hypothecæ nomine inscripta super deoccupatione Districtus à Duce Curlandiæ requisitus, tamen recusavit.

Deputati igitur Commissarii Regii Anno 1597. die ultima Junii auditis partium Controversiis Illustrissimo Duci Curlandiæ Friderico, post numeratam & judicialiter depositam summam inscriptam Districtum Piltensem, qui olim Episcopatus Curoniæ, tum verò territorium illius erat, cum omnibus Vassallis & attinentiis adjudicarunt. Provocatum ab hoc Decreto nomine Marchionis ad Sacram Regiam Majestatem, appellatione verò in Judicium Regium deductâ, negotium amicabiliter compositum & jure Ducis Curlandiæ salvæ, Marchioni ejusque Conjugi Districtus advitaliter concessus est.

Nihilominus Duces Curlandiæ in omnibus Comitibus diligenter urserunt, quo vigore Pactorum & Investiturarum Ducalium Districtus Pilten-
tensis

tenfis Ducatui Curlandiæ adjungeretur, & in feudum conferretur. Nec frustra, nemine enim, contradicente ad hunc finem in Comitibus Anno 1606, & 1607. Ordinum Consensum impetrarunt; Et dum obstare videbatur jus advitalitium Viduæ Anspachianæ ejus redimendi per publicam Constitutionem Anno 1609. potestas facta, & anno 1611. per Responsum Regium confirmata.

Hiscæ Regiis & Ordinum Responsis ac declarationibus Dux Wilhelmus innitens Electori Brandenburgico Joanni Sigismundo I. tanquam universali heredi Marchionis Georgii Friderici summam 30000. thalerorum tradita sibi vicissim reali possessione Districtus & literis hypothecæ Regiis aliisque documentis, sub sponsione præstandæ ratione summæ hujus evictionis numeravit, Viduæ verò Anspachianæ ratione juris advitalitii mille florenos annuatim promisit.

Pensione annuâ ob varios tumultus per Curlandiam exortos non solutâ, Vidua Anspachiana Anno 1617. per Commissarios Regios in Curlandiam missos ratione juris advitalitii in absentiam Ducis Gvilelmi ipsoque inscio possessionem istius Districtus sibi adjudicari curavit, & Maydelio Tenutam cessit. Cum Svecus ultimo bello to-

Uuu

tum

tum Regnum armis infestaret & accinctus esset ingrediendi quoque Districtum Piltensem, Princeps verens, ne illo occupato, in perpetuum sibi retineret, paulo ante ab Ottone Ernesto Maydelio per cessionem jus hypothecarium, mediante Consensu Joannis Casimiri, ac insimul renovationem antiqui feudi super totum Districtum impetravit. His itaque Regiis fretus beneficiis Princeps Districtum Piltensem postea Svecis occupatum ex eorum manibus eliberavit & uti partem Curlandiæ Ducatui suo reunivit. In Pactis quoque Olivenfibus §. 5. Sacra Regia Majestas & inclyta Respublica Districtum Piltensem à Provinciis, quarum utile & directum Dominium ad Regnum Poloniæ & Magnum Ducatum Lithvaniæ spectat, separarunt, & Ducatui Curlandiæ & Semigalliæ adjunxerunt.

Etsi autem nonnulli Nobilium ob quasdam Controversias, quæ jam eventualiter sopitæ sunt, Jurisdictioni Principis refragabantur; Nihilominus Illustrissimus Princeps per tot à Serenissimis Regibus & Republica emanata Rescripta, & Constitutionem Grodnensem circa eandem conservatus substitit.

Quia igitur ex præmissis luculenter apparet,
Prin-

Principem, non unâ viâ, sed omnibus juris modis, quibus res acquiri potest, Districtum Piltensem acquisivisse, videlicet Jure feudi, jure permutationis, Exemptionis, vindicationis & subjectionis; Proinde petit, se circa feudum onerosissimo titulo comparatum, conservari. Ita ramen, ut tenore Consensus Divi Joannis Casimiri, extinctâ stirpe Masculâ, hæredes ac Successores Illustrissimi Principis Tenutam Piltensem, non prius Regno deoccupare teneantur, priusquàm ipsis de summâ 30. millium Talerorum plenariè satisfactum fuerit. Salvis per omnia supremis Serenissimorum Regum & Reipublicæ Polonicæ juribus, uti etiam antiquis Nobilium libertatibus ac beneficiis à Principe recenter Nobilitati concessis, quæ ad concordiam & pacem ipsa inclinat.

Sed opponitur, I.

Permutationem non esse factam, quâ non facta etiam Episcopatus Curoniensis à Principe vindicari non potest.

1. Conceditur permutationẽ non esse factam, sed sciendum à parte Ducis Holsatiæ, non verò à Principe Curlandiæ, quia iteratis vicibus bona ista Duci Magno præsentavit, ac tradere voluit. Quia

Uuu 2

igitur

igitur hâc ratione Dux Holsatiæ in culpa fuit, quò minus bona ista in possessionem acceperit; Igitur iustitia svadet, ut Dux Holsatiæ ex culpâ sua, non verò Princeps noster damnum patiatur, qui hoc factò Pactis subjectionis satisfecit.

2. Notandum, quod satisfactio in præfatis bonis nudè Magnum Ducem, non verò Serenissimos Reges & inclytam Rempublicam tangat, atq̃ve concernat; Num igitur iste Satisfactionem à Ducibus Curlandiæ habuerit, nec ne; hoc ad Serenissimos Reges & inclytam Rempublicam minimè spectat, quia illis per hanc permutationem nihil reservatum, & per consequens nulla Actio competit, hoc autem ad Serenissimos Reges & inclytam Rempublicam spectat; ut juxta Pacta Illustrissimus Princeps cum Ducatu, etiam Episcopatu Curoniensi potiatur.

3. Ponamus etiam à parte Principis permutationem non esse impletam, unde nihil aliud supponendum; nisi hoc quod Episcopatus Curoniensis fuerit jurè Ducis Holsatiæ, & sic res aliena. Quia verò jura feudalia volunt, ut Dominus Feudi Vasallum de re alienâ investiens, eam sumptibus suis redimere & Feudatario suo tradere debeat, proinde confidit Illustrissimus Princeps
Justi-

Justitiæ ac benignitati Regiæ, quod eodem beneficio sit usus.

4. Post primæva Pacta etiam nulla permutatio requirebatur; Nam Dux Holsatiæ Fridericum Ducem pro hærede instituit, uti ex *Surio* & allegatis *Reversalibus* deductum, ubi expressimis verbis declaravit, quod etiam nullâ subsequutâ permutatione nihilominus, post mortem suam, hæredes Gothardi Episcopatum habere debuerant. Sed licet Princeps tot jurium beneficiis non esset stipatus & munitus, nihilominus, quia inclyta Respublica bona ista, quæ pro Episcopatu Curoniensi dari debuerant, per Pacta Olivenfia Svecis in perpetuum cessit; æquitas requirit, ut id, quod Principis damno aliis traditum, compensetur, vel id, quod pro istis locis tradi debuerat, relinquatur.

Secunda Objectio.

Opponitur Episcopatum Curoniæ à Rege Daniæ, Regno Poloniæ esse cessum. Cessit non Episcopatum Curoniensem, sed jus quoddam putativum, Verba etiam cessionis ita sonant; Jus quod Rex Daniæ æstimabat habere, nobis cessit. Verum jus illud putativum, nullum ac

Uuu 3

ille-

illegitimum fuit, hâc consideratione, quòd Rex Danicæ, primum ab illegitimo & perjuro venditore Mœnnichusio emerit, & non attentis Reversalibus ac institutione hæredis Ducis Holsatiæ, hunc Episcopatum cesserit & quidem ejusmodi Regi; qui jam de Episcopatu Curoniensi investiverat Domum Curlandicam, & sic rem immediatè ad Rempublicam, mediatè verò ad domum Curlandicam pertinentem.

Tertia Objectio.

Opponitur Constitutio anni 1611. & Commissio Kuczborsciana, quibus mediantibus certa formula Jurisdictionis immediatè sancita est. Quæ forma Jurisdictionis, Rei ipsimet præjudicare non potest.

1. Quod Actio hæc non inter Principem constituta, eidem utitur tertio, & quidem utili Domino, juxta obloquentiam juris, minimè præjudicare possit, imò ne ullum præjudicium Principi in utili suo Dominio accresceret, specialiter non tantum jus Principi cum Ordinibus agendi in omnibus Investituris, sicuti etiam Decreto Vilnensi, verum etiam & hoc negotium, sicuti illud tempore divi Sigismundi Augusti fuit, conservatum est.

2. Unum

2. Unumquodq; eo modo solvitur, quo colligatur. Sed sicuti Sigismundus III. formam Jurisdictionis immediate induxit; sic Successor illius Joannes Casimirus eandem intuitu Pactorum & Investiturarum, in quibus petitorium Principi sacrosanctè reservatur, per privilegium suum & Commissarium Jabloszevium immutavit, posteriora autem tollunt priora.

PROCESSUS.

In renovatione Infeudationis & Investituræ Illustrissimi ac Celsissimi Principis ac Domini, Domini Jacobi in Livonia Curlandiæ & Semigalliæ Ducis coram throno Regio Serenissimi ac Potentissimi Principis ac Domini Domini MICHAELIS I. Regis Poloniæ Magni Ducis Lithvaniæ &c. &c. per Illustrissimæ Celsitudinis suæ Legatos Excellentissimos, Christophorum Henricum Puttkammer supremum Tuccumensem Capitaneum, atq;ve Georgium Fircks, Colonellum Cubiculiq; Regii Familiarem, Varsoviæ d. XXVIII. Mensis Novembr. Anno Domini M DCLXX. peractæ & receptæ observatus.

Postquam Illustrissimæ Celsitudini suæ ad præstandum homagium Varsoviæ die 28. Novembr. præfi-

præfixus fuit, Legatos suos Varſaviam expedit, ex quibus uni, ſcilicet Domino Putkamero ante introitum publicum Illuſtriſſimus Vice Cancellarius Olszovius cum pro rhedâ mittenda invitaretur, ex inſtinctu nonnullorum quæſtionem capacitatis ob Reformatam Religionem movebat; Sed respondebatur, quod ille jam ſæpius apud Sereniſſimos Reges & inclytam Rempublicam, titulo Ablegati admiſſus fuerit. 2. Quod non adeo pridem Dominus Baro ab Hoverbecke ut ut Reformatæ Religionis, ſine ullâ deſuper controverſiâ, pro recognoscendo feudo de duabus Præfecturis Lauenburg & Bytaur admiſſus fuerit. 3. Quod ſi ad recipiendum ab Henrico Valeſio, Electo Poloniarum Rege juramentum Tenczynius Reformatam Religionem profeſſus, à totâ Republica dignus & capax judicatus fuerit Legatus, nihil obſtet, quò minus Reformatæ fidei additus juramentum nomine Principis Feudatarii coram Sereniſſimo Rege Poloniæ præſtare poſſit. Sed mox iſtæ aliæque rationes prævaluerunt. Legatis igitur die 21. ejus appropinquantibus, Senatores & Officiales Regni rhedas ſuas ad numerum viginti & unius uſque ad Arcem Uiaſdoviensem, quâ egrediebantur, obviam miſerunt.

Hoc

Hoc splendido processu itaq; progredientes Reverendissimus Dominus Franciscus Prazmovvski Secretarius Regni Major nomine Sacr. Reg. Majestatis ad quadrantem milliaris obviam venit, cum rhedâ Regiâ, & ad columnam lapideam substitit, ubi oratione erga Illustrissimam Celsitudinē suam propensam Sacræ Regiæ Majestatis voluntatem & affectum deduxit, ac de adventu D. D. Legatorum gratulatus, eos ad currum Regium, quem in hunc finem secum habebat, invitavit. Huic per Dominum Putrkamerum tanquam primum Legatum responsum est. Posthæc Legati in curru Regio, quem celeres & Satellites Regii observabant, & insignis numerus Equitum cum viginti & una rhedâ præcedebat & tres rhedæ D. D. Legatorum cum equitibus & equis desultoriis phaleris pretiosis adornatis sequebantur, per Civitatem ad hospitium suum in suburbio, quo Lesznam itur, solenniter, vespertino tempore, facibus accensis, deducebantur. Alterâ post adventum die D. D. Legati ad Illustrē Dominum Theodorum Comitem à Dönhoff Regni Supremum Succamerarium miserunt, & eundem ad procurandam privatam audientiam apud Sacram Regiam Majestatem per duos Aulicos com-

X x x

pel-

pellarunt. Qui horam quintam vespertinam denunciari fecit. Quà D.D. Legati in primâ anticamerâ comparentes à dicto Succamerario fuerunt excepti, & per Cameram Marmoream & tertiam, usqve in pinocothecam (cabinet) deducti. Stabat Rex ante mensam & uno aut duobus gradibus se movebat, quem, primus Legatus termè hisce verbis allocutus est;

Venit Serenissimorum Regum Poloniæ fidelis Cliens Princeps, Illustrissimus & Celsissimus in Livoniâ Curlandiæ & Semigalliæ Dux, Princeps noster gratiosissimus, ut fidem, quam Majores illius ante centum & octo, & ipsemet ante viginti & novem annos Serenissimis Poloniæ Regibus sanctissimè dederunt, quæqve inter tot illecebras hostium & infaustos carceres sancta atqve intacta mansit, novo ac candido juramenti velo involutam publicè Sacræ Regiæ Majestati Vestræ per Nos deferre, & investituram, juxta Pacta & privilegia Serenissimorum Regum Poloniæ, è manibus Sacræ Regiæ Majestatis vestræ accipere queat. Cui muneri obeundo, dum ab Illustrissimo Principe comparemus, & hâc concessâ audientiâ in conspectum Serenissimi vultus Sacræ Regiæ Majestatis Vestræ admittimur, humi-

mili genu precamur, dignetur Sacra Regia Majestas Vestra, beneficiis Serenissimorum Antecessorum suorum hoc æternum benignitatis exemplar addere, quo solenni Actu Homagii quantocyùs expedito, Nos bonum Nuntium referamus. Fatemur quidem huic immensæ bonitati Regiæ vices inferiori fortunâ Illustrissimi Principis nostri exsolvere rem impossibilem esse; Sed non ignoramus quoque potentiam, atque benignitatem Sacræ Regiæ Majestatis Vestræ nullam aliam remunerationem præter animum fide & obsequio spirantem à fideli Principe & Cliente suo postulare; quem etiam Illustrissimus Princeps noster in red hostimentum hîc tanquam ante Aram Sacræ Regiæ Majestati Vestræ per Nos defert, atque consecrat. Redditis literis credentialibus Sacra Regia Majestas fidem atque Constantiam Illustrissimæ Domus Ducalis Curlandicæ Regibus & Reipublicæ toties exhibitam, verbis clementissimis persequendo, promptitudinem Illustrissimæ suæ Celsitudinis, quâ homagium se præstare declarat, grato pectore excipit, & affectum suum consuetum in hoc Actu solenni quàm etiam cæteris advenientibus occasionibus Illustrissimæ Celsitudini exhibere promisit.

misit. Posthac per semi horam Regia sua Majestas cum DD. Legatis collocuta est, tandem ad osculum manus Regiæ Succamerarius Regni, Nobiles in majorem splendorem huic Legationi additos, invitavit. Diebus porro sequentibus aggredebantur Domini Legati Dominos Senatores & alios Reipublicæ Officiales, eisqve negotia Illustrissimi Principis, more solito, commendabant, ex quibus vicissim nonnulli, DD. Legatos visitabant; Die 25. ejusd. Sacra Reginalis Majestas per Reverendissimum Dominum Boguslaum Leszcrynski, Præpositum Plocensem Cancellarium suum, DD. Legatis audientiam assignavit. Quibus Albertus Opacki primus Cameraarius & Pocillator ejusdem Reginalis Majestatis, Succamerarius Varfaviensis, in vestibulo obviam venit, eosqve salutando in Cameram Sacræ Reginalis Majestatis deduxit. Stabat sub throno Sacra Reginalis Majestas, quam ab utroqve latere insignis fæminarum atqve virginum illustrium stipabat caterva. Ubi præmissis Curialibus primus Legatus nomine Celsitudinis suæ de felici Coronatione, solenni oratione gratulatus, & Domum Ducalem ejusdem favori commendans literas credentiales reddidit. Cui Sacra
Regi-

Reginalis Majestas per Cancellarium fermè in eum modum respondit. Uti Sacram Reginalem Majestatem fides & Constantia Domus Curlandicæ erga Serenissimos Reges atqve inclytam Poloniæ Rempublicam non latet; Ita eandem Domum benignitate Regià complecti nullo tempore intermitteret. His peractis Aulici Legationis ad osculum manus admittebantur. Post hæc aliquot dies consumpti ratione nonnullarum controversiarum, donec tandem complatis iis, dies 28. Nov. homagio præstando per Joannem Clementem de Ruzca Branicki Marschalcum Curix Regni destinatus fuit. Circa undecimam horam antepomeridianam Castellanus Culmensis Kretkovvski & supradictus Secretarius Regni Major cum splendidiori curru Regio ad hospitium DD. Legatorum venerunt, illosqve in Arcem deduxerunt. In arcem Arcis stabat legio custodiæ Corporis Regii Vexillis liberis & volantibus, ante portam ferream Augustalis Senatorum supradictus Curix Regni Marschalcus venientes DD. Legatos præviâ gratulatione aliisqve Curialibus ad Thronum Regium deducebat. In introitu & exitu DD. Legatorum assurgebant DD. Senatores. Erat is thro-

X x x ;

nus

nus panno aureo instructus & erectus, theatrum
tres gradus altum, & rubro panno stratum, in
quo Regia Majestas sedebat. Stabant ad thro-
num à dextris præfatus Vice-Cancellarius Regni,
à sinistris verò Illustrissimus Dominus Christo-
phorus Pac Supremus Magni Ducatus Lithvaniz
Cancellarius. Porro circa solium à dextris Il-
lustr. Dominus Franciscus Bielinski Ensifer Re-
gni districto gladio, à sinistris, in absentia Vexil-
liferi Regni, Nicolaus Narzevski Vexillifer Plo-
censis vexillum feudale manu tenens, adstabant,
totumque theatrum & Augustale Senatorum,
magnam Aulicorum, atque hominum aliorum,
capiebat multitudinem. In gradum Throni in-
feriorem cum Legati in genua, ritu consveto,
procubuissent, Dominus Putkammerus, in eam,
quæ sequitur sententiam, verba fecit:

Serenissime ac Potentissime Rex,
Domine, Domine Clementissime.

Vix Orbis Sarmaticus Sacram Regiam Maje-
statem Vestram liberis suffragiis electam, &
sacro diademate redimitam, pro Domino ac Re-
ge suo venerabatur, & confestim Illustrissimus
ac Celsissimus in Livoniâ Curlandiæ & Semigal-
liz

liæ Dux, de tam immenso cælitùs concessio beneficio lætabundus coram Sacra Regia Majestate Vestra per me comparuit, & simul certum terminum ad præstandum homagium demissè petiit, ut toti terrarum Orbi non solo ore, sed & candido corde testatum faceret, nusquam Fiduciarium aliquem alacriori animo & celeriori cursu ad exsolvendam fidelitatis suæ tesseram, anhelasse, nec meliorem in Regem & Patronum, quàm Sacram Regiam Majestatem Vestram à superis sibi dari, aut donari potuisse. Et quia hodie jam optatus iste dies illuxit, quo Sacra Regia Majestas Vestra, Illustrissimo Principi nostro per Legatos suos juxta beneficium Serenissimi Antecessoris sui homagium præstare & Investituram ritu consveto accipere permisit. Quapropter Illustrissimus Princeps Noster per Nos hîc comparet, & supplici mente petit, dignetur Sacra Regia Majestas Vestra tanquam Supremus & directus Dominus, cum vigore veterum per Serenissimos Prædecessores Poloniæ Reges & Magnos Lithvaniæ Duces concessarum investituram & Privilegiorum de Terris, Civitatibus, Oppidis, Vicis, & Arcibus, totoque Ducatu Curlandiæ & Semigalliæ in Livoniâ, Clementissime

tissimè investire. Quo nomine Illustrissimus Princeps Noster coram solio Regio ad pedes Sacræ Regiæ Majestatis Vestræ provolutus, more solito, ac laudabili apud omnes Gentes receptâ consuetudine feudorum jura renovare, Homagium præstare, fidem obedientiamque solennibus Juramenti verbis per me adstringere paratus est.

Ad hæc nomine Regiæ Majestatis supradictus Vice Cancellarius Regni respondebat, in modum ferè sequentem.

Quia Generosi Domini Legati nomine Illustrissimi Principis Domini Jacobi in Livoniâ, Curlandiæ & Semigalliæ Ducis à Sacra Regia Majestate Domino Nostro Clementissimo Investituram Ducatus Curlandiæ & Semigalliæ supplices petunt, ac eo nomine ad homagium in animam suæ Illustritati paratos se esse declarant, Sacra Regia Majestas benignè id Illustritati suæ concedit. Dat autem hoc inprimis Illustrissimorum Curlandiæ & Semigalliæ Ducum meritis, dat suæ erga Illustritatem propensione, ac benevolentiæ, dat communi Senatus Ordinumque Regni authoritati, qui primitus Domum istam Ducalem hoc feudi beneficio ornandam censuerunt;

fuerunt; Itaque, quod non modò Illustritati suæ & ipsius inclytæ posteritati, verùm etiam Sacræ Regiæ Majestati ejusq; posteris Poloniæ Regibus, Regnoqve huic, atqve adeò universæ Christianæ Reipublicæ benè & feliciter eveniat, Investituram Curlandiæ & Semigalliæ Ducatum, juxta veteres & postremam etiam Investituram per Generosas Dominationes Vestras Illustritati suæ, tradito hòc vexillò, ex more confert: sperat autem, planeqve confidit, Sacra Regia Majestas, Illustritatem suam daturam operam; ut hanc erga se Majestatis Regiæ beneficentiam debitis officiis prosequatur, deqve eâ ac Regno illius perpetuo benè mereri studeat, atq; contendat. His peractis Regia Majestas Vexillum feudale, quod Vexillifer tenebat, apprehendit, & Domino Puttkammero tanquam primario Legato in manus tradidit, illumqve apprehenso vexillo, sequentibus allocuta est verbis.

Nos Michael Rex Poloniæ &c.
tanquam naturalis & Supremus Dominus totius
Livoniæ Ducatumqve Curlandiæ & Semigalliæ
annuendo precibus Illustrissimi Jacobi Ducistra-
dimus, & concedimus Illustritati suæ in feudum

Y y y

Terras

Terras, Civitates, Oppida & Arces commemoratorum in Livoniâ Curlandiæ & Semigalliæ Ducatum, & ad eosdem Illustritatem suam per hujus Vexilli traditionem in personâ Generositatis tuæ Christophori Henrici Putkameri, uti Plenipotentis Illustritatis suæ, investimus & institui-
mus, gratia & benignitate Nostrâ, quâ Illustritam suam ob singularia in Reges Regnumque Poloniæ, Antecessorum quoque ejusdem Illustritatis Ducum, merita complectimur speramusque Illustritatem suam beneficii hujus memorem, semper futuram, gratamque pro eo se exhibituram. Indè liber Evangeliorum, quem supra memoratus Secretarius Major manibus tenebat, in sinum Sacræ Regiæ Majestatis positus fuit, & præfatus Illustrissimæ Celsitudinis suæ Legatus in supremo Throni gradu flexis genibus læva manu vexillum feudale tenens, dextrâ autem super Evangelium positâ, juramentum fidelitatis, cujus verba hæc: Illustrissimi Principis Jacobi DEI Gratia in Livoniâ Curlandiæ & Semigalliæ Ducis pro præstando homagio & recipienda Investitura ad Sacram Regiam Majestatem Legatus ego Christophorus Heinricus Puttkammer, nomine mandato seu plenipotencia ejusdem, in
ani-

animam ejus juro super hæc Sancta DEI Evangelia &c. & reliqua juxta formulam juramenti Anno 1639. circa primam Illustrissimæ Celsitudinis suæ infeudationem receptam, prælegente, ProCancellario Regni, præstitit. Prædicto Juramento Legatus Collegæ suo Georgio Firks Colonello & Aulico Sacræ Regiæ Majestatis vexillum illud feudale tradidit, & ad inferiorem theatri gradum in genua iterum procumbens, pro istâ Clementissimâ Infeudatione Sacræ Regiæ Majestati gratias sequentibus egit verbis,

Serenissime ac Potentissime Rex,
Domine, Domine Clementissime.

Sicuti Sydera sunt, ut lucem suam in interiora mundi corpora diffundant, sic S. Regia Majestas Vestra tanquam sydus salutare præteritis turbulentis temporibus affulgens, de avitâ suâ Lunâ non solummodò innumeros benignitatis Regiæ radios supra Universum Orbem Sarmaticum, sparsit; Verùm etiam hodiernâ luce perenni Regiæ Clementiæ sydere Illustrissima Domus Curlandica reluxit, dum Sacra Regia Majestas Vestra, quæcunq; ei à Serenissimis Regibus Poloniæ concessa fuerunt, nunc solenni feudi reno-

Y y y 2

vatione

vatione contulit atq̃ve confirmavit. Quo nomine Illustrissimus Princeps noster pari gratiarum actione, eàdem fide & obsequiò, quibus Serenissimis Antecessoribus obstrictus vixit, & Sacræ Regiæ Majestati Vestræ tanquàm Supremo & directo Domino suo adamantino vinculo æternum se obligatum esse profitetur. Agnoscit enim Illustrissimus Princeps noster omnes opes atq̃ve fortunam suam autoritate florentissimi Regni fundatas esse. Proindè etiam se suaq̃ omnia in protectionem & clientelam Sacræ Regiæ Majestatis Vestræ totiusq̃ve Reipublicæ tradit, & in redhostimentum sanguinem suum, quò nihil carius habet, quovis momento, ad nutum Sacræ Regiæ Majestatis Vestræ, effundere paratus erit, humillimis cum precibus, dignetur Sacra Regia Majestas Vestra eum, Domumq̃ve suam Ducalem ulterioribus beneficiis exornare, contra omnium hominum injurias potentissimè defendere, & hunc indissolubilem feudi nexum perpetuâ felicitate æternum reddere. Quo factò Actus hic solennis sincerus testis perpetui amoris & fidei inter Patronum, atq̃ Clientem in Gloriam DEI, decusq̃ve Sacræ Regiæ Majestatis Vestræ, totiusq̃ve Reipublicæ ornamentum.

ornamentum, in toto terrarum Orbe perennabit, & auctior evadet. Ad hæc sæpe fatus ProCancellarius Regni solenni oratione, fidem Illustrissimi Ducis Curlandiæ laudibus extollendo, benevolentiam Sacræ Regiæ Majestatis promittendo respondebat. Finitâ hâc oratione, Marschalcus Curia Regni Dominos Legatos ad capiendam sessionem in sellis à Sinistris Sacræ Regiæ Majestatis in supremo theatri gradu positis invitavit. Illis ita sedentibus primus Legatus, more jam olim usitato, paululum caput texit, quod in honorem Sacræ Regiæ Majestatis mox iterum denudavit, & Aulici Legationis (inter quos etiam ego fui) ad osculum manus Regiæ vocabantur, & solenniter admittebantur, scilicet Generosi, Magnus Buttler Major, Otto Dietericus Sacken, Ernestus Rappe tunc Capitanei locum tenens, nunc Colonellus & Commendans BiatoCerkvviensis, Szoëgen, Jacobus Koszkul, Fridericus Franciscus Ley, Baro de Neuhoff dictus Ley, nunc Consiliarius Cameræ judicialis Serenissimi Electoris, Palatini Rheni, Joannes Korkosz Golginovvicz. Tandem iis omnibus ritè & feliciter peractis, receptoque per Generosum Buttler feudi vexillo, primus

Yyy;

Lega-

Legatus Throno descendens brevibus verbis Sacrae Regiae Majestati valedicendo, humillimas iterum gratias pro hoc illustrissimo Principi collato beneficio agebat. Cui Sacra Regia Majestas respondebat, speramus Illustritatem suam, semper beneficii hujus memorem, in fide & obsequio constanter permansuram. Tandem Dominos Legatos inter varias DD. Senatorum gratulationes Curiae Regni Marschalcas comitabatur, atque sic DD. Legati ex Arce per dictum Castellatum atque Secretarium Regni Majorem, eadem solennitate, quam deducti fuerant, nisi quod vexillum feudale proximè ante currum, per Generosum Koszkul ferebatur, ad hospitium, ubi eosdem tubicines & tympanistae Regii tympanarum ac tubarum hilari clangore excipiebant, deducebantur, atque sic ibi gratulationibus ac debitâ gratiarum actione hæc solennitas finiebatur.

Cum Renovatio Feudi sub Serenissimo Rege JOANNE III. nunc feliciter Regnante d. 27. Mensis April. Ao. 1677. post finita Comititia eodem fere ritu modoque recepta & peracta sit, brevibus differentiam, quæ in nonnullis fuit, exhibeo. Legatus erat Dominus Evvaldus Frank dictus

dictus Pfeilitzer ex Supremis Consiliariis Cancellarius. Locus, ex quo introitum suum faciebat, erat Palatium Illustrissimi Domini Christophori Pac Supremi Magni Ducatus Lithvaniæ Cancellarii, nuncupatum Bellveder. Pro actu ipso homagii Illustrissimus Dominus Vladislaus Comes à Doënhoff Castellanus Culmensis nunc Palatinus Pomeraniæ, & Reverendissimus Dominus Gninski Referendarius Regni, Legatum in curru Regio ad Arcem deduxerunt, ubi eidem ante Portam ferream Augustalis Senatorum, Illustrissimus Princeps Dominus Stanislaus Lubomirski Supremus Regni Marschalcus obviam veniebat. In throno à dextris stabat Reverendissimus Dominus Wydzga Episcopus Varmienensis ViceCancellarius Regni nunc Archi Episcopus Gneznensis. A sinistris præfatus Dominus Cancellarius Lithvaniæ. Deinde à dextris stabat Illustrissimus Princeps Dominus Hieronymus Lubomirski, Eques Melitenfis ut Vexillifer Regni vexillum feudale tenens, stabat ibidem quoque Illustrissimus Dominus Franciscus Bielinski Ensifer Regni nunc Palatinus Mariæburgensis. Cum vero Generosus Otto à Sessvegen, Collonellus Legionis Serenissimi Principis

cipis Regii, Venator Ducatus Livoniæ, morbo detineretur, ut tanquam Collega Legati comparere non potuerit, Sacra Regia Majestas meæ tenuitati, ut Residenti, gratiam & honorem faciebat, Vexillum feudale à Domino Legato recipiendi & tenendi, quod alias alter Legatus præstare solebat. Aulici, qui ad osculum manus Regiæ admittebantur, erant, Generosi, Nicolaus Korff Thesaurarius Ducatus Livoniæ, Ernestus à Nolde, Carolus Joannes à Blumberg, Celsissimi Ducis Aulici, quorum iste scilicet Generosus Nolde, cum Legatus domum deduceretur, Vexillum feudale ante currum Eques ferebat.

Oratio Petitoria.

O verè justum & legitimum à DEO nobis datum Regem, qui in summo fastigio constitutus, non magnus magis, quam bonus audire desiderat. Nam magnitudinem & magnanimitatem suam Sacra Regia Majestas Vestra toti Terrarum Orbi luculenter exhibuit, dum durante hoc Turcico bello maluit semper inter strenuos milites commorari, omnes intemperates, belli curas & molestias pro salute Reipublicæ

publicæ sustinere, & Patriæ paterno suo & saluberrimo consilio prodesse, quàm in Regiis Palatiis splendidè vivere. Si bonitatem & ineffabilem Clementiam Sacræ Regiæ Majestatis contemtor, cuinam non bonum se præbuit, cum totius Reipublicæ & omnium annexarum Provinciarum, jura, immunitates, & privilegia ita sacro sanctè gubernat, ut etiam ii, qui ante hac aliquid damni in suis privilegiis & immunitatibus perpeffi sunt, nunc de novo tempore felicissimi Regiminis Sacræ Regiæ Majestatis de integerrima restitutione tam in Ecclesiasticis, quàm secularibus glorientur, & DEum pro longævâ incolumitate & felicissimo Regimine Sacræ Regiæ Majestatis Vestræ ardentissimis precibus contendunt; Inter quos fideles non est postremo loco locandus Illustrissimus & Celsissimus Princeps meus, Cliens fidelissimus Sacræ Regiæ Majestatis Vestræ, qui hodie per me compareret, ut toto terrarum Orbi ore & corde monstret, nusquam fiduciarium aliquem ad persolvendam fidelitatis suæ propensionem magis anhelasse, nec meliorem Regem & Patronum, quàm Sacram Regiam Majestatem Vestram aut optari aut donari potuisse. Et quia hodie optata ista hora,

Z z z

affulsit,

affulsit, qua Sacra Regia Majestas Vestra Principi meo per Legatum juxta beneficium Serenissimi Antecessoris sui homagium præstare, ac Investituram consveto ritu accipere permisit; Proindè Illustrissimus Princeps in personâ meâ comparet, & supplici mente petit, dignetur Sacra Regia Majestas Vestra, tanquam supremus & directus Dominus tam vigore veterum per Serenissimos Prædecessores Poloniæ Reges & Magnos Lithvaniæ Duces concessarum Investiturarum & privilegiorum de Terris, Civitatibus, oppidis, vicis & Arcibus totoqve Ducatu Curlandiæ & Semigalliæ clementissimè investire. Quo nomine Illustrissimus Princeps meus coram throno Regio, ad pedes Sacræ Regiæ Majestatis Vestræ in genua decumbens more solito & laudabili apud omnes gentes receptâ consvetudine feudorum, jura renovare, Homagiumqve præstare, fidem obedientiamq; solennis juramenti verbis per me deponere paratus est.

Gratiarum actoria.

Inter amorem timoremqve medius & alternis judiciis ambigens, dum nomine Illustrissimi
ac

ac Celsissimi Principis mei Sacræ Regiæ Majestati Vestræ gratias neſtere paratus ſum, Domine an Patri gratias rependam? Si amplitudinem & potentiam Sacræ Regiæ Majestatis Vestræ conſidero, meritò Inviſtiſſimo Domino; Si verò beneficium hodiernâ luce Illuſtriſſimo Principi meo collatum intueor, benigno & clementiſſimo Patri meritò gratias exſolvo. Nam quæcunqve ei à Sereniſſimis Poloniæ Regibus conſeſſa fuerunt, nunc ſolenni feudi renovatione, Sacra Regia Majestas Veſtra Illuſtriſſimo Principi paterno affectu & clementiâ contulit atqve confirmavit. Quo nomine Illuſtriſſimus Princeps meus pari gratiarum actione eâdem fide, conſtantiâ & obſequio, quibus Sereniſſimis Prædeceſſoribus obligatus vixit, & Sacræ Regiæ Majestati Vestræ tanquam ſupremo & directo Domino ſuo, arctâ quâdam fidelitatis catenâ in æternum devinctum & obſtrictum ſe eſſe proſitetur. Agnoſcit enim Illuſtriſſimus Princeps meus omnes opes ac fortunam ſuam autoritate florentiſſimi Regni fundatas eſſe, proindè ſe ſuaqve omnia in protectionem & clientelam Sacræ Regiæ Majestatis Vestræ totiusqve Reipublicæ tradit & ſanguinem ſuum, quo nihil carius habet, quo vis mo-

mento ad nutum Sacræ Regiæ Majestatis Vestræ effundere paratus erit, cum humillimis precibus, dignetur Sacra Regia Majestas Vestra Eum Domumque Ejus Ducalem ulterioribus beneficiis condecorare, contra omnium hominum injurias potentissimè defendere, & hunc indissolubilem feudi nexum perpetuâ felicitate exornare. Quo factò solennis hic Actus apertus testis perpetui amoris atque fidei inter Patronum & Clientem in maximam DEI gloriam, Decus Sacræ Regiæ Majestatis Vestræ totiusque Reipublicæ ornamentum in toto Terrarum Orbe perennabit.

De *Livoniâ* quid, Pactorum Olivenfium tenore, Sveciscessum sit, quid Polonis remanserit, ex Instrumento Pacis §. 4. & 5. superius exhibitò elucescit. Cum Livonia tam ad Regnum quàm Lithvaniam spectet, expeditiones ad eandem sub Sigillo Regni Magnique Ducatus Lithvaniæ extradi debent, vid. *Constit.* 1589 ubi etiam cavetur, quòd Livonico militi ab utriusque Gentis Ducibus sit Præfectus assignandus, si tamen tempore alicujus expeditionis Duces utriusque Gentis adessent, medietas Livonici militis uni, altera alteri cedere teneatur, nisi urgens necessitas

tas svaserit, sub regimen unius coordinandos milites. Secundum jus antiquum ordinationis Livoniæ duo ex Regno, duo ex Lithvaniâ & totidem ex ipsâ Provincia Nuntii ad Comitia eliguntur. Qui tamen, quando durantibus Comitibus nationales habentur Conventus, cum Lithvanis deliberant.

Per Constit. Anni 1677. Ordinatio in perpetuum non abroganda facta est, dum Senatores, id est, Episcopus, Palatinus & Castellanus aliique Officiales sub generali titulo Ducatus Livoniæ constituti sunt. In conferendis autem dignitatibus Senatoriis alternata trium Nationum reservatur. Idem etiam cavetur de Capitaneatibus juxta antiquum jus, & si Capitaneus nullam habens possessionem ex Regno vel M.D. Lithvaniæ constitutus fuerit, intra semestre post obtentum officium tenebitur possessionem eruere. Quoad *Judicia* cavetur, quod à Terrestribus & castrensis, quando summa quingentos florenos non excedit, appellationem ad *Judicia Assessorialia* Regni per Mensem Januarium & Februarium, quovis anno celebranda, interponere non liceat. Sub tempus *Judiciorum* istorum assidere tenetur *Referendarius* vel *Notarius* M. Ducatus

Lithvaniæ, atqve insuper etiam unus ex Gente Livonica Assessor juratus sub nomine Secretarii, cujus tamen absentia ad causas judicandas impedimento esse non debet. De *Contributionibus* notandum est, quòd uno anno in Thesaurum Regni, altero autem in Thesaurum Magni Ducatus Lithvaniæ inferendæ sint.

CAPUT X.

DE VOLHYNIA.

Ducatum hunc Casimirus III, qui utriqve Nationi & Poloniæ & Lithvanicæ præfuit, à Regno tanquam proprio Corpore alienaverat, sed Sigismundus Augustus Regno iterum appropriavit *vid. Const. 1569.* Dividitur in duos Magnos Districtus, Cremenecensem & Luceorientem. Quoniam varia oriebantur inconvenientia & per Amanuenses circa descriptionem Statuti Volhynensis frequentes committebantur errores, ideò per Constit. Anni 1667. concessum est, ut typis excuderetur. Habet etiam Volhynia seorsivum suum Notarium Decretorum.

CAPUT

CAPUT XI.
DE KYOVIA.

I. Spectavit iste Ducatus Jure perpetuo ad Regnum Poloniæ, donec Vladislaus Jagello ex occasione, quod utriusq; Nationis gubernacula tenuit, eundem à Corpore Regni ad Magnum Ducatum Lithvaniæ transtulit. Rem tamen Sigismundus Augustus in integrum restituit, ac cum Regno iterum conjunxit per dictam *Constit. anni 1569.* ubi inter alia caveretur, quod omnes Expeditiones Regiæ hunc Ducatum concernentes non alio nisi Ruthenico charactere expediri, negotia verò ad Cives & jus Magdeburgense spectantia Polonicè concipi debeant. Id quod etiam in Volhynia obtinet, juxta præfatam *Constit.*

II. Vigore Tractatum Andrussoviensium, debebat post biennium Magnus Moschorum, Dux Kyoviam Polonis reddere. Sed adhuc eandem possidet.

CAPUT XII.
DE PODOLIA.

POdolia continuis Barbarorum incurfionibus & præliis famosa, in tria Territoria dividitur,
Ca-

Cameneense, Trebovliense & Lancovienſe, Capitaneus gaudet titulo Generalis. Petrum Valachia Palatinum, refert *Sarnicius*, ſolitus diſtitaffe; Aut tu Kamieniec Chocimum Noſtrum, aut Chocimum Kameneciam deglutiet. Eripuit Nobis dolendo fato, hoſtis Chriſtiani Nominis antemurale illud. Notanda hîc temporum reſolutio, quippe Camenechia ab Olgerdi Magni Ducis Lithvania ex fratre Neporibus, quos Podolia præfecerat, condita, & ecce ſub Michaële Rege ex Olgerdi familiâ oriundo occupata eſt. Svaſit tunc temporis neceſſitas prohibendi hoſtem à viſceribus Regni, pacem etiam iniquis conditionibus inire. Sed cum libera Gens tributum (viginti & duorum millium ducatorum) ferre non poſſet, Ordines Regni, quibus inconſultis illa pax, non tamen jurata, ſteterat, decreverunt armis injuriam vindicare. Id quod etiam feliciter ſucceſſit. Uti enim olim Anno 1444. die 10. Novembr. in Vigilia S. Martini Vladislaus Rex ſub ductu Joannis Corvini Hunniadis ingentem cladem paſſus eſt, ita Reſpublica Anno 1673. die 11. Novembr. ipſo feſto Martini ſub ductu Joannis tunc Archiſtrategæ, nunc Regis ejusdem nominis III. ingentem victoriam obtinuit. Illa clades

Illa clades Regem absumpsit, hæc victoria Regem assumpsit. Nam pridie Rex Michaël Leopoli fatis cessit, & Victoriosus iste Joannes *ob res benè gestas die 21. Maji Anno 1674.* liberis suffragiis in Regno succedit, eodem notabili die, quo olim Anno 1622. Osmanus II Turcarum Imperator Juvenis ferocissimus, & Orbi vexando natus, ultimum subiit supplicium *ob rem malè in Poloniâ gestam.* Quales parallelæ temporum!

CAPUT XIII. DE PODLACHIA.

I. **D**ucatus hic à Casimiro Jagellonide Lithvaniæ adjunctus, rediit ad Corpus Regni: *vid. Const. 1567. 1569. 1581. 1588. nec non 1607.* quæ anno 1633. reassumptæ approbatæqve sunt. Dividitur in tres Districtus Trogicynensem, Mielnicensem atqve Bielscensem.

II. Obviando inconvenientiis, quibus sæpè Electiones Deputatorum, Nuntiorum, & Officialium Terrestrium in Puncto constituendi Mareschalli evanuerunt, *Constitutionem anni 1598.* Palatinatui Masoviæ in eligendo Mareschallo ad omnes tales actus pluralitate suffragiorum inter-

Aaaa

vien-

vientem, si unanimes defuerit consensus, Palatinatus Podlachiz in toto recepit.

CAPUT XIV.

DE SMOLENSCIA, SEVERIA, CZERNIECHOVIAq;

SMolenscensis Satrapia Ducatum Severiensem, Terram Czerniechoviensem & Districtum Orzanensem in se complectitur. Severiam Sigismundus III, Czesniechoviam Vladislaus IV. Regno annexuit. Refert Koiałovicius parte secunda Hist. Pol. lib. 5. quod olim Principes Severiæ ob contumeliam sibi à Janitore nolente ipsos ad Regem intromittere illatam, ad Moschos defecerint. Palatinus Czerniechoviensis Palatinatum cum eodem Capitaneatu, absq; ullà incompatibilitate exemplo Palatinatus Kyoviensis, habere potest, juxta Const. 1635. p. 18. Jam verò Ducatum Smolenscensem & Severiensem Magnus Moschorum Dux tenet, vigore initarum Induciarum, quæ anno 1693. mense Junio expirant.

EPILO.

EPILOGUS.

DE FORMA & SCOPO REI-
PUBLICÆ POLONÆ.

POssem hîc exemplo aliorum, qui Jura Publica descripserunt, in formam Reipublicæ Polonæ, juxta Leges Politicorum, curiosius inquirere. Sed studio hoc ipsum thema, quod alibi tractandum videbatur, eousqve distuli, ut prudenti & æquo Lectori ex antecedentibus, liberum esset judicium. DE SCOPO etiam paucis innuo, eundem (uti Marinius integro libello ostendit) in SALUTE & ÆQUALITATE Civium consistere.

SOLI DEO GLORIA!

ADDENDA.

Ad pag. 39. num. XXII.

JURAMENTUM REGIS POST
ELECTIONEM.

Ego N. Electus Rex Poloniæ Magnus Dux Lithvaniæ, Rusiæ, Prusiæ, Masoviæ, Samogitiæ, Livoniæ, Smolensciæ, Kyoviciæ, Volhyniæ, Podoliæ, Podlachiciæ,

A a a a z

lachia, Czerniechoviaę spondeo & sanctè juro DEO Omnipotenti ad hæc sancta Jesu Christi Evangelia, quod Pacta Conventa per Ordines Regni mihi data, in omnibus eorum articulis, Punctis, clausulis, Conditionibus; ita ut nec specialitas generalitati, nec generalitas specialitati, deroget, servabo, manutenebo & adimplebo, atq; ea omnia iterato etiam in solenni Coronatione juramento confirmabo, sic me DEUS adjuvet & hæc sancta Jesu Christi Evangelia.

Ad pag. 51. n. XXX.

JURAMENTUM CIRCA CORONATIONEM.

Ego

EGO N. electus Rex Poloniæ, Magnus Dux Lithvaniæ (totus titulus hic exprimitur) per omnes Regni Ordines utriusq; Gentis tam Poloniæ, quam Lithvaniæ, cæterarumq; Provinciarum Regno Poloniæ Magnæ Ducatui Lithvaniæ annexarum & incorporatarum communi consensu liberè electus, spondeo & sanctè juro DEO Omnipotenti ad hæc Sancta Jesu Christi Evangelia, quod omnia Jura, Libertates, Immunitates, Privilegia publica & privata Juri communi utriusq; Gentis & libertatibus non contraria, Ecclesiasticas & Seculares Ecclesiis Catholicis Romanis Principibus, Baronibus,

ronibus, Nobilibus, Civibus, Incolis & quibuslibet personis cujuscunq; Status & conditionis existentibus per Divos Prædecessores meos Reges & quoscunq; Principes Regni Poloniæ & Magni Ducatus Lithvaniæ præsertim verò Casimirum antiquum, Ludovicum Loiz nuncupatum Vladislaum I. Jagellonem dictum, fratremq; ejus Vitoldum Magnum Lithvaniæ Ducem, Vladislaum II. Jagellonis filium Casimirum III. Jagellonidem (hic adduntur semper Reges sibi ordine succedentes) Reges Poloniæ & Magnos Duces Lithvaniæ iustè & legitime datas & concessas, emanatas & donatas, ab omnibusq; Ordinibus tempore Interregni statutas atq; sancitas mihi oblatas, tum Pacta per Ordines Regni & Magni Ducatus Lithvaniæ mihi tradita manutenebo, observabo custodiam & adimplebo in omnibus conditionibus, articulis & punctis in eisdem expressis. Pacem quoq; & tranquillitatem inter Dissidentes de Religione Christiana tuebor, manutenebo, nec ullo modo vel jurisdictione Nostra, vel Officiorum Nostrorum & statuum quorumvis autoritate quenquam afficiam ac opprimam, ac ea quæ in Electione Nostra Varsaviensi constituta sunt, & quæ in Conventione Coronationis Nostræ constituentur manutenebo iisque satisfaciam, omnia illicitè à Regno Magnoq; Ducatu Lithvaniæ & Dominiis eorundem quocunq; modo alienata vel bello vel quovis alio modo distracta ad pro-

prietatem ejusdem Regni Poloniae & Magni Ducatus Lithvaniae aggregabo, terminosq; Regni & Magni Duc. Lithvaniae non minui sed defendam & dilatabo. Justitiam omnibus Incolis Regni juxta jura publica in omnibus Dominiis constituam absque omnibus dilationibus & prorogationibus administrabo, quovis etiam sanguinis nostri respectu nullo habito, in dispensatione quoq; Distributivae Justitiae non me alligabo ad affectum & propensionem naturalem sanguinis, sed solam ipsam meritorum rationem praeculis & corde habebō in disponendis occurrentibus officiis & Beneficiis Reipublicae. Et si (quod absit) in aliquibus juramentum violaverō, nullam mihi Incolae Regni omniumq; Dominiorum uniuscujusq; Gentis obedientiam prestare debebunt, imo ipso facto eos ab omni fide, obedientia Regi debita liberos facio absolutionemq; nullam ab hoc meo Juramento à quoquam petam, nec ultrò oblatam suscipiam. Sic me DEUS adjuvet & haec sancta Christi Evangelia. Quae superius de sanguinis proprii respectu in Justitia administranda & distribuenda caventur, illae addita sunt tantum in Serenissimi Regis Joannis III. juramento.

Ad pag. 57. n. XXXIV.

Cum superius exhibuerim, quomodo Divae memoriae Rex Michael Ordine Aurei Velleris insignitus fuerit, hinc exponendum duxi, quomodo mo-

do modernus Rex Serenissimus Ordinem Spiritus Sancti acceperit. Illius insigne agnus, hujus Columba est, de quorum animalium prærogativâ Cælitus datâ Esdra Lib. IV. Cap. V. ait; Ex omnibus creatis volatilibus nominasti tibi columbam unam, & ex omnibus plasmatis pecoribus providisti ovem unam.

Anno 1677. die 29. Novembr. Ambo Legati Gallici tam Reverendissimus Dominus de Forbien Episcopus Marsiliensis nunc Bellovacensis quàm Illustrissimus Dominus de Bethune nigro induti pallio, per Illustrissimum Dominum Johannem in Gnin Gninski Palatinum Culmensensem nunc ProCancellarium Regni in rhedâ Regiâ ad Arcem Zoskieviensem præeunte aliarum rhedarum ac equitantium agmine adducti, ac in scalis & ante introitum à DD. Senatoribus recepti atqve per Illustrissimum Dominum Nicolaum de Granowa Sieniavvski Marschalcum Curiae Regni nunc Palatinum Volhynensem & Campiductorem Regni introducti, Serenissimo Regi in folio sedenti venerationem exhibuerunt, & deinde ad peragendam Legationem sedilia sibi assignata occuparunt. Oratoris munere fungebatur dictus Episcopus potiore occupans locum &

cum & Christianissimi Regis Domini sui amicitiam declarabat, atq̃ve Extraordinariam Legationem Domini Marchionis intimabat. Respondit Illustrissimus Princeps Dominus Michael Radzivil ProCancellarius & Dux Campestris Magni Ducatus Lithvanix mutuam Serenissimi Regis offerendo amicitiam; Actus autem, solennitati dies crastinus præfigebatur. Die igitur 30. ejusd. Serenissimus Rex vestitu ad suspensionem Ordinis accedentibus usitato indutus, scilicet ex panno phrigio argenteo, pallio nigro holoserico subducto panno serico leviori coloris albi, mitra Polonica nigra cristâ Clenodiisq; ornatâ & albis ocreis ex tela serica confectis atq; in futuris martibus scythicis confutis auroq; & gemmis fulgentibus progressus est cum assistentia Senatorum & Officialium Regni circa hunc Actum præsentium inter Marchionem vestitu ceremoniali indutum ab uno latere, & ab altero inter Episcopum Marsiliensem ex Arce ad Templum, ubi jam pro ceremonia quatuor tapetibus pretiosis per gradus tecti Throni parati erant. Unus Thronus à dextris in nomen Serenissimi Regis Gallix constitutus alii tres à sinistris erant, Primus sub quo ornatum & insigne Ordinis Serenissimus

renissimus accepit, alter sub quo sedebat. Terti-
us ubi Serenissima Regina sedebat. Marchio
ad Thronum Domini sui potiori sedebat loco.
Episcopus autem Marsiliensis pro hoc actu Can-
cellarius ab altera parte remotius. Magis adhuc
remoti versùs Regiam Majestatem in minoribus
subsellis assidebant Illustrissimi, Dominus Sta-
nislaus Jablonovvski Palatinus Russiæ Exerci-
tuum Dux Campestris nunc Supremus, Dominus
Martinus Konski Artilleriæ Regni Generalis Ma-
gister nunc simul Castellanus Leopoliensis, item
Dominus Karczevvski, & Korycki Generalis ut
Socii. Ut primum cessum ceperant prodiit Pon-
tificialiter indutus habens in Infula & Ornatu al-
bas intertextas cruces Abbas Peplnensis Wolff
cum assistentia Prælatorum Aulicorum Clerisq;
aliis etiam in Dalmaticis similes habentes cruces
& missam de Spiritu Sancto & invocatione ejus
cum hymno Veni Creator Spiritus celebravit.
Post Missam Concionem habuit Pikarski Soc.
Jesu, super thema: Andreas frater Simonis
cum audisset de Joanne, secutus est Jesum, Joannis
Cap. I. Deduxit summam in Patriam & Regiam
Majestatem, tam in expeditionibus bellicis, quam
etiam apud extraneos observantia Divinam Pro-

Bbbb

viden-

videntiam. Post fecit etiam verba satis ampla in laudem Confraternitatis. Post Concionem surrexit Marchio & cum aliis ad Actum hunc destinatis Ministris, facta ante omnia supremæ super omnes Principes Majestati deinde Throno in nomen honoremq; Regis Christianissimi erecto & tandem Regi Serenissimo & tandem Sux Majestati reverentiam processit versus altare ad Thronum, ubi insignia posita erant, relicto ibidem Marchione, alii pro adducendo Rege iverunt, cui præsentis Episcopus Marsiliensis conditiones Ordinis prælegit, deinde Serenissimus votum fecit ac nomen suum in librum confraternitatis inscripsit. Quò facto Regem pallio, quo indutus ad Templum se contulerat, exuerunt, & eidem aliud nigrum holosericum longum & amplum auro ad instar linguarum, ardentium opulentè intertextum, uti etiam magnum collare & super illud monile cum cruce ab utraq; parte adamantibus distincta imposuerunt. Hoc habitu Serenissimus ad Thronum iterum deductus, & actui isti per hymnum Te DEum Laudamus cum applausu musico tubarum finis est impositus. In eodem habitu Rex è templo ad Arcem se recepit, ubi vestes indu-

tus

rus solitas, sed insigne jam gerens, Dominos Legatos Senatores & Officiales in seram usq; noctem lauto excepit Convivio.

Hic addere placet, quod Rex Vladislaus IV. voluerit Ordinem Equitum immaculatæ Virginis instituere, quorum numerus non excederet septuaginta duos, præter Principem, cum numero huic discipulorum Cœlestis Princeps Orbem subjecerit, & Sanctissimæ Virginis Matris tam gaudiorum quàm dolorum mysteria septenario numero terminentur. Insigne debebat dari torques ex aurò puro absq; ullis lapidibus vel unionibus, cujus particulæ invicem concatenatæ alternatim repræsentarent, una quidem lilium album in medio radiorum, cum hæc Inscriptione *IN TE*, altera verò fasciculos sagittarum colligatarum fascia alba his verbis inscriptis, *UNITA VIRTUS*. Dependere debebat à torque Crux rubea, in cujus medio conspiceretur imago Virginis infantis candida; Draconem pedibus calcantis, his verbis suppositis, *Vicisti, Vince.* Obtinuerat jam dictus Rex per Oratorem suum Georgium Ossolinski ab Urbano VIII. Anno 1634. confirmationem ejusdem. Ordinis, qui tamen posthac in usum deductus

Bbbb 2.

non

non est, nam à male suspicacibus vituperatus, per dissensum Ordinum in Comitibus anno sequenti habitis exolevit.

Haud abs re erit de Melitenfibus Equitibus aliquid hic annotare, quod propter præstantiam Ordinis illius benè de tota Christianitate demeriti, Respublica, quæ semper Equestri professioni favere solita est, Anno 1632. æquum judicaverit, ut illi Equites tanquam homines Religiosi tam in Regno, quam M. D. Lithvaniæ ad nulla alia, nisi Spiritualia, citarentur Judicia. Quod tamen ita intelligendum, quando Equiti cum Equite causa intercedit, in aliis verò litibus cum quopiam agendis commune forum sequi debent, *ex punctis exorbitantiar: tempore Convocationis prædicto Anno ad Castrum Varsaviense porrectis.* In favorem etiam hujus Ordinis Respublica concessit Duci de Ostrog Castellano Cracoviensi in defectu successorum sanguinis bona sua hæreditaria Equitibus Melitenfibus adscribere.

Ad pag. 62.

Circa effigies Regum notandum velim, quòd Hedvvigis præter voluntatem meam à sculptore addita sit, quippe inter Reginas eandem exhibeo,

Ad

Ad pag. 93.

Varia negotia & itinera Editionem remota sunt, adeo, ut interim nonnulli Senatores, vel vitam cum morte, vel dignitatem suam cum aliâ commutârint, noviqve etiam successerint. Hinc indè tamen ex addendis novissima eorum patet conditio, & curiosus Lector spatium, quod in Consignatione superius videt, nominibus recentissimis inferendis adhibebit.

Ad pag. 121.

Episcopus Livoniæ nominatus est Reverendissimus Dominus *Nicolaus Poplawski* Cathedralis Plocensis & Collegiatæ Varlaviensis Decanus. Ad sopiendas differentias inter Livoniam & Czerniechoviam autoritate Conventus Generalis Anno 1683. & Anni 1641. reassumendo, circa præcedentiam & locum Ducatui Livoniæ ante Palatinatum Czerniechoviensem in perpetuum approbatur, salvo loco Illustrissimi Domini *Joannis Gninscii* hodierni Palatini Czerniechoviensis, cui ad vitæ tempora præcedentia loci & vocis reservatur.

Ad pag. 140. n. XVII. lin. XI.

Ita olim obtinuisse patet ex *Piasccio* sub Anno 1620. his verbis: Principe Vladislao, qui subse-

Bbbb ;

que-

quebatur. Hodierno autem tempore observavi, quòd Serenissimus Princeps Regius Patrem, præcedat.

Ad pag. 149. n. XVIII.

De Juramento Cancellariorum monendum, quòd non ad Evangelia, sed ad crucem præstatur, cujus exemplum novissimum, dum Illustrissimus Dominus *Marcianus de Kozielsk Oginski* Cancellarius Magni Ducatus Lithvaniæ juraret.

Ad pag. 201. n. XIX.

Securitati Marſchalcorum atq; Deputatorum ad Constitutiones prospiciendo, cavet Lex Comitialis Anno 1683, ne quis ex occasione Constitutionum in perpetuum ausit in Jus Tribunalitium vocare Marſchalcum, Deputatos ad Constitutiones, ac Nuntios Terreſtres utriusqve nationis, sub pœnâ evocationis.

Ad pag. 231.

Sigilli Cameræ Administer à primo Regimine Serenissimi Regis nunc glorioſè ſceptra tenentis usque ad hunc diem est Reverendissimus Dominus *Adamus Sarnowski*, Præpositus Lencienſis, Secretarius intimus Regiæ Majestatis, quæ ipsum tanquam optime meritum pro no omnium Ordinum consensu applauſuq; in
Comi-

Comitiis novissimis Prælaturarum Cathedralium
capacem declaravit.

Ad pag. 243. n. XVII.

Desertores Castrorum pro hostibus Patriæ
declarantur per Constit: 1683. p. 4.

Ad pag. 281.

Si hic omitterem fœdus contra Christiani
nominis hostes ictum recensere, non sine crimi-
ne omitterem; Uti enim illud à seculis expeti-
tum fuit, ita omni seculorum memoriâ dignissi-
mum est. Cùm Sacra Regia Majestas Poloniæ
conclusam ante aliquot annos cum Turcis pa-
cem multis infractionibus læsam non diu dura-
turam prævideret, melius ac gloriosius esse du-
xit, prævenire, quam præveniri, eumq̃ve in finem
tàm cum Augustissimo Cæsare, quam cum Se-
renissimo quondam Czaro de ineundâ societate
armorum consilia agitavit; Adspirarunt tandem
fata votis. Quippe Sacra Cæsarea Majestas ex-
pectationibus Serenissimi Regis ac inclytæ Rei-
publicæ accedendo, misit ad Comitiam Orato-
rem, Illustrissimum Dominum *Carolus Ferdinandus*
Comitem à VValdslein Equitem Aurei Velleris,
Sacre Cæsareæ Regiæq̃ve Majestatis Camera-
rium, intimum Consiliarium, nec non Serenissi-
mæ Im-

mæ Imperatricis Viduæ Supremum Aulæ Præfectum, plenariâ facultate instructum munitumqve ad ineundam animorum & armorum societatem, quâ utriusq; Majestatis Regna & dominia ut vicinitate mutua, ita communione periculorum belli Ottomanici conjuncta non solum ab ulterioribus immanissimi hostis aggressionibus tuto conservarentur, verum etiam recuperatis ab utrinq; ablatis firmâ & stabili pace bearentur. Stetit ergo efficaci operâ & dexteritate prædicti Domini Comitis, nec non Illustrissimi Ablegati Domini Baronis *Christophori de Zierowo Zierowski* die 31. Mens. Martii Anno 1683. inter altè memoratas Majestates earumqve in throno successores Regna & Provincias offensivi & defensivi belli societas; Prima ad gloriosam & stabilem cum hoste communi utriusq; partis pacificationem duratura; Altera ad ejusdem Pacis perennem conservationem in perpetuum mansura. Et ut majori solidaretur tam pium opus vinculo, utraq; pars virtute Gvarantiæ Evictorem Summum Pontificem Innocentium XI. cum successoribus assumpsit, ac per Protectores, & Repræsentantes suos Cardinales Eminentissimos *Pium, & Barberini* Romæ juramentum præstitit.

Cum

Cum verò ejusdem sacri fæderis præcipuum sit punctum, non solum ultrò se offerentes Principes ad idem admittere, verum etiam alios sollicitare, utraq; Majestas Serenissimam Rempublicam Venetam in partem ejusdem colligationis invitavit; Illa memor innatæ gloriæ, & experta quàm infida, & gravis sibi sit postremo inita cum Turcis pax, tam piis intentionibus annuit, negotiumqve maturavit. Convenerunt enim in Aula Cæsareâ Legati, remq; laudatissimam confecere, scilicet à parte sacræ Cæsareæ Majestatis Excellentissimus Dominus Leopoldus *Guilhelmus Comes de Kenigsegg* Camerarius, Pro-Cancellarius Imperialis, & aurei Velleris Eqves, & *Theodorus Althetus Henricus Baro de Stratmann* Aulæ Cancellarius, ambo Consiliarii intimi. A parte Sacræ Regiæ Majestatis Regniqve Poloniæ, ac M. D. Lithvaniæ Legatus Extraordinarius Excellentissimus Dominus *Joannes Reza-
zenski* Castellanus Medyrecensis: Serenissima autem Venetorum Respublica suo in Aulâ Cæsareâ Ordinario Oratori Excell. Dno. *Contarini Equiti* ad hunc Actum specialiter constituto suo Syndico ac Procuratori plenam facultatem dedit. Conclusum feliciter ac subscriptum fædus

Cccc

hoc

hoc Christianitati saluberrimum in Arce Lincen-
si d. 5. Mens. Martii Anno Domini 1684. & post
ratificationem Principalium à supradictis Cardi-
nalibus, nec non nomine Venerorum à Cardina-
le Seniore Eminentissimo *Ottoboni* juramento fir-
matum est. Cum hæc scripsissem, advenit ad
Sacram Regiam Majestatem à Serenissimâ Ve-
netorum Republicâ Orator Extraordinarius Ex-
cellentissimus Dominus Angelus *Morosini*, Procu-
rator S. Marci cum gratulatione hujus triplicis
funiculi.

Quoniam etiam Augustissimus Imperator
splendidam ac sumptuosam ad Serenissimos
Moschoviæ Czaros Legationem pro acceptan-
do hoc fædere expedivit, optandum, ut benè
cedat opus! ut Excellentissimi Oratores, scilicet
Joannes de Zierowo Zierowski & *Joannes Sebastia-
nus de Blomberg*, Liberi Barones redeant Exora-
tores!

Ad pag. 393.

De negotiis cum Moschis nihil addendum ha-
beo, quàm quod Induciæ Anno 1678. initæ, inter
Serenissimum Regem, Regnumque Poloniae, &
duos Czaros simul nunc regnantes reassumptæ
sunt.

Ad

Ad pag. 548.

Proposueram laborem hunc sub Celsissimo Duce Jacobo in lucem mittere, sed disposuit aliter DEus. Dum enim varia negotia moras iniecerunt, exclamandum mihi venit, *Dux est mortuus!* Eternum lugendus, nisi locum dedisset Filio verâ pietate prædito, justitiæ & æquitatis observanti, prudenti, magnanimo. Ergo mox gratulabundâ voce exclamare licuit, *Dux vivit!* Postquam hic Patrem amiserat, ad Patrem Patriæ sine morâ primò per meam tenuitatem, deindè per Ablegatos Dominum *Dietericum ab Alten Bokum* ex Supremis Consiliariis Marschalcum Provinciæ, & Dominum *Adamum Schubert dictum Kenigschwan* Præfectum Penaviensem recurrit, rogando humillimè, ut quemadmodum Feudi paterni, ita & Regiæ benignitatis atque protectionis hæres & successor esset, atque beneficio per Legatos recipiendi feudum gauderet. Dignata est Sacra Regia Majestas precibus hisce **RESPONSO** benignissimo annuere, cujus Tenor est, ut sequitur;

Joannes Tertius DEI Gratia Rex Poloniæ,
Magnus Dux Lithvaniæ, Rusiæ, Prusiæ, Maso-
viæ, Samogitiæ, Livoniæ, Volhyniæ, Kyoviæ,

Cccc 2

Po-

Podoliæ, Podlachiæ, Smolensciæ, Severiæ, Czerniechoviæque, Illustrissimo Principi Domino Friderico Casimiro in Livoniâ Curlandiæ & Semigalliæ Duci, Gratè Nobis dilecto.

Illustrissime Princeps gratè Nobis dilecte. Quemadmodum Serenissimi Antecessores Nostri in ornandâ singularibus beneficiis Illustrissima Domo Illustritatis Vestræ maxima in omni occasione exhibuerunt documenta, ita nunc Nos quoque Illustritatem Vestram pari benevolentia & affectu complectentes, eidem ad præstandum homagium Gratiam expetenti, juxta beneficium à Serenissimis Antecessoribus Nostris concessum, permittimus, ut non in Persona, sed per Legatos suos, cum debitâ fidelitatis tesserâ Homagium duabus ante proximè futura Comitia hebdomadis Varsoviæ, aut ubi tunc cum Curia Nostrâ feliciter constituti fuerimus præstet, & Investituram ritu consveto recipiat. In quorum majorem fidem præsentem manu Nostrâ subscriptas Sigillo Regni, atque M. D. Lithvaniæ communiri jussimus. Dat. Javoroviæ d. Mens. Aug. Anno Domini MDC LXXXII, Regni Nostri IX.

PRO-



*Illustrissimus ac Celsissimus Princeps et Dominus,
Dominus FREDERICUS CASIMIRUS,
in Livonia Curlandia et Semigallia Dux.*





*Illusterrima ac Celsissima Princeps ac Domina,
Domina S.C.P.A.T. A.M.E.T.A. in Sironia Curlandia
et Semigallie Ducissa. Nata Principissa Nassovia. Comitissa
Cacimilivoci, Viandæ, Decie, Samburgæ & Bruckbergæ. Domina
in Bickstein, Sissum, Wylb, Berckelo, Siecktenrood et Wildenburgii.
Banneretta. Hereditaria Ducatus Geldriae et Comitatus Zutphanie.*



PROCESSUS

IN Renovatione Infeudationis & Investituræ Illustrissimi & Celsissimi Principis ac Domini, Domini *Friderici Casimiri* in Livoniâ, Curlandiæ & Semigalliæ Ducis coram Throno Regio Serenissimi ac Potentissimi Principis ac Domini, Domini *Joannis III.* DEI Gratiâ Regis Poloniæ, Magni Ducis Lithvaniæ &c. & per Illustrissimæ Celsitudinis suæ Legatos Excellentissimos, Dominum *Christophorum Heinricum Liberum Baronem de Puttkammer*, supremum Ducatus Præfectum, & Dominum *Dietericum ab Alten Bokum*, supremum Ducatus Marschalcum, supremosque Illustrissimæ Celsitudinis suæ Consiliarios, Varsoviæ die XXV. Mensis Martii Anno MDCLXXXIII, peractæ ac receptæ observatus.

Præfixo à Sacrà Regiâ Majestate ad exsolvendum homagium termino duarum hebdomadarum ante Generalia Regni Comitia die 27. Jan. præterlapsi Anni 1683 indicta, D. D. Legati ponè Varsoviam veniebant, Serenissimumque Regem præstolabantur. Postquam dies 1. Februarii solenni introitui determinatus illuxisset, circa meridiem D. Domini Senatores & Officiales Regni, Magnique Ducatus Lithva-

Cccc 3

niæ

niæ, tum & Serenissimi Regis Sveciæ, atqve Serenissimi Electoris Brandenburgici Consilarii & Residentes, ille Dominus *Simon Döffler*, hic Dominus *Christophorus de VVichert*, rhedas suas ad numerum triginta quinque, ad Curiam Secretarii Regni Majoris, Domini Francisci Prazmowski, Stawkinominatam, mittebant. Postremo etiam obviam venit prædictus Secretarius Major nomine Sacræ Reg. Majestatis, & in Curia ad fores Domus subsistens rhedaq; egressus propensam Regiæ Majestatis voluntatem erga Illustrissimam Celsitudinem Suam denunciabat, ac de adventu DD. Legatorum gratulatus, eos in rhedam Regiam invitabat. Ad hæc Dominus *Baro de Puttkammer* tanquam primarius Legatus respondit, & sic in Curru Regio, à cujus latere uno, Teutonici ab altero Turcici Celeres & Satellites Regii ibant ad Civitatem per aream (in qua Cohors militum Supremi Mareschalci Regni Domini Stanislai Lubomirski solutò vexillò in armis stabat) equitibus plus minus trecentis & rhedis triginta tribus præcedentibus, tribus vero sequentibus Dominorum Legatorum rhedis, cum equis desultoriis, tubicinibus ac equitibus atqve post hos rhedis duabus Dominorum supra dictorum

ctorum Residentum, ad hospitium in suburbio deducebantur. Die quarto ejusdem ad Audientiam privatam vocabantur. Supremus Stabuli, nunc Camerae Regni, Praefectus Dominus *Matczynski* (ægrotante Regni Succamerario) cum aliquot Aulicis in prima Anticamerâ obviam veniens, illos per Marmoream ad proximam Camera deducebat. Serenissimus Rex ad mensam stabat, quem supra allegatus Baro de Puttkammer affabatur, tradebatqve literas credentiales Celsissimorum Ducum tam primogeniti Domini *Friderici Casimiri*, quam postgenitorum, Domini *Ferdinandi*, & Domini *Alexandri*. Sacra Regia Majestas affectum suum erga Illustrissimam Celsitudinem suam declarabat, & de non nullis cum iisdem colloquebatur, donec Praefectus Stabuli Regni Legatos & postmodum Nobiles Legationi additos ad osculum manus Regiae invitabat. Die quinta ejusdem per *Dominum Zatuski* Cancellarium Sacrae Reginalis Majestatis nunc simul Episcopum Kyoviensem ante fores Camerae prioris excepti ad Regialem Majestatem deducebantur, cui negotia Illustrissimae Celsitudinis suae commendabant, & literas Credentiales tradebant, quibus acceptis
Sacra

Sacra Reginalis Majestas benignitatem suam Regiam erga totam Domum Ducalem contestabatur, in primis verò eâ Celsissimam Ducissam, non minus quàm piæ memoriæ Ducissam se complecti asserebat. Eosdem hâc ipsa quoque hora Serenissimus Poloniæ Princeps ad se admittebat. Sequentibus postea diebus Dominos Senatores atqve officiales aggrediendo, ea, quæ ipsis commissa erant, promotioni eorum, more solito committebant, donec prorogatus à Sacra Regia Majestate terminus dies nempe XXV. Mensis Martii, quo, utpotè die Festo Annunciationis Beatissimæ Virginis Consilia Comititalia cessabant, appropinquaret, ubi circa horam primam à meridie Dominus *Łoszyński*, Castellanus Culmensis & Supradictus Secretarius Regni Major in curru Regio ad hospitium Legatorum veniebant, atqve eosdem ad Arcem deducebant. Celeres & satellites Regii tam Germani, quam Turcici à lateribus rhedæ ibant, & non procul ab hospitio Legatorum usqve ad Arcem milites DD. Senatorum & Officialium, tum verò in interiori exterioriqve Arcis area cohortes Custodiæ corporis Regii solutis vexillis (quorum duodecim erant) armatæ stabant, atqve clangore tubarum

barum & tympanorum Legati excipiebantur. Venientibus ad Portam ferream Augustalis Senatorum præfatus Regni supremus, nec non Curia Mareschalci Dominus *Hieronymus Lubomirski*, Principes Romani Imperii, obviam veniebant, & præmissis Curialibus Legatos ad Thronum Regium deducebant, in quo Sacra Regia Majestas sedens conspiciebatur. A dextris Dominus *Joannes Gninski* Vice-Cancellarius Regni, à sinistris Dominus Vice-Cancellarius M.D. Littæ *Dominicus Nicolaus Princeps Radziwill*: Porro ad latus solii à dextris Dominus *Raphael Comes in Leszno Leszczyński* Vexillifer Regni vexillum feudale tenens, à sinistris Dominus *Warszecki* Ensifer Regni districto gladio, stabant. In gradum Throni Regii inferiorem postquam in genua ritu solito procubuerent Legati, Dominus *Liber Baro de Puttkammer* sequentis tenoris verba fecit;

Hoc est illud encomium Nominibus Hominum altius, quod ab Altissimo Regibus tribuitur: *Dii estis*. Inter hos terrestres DEos S. Reg. Majestas Vestra in Throno suo collocata de eâ non aliter, tanquam de cœlo, divite imbre beneficia Regia in terram Suam Sarmaticam, & ejusdem

D d d d

Status

Statûs, membra, Principes hominesque mittit ac demittit. Equidem virtus S. Reg. Majest. Vestræ non patitur, ut aliquid radiis Majestatis & benignitatis Regiæ vacuum reperiat, sed ut omnia divinitate Regia impleantur, virtus Regia Regium esse censeat. Proveniunt autem ex augustissima S. Regiæ Majestatis Vestræ manu nova & vetera beneficia, illa tribuendo, hæc conservando. Utrôque horum hæc vice Illustrissima Domus Curlandica exornatur, dum S. Reg: Majestas Vestra Illustrissimo ac Celsissimo Principi Domino FRIDERICO CASIMIRO, in Livoniâ, Curlandiæ & Semigalliæ Duci, Domino Nostro gratiosissimo clementissimè permittit, per Legatos confirmationem Jurium veterum & Investituram accipere, Homagiumq; debito ritu præstare. Quam Svavitatem Regiæ Gratiæ demissâ gratiarum actione exosculando, flexis genibus per Nos rogat, dignetur S. Reg. Majestas Vestra, tanquam supremus & directus Dominus tenore Privilegiorum & Investiturarum, jura per Serenissimos Reges Poloniæ & Magnos Duces Lithvaniæ ac S. Reg. Majestatem Vestram ipsammet clementissimè concessa, clement-

mentissimè confirmare, Eumqve de omnibus terris, civitatibus, villis, pagis, vicis, arcibus, præ- eminentiis, juribus omnibus & singulis totoqve Ducatu Curlandiæ & Semigalliæ in Livoniâ investire. Quo nomine juxta laudabilem morem in majoribus Feudis receptum per Nos flexis genibus venerabundus ad pedes S. Reg. Majestatis Vestræ provolutus Homagium præstare, & Juramento fidem ac obedientiam per me solennibus verbis obstringere paratus est.

Hiscæ pronuntiatis respondebat supramemoratus Dominus Pro-Cancellarius Regni. Deinde Regia Majestas Feudale Vexillum è manibus Domini Vexilliferi apprehendebat & primario Legato ad manus tradebat, atqve eundem apprehendentem vexillum iis verbis, quæ in Investitura Divi Regis Michaelis superius extant, alloquebatur. Deinde cum liber Evangeliorum (quem Dominus Secretarius Regni Major tenebat) in sinum Sacræ Regiæ Majestatis poneretur, primarius Legatus in Supremo Throni Regii gradu genibus flexis manu sinistrâ feudale vexillum tenens, dextrâ verò super Evangelio posita, juramentum fidelitatis, secundum

Dddd 2

formu-

formulam Juramenti Anno 1639. prælegente eandem Domino Pro-Cancellario, exsolvebat. Quò præstitò Collegæ suo Domino *Dieterico ab Alten Bokum* Vexillum tradebat, & ad inferiorem Theatri gradum in genua iterum procumbens pro Clementissimâ Infeudatione tenore sequentium gratias agebat;

Hic est ille dies solennis, quem S. Reg. Majestas fecit, sed nec dies præsens, nec futura Illustrissimi ac Celsissimi Principis Nostri ætas sufficient de prædicandi laudibus gratiisqve debitis benevolentiam Regiam, quâ S. R. Majestas Vestra eundem tradito hoc Vexillo de toto Ducatu Curlandiæ & Semigalliæ in Livoniâ clementissimè investire voluerit, in quò vexillo Illustrissimus ac Celsissimus Princeps omnem fortunam, honores ac dignitates vehit. Felix tantarum rerum Portitor & Vector, sed felicior alterâ ex parte Illustrissimus ac Celsissimus Princeps Noster, quod in hoc vexillo etiam clementissimum tanti beneficii Datorem & Conservatorem vehat. Vehit enim in hoc vexillo augustissimum nomen JOANNIS Tertii, sacram salutis suæ ancoram, vehit contra omnes infortunii sagittas
sacrum

sacrum S. Reg. Majestatis Vestrae scutum, veriùs, quam ancile Romanorum, de cælo delapsum. Vehit alitem Iovis, qui ad motum Serenissimorum Poloniae Regum expansis & coruscantibus alis sæpe ad ipsos maris Balthici terminos volavit, & Domum Curlandicam texit ac tēgit, vehit Equitem, qui jussu Regum semper adfuit, juvavit & proderit. Vehet autem hoc Palladium & Ancile suum omni venerationis cultu, eaq̃ve fide, quæ, indissolubilior nodo Gordio, quem ferrum solvebat, est, annabit ac perennabit. Patet toti Christianitatis Orbi, quòd Illustrissimus Princeps Noster prætextam gerens in carcere, scholâ illâ ferreâ ab Illustrissimo Suo Parente hanc fidem didicerit & hauserit, quæ pro gloriâ S. Reg. Majestatis Vestrae & bono Reipublicæ nullam calamitatis ferriq̃ve scit timere duritiem, unde Illustrissimus Princeps Noster vitam & quicquid fortunarum S. R. Majestas Vestra tanquam benignissimus Pater nunc in Domo Suâ plantavit, & imposterum plantabit, in honorem S. R. Majestatis Vestrae & inclytæ Reipublicæ consecrat atq̃ve offert, ut sic fide illius homagiali purius aurô inventâ corona gratiæ & protectionis Re-

Dddd;

giæ

giæ in Domo Illius Ducali æternum reposita inveniarur.

Postea sæpè fatus Dominus Vice-Cancellarius respondebat. Quibus finitis Dominus Marschalcus Regni Supremus Legatos ad capiendam Sessionem in Sellis à sinistra Sacræ Regiæ Majestatis in supremo theatri gradu positos invitabat, & Legatus Secundarius *Engelbrecht Taube* Legationis Marschalco Vexillum feudale tradebat. Inter sedendum primarius Legatus juxta pristinam Consuetudinem paululum caput tergebat, mox tamen in honorem Sacræ Regiæ Majestatis iterum denudabat: Aulici verò Ducales, nimirum *Joannes Otto Rappe*, *Felicianus Bukowski*, *Joannes Georgius Collrepp* & *Henricus Vilhelmus Medem*, ut & Secretarius Legationis *Polycarpus Bauer* ad Osculum manus Regiæ vocati admittebantur. Hisce omnibus, DEI auxilio, feliciter peractis Legati adhuc brevibus verbis Regiæ Majestati gratias pro beneficio Celsissimo Ducato egerunt humillimas. Tandem inter congratulationes varias DD. Senatorum, qui Legatis accedentibus, & excedentibus assurgebant, Dominus Regni & Curiæ Marschalci Legatos comita-

mitabantur, sequente proximè & vexillum gerente Mareschalco Legationis, qui postquam ad rhedam Regiam Legati venerant, vexillum prædicto Domino Rappe porrigebat, & sic Legati ex Arce per supra memoratos Dominos Castellani ac Secretarium Majorem eâdem solennitate, quâ deducti fuerant, (nisi quod Vexillum feudale proximè ante currum dictus Rappe Eques ferebat) per Civitatis aream & suburbium ad hospitium, ubi tubicines & tympanistæ Regii tympanorum & tubarum hilari clangore illos excipiebant, deducebantur. Finitis feliciter Comitibus, Sacra Regia Majestas, uti antehac multum pro bono publico curis, ita posthæc aliquid dedit lætitiæ, atq̃ve in Palatio ad Villam novam Convivium celebravit, ubi exhibuit

Qualia purpurei comedunt obsonia Reges.
Dabatur etiam honos ibidem comparendi Legatis Curlandicis, Primum locum occupabat Augustissimi Imperatoris Orator Dominus Comes de *Waldstein*, alterum Serenissimi Electoris Brandenburgici Legatus Dominus de *Crocau* Consultarius statûs intimus, proximè Domini Legati Curlandici, & deinde D.D., Senatores assidebant.

Ad

Ad materiam de Ceremoniis Investituræ adjungo Reversales à Divô Rege Michaelē primâ vice & à Majestate nunc Regnante bis datas.

Joannes Tertius Dei Gratiâ Rex Poloniæ, Magnus Dux Lithvaniæ, Russiæ, Prussiæ, Masoviæ, Samogitiæ, Kyoviæ, Volhyniæ, Podoliæ, Podlachiæ, Livoniæ, Smolensciæ, Severiæ Czerniechoviæq.

Significamus præsentibus literis Nostreis, quorum interest Universis & singulis. Misisse ad Nos pro Terminò recipiendæ Investituræ assignato Illustrissimum Principem, Dominum Fridericum Casimirum in Livoniâ Curlandiæ & Semigalliæ Ducem, Legatos suos Generosos CHRISTOPHORUM HENRICUM LIBERUM BARONEM de PUTTKAMMER, Supremum Ducatus Sui Præfectum, & DIETERICUM ab ALTEN BOKUM, Supremum suum Mareschalcum, supremosq; Consiliarios Ducatus sui Curlandiæ, & quoniam Nos in hoc Actu Homagii more veterum Investiturarum Regalia indutos, Coronâq; homagiali redimitos esse, certæ non permiserunt Legalitates, declarandum censuimus, declaramusq; hisce literis Nostreis, quod Actus hic nihil receptæ consuetudini & solennitati infeudationis ex pacto & providentiâ præjudicare, nec pro exemplo aut præjudicato in futuris, DEO dante, Homagiis reputari poterit.

terit. In cujus rei fidem præsentis manu Nostrâ subscriptas, Sigillis Regni & M. D. Lithæ communiri iussimus. Datum Varſaviae d. XXV. Mens. Martii Anno Domini M DC LXXXIII. Regni Noſtri IX. Anno.

(L.S.)

Majoris Regni.

Chriſtophorus Taranowski,
Cracoviens. Varſaviens. Canonici,
Sacra Regia Majestatis Secretarius.

(L.S.)

Minoris M. D. Litt.

Holownia,
Sacra Regia Majestatis
Secretarius.

Ut Celsissimus Dux notum redderet, se non modò ab Antecessoribus suis Genus, sed etiam Generositatem, quæ in iis semper enituit, ducere, ex speciali erga Sacram Regiam Majestatem & Rempublicam promptitudine ac Zelo in rem Christianam, certum Dimachorum optimè instructorum numerum contra Turcas suppeditavit. Quam benevolæ alacritatis tesseram Sacra Regia Majestas non gratò tantum animò excepit, sed & Reversalibus cavit, quod in præjudicium & sequelam trahi non debeat;

Eccc

Joan-

Joannes Tertius Dei Gratia Rex Poloniae, Magnus Dux Lithvaniae, Russiae, Prussiae, Masoviae, Samogitiae, Livoniae, Volhyniae, Kyoviae, Podoliae, Podlachiae, Smolensciae, Severiae, Czerniechoviae. Significamus praesentibus literis Nostreis, quorum interest universis & singulis. Quam ratione pertinax Orientis potentia, quae funestam Hungariae cladem, toti Christianitati ruinam & interitum minabatur, nos invitaverit cum Regni Ordinibus ea Consilia inire, quae avertendi hujus ictus prodesse possent. Cum verò se opponendi tam ingenti Potentiae aegrè sufficeret una manus communem periculum commune auxilium requireret, requisivimus ab Illustrissimo Principe Domino Friderico Casimiro in Livoniâ Curlandiae & Semigalliae Duce, ut cum Nobilitate suâ certa Nobis auxilia ferret, non defuit ad propositiones Generosi Gielgud Notarii M. D. Lithvaniae Aulici Nostri ore & in scriptis factas clementissimis postulatis Nostreis Illustritas sua cum tota sua Nobilitate Curlandicâ, Semigallicâ, & Piltenfi, dum certum numerum militum optime munitorum cum sustentatione unius anni, computanda à Mense Septembre praeterlapsi Anni ad Castra Nostra mittere Literis suis promisit. Nos hanc declarationem non solummodò bene volo affectu amplectimur, verum etiam pro Nobis & Serenissimis Successoribus Nostreis, totaq; Republica ex Senatus Consilio, verbo No-
stro

stro Regio cavemus, quod promptitudo ista, quam Illustritas sua & Ordo Equestris, extra pacta, quibus ad Vasallagium & servitia intra fines Ducatus solummodò præstanda obligantur, in mittendo milite declaravit, & juxta declarationem præstabit, Pactis conventis nihil derogare, nec quocunq; tempore pro imponendo, vel exigendo aliquo Pactis & asssecurationibus minus conformi onere à quoquam in sequelam & præjudicium trahi debeat, quin potius omnia sua Privilegia, Pacta, immunitates, ac libertates sartas tectasq; conservamus, Illustritatemq; Suam cum Universo Ordine Equestri, seu Nobilitate Ducatus & Districtus Piltensis, ab hocce ex propensâ voluntate in præsentis Reipublicæ periculo promptissimo ac omni pactis minus conformi onere post hæc liberos & immunes esse, nec quidquam extra Pactorum tenorem exigere, aut imponi debere Verbo Nostro Regio pro Nobis & Srenissimis Successoribus Nostriis promittimus & cavemus. In cujus rei fidem præsentis manu Nostra subscriptas Sigillo Regni & M. D. Lithvanicæ communiri jussimus. Dat. Jarovoræ in Russiâ d. XX Mens. Junii A. 1684. Regni Nostri XI.

Joannes Rex.

(L. S.)

*Minoris Regni,
Stanislaus Szezuka,
Pocillator Vifnens. Regens
Regni Cancellaria.*

(L. S.)

*Majoris M. D. Litt.
Alexander Janowski,
Thesaurarius Staroduboviens.
Regia Majest. Secret.*

Eccc 2

IN-

INDEX.

INDEX.

A.		pag.	
<i>Abdicatio Vladislai Lasconogi</i>		<i>Cardinalatum Spirituales</i>	
pagina	6	<i>ambire non debent</i>	129
<i>Joannis Casimiri</i>	7. 8. & plur.	<i>Cecilia Renata coronatio</i>	59.
<i>Academia Cracoviensis</i>	212	<i>Cancellarii</i>	143
<i>Accisa</i>	225	<i>Castellani</i>	137.
<i>Advocacia</i>	219	<i>Carolus Ferdinandus Princeps</i>	
<i>Agraria Contributio</i>	224	<i>Polonia</i>	158
<i>Alternata Senatorum nonnullorum</i>	125	<i>Capitanei</i>	170
<i>Appellatio Gracorum</i>	398	<i>Capitatio</i>	224.
<i>Artilleria Magister</i>	243	<i>Cataphracti Milites</i>	236
<i>Arriani</i>	211	<i>Capturalia Judicia</i>	30. 437.
<i>Armeni</i>	211	<i>Cameneccia</i>	552
<i>Archi-Episcopus Gneznenfis</i>	43.	<i>Cera rubra</i>	470
	56. 130. & seqq.	<i>Civitates</i>	202
<i>Archi-Episcopus Leopoliensis</i>	49	<i>Cosaci Zaporoviani</i>	158. 245.
<i>Aureum Vellus</i>	57	<i>Coronationis locus</i>	41
<i>Auxilia ab Imperatoribus</i>	254	<i>modus</i>	50
B.		<i>Constitutiones</i>	3
<i>Bellum</i>	227	<i>Colloquia. sive Termini Generales</i>	463
<i>Brandenburgica Copia auxiliares</i>	487	<i>Chmielnicius</i>	247
<i>Bokum Legatus Curlandia</i>	571. 573	<i>Comitia</i>	124
<i>Bytan</i>	489	<i>paludata</i>	186. 187
<i>Bydgosciensis Pacta</i>	484	<i>extraordinaria</i>	153
C.		<i>Comitiola</i>	175. & sequ.
<i>Casimirus Magnus Legas introduct</i>	2	<i>Pruthenica</i>	179
<i>Candidati Regni</i>	37	<i>Relationum</i>	201
<i>Casimiri Regis Exequia</i>	4	<i>Contributionum Exauctores</i>	185
		<i>Cracovia</i>	29. 55. 203. 473. 475
		<i>de Croy Dux</i>	488
		<i>Curlandia Incorporatio</i>	511
		<i>Czarn-</i>	

INDEX.

Czarnkowski Coadjutoria Gnez-		Exorbitantis	35
nensi abjudicatur	220	Exercitus Deputati	197
Czerniechovia	554	Expediitio Generalis	229.
Cujaviensis Episcopi prerogati-		F.	
va	44.	Fisci causa	405. 406.
D.		Fadera	251.
Dani	244	Forma Reipublica Polona	555.
Dantiscum	202. 480. 481	Fridericus Curlandiae Dux	500.
Depositiio Ducum & Regum	23	Frider. Casimiri Ducis Curlan-	
Donativum	225	die Investitura	572. 573. & seq.
Lithvanicum ex bonis Regiis	242	Fœdus cum Venetis	169.
Duces Exercituum	164	Fridericus Tertius Dania Rex	254.
Duella	249		255
Ducum Exercitus Judicia	436	Fumalis collecta	225.
Ducatus Lithvanie	476	G.	
E.		Gamratus	128.
Electiionis occasio	6	Generalis Majoris Polonia	471
Comitia	32	Minoris Polonia	474
Locus	32	Gothardus primus Dux Curlan-	
Modus	39. 157	die	495
Eleonora Regina Coronatio	59	Gninski Pro-Cancellarius	498.
Provisio	60		515. 559.
Elbinga	202. 480.	H.	
Electo Brandenburgicus	254	Henricus Valesius	24
Episcopus Cracoviensis	134	Hæredum Titulis se Reges abdi-	
Cujaviensis	135	carunt	27
Culmensis	136	Hofius	128
Livonia	137	Horodniczi	174.
Plocensis	135	I.	
Posnaniensis	135	Joannes Albertus Episcopus	
Varmiensis	135	Cracoviens.	220
Vendensis	136	E c c c 3	
Equites de Dobryn	495		Ja-

INDEX.

Jablonowski Dux Campestris		K.	
<i>declaratur</i>	166	Kaptur	29.30
Jacobus Dux Curlandia 501 & seq.		Kyovia	363
Indigena	152	Kmetones	204.
Inducia cum Regno Suecia	339		
Insignia Regni	50	L.	
Interregnum	28. & plur.	Lauenburg	489
Investitura Curlandica Process	527	Lectus secundus deponitur	23
Juris Polonici Origo.	1	Legati	393
Jus Teutonicum	2	Summi Pontificis	397
Jura quomodo condantur	2	tempore InterRegni	35.36.
Juramentum Senatorum	139	Legati Nati Titulus	131
Cancellariorum	148	Leopoldus Imperator auxilia	
Marescalcorum	142	mittit	254
Thesaurariorum	149	Leopolis	479
Judicia	396	Leszczynski Joannes	145
Castrensis	459	Lex sumptuaria	204
Capitanealia	465	Lignicensis Dux sepelitur	41
Capturalia	30.34.35	Lothicus deponitur	24.
Civitatensis	467		
Commissorialia	465	M.	
Compromissorialia	467	Manumissionis modi	205
Comitialia	399	Mareschalli	140 150
Ecclesiastica	397	Districtuum in Lithuania	173.
Lese Majestatis	400	Comitiarum Electionis	33
Marschalcalia	435	Marschalcalia Judicia	435
Peculatus	402	Marieburgensis Procurator	480
Perduellionis	401	Masovia	494
Palatinalia	464	Michael Rex	553
Relationum & Assessorialia	404	Ejusdem Exequia	14
Succamerarialia	463	Micislus Tercius Principatu	
Terrestria	437	deturbatur	24
Pruthenica	483	Maciovius Cancellarius & simul	
Judiciorum Ordinatio 406 & seq.		Episcopus Gracoviensis	144
Juramentum Regis	556.	Milites	236
		Equestres	239. & seq.
		Pedestres	

INDEX.

<i>Pedestres</i>	242	<i>Podlachia</i>	553
<i>Eorundem collectio</i>	243	<i>Polonia Major</i>	469
<i>Moscovitici Tractatus</i>	354.384.389.	<i>Minor</i>	473
<i>Morofini Legatus Venetorum</i>	570	<i>Pomerania</i>	481
N.		<i>Posnania</i>	203.471
<i>Nobilitas</i>	151 & seq.	<i>Protestatio</i>	198
<i>Ejusdem cognitio</i>	402	<i>Provincia</i>	468
<i>Nuntii Terreſtres</i>	184. & seq.	<i>Proviſor Arcis Cracoviensis</i>	475
O.		<i>Prussia Regalis</i>	480
<i>Oeconomiar. Reviſores ſub In-</i>		<i>Ducalis</i>	484
<i>terregno</i>	32.	<i>Pruthenorum Expeditio</i>	234
<i>Officiorum Distributio</i>	215. 216	<i>Puttkammer</i>	515. 527 & seq.
<i>Officiales Senatorii Ordinis</i>	140	<i>Puttkammer Legatus Curlan-</i>	
	& seqq.	<i>dia</i>	573. 574.
<i>Regni & M.D. Lithuaniae</i>	163. 167	Q.	
<i>Palatinatum & Terrarum</i>	168	<i>Quartianus miles</i>	236.
	169	R.	
<i>Caſtrenſes</i>	174	<i>Rakocius</i>	254
<i>Ogiński Cancellarius Lithua-</i>		<i>Radziwiłł Georgius primus in</i>	
<i>nia</i>	566	<i>Lithuania Cardinalis</i>	130
<i>Ordo Aurei Velleris</i>	57	<i>Chriſtophorus</i>	164
<i>Ordo Spiritus Sancti</i>	559 & seq.	<i>Nicolaus primus Dux perpe-</i>	
<i>Ordines tres Polonia</i>	5	<i>tuus militia</i>	165
<i>Oswiecimensis Ducatus</i>	473	<i>Boguslaus</i>	488
P.		<i>Ravensis Arx</i>	471
<i>Paſſa</i>	251 & seq.	<i>Referendarii</i>	163
<i>Induciarum ſex annorum</i>	339	<i>Regina</i>	58
<i>Olivensis</i>	285	<i>Ejus inauguratio</i>	59
<i>Cum Domo Austriaca</i>	256	<i>Moderna Reformatio</i>	61
<i>Cum Moſchis</i>	354	<i>Reginae viduae condolentia ab Or-</i>	
<i>Paſſa Conventa</i>	196	<i>dinibus ſit</i>	29
<i>Palatini duodecim</i>	139	<i>Regia Domus</i>	62
<i>Piltensis Diſtrictus</i>	514	<i>Religio</i>	208
		<i>Catholica</i>	209
			Diffi-

INDEX.

<i>Diffidentium</i>	209	<i>Succamerarii Pruthenici</i>	482
<i>Restium litera</i>	230	<i>Surrogatores</i>	171
<i>Reversales pro immunitate Cur-</i>		T.	
<i>landia</i>	502	<i>Tabaci monopolium</i>	226
<i>Rex</i>	5	<i>Tartari</i>	252
<i>Ejus mors</i>	6	<i>Eorum donativum</i>	252
<i>Electus</i>	40	<i>Terrestre judicium</i>	437
<i>Ejus matrimonium</i>	58	<i>Tbesauri revisio</i>	31. 32
<i>Rosa Archi-Episcopus</i>	129	<i>Tbesaurarius</i>	149
<i>Rutheni sive Graci uniti & non</i>		<i>Thornium</i>	202
<i>uniti</i>	211	<i>Tivuni</i>	173
<i>Russia</i>	478	<i>Traba Primatis titulum obli-</i>	
<i>Rustici</i>	204. 205.	<i>nuit</i>	49
S.		<i>Tribunalia Regni & M. D. L.</i>	418
<i>Sal</i>	162	<i>& seqq.</i>	
<i>Samogitia</i>	496	<i>Tbesauri</i>	432 & seqq.
<i>Scopus Reipublica Polona</i>	555	<i>Tributa</i>	223.
<i>Severia</i>	473. 554	V.	
<i>Scepusiensis Comitatus</i>	474	<i>Vacantia</i>	195
<i>Sandomiria</i>	474	<i>Varavia</i>	187
<i>Senatus Consilia</i>	195. 196.	<i>Vestigalia</i>	223. 226
<i>Secretarius Major</i>	163	<i>Venatio</i>	395
<i>Schäffgöisch Legatus</i>	54	<i>Vilna.</i>	203 478.
<i>Senatores Residentes</i>	125. 126.	W.	
<i>finis Regni non egrediun-</i>		<i>Waldenstein Legatus Impera-</i>	
<i>tur</i>	127. 128	<i>toris</i>	567
<i>Sepultura Regum</i>	41. 42	<i>Wielopolski Cancellarius</i>	147
<i>Sigismundus Augustus pro Suc-</i>		<i>Wismouviecki</i>	166
<i>cessore declaratur</i>	27	<i>Wilhelmus Dux Curlandia</i>	500.
<i>Skalka Casimiriana</i>	42	Z.	
<i>Smolenscia</i>	554	<i>Zatoriensis Ducatus</i>	473
<i>Statuta</i>	3	<i>Zierovuski Minister Imperas.</i>	255
<i>Sucessio</i>	26	<i>Zotkievski</i>	165.
<i>Succamerarius Regni</i>	166		Errata

ERRATA.

ERRATA Typographica.

- P**ag. 7. lin. 22. pro Moscovi-
tium lege Moscoviticum.
Pag. 10. l. 9. pro antequam, anti-
quam.
Pag. 14. l. 21. pro insolido, lege in-
solito.
P. 18. l. ultima pro pravertero,
pravertere.
P. 24. l. 9. pro erat, esset.
Pag. 29. l. 5. pro conclavio, con-
clavia.
Pag. 60. lin. penult. pro buovis
quovis.
P. 84. pro neptis, nepte.
P. 88. post VVisniovvicc adde à
P. 100. pro Buin, Bnin.
P. 128. l. 15. pro Hosi Hosu.
P. 136. l. 21. pro Episcopatu, Epi-
scopatui.
P. 147. loco Cancellarius, Cancel-
larium.
P. 154. l. 11. pro spectat, spectet.
P. 162. l. 7. pro Bochneri, Boch-
nensibus.
P. 189. l. 3. pro Senatorii, Senato-
rum.
- P. 192. l. 2. pro Regiam, Regium.
P. 194. l. 1. post suum, deleatur
comma.
P. 195. l. 21. pro Palatinatu, Pala-
tinatibus ibid. pro consigna-
tur, consignantur.
P. 220. l. penult. pro imita, irrita.
P. 230. l. 8. pro Czkovius, Ciko-
vius.
P. 237. l. 7. & 8. pro florenos,
floreni, ibid. l. 13. post 8. adde
computando.
P. 241. l. 19. pro à, o
P. 242. l. ult. pro Hayducii Hay-
duci.
Pag. 244. lin. 12. loco per. lege
post.
P. 245. l. 7. pro Korzeniensi,
Korzenievski.
ibid. l. 13. pro Trzebachows-
ki, Trzebuchowski.
ibid. l. 20. pro czayby lege
Czayki.
ibid. l. antepen. pro Slavani-
ca, Slavonica.
ibid. l. penult. pro Chodziacii,
Chodzacji. pro Cozacii lege
Cosaci.

F fff

P. 247.

ERRATA.

P. 247. l. 1. pro <i>Aumurates Amu</i> <i>ratbes.</i>	P. 439. lin. 6. loco <i>Sandii Sadii.</i> <i>ibid.</i> lin. 12. loco <i>VVschowiens.</i> <i>lege VVschovens.</i>
P. 249. l. 20. pro <i>Parobi, porobi.</i>	P. 511. l. 2. pro <i>Trabeciana, Tru-</i> <i>beciana.</i>
P. 252. l. 24. lege (<i>Upominki</i> <i>Tatarskie</i>)	P. 514. l. antepenult. pro 1670. 1679.
P. 274. l. 3. pro <i>corceatur, coër-</i> <i>ceatur.</i>	P. 520. l. 2. pro <i>negotiis, Comitibus</i> <i>ibid.</i> l. 21. pro <i>salva, salvo.</i>
P. 283. l. 21. post <i>Regni adde &.</i>	P. 531. l. antepenult. pro <i>excipit,</i> <i>excepit.</i>
P. 294. l. 8. pro <i>Svecie lege Svecica.</i>	P. 532. pro <i>Leszczynski, Le-</i> <i>sczynski.</i>
P. 302 l. 5. pro <i>exorta, extorta.</i>	P. 553. l. 15. pro <i>Trobicynensem</i> <i>lege Drohicynensem.</i>
P. 319. l. penult. pro <i>infesta, infessa.</i>	P. 554. l. 9. pro <i>Czesniehoviam,</i> <i>Czerniehoviam.</i>
P. 354. l. 10. pro <i>Ilebowicz, Chle-</i> <i>bowicz.</i>	P. 561. l. 13. pro <i>cessum, sessum.</i> P. 565. l. 16. pro <i>Anni, Anno.</i> P. 576. l. 17. pro <i>n, in.</i>
P. 363. l. 4. pro <i>Graca, Gracam.</i>	
P. 365. l. 9. pro <i>externis, ex terris.</i>	
P. 387. loco <i>diferemus, differre-</i> <i>mus.</i>	
P. 417. lin. 22. loco <i>ignorantia</i> <i>ignorantiam.</i>	
P. 384. pro <i>Radzini, Kadzini.</i>	





S Exdecimum numeras annum, quo te
tener Aula

Regia Lechiadum, spatium sat grande
morarum!

Quis numeret, vidisse Tibi quos contigit actus?
Et casu miro Rerum moderamina poni,
Et dum magnanimo consensu, libera Regem
Gens vocat, aut sacro diademate Tempora cin-
git,

Et Regnatura Leges, Conventaq; Pacta
Format, ut Imperii rectè moderetur habenas
Seu cunctis junctim, seu lectâ parte Senatûs
Consultitur, seu dum revolutæ tempore Leges
Judicis expectant suprema oracula Regis.
Cuncta hæc hausisti curioso lumine Frater
Atque ideò promptum est, facili signare Minervâ
Quæ Patriæ Leges, & quæ fundamina Regni,

)a(

Quis

Quis Pacis, Bellive modus, quàm Sacra Polonis
Summi Majestas capitis, Patrumq; Senatûs
Auctoritas, & par libertas, Jusqve Quiritum?
Quàm bene convenient varia hæc, & in Ordine
trino

Ordo bonus, concors mens, & sententia cunctis
Una sit? Exercent dignam meditamina docta
Mentem, materies plausum dabit inclyta cœptis.
Juraqve magnanimæ dum scribis publica Gentis,
Publica conatus generosos fama sequetur,
Nomine quamve geris, laus ampla, & gloria fa-
mam

Addidere libro, quem nunc vicibus repetitis
In lucem mittis, pondusq; decusq; JOANNIS
Herois Mundi, feliciter, Orbe stupente
Gesta, dedit toties hostili corpore Thracum
Largiter emissus, succum, quo charta nigrescit
Nunc Tua, quove olim rubuerunt flumina, san-
guis.

His igitur tantis Augusti Principis Actis
Crevit opus, crescet quoqve fama, quousq;
Sol erit, & cœlum rutilantia fidera pascet,
Semper honos, Nomenqve ejus, Laudesqve ma-
nebunt,

Ipfa

Ipsa domi cuius sub Nomine Gratia regnat,
 Hostibus ipsa foris Virtus facit esse verendum.
 Hunc superi longos Patriæ servate per annos!
 Sic Ejus certè auspiciis Respublica nostra
 Imperium Terris, animos æquabit Olympo.
 Te verò Frater, cuius mansura per ævum
 Inclyta gesta canis, pretium non vile laborum
 Expectat, Magni certissima gratia Regis,
 Nec non, Gentis honos, cui scribis Publica Jura
 His fretus, partire Tuas tandem optime Frater
 Curas, sit curæ stabili sibi jungere vinclo
 Quâ Tibi dulcescant longævæ tempora vitæ.

*Ita Fratri suo germano Juris Publici secundam
 Editionem publicanti applaudebat*

Joannes Georgius de Chwaſkowo
 Chwaſkowski.

Sr. R. Majest. Aulicus Camerae & Sereniss.
 Marchionissæ Brand, Commissarius.

Dum Patriæ nostræ virtus viresq; resurgunt
 Sub clypeoq; Tuo gloria prima redit
 MAXIME REX, ac dum devinctus publicat
 Orbis.

Quod nunquam bello & pace JOANNE fuit
 Major






*Major: tum quivis ter fortunatus habetur
Subditus, & tantum vivere sufficiens.
Prosperior tamen est, qui tunc vel Marte vel arte
Virtutis clarum ferre potest specimen.
Et melius nunquam tractari PUBLICA JURA
Regni, quàm justò Rege regente, queunt.*

*Samuel de Chwałkowo Chwałkowski,
Capitaneus Drahimensis.*


T*U Patriæ Nostræ tractasti publica Jura
Primus, non tamen es, gloria prima Domus.
Serviit hæc dudum Patriæ, Malewscia virtus
Haud filet, claris juncta Bilatoviis,
Sunt Kobielnici, Błozeiovrzsci, ac Lymbiatowsci,
Ast hi scribendi posthabuere modos,
Egregiis factis contenti, hinc Tibi prima
Gloria debetur, non moritura tuos
Inter Majores, Patriæ quòd scribere calles,
Hinc laudes scribent postera sæcla Tuas.*


*Generoso Domino Autori
meritò apposit,
Andreas Gregorius de Obori Oborski,
Eq. Pol.*











Lb. kw 284620

Prace
i część sw
woliwey, czy
z wyznaczenia
z kr

Biblioteka Jagiellońska



stdr0009701

